

UTL AT DOWNSVIEW



D RANGE BAY SHLF POS ITEM C
39 15 23 05 06 001 8

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

BP
166
.4
C48
1874


Cevdet Ahmet, paşa
Kisas-i enbiya ve teva-
rih-i hulefa

1388

8a/75



Digitized by the Internet Archive
in 2011 with funding from
University of Toronto




Cevdet Ahmet, paşa.

Kıssa-ı enbiyā ve tevā-


rih-i [قصص الانبياء]

hulefā [وتواريخ خلفاء]



[[ارضاء احمد جودت]]





✽ قصص انبيا عليهم السلام ✽

✽ بسم الله الرحمن الرحيم ✽

✽ قصه آدم عليه السلام ✽

اللهم اني حضرت تری عالمی یوقدن وار ابتدی و آدمی
طایق یوقدن یاراتدی
سجده آدمک جسدینه روح و یردی واکا سجده ایدیکز
دیوملسکله بیوردی

هپ ملسکر حضرت آدمه سجده ایلدی . فقط ابلیس
کبر و حسدنندن ناشی سجده ایتدی
بونک ایچون حضور حقندن مطرود و ملعون اولدی .
و کندوسنه شیطان رجیم ذیلدی . بوسیدن اودخی
آدمه دشمن اولدی


BP

166

.4

C48

1874



اندن صکره حق تعالی حضرتلری حوایی یاراتدی .
و حضرت آدمه اش ابتدی

ایکیسنی دخی جناب حق جنته قویدی ویکز ایچکز لیکن
شواغاچه یافلاشمیکز دیدی

شیطان ایسه بر تقریله جنته کیردی و آدم و حوایانه
واردی و انلره وسوسه و یردی . ربکز سزی اول اغاجدن
نیچون نهی ابتدی بیاورمیسکز اگر سزاندن بر ایسه کز
ارتق سزک ایچون اولوم اولماز مؤبد ا جنته قالور سکز
دیه رک ابتدا حوایی وانک واسطه سیله آدمی آلدادوب
ایکیسنه دخی اول اغاجک میوه سندن یردی

بونک اوزرینه باری تعالی حضرتلری جله سنی جنتدن
چیقاردی و بر یوزینه ایندردی . آدم هند طرفنه
و حواجدهیه دوشدی

آدم چوق اغلادی و جناب حقه یالواردی نهایت
جناب حق انک توبه سنی قبول بیوردی . و مکّه طرفنه
کیت دیو و حی کوندردی . آدم علیه السلام دخی
اورایه کیدوب حوا علیه السلام ایله بولشدی . اندن
صکره سارناس انلردن اوره دی و نیچه قوملر و صنف
صنف انسانلر توره دی

شیطانک دخی ذرینی چوغالدی . و آدمک اولاد
واحفادینی از در مق ایله مشغول اولدی

حضرت آدمك وفاتندن صكره پيغمبرلك اوغلى شيت
عليه السلامه كلدى وجانب حقندن اكا اللى صحف نازل
اولدى . كعبه بي ابتدا طاشدن شنايدن اودر

❖ قصه ادریس علیه السلام ❖

حضرت شیتدن صكره پيغمبرلك ادریس عليه السلامه
كلدى واكا - خى اوتوز صحف نازل اولدى
ابتدا قلم ايله يازى يازان والسه ديكن اودراندن اول آدم
اوغلاری حيوان دريسى کيبردى

ادریس عليه السلامه کوکلرک اسراری آچلمشیدی
نهایت جناب حق انی دیری ایکن کو که قالدردی

❖ قصه نوح علیه السلام ❖

حضرت دریس کو که چکله کدن صكره آدم اوغلاری
طوغری بولدن آیرلدیلر وبتلره طاپار اولدیلر . جناب
حق انلره نوح علیه السلامی کوندردی

حضرت نوح نیجه یلار قومنی توحیده دعوت ایلدی
يانکزا اوغلاری سام و حام و يافث ايله قاريلری وديکریک آز
کسنه لرايمان ايدوب ساری قولاق اصمى حتى کندوسنک
يام نامنده براوغلى دخى ايمانه کلدى

نوح عليه السلام قومنه نصيحت ايندیکجه انلراکا جور
واذا وانی تحقير واستهزا ايدردی

نهایت کند و سینه یأس کلدی وانلره بدعا ایتدی .
دعاسی مقبول اولدی و کی یاب دیوالله طرفندن کند و یه
وحی کلدی

حضرت نوح قیرده و صودن اوزاق بر محله کی یامغه
باشلادی قومی اورادن کچر کن انکه اکلورلردی و پیغمبر
ایده دولکر اولدک دیرلردی اودخی خوشمندی بزده
سزکه اکلورز دیر ایدی

کی بتدی طوفان علامتلی ظهور ایتدی حضرت نوح
مؤمنلر ایله کی به بندی و هر نوع حیوانلردن بر چفت
آلدی

هر طرفدن صویوز بدی حضرت نوح اوغلی یامی دخی
کی به دعوت ایدی . بن طاغنه چیقار قور تیلورم دیو کی به
کیرمدی . بو کون اللهک مر چشندن بشقه صیغنه جق
بر یوقدر دیو حضرت نوح نصیحت ایدر کن اریه بر طاغنه
کیردی یام بوغلدی

باباق بو یا حضرت نوح مکدر اولدی نه چاره که جناب حق
جمله مشرکلهک هلاکنی اراده بیورمشیدی یام دخی
مشرک اولدیغندن انلره قاتلدی

طوفان هر طرفی قاپلادی صوطاغلری آشدی بر یوزنده کی
انسانلر و حیوانلر هپ تلف اولدی
اول حالده نوحک کیسی طاغلر کی بویک طاغله لاره سنده

یوزردی ایشته بووجهله طوفانک حکمی التی آی قدر
سوردی صکره اللهک امریله یاغورلرک ارقه سی کسلدی
وصول چکلدی

کمی جودی طاغنک اوزرینه اوتوردی وکیده کیلر
سلامت بولدی عالم بر بشقه عالم اولدی
اندن صکره ناس حضرت نوحک اوج اوغلندن اوردی
انک ایچون نوح علیه السلامه ا یکنجی آدم دنیلدی
عرب و فرس و رومک باباسی سام و سودان خلقنک باباسی
حام و قبائل ترکک باباسی یافث در

آدم اوغلاری بویله برینوک بلا کور مشیکن صکرهینه
آزیتدیلر و بوللرینی صاپتدیلر توحید باری بی اونوتدیلر
بتلره طاپدیلر نته کیم تفصیلاتی اشاعیده بیان اولنه جقدر

❦ قصه نو و علیه السلام ❦

طوفاندن صکره بمن دیارنده حضرموت جوارنده احقاف
دنیلان یرده عاد قومی ظهور ایتدی
اول حوالی بی معمور ایتدیلر و کوزل بنار یاپدیلر لکن
طوغری یولدن صاپدیلر و بتلره طاپدیلر
جناب حق انلره هود علیه السلامی کوندردی ایچلرندن
پک آز کسندلر ایمان ایلسدی ساری شرک و ضلالتده
قالدی

الله تعالیٰ حضرت تیری انلری شدتلوروز کارایله هلاک ایلدی
حضرت هودایله اکا ایمان ایدنلر بریره چکیلوب قورتلدی

❖ قصهٔ صالح علیه السلام ❖

عاقومندن صکره شام ایله حجاز ارسنده حجر دنیلان
محمده نمود قومی ظهور ایلدی
انلر دخی طاغیری دلایلر طاشلری او یدیلر غایت محکم
اولر یایدیلر و طریق حقدن صایدیلر
جناب حق انلره صالح علیه السلامی کوندردی اودخی
قومنه بیوک معجزه لر کوستردی
ایچلرندن پک ازکسنه ایمان ایتدی سائرلری ایمانه کلیوب
کفر وضالانده قالدیلر
نهایت کو کدن بر صیحه کادی جمله سی هلاک اولدی
حضرت صالح ایله اکا ایمان ایدنلر مکه یه واروب انده
عبادت ایله مشغول اولدیلر

❖ قصهٔ ابراهیم علیه السلام ❖

نوح علیه السلامک اولادی ابتدا عراق دیارنده ساکن
اولشلر و فرات نهرینه قریب محمله بابل شهرینی
یاغشلر ایدی
صکره ایچلرندن بر طائفه آیریلوب دجله کنارنده وشمیدی

موصول دیدیکم شهرک فارشویقه سنده نینوا شهرینی
بنا ایتشلرایدی

بابلک قدیم اهایسی اولان نبط قومی سریانی لسانی
سویله وچوق وقت بابل پانخت ایدوب اورادن
هر طرفه حکم ایلرایدی

صکره نینواده ظهور ایدن دوات آتوزیه غالب کلدی
و نینوایی پانخت ایدوب بابل دخی اورایه تابع اولدی
مؤخر ا باباده کلدانی طائفه سی قوت بولمش و نبط قومک
علوم و معارفنه وارث اولمشدر

بابل اهایسی پیشنده صابئه دینی ظهور ایتشیدی که
ییلدزلره طا پارلردی جناب حق انلره ابراهیم علیه السلامی
کوندردی و اکایکرمی صحف ایندرنی

حضرت ابراهیم قومی توحید دعوت ایتدی اینانم قلدندن
بشقه ملک بابل اولان نمرود آتی آتسه آتدی

الله صاقلادی آتش یاقدی . ابراهیم علیه السلام
سلامته ایردی . و بعضیلر بو معجزه بی کوروب اکایمان
کتوردی

حضرت ابراهیم و منلر ایله برابر شام دیارینه هجرت ایتدی
و مصره کیتدی صکره کنعان ایلنه کلدی انده ساکن
اولدی

❖ قصه 'اوط علیه السلام' ❖

حضرت ابراهیم قرنداشی اوغلی اولان لوط علیه السلام که
انکله برابر بابل دیارندن شام یقه سنه یکمیشیدی سدوم
ناحیه سنه مبعوث اولدی

بوناحیه نك اهاالیسی ایسه اهل کفر و فجور ایدی یواسیز
کیدرلردی و هجج بر قومک یامدبغی فحشباتی اجرا
ایدرلردی

حضرت لوط انلری طوغری یوله دعوت ایتدی دگله مدیلر
و چرق نصیحت ایتدی قبول ایلمدیلر

جناب حق دخی انلرک باشنه طاش یاغدردی و همده
زلزله ایله کویلرینک التی اوستنه کتوردی

جمله سی هلاک اولدی یا لکزلوط علیه السلام اهل بیتله
کیجه این یچلرندن چیقوب قورتلدی

❖ قصه 'اسماعیل و اسحق علیهما السلام' ❖

حضرت ابراهیم زوجه سی ساره چوجق طوغور مازدی
هاجرنام چاربه دی قوجه سنه باغشلادی اندن اسمعیل
علیه السلام طوغدی

بوندن طولانی ساره زیاده کدراندی جناب حق دخی
اکامرحت و عنایت ایتدی اختیارلق وقتنده اسحق
علیه السلامی طوغوردی

صکره هاجرایله اوغلی اسمعیلی قصقاندی و بودیاردن

ایراغ اولسونلر دیوایاق باصدی

ابراهیم علیه السلام ناچارقالدی همان هاجرایله اسمعیلی

الدی و مکّه یه کوتوروب اوراده براقدی جرهم قبیله لری

اولوقت مکّه جوارنده ایدیلر حضرت اسمعیل انلرله الفت

ایتدی وانلردن قیزالدی واون ایکی اولادی اولدی

بوماسبتله جرهم قبیله لردن بعضیلری کلوب مکّه ده

ساکن اولشلردر

بعده جناب حَقِّ امریله حضرت ابراهیم مکّه یه کیتدی

و حضرت اسمعیل ایله برالکده کعبه مکرمه بی یکیدن

بنا ایتدی

اسمعیل علیه السلام عن قبائله وعمالقه یه معوث اولدی که

اولوقت عمالقه قبیله لری جزیره العربک شام جهته ده

ساکن ایدیلر

صکره حضرت اسمعیلک اوغلاری و طور و نلری چوغالدی

واطراف دیالیدی نربه واردیلر ایسه غالب اولدیلر و عمالقه بی

اول دیاردن سوروب چیقاردیلر

حضرت ابراهیمک و فائده یرینه اسحق علیه السلام یکدی

وایکی اوغلی اولدی بری عیص و دیگر یه یعقوب ایدی

عیص عوجه سی اسمعیل علیه السلامک قیزینی الدی

واندن چوق اولادی اولدی انلردخی چوغالدیلر و دوشق

شام طرفنه مالک اولدیلر

حضرت یعقوب ایسه پدری اسحق علیه السلام وفاتده
انک یرینه کچدی پیغمبر اولدی . و پدرینک یوردی اولان
کنعان ایلمده قالدی انک دخی اول دیارده اولادواحفادی
چوغالیدی

یعقوب علیه السلام لقبی اسرائیل ایدی انکچون
اوغلارینه و طور و نلرینه بنی اسرائیل دنیلیدی

❁ قصه یعقوب و یوسف علیهما السلام ❁

حضرت یعقوبک اون ایکی اوغلی وارایدی ایچلرینه
یوسفی جله سندن زیاده سورایدی

یوسف بررؤیا کوروب پدرینه سؤیلدی کوردمکه
اون بریلدز و کونش و آی بکاسجده ایتدیله دیدی

یعقوب علیه السلام اکلادی که اون بریلدز یوسفک
اون برقرنداشنه اشارتدر و جناب حق انی قرنداشلرینه

فائق ایده جکدر اوغلجغزم بورؤیاکی قرنداشلریکه سویله
زیرا شیطان انسانه دشمندر شاید که قرنداشلریکه وسوسه

و برر و قیلمرینه حسد دوشورر صکره سکا بر خدعه ایدرلر
جناب حق سکا نبوت و بیوک دولت ویره جک دیدی

و یوسف برقات دهاز یاده محبت ایتدی

یوسفک بیوک قرنداشلری ایسه اکا حسد ایتدیله و حیلله ایله
انی قیره کوتوروب بر قوی بیله آتدیله

اندن کبر و عودت ایلدیلر و یوسفی قورتیدی دیو پدرلرینه
یلان سویلدیلر

صکره ایچلرندن بریسی یوسفه بیك کوتوره شیدی
نه کورسونکه قوی باشنه بر کاربان گلش یوسف قویبدن
چبقاراش دونوب دیگر قرداشلرینه خبر ویردی همان
اورایه کیتدیلر بوزم کوله مزایدی قاچدی دهرک بازارلق
ایتدیلر و پک او جوز بهالیه یوسفی صاندیلر

یوسف اولوقت اون سکن یاشنده ایدی قرداشلرندن
قورقوب سکوت ایتدی واللهم متوکل اوله رق کاربانه
قاتیلوب کیتدی

کاربان مکر مصره کیدیور مش یوسف دخی بر ارجه
مصره واصل اولدی وعزیر یعنی ملاک مصرک مالیه
ناظری انی صاتون آلدی

یوسفک کوزلله کده مانند و نظیری یوق ورشد ورو بده
اقران و امثالنه فائق ایدی

یوزنده نورلیمان ایدردی و بر بیوک ذات اوله جغنی یوزندن
و کوزندن بلالو اولوردی

عزیرک اولادی اولمازدی یوسفک طور و مشوارینی
بکندی واکا محبت ایلدی حتی اکا اکرام و اعتبار ایت
دیو حرمی زلیخایه اصمزلدی

صکره یوسف برافترایه اوغرا دی هیچ صوچی یوق ایکن
زندانه قونلدی

راست کله یوسفله برابر ایکی کوله دها زندانه کیردی
 بریسی ملک مصرک شر بتجیسی و دیگر ای کمکیسی ایدی
 برر رؤیا کور مشلر و معنار بنی یوسفدن صور مشلر ایدی
 یوسف براز وعظ و نصیحت وانلری توحیده دعوت
 ایتد کدنصره ای زندان ارقداش لری بر یکر چیقوب
 افند بسنه ساقی اوله جق و دیگر یکر اصلیه جق ایشته
 رؤیا یکرک تعبیری بودر دیمش و شر بتجی یه افندی کک
 یاننده بنی یادایت دیه رک کندوسنک حبسدن خلاصی
 ایچون اندن شفاعت ایستمش ایدی

رؤیا یار عینیه یوسفک تعبیر ایتدی کی چیقدی
 شر بتجی زنداندن چیقوب اولکی کبی ملک مصره
 ساقیلاک ایدر اولدی اکمکیسی دخی زنداندن چیقار یلوب
 آصلادی

اما یوسفک رجاسی شر بتجینک خاطرندن چیقدی نیچه
 ییلار کلوب کیدی یوسفک حالنی ملک مصره عرض
 ایده مدی

وقت حاجته قولدن مدد ایستک مذموم دکلدر فقط
 یغمبرلرک شاننه یا قشماز بر کیفیتدر

یوسف کی برنی ذیشانه کوره هر ایشنی اللهه تفویض
 ایلک و هر مرادی اللهدن ایستک لازم ایکن شر بتجیدن
 شفاعت ایستمی و ملکدن مدد او ممسی کندوسنک

یدی سنه زندانده قالسنه سبب او اشد

نهایت ملک مصر بر رؤیا کورمش و معبر لردن معناسنی
 صورمش بو بر قاریشق دوشدر یعنی یلانچی رؤیادر
 بویه قاریشق رؤیالک تعبیری یوقدر دیمش
 اولوقت شربینجینک خاطرینه یوسف کلش طوریکز
 بن سز بورؤیایی تعبیرایتدیریم دیوب زندانه کیتش
 یوسفی کوروب ملک رؤیاسنی سویلش و تعبیری
 رجا ایلش

یوسف دخی ملک رؤیاسنی تعبیر ایدوب دیمشکه یدی سنه
 بولاق اوله جق بیچدیکنز اکیلردن ینه جککز قدرینی
 الوب باقیسنی بشاقلرنده براغکز صکره یدی سنه فقط
 اوله جق اولکی یدی سنه ایچنده برکدرمش اوله جغکز
 ذخیره لری یرسکز اندن صکره ینه بولاق اولور
 شربینچی دونوب بو تعبیری ملکه عرض ایتدی ملک
 دخی اول ذاتی بکا=کتورک بنانی کندی خدمتمده
 آیتویه جغم دیدی

بونک اوزرینه یوسف علیه السلام زنداندن چیقدی
 و ملک ایله کوریشوب سویلشدی ملک انک رشد
 وروینه باقوب فوق العاده بکندی و بوارالق عزیز فوت
 اولغله انک یرینه یوسفی مالیه ناظری نصب ایلدی
 و آتی کندوسنه وزیر ایتدی و زلیخایی نکاح ایله
 اکاوردی

زلیخا ایسه بر حکمدارک قیزی و کوزلرک سرافرازی ایدی
* حضرت یوسفک اندن افراییم و منشانام ایکی اوغلی
ایله رحمت نامنده بر قیزی اولدی

حضرت یوسف مصرده زراعتی چوغا تدی و یدی سنه
ایچنده یک چوق ذخیره ادخار ایتدی

بعده قحط و غلا سنه لری کلدی . یدی ییل سوردی . اقلیم
مصر دن بشقه شام طرفنده دخی قحط و غلا وار ایدی

مصرک میری انبارلر ندن بشقه بر یرده ذخیره بولماز
اولدی هر کس وارینی ووروب ذخیره آوردی مصر
خزیننه لری نقود ایله طولدی

و هر کسه ایستدیکی قدر ذخیره ویراسه بر طاقم طمعکارلر
لر نومدن زیاده ذخیره آلوب ودهاز یاده بهالو صامتق ایچون
صاقلا یوبده بر مرتبه دهاسمارک غلا سنه سبب اولورلر
دیو حضرت یوسف ذخیره بی نفوس موجوده یه کوره
و یرردی

ایشته اولوقت یوسفک قرنداشلری دخی کتعمان ایلمدن
قالقوبده ذخیره آلمق ایچون مصره کیمکه مجبور اولمشلر ایدی
یعقوب علیه السلام ایسه یوسفدن آیر یله لی آغلاردی
و حسرتی آتشیله جکرینی داغلاردی

فقط کچوک اوغلی بنیامین سائر قرنداشلر ندن زیاده
یوسفه بکزدی . حضرت یعقوب انی یوسفک یرینه
قویوب براز نکلک متسلی اولوردی

یوسبیدن ناشی یعقوب علیه السلام بنیامینی یاننده
 آلیقویوب دیگر اوان اوغلنی ذخیره کتور مک ایچون مصره
 کوندر دی . اوان قرنداش مصره واردیلر یوسفک
 حضورینه کیردیلر یوسف انلری طانییدی انلریوسفی
 طانیه دیدیلر . زیرابونجه ییلار دنبرواندن برخبرالمدیغی
 جهتله کیم ییلور نزهده فوت اولدی کیتدی دیرلروصاغ
 قالسنی خاطره کتورمز لایدی . قالدیکه یوسفک دیوانی
 مهابتلوا ولدیفندن انک یوزینه پکده دقتلو باقه ماززدی
 * حضرت یوسف انلره سر کیمسکز ابشکر ندر جاسوس
 اولیه سرزدیدی

حاشا بر جاسوس دکلز بزیر بابانک اولادی بز و پدریمز بر پیر
 محترمدر نی ذیشاندر آدی یعقوبدر دیدیلر
 قاج قرنداشسکز دیو صوردی
 اوان ایکی قرنداش ایدک بریمز قیرده تلف اولدی اوان بر
 قالدق دیو جواب ویردیلر
 شمدی بوراده قاجکزموجود در دیدی
 بوراده اوان نفرزدیدیلر
 بریکرنزه ده دیدی
 پدریمزک یاننده دز تلف اولان قرنداشمیزک رینه انکله
 متسلی اولوردیدیلر
 یوسوزلرک طوغری اولدیغنه شاهدکن وارمی دیدی

بزغریب الدیار ز بزی بوراده کیم طانور دیدیلر
 بونک اوزرینه یوسف علیه السلام هر برینک حصه سنه
 کوره ذخیره و برد کدن صکره بنیامین ایچون دخی بشقه جه
 بر حصه و بردی وجهه سنه ضیافت ورعایت ایتدی .
 لکن کوره یورسکز که ذخیره خصوصنده نقدر دقت
 وعدالت اید یورم ومسافرله نصل رعایت اید یورم
 بردها کلیش کزده اوته کی قرنداشکزی دخی کتور یکز که
 طوغری سو یلدیکزی بیله یم واکرانی کتور حزی ایسه کز
 سزه ذخیره بو قدر بنم یانمه کلیک کزدیدی

وانلر آگاه اولمق سزین ذخیره بدللرینی بوکارینک ایچلرینه
 بر اشدیر یکز دیو مامورلرینه تنبیه ایلدی

دوندیلر بابا لرینک یانمه کلدیلر بابا اکر بنیامین بزمله برابر
 کیمز ایسه بزه ذخیره و پرلیه جک انیده بزمله برابر کوندر
 بزانی هر وجهه محافظه ایلر ز دیدیلر یعقوب علیه السلام
 مقدمایوسف حقنده نصل امین اولدم ایسه بنیامین
 حقنده دخی او یله جه امین اولورم لکن الله تعالی خیر
 الحافظین وارحم الراحمین در دیدی

برده بوکارینی آچوب ذخیره بدللرینی بولدیلر ایسه دهانه
 ایستز ایشته سرمایه لر مرده کبر و پریش همانینه مصره
 کیده لم وز یاده ذخیره کتور لم بو کتور دیکم ذخیره بزه یتشمز
 دیدیلر و بنیامینی کوزتمک اوزره پدرلرینه قوی سوز

و یردیلر و اللهه عهد و پیمان ایتدیلر و بنیامینی دخی
آلوب مصره کیتدیلر * مصره واردقلرنده یوسف
علیه السلام انلر ضیافت و زیاده اکرام و رعایت ایلدی .
و برارالق بنیامینی تنها بولوب بن سنک فرنداشکم لطیفه بوللو
بروسيله ايله سنی یولسدن دوندروب الیقویه جغم قیدایتمه
دیو کیزلوجه سویلادی

وجهله فرنداشلرینک بوکلرینی حاضر ایتدردی و بنیامینک
بوکنه برالتون طاس قویدردی و دونوب کیتلری
ایچون رخصت و یردی

تمام بوله دوز یلوب کیدرلرکن ارقه لرندن مأمور مخصوص
یتشدی ای قافله سرخیر سرزمشسکز دیو چاغردی
یعقوب اوغللری دونوب غیبکزن ندر دیدیلر

ملکک طاسی یوق انی هرکیم کتوررسه بردوه بوکی
ذخیره مژدسی واربنده اداسنه کفلم دیدی

دیدیلر که بزبورابه فساد ایچون کلده خیر سرزده دکلز
دیدی که سوزیکز یلان ایسه چالانک جزاسی ندر
هرکیمک بوکنده بولنورسه جزاسی اودر یعنی انی اخذ
واسیر ایتکدر بزخیر سرزده بویله جزا ایدرز دیدیلر

بونک اوزرینه قافله بی چو یردی و یوکلری ارامغه
باشلادی وابتدا یوک فرنداشلرک بوکلرینی ارادی
نهایت طاسی بنیامینک بوکندن چیقاردی

ملك مصرك قانونده خير سزلی اخذ واسرايمك يوق
ایدی حضرت یوسف بنیامینی الیقومقی ایستدی پدرینک
شریعتنی قرنداشلرینه سويلتدردی . و بو تقریبله
بنیامینی اللرندن آلدی

يوك قرنداشلری دیدی که ای عزیز بنیا مینک براختیار
پدری وارد رانی پك سور آیر بلغنه طایانه مازانك یرینه
بزم بر بزمی الیقوی يوك احسان ایتمش اولور سین

حضرت یوسف دبدی که بز سزك فتوا کز اوزرینه
انی الیقویدق معاذ الله بشقه سنی آلور ایسدك طالم اولور ز
اندن مایوس اولیجق کیرو چکلدیلر و بر ره کلدیلر
جمله سنك بیوی دیگر لرینه خطاب ایدرك بئلمز میسکز که
پدر یکز سز دن عهد آلدی مقدهما یوسف حقنده
نه یاپدیغکزنی دخی بلور سکزنی بورادن آیرملوب کیتیم مکر که
پدرم طرفندن بکا اذن ورخصت و یر بله یاخود الله
طرفندن بوایشه بر صورت و یر بله کیدیکز بابا کره سنك
اوغلاک خیر سزاقی ایدی بز انجق کورد بکمن شاهد ز
طاس انك یو کندن چیقار لدی کوردك بز نه یاپالم
اینا نماز ایسه ك تحقیق ایت مصر دن صور برمله برابر
بولان قافله دن صور دیکز دیوب مصر ده قادی

دیگر طقوز قرنداش دوندیلم اوتاهرق وصیقله رقی
پدر لری یانه کلدیلم و کیفیتی کوردکاری کبی سو یلدیلر

يعقوب عليه السلام اشوري محزون اولدى و بوده
 بردولابدر يوخسه بزم شر يعتمزده سارقك اسير ايدليكني
 ملك مصر نه بيلور صبر كوزل شيدر اوله كه جناب حق
 بكاوچ فرنداشي بدن كتوره ديدى

و برو طرفه دوندى واه يوسف ديدى و حزن ايله اغلامقدن
 كوزل ينه آق كلدى

اوغللرى والله سن يوسف ديه ديه خسته يا خود هلاك
 اوله جقسين ديديلر

بن قليمه طوته مديقم حزن وكدرمى انجق الله تعالى
 حضر تلى نه عرض ايدرم ائدن غيري كس نه به عرض حال
 ائتم بنى حالمه براغكز بئليديك كرتشي وار كه بكا معلومدر
 ديدى

يوسف غائب اوله لي يكرمى بريل اولمشيدى اولوقدنبرو
 بر خبر الله مامش اولمسيله فرنداشلرى ائلك صاغلغندن
 اميدلر بنى كسمشلايدى

يعقوب عليه السلام ايسه يوسفك حالا حياتده اولديغنى
 بيلوردى

يا اودر كه الله طرفندن اكاوحي كلهرك يوسفك صاغ اولديغنى
 بيلمه برلمشيدى يا خود يوسفك كچوكا كده كور و بده كسندوسنه
 سويلش اولديغنى رويايه نظرا ائلك حضورنده فرنداشلرى
 سجده به وار مدخفه وفات ائتمه جكني بيلوردى

بناء علی ذلك او غلام کیدی که یوسف ایلہ بنیامینی ارا بوب
 صور بکزو اللهک لطفندن مایوس اولمیکریدی
 طقوز قرنداش ینه مصره واردیلر و یوسف علیه السلام
 حضور ینه کیردیلر بنیامین دخی اوراده حاضر ایدی
 * ای عزیز آچاقندن حالز یماندر . ییحی چوق ینه جک
 یوق المزده سرمایه دخی جزئی شیدر سن لطف
 واحسان ایت احتیاجزه کوره ذخیره ویر بزه تصدق
 ایلہ قرانداشمزی باغشله پدریمز پیرفانیدر یوسفندن
 آریله لی پک محزوندر شمدی بنیامینک آریلغی آکا بلا
 اوستنه بلا در اغلامندن کوزلی کورمز اولدی
 دیوب یلواردیلر

یوسف علیه السلام ارتق لطیفه بی برطرف ایتدی . وتبسم
 ایدرک سز جاهل لکله یوسفه نه یایدی فکرزی بیلورمیسکز
 دیدی

قرنداش لری اولوقت آگاه اولدیلر . آسن یوسفیمسین
 دیوب حیرته قالدیلر

اوت بن یوسفم بوده قرانداشمدر جناب حق بزه لطف
 واحسان ایتدی الله صبر ایدن قوللرینی محروم براقاز
 دیدی

انلر دخی جناب حق سنی برلزه فائق ایلش بر خطا
 ایتشمز دیو عذر دیلدیلر وتوبه واستغفار ایلدیلر

بونك اوزر بنه حضرت يوسف انلره تسليت و بردي
 و بونك سزه سرزنش يوقدر . الله تعالى ارحم
 الراحمين در سزى عفو ايدر . شو كوملكمى كوتور يكر
 پدر يك يوزينه سور يكر كوزلر يك پرده سى كيدر
 و اولكى كې كورر همده بالجملة اهل و عيال كزى آلوب
 يورايه كتور يكر ديدى و انلرى پدرلى طرفته كوندردى
 وقتا كه قافله مصر دن آيرلدى صانكه روزكار اول
 كو ملكك قوقوسنى آلدى و در حال كنعه اينسه
 كوتوردى كه همان اولوقت يعقوب عليه السلام يوسفك
 قوقوسى كليور آه بكاعنه كتوردى ديمسبد يكر ديو بيوردى
 * ياننده بونانلر سن حالا اسكى يا كاشاق واسكى شاشق تلاق
 اوزر نده سين كه يوسفى افراط اوزره سوديك كدن انى لسانكدن
 دوشور مز سين و انكله بولوشه جغم ديو آرز و ايلرسين ديد يلر
 صكره اوغلارى كاسدى يوسفك كوملكنى يوزينه
 قويد قلرى كې كوزلرى آچلدى بن سزه يوسفك
 قوقوسى كليور ديمد ميمدى ديدى

بعده يعقوب عليه السلام بالجملة اوغلارى و اهل و عيال لرى
 ايله مصره كيتدى

يوسف عليه السلام مصرك ملكى و اها ايسى ايله برلكده
 اوله رق آنلرى مصرك طيشاروسنده قارشوله دى
 و انلرى آلوب سراينه كوتوردى باباسنى و اناسنى سمريره

چیقاردی . جهه سی انک ایچون سجده شکر ایتدیلر
 * حضرت یوسف اولوقت باباشنه ایشته بنم مقسدا
 کوردیکم رؤیا نیک تعبیری بودر که عینیه چیقادی . ربم
 بکا لطف واحسان ایتدی که بنی زنداندن چیقاردی
 وسزی چو ایدن کتوردی جهه مزى برلشدردی ربمک
 حکمتی چوقی واطف وکرمنه نهایت یوق دیدی
 ودونوب جناب حقه حمد وشکر ایتدی
 بووجهله یعقوب علیه السلام یوسفنه قاوشدی
 ومرا دینه ابردی اندن صکره جهه اوغلار یله برابر
 مصرده اون یدی سنه دها عمر سوردی
 حضرت یعقوبک وفاتنده یوسف علیه السلام الی الی
 یاشنده ایدی بعده یوزاون یاشنه قدر یاشادی
 ایشته بووجهله بنی اسرائیل ممتاز ومحترم برصنف
 اوله رق مصرده یرلشوب وتناسل ایدوب چوغا دیلر
 ابتدا حضرت یوسفی وزیر ایدن ملک وفات ایتدی
 بعده یوسف علیه السلام دخی دار عقبایه کیتدی .
 اندن صکره کلان ملوک مصر بنی اسرائیله اعتبار
 ایتدیلر

﴿ قصه ایوب علیه السلام ﴾

اسحق علیه السلام اوغلی اولان عیصک اولاندن

ایوب علیه السلام ظهور ایتدی . پک چوق مالی
و دمشق طرفنده نیچه املاکی وارایدی
جناب حق انی محک امتحانه چکدی . جله اموال
واملاکی لندن کیتدی اوشکر ایتدی مریض اولدی
صبر ایتدی بدننده یارملر آچلدی ینه صبر ایتدی یارملری
قورتلاندی یانه کسنه واره ماز اولدی بالکیز و جیه سی
رحمت اکا خدمت ایدردی اوینه صبر ایدر و عبادتنه
دوام ایلر ایددی

صکریه شفا بولدی جسمی اولکی کبی ترونازه اولدی
و جله اموال و املاکی برینه کلدی دنیا و آخرت سعادتنه
نائل اولدی

بشر نامنده براوغلی اولوب کندوسندن صکریه برینه
چکدی و پیغمبر اولدی

❖ قصه شعیب علیه السلام ❖

شعیب علیه السلام حضرت ابراهیمک آنشه اتلدیغی
کون ایمان ایدوبده انکله برابر دیار شامه هجرت ایتمش
اولان برقبیله دندر . و بیوک والده سی لوط علیه السلامک
قیزیدر

مدین وایکه اهالیسنه مبعوث اولدی طاتلی دیالی
و سوزی تأثیرلی ایدی لکن قومنه سوز چکوره مدی

یونجه مدت کوزل کوزل نصیحتلر ایلدی و پک چورق
تأثیرلی سوزل سویلدی . تأثیر ایتدیره مدی
نهایت جناب حق اصحاب ایکه اوزرینه برشدتلی صیحا
مسلط ایلدی بو صیحا یدی کون سوردی بتون
ایرماقلر قینادی صکره اوزرینه بر بلوت کلدی
صیحا قدن قاچوب هپسی انک الله طویلاندی بلوتدن
آکش یاغدی جله سی یاندی اهل مدین دخی بر صیحه
ایله تلف اولدی

حضرت شعیب کندوسنه ایمان ایدنلری آلوب مکده
کیتدی اندن صکره وفاتنه دکین مکده عبادت ایله
مشغول اولدی

مدینه ایکن بر قیزینی حضرت موسایه ویرمشیدی
نته کیم اشاعیده بیان اولنه جقدر

❖ قصه موسی و پارتون علیهما السلام ❖

حضرت یوسفدن صکره مصرده بنی اسرائیل پک
زیاده اوره یوب چوغاندیلر . و یعقوب و یوسف
علیهما السلام شریعتلری اوزره قالدیلر
مصرک قدیم یروش اولان قبط قومی ایسه ییلدزلره
و بتلره طپارلردی . و بنی اسرائیله حقارت کوزیله
بقارلردی

فرعون بنی مصر ملکری دخی بنی اسرائیلی کند و لرینه
رعیه ایدوب انلری اسیر کیی آغر و مشقتلی
ایشلرده قوللانورلردی . وانلرک کوندن کونه
چوغالمرندن شبهه لنورلردی

بنی اسرائیل قبط قومک معامله لرندن و ملکرینک
آغر تکلیفلرندن بزمش اوصامش ایدیلر . دده لرینک
قدیم یوردلری اولان کنعان دیارینه کیمک ایستزلدی
* لکن بر درلویقه لرینی فرعونک پنجه سندن قورتاروبده

مصردن چیقده مازلردی

زیرا بنی اسرائیل اون ایکی قبیله ایدی و هر قبیله
حضرت یعقوب اوغللرندن برینه منسوب ایدی
و هر قبیله نک بر شیخی وار ایدی بونلره اسباط بنی
اسرائیل دنیلور که یعقوب طورونلری دیمکدر

اشبو اسباط بنی اسرائیلک جمله سی بریره کلسه
خیلیجه قوت حاصل اوله یلوردی لکن جمله سنه
برباش کرک ایدی که هپسی برلشدرک یکوچود اولوبده
کندولرینی اسارتدن قورتاره یلسونلر

اول اوانده برکاهن فرعونه خبر و یرمش و بنی اسرائیلدن
برچو جق طوغه جق و سنک دولتکک زوالنه سبب
اوله جق دیمش

فرعون بوندن اورکوب بنی اسرائیلدن طوغان ارکک

چو جقلری اولدرتمکه باشلادی وهرسمته جلادر
نعین ایلدی

جلادر بنی اسرائیلک خاله لرینی طولاشوب یکی طوغان
ارکک چو جقلری اولدرمکه اولدقلری ائشاده لای
سبطندن یعنی حضرت یعقوبک اوچخی اوغلی اولان
لایونک طورونلردن عمر ان نام ذاتک صلبندن حضرت
موسی دنیاه کلدی

والده سی انی برصندوقه ایچنه قویوب نهر نیله آتدی
نیل ایله آقوب کیدرکن فرعونک زوجه سی آسیه انی
طوتدی . آچوب موسایی کور یجک اکا جان و کوکلدن
محبت ایتدی . امان بونی اولدر میکر بلکه بیورده
ایشمره یارار یاخود انی اوغل ایدینورز دیدی وانی
امزرمک ایچون پک چوق سوت انار کتورتدی موسی
هیج ریسنک ممه سی آلمدی

والده سی ایسه انی نیله براققدن صکره ارقه سنه کوزجی
براقشیدی سرای فرعونه اندیغنی وسوت انا اراندیغنی
اوکرتدی وسوت انالغه کندوسنی عرض ایتدردی
آسیه انی کتورتدی موسی درحال انک ممه سی الدی
وفرعونک طاقندن کمسنه آگاه اولقسزین والده سی
کندی اوغلنی فرعونک سرا بنده امز یروب بیوتدی
حضرت موسی بیود کدن صکره برکون مصرده کررکن

کور دیکه بنی اسرائیلدن بریله بر قبطی غوغا ایدور
قبطینک کوکسنه بر یومروق اوردی قضارا قبطینک
جانی چیقویردی

حضرت موسی الندن بویله بر قضا چیقدیغنه تأسف
ایتدی وفرعوندن قورقوب همان مصردن فرار ایله
مدینه کیتدی

وشعیب علیه السلام بر قیزی آندی بوجهتله اون
سنه مدینه قالدی

بعد اهل و عیالی آلوب مصره کیدر کن طور طاغنه
اوغرا دی اوراده الله تعالی حضرتلریله سویلشدی
واندن مصره واروب بیوک قرنداشی هارون ایله
کورشدی

موسی و هارون علیهما السلام فرعوننی دعوته مأمور
اولدقلرندن فرعونک یاننه کیتدیله وانی دین حقه دعوت
ایتدیله و بنی اسرائیلی براق انلری آلهلم اجداد منک وطن
قدیملری اولان دیار کنعانه کیده لم دیدیلر

فرعون تعجب ایدرک حضرت موسایه سن چو جق ایکن
بزم سرایم زده بیودک صکره بر صوچ ایشلدک و بورادن
فرار ایلدک شمدی دونوب کلش سین نه دیمک ایستور سین
دیددی

موسی علیه السلام دخی اوت المدن بر قضا چیقدی

بره بطی بی اوردم خطاً اولدردم وفور قومدن قاچدم
شمعی رب العالمین بکانبوت ورسالت ویردی و سنی
دعوت ایچون کوندردی دیوجواب ویردی
فرعون دیدی که رب العالمین ندر

موسی علیه السلام یرلک و کوکلرک و سائر مخلوقاتک
ربیدردیدی

فرعون غضبه کلوب مصرده بندن بشقه رب یوقدر
اگر سن بندن بشقه رب واله طانورایسهک سنی زندانه قورم
دیوحضرت موسایی قورقوتدی

موسی علیه السلام عصاسنی بره برافدی همان بر بیوک
اژدر اولدی خرکته باشلادی

فرعوراندن اورکدی و مقدما گاهنک خبر ویردیکی چوجوق
بو اولسون دیوفکر واندیشهیه دوشدی اطرافنده کی
قرناسنه نه بیورر سکن موسی صنعتده ماهر بر بیوک
ساحر در سحر بازلقله سزک اعتقاد کزی بوزوبده مصر
حکومتی ضبط ایتک ایستر دیدی

انلردخی براز امهال ایت اطرافه مأمورل کوندر نقدر
ماهر ساحر لر وارسه کتور سنونلر موسی ایله هارونه
غاب کلسونلر دیورای ویردیلر

اولو قت سحر بازلق عالمده پک رواجلی بر صنعت اولمش
وهر طرفده اعتبار بولمش ایندی

فرعون طرفدن هر ناحیه به مأمور لر کوندرادی نغدر
صنعتده ماهر ساحر لر وار ایسه مصره کتورلدی .
وقبطیلرک سنه - ده کی بیرام کونی بر محل معینده
طوپلانق اوزره هر کسه اعلان ایدلدی

اول کون هپ مصر اهالیسی اوراده طوپلاندی
سحر باز لر دخی اورابه جلب اولندی

سحر باز لر میدانه چیقوب فرعونک عزتی حقیچون
بز غالبز دیه رک آلات وادوات سحر اولان ایلرینی
ودکنکرینی اورتیه آتدیلر وکوز باغجیلق ایله بر طقم
یلانلر کز بور کبی کوسترشلر ایتدیلر

همین موسی علیه السلام عصاسنی بر اقدی عصا بر یوک
اژدر اولوب اول آلات وادواتی یوتدی

سحر باز لر کوردیلر که نه ایپ وارنه دکنک وار حالبوکه
اگر موسانک ابشی دخی سحر اولسه یالکز کندی
کوسترشلی محو اولمی ولیکن ایپ ودکنک کبی آلات
وادوات موجود قالمی ایدی بو مطلقا طوق بشرک
خارجنده بر معجزه در دیدیلر وحضرت موسایه ایمان
ایتدیلر

فرعون پک زیاده غضبه کلندی ومکر موسی سزک
اوسته کز ایمش اولجه انکله ابشی پیشورمش سکز
وینی اسرائیل ایله برلکده مصری ضبط اینککه قرار

ویرمش سکز باقز بن سزه نه یاپارم اللر کزی وایا فلر کزی
 کسرم و سزی خرما دالدرینه آصارم دیدی
 انلردخی بآس یوق بز موسانک تکریمه نه ایمان ایتدک
 بز انجق انک عفو و عمر جتنی ایسترز دیدیلر
 بوندن صکره دخی موسی علیه السلام پک چوق معجزه لر
 کوستردی کرک فرعون و کرک قومی ایمانه کلدی
 و قبط قومنک بر طاقی موسایه نیچون بو قدر میدان
 ویرلمی خلقک ذهنلرینی اخلال اید یور انک حرکنی
 عادتا افساد مملکت و خلقی عصیانیه دعوت دیمکدر
 دیه رک فرعوننی تحریک ایدرلردی
 حالبو که اسباط بنی اسرائیلک کافه سی حضرت موسایه
 تابع اوله رق بکوجود اولمشلر و بوسیبله کندولرینی
 اسارتدن قورتاره بیله جک برحاله کلشلر ایدی
 بناء علی ذلک فرعون دخی برارالق دفع بلا قیلندن
 اوله رق بنی اسرائیلک مصر دن چیقوب کیتلرینه
 رخصت ویرمشیدی صکره نادم اولدی
 موسی علیه السلام ایسه بروقت تعیین ایدرک بتون
 بنی اسرائیل ایله خبرلشدی و کیجه این انلری مصر دن
 چیقاردی و بحر قلزم یعنی سویش دکزی کنارینه
 کوتوردی
 فرعون طویوب همان اطرافده می عسگرینی طویلادی

بنی اسرائیلک ارقه سنه دوشدی و صبا حلین انلره
یاقلاشدی

موسی علیه السلام عصا سیه دکره اوردی دکره یارادی
اون ایکی یول آچلادی . اون ایکی اسباطک هربری
بریولدن کیتدی . فرعون دخی عسکر یله انلری تعقیب
ایتدی . بنی اسرائیل کچوب قورتلادی . صکره دکره
قاووشوب فرعون عسکر یله برابر بوغلدی

بو صورتله موسی علیه السلام دشمنلرینه ظفر بولدی
و بنی اسرائیل ایله برار دیار کنعانه عازم اولدی
یولده عمالقہ دن بر قومک یوردینه اوغرا دیلر کوردیلر که
او کوز صورتلرینه طایور لر بنی اسرائیل ایسه
هر نقدر حضرت موسایه تابع اولملر ایسه ده مصرده
ایکن کوزلری بو مثل او صورتلره الشمس و ذهلرنده
هنوز توحید باری پرلشماش اولدیغندن اول قومک
او کوز صورتلرینی کوردکلری کبی انلره میل ایتدیلر
و همان باموسی انلرک آلهه سی کبی بزه دخی براله تدارک
ایت دیدیلر

حضرت موسی سن بر جاهل قومسکز انلرک عبادتلی
باطلدر الله دن غیری اله اولور می سز رب العالمین
حضرتلر نیک و بر دیکی نعمتک قدر و شکر بنی بیلورسکز
سنی سار قوملر دن ممتاز قیلدی فرعون سزه اذیت

ایدر و اوغلار کزی کسر ایکن الله سزی قورتاردی
دیو نصیحت ایتدی

و اولوقت دیار کنعانده ال بیوک شهرلر اریحا و نابلس
و قدس اولدیغندن همان اوغورلینه کلان اریحا
بلده سنه طوغری کیتدی

فقط بورازی اولوقت عمالقه طوائفندن برطبق جباره
النده اولوب انلری اورادن محاربه ایله چیقارمق لازم
کلوردی

بنی اسرائیل بز جبساره ایله محاربه ایله میز دیو کپرو
چکلدی لر حضرت موسی دخی کوچنوب انلره بد دعا
ایتدی

بوسیدن ناشی تیه صحراسنه دوشدیلر و قرق سنه
اوراده طولاشدیلر بر طرفه چیقوب کیده مدیلر
و مصر ده ایکن چکدکاری بوجه اذیت و سفاالتلری
اونوتدیلر و کاشکی مصر دن چیقمیدق دیمکه باشلادیلر
* و تیه صحراسنده بولند قجه انلره جناب حق قدرت
حلواسی کوندر و سلوی قوشی ایندرر ایدی انلر دخی
بولنله خوشجه کچینورلردی

قدرت حلواسیله سلوی قوشنندن اوصاندیلر بز بقله
و صوغان کی حبوبات و سبزه ایسترز دیدیلر
حضرت موسانک ارتق جانی صیقیلوب هایدی مصره

کیدیکز ایستدیکز شیر اوراده وار در دیو رد ایله
جواب ویردی

جانب حقندن حضرت موسایه بر کتاب ایندیرلمک موعود
اولدیفندن طور طاغنه دعوت بیورلدی
موسی علیه السلام دخی قرنداشی هارونی یرینه وکیل
ابتدی و کندوسی طوره کیتدی

فرق کون طورده خلوت و عبادت ایدوب واسطه سز
اوله رق جناب حق کلامنی ایشندی ایشته اولوقت
اگا تورات شریف نازل اولدی

حایو که بنی اسرائیل مصرده ایکن دوکون و بیرام دیوقبط
قومندن اکر تی اوله رق برطاقم آلتوندن مصنوع
حلیات آملر و آپ آنسز بن مصردن چیقوب انلری
صاحبلرینه ویره ممشر ایدی

تیه صحراننده ایسه کوی وقصبه اولدیفندن آلتونک
و کومشک اعتباری یوق ایدی . بوجهتله بنی اسرائیل
بواکر تی حلیاتی بیونسرنده کی وباللری کچی بیهوده
کندولرینه یوک ایدوب طاشیورلردی

ایچلرنده سامری نامنده بر منافق اولوب انلری الدادی
واول حلیاتی طویلاندی و جله سنی آتسه قویوب
اربتدی . و صنعتله آلتوندن بر بوزاغی صورتی یادی که
بوزاغی کچی سس ویرردی ایشته سزک الهکن و موسانک

دخی الهی بودر موسی انی ارا یوب بولقی ایچون طوره
کیتدی کلکز بوکا طایگز دیدی . انلر دخی اول
بوزاغی به طایغه باشلادیلر

هارون علیه السلام هر نقد ر نصیحت ایتدیسه ده
قولاق آصمدیلر موسی کلنجیه دک بزبوزاغیدن واز کچمیز
دیوب هارونه مخالفت ایلدیلر

موسی علیه السلام تورات شریف ايله طوردن کلدی
نه کورسون که بنی اسرائیل بوزاغی به طایورلر
پک زیاده غضبلاندی سامری بی لعنتله ایتدی و بوزاغی
صورتنی یاقدقدن صکره دکره آندی ونیچون قومی
کوزتمد کده سامری به آساندیلر دیوهارون علیه السلام
صقالنندن طوتدی

هارون بن نه یاهیم بوقدر نصیحت ایتدم دکلدیلر
ازقالدیکه بنی اولدیره یازدیلر دیواعتذار ایتدی
بوزاغی به طایمش اولنلر دخی ایتدکلرینه پشیمان اولدیلر
یالواردیلر وکناهلرندن توبه واستغفار ایلدیلر

بووجهله حضرت موسانک حدتی کچدی و بعده تورات
شریفی میدانه قویدی . اندن صکره بنی اسرائیل انک
مقتضاسیله عمل ایتکه باشلادیلر وتوحیدباری بی کوچ
حال ايله ذهنلرنده یرلشدیره ییلدیلر

بونک اوزرینه نیجه ییلار کچدی و برقرن دکشدی جباره

ایله محاربه دن اور کوبده کبرو دونلرک چوغی فوت
اولدی و آنلرک برینه چولده بیومش و شهر و قصبه
کورماش یورکلی بکتلر یئشدی بو جهنله بنی اسرائیل
دشمن قارشوسنه چیقہ حق و حرب و ضربہ قادر اوله حق
بزحاله کلدی

حضرت موسی بنی اسرائیلی آلوب بخرا لوطک جنوب
طرفنه کتوردی و اندن ایلر و حرکت ایدرک عوج بن
عنق نام ملک ایله محاربه ایتدی واکا غالب کلدی
بو جهنله نهر شریعه نك شرق طرفنده کی بلاده مالک
اولدی

حتی اردن دینلان نهر شریعه یالینسه ایندی واریجا
شهرینک قارشوسنده کی طاعنه چیقدی و اورادن بنی
اسرائیله موعود اولان کنعان دیارینی تماشای ایتدی
مقدما هارون علیه السلام فوت اولمشیدی بو کره موسی
علیه السلام دخی یوسف علیه السلام اوغلی افرایمک
سبطندن یوشع نام ذاتی برینه خلیفه تعیین ایتدی
و کندوسی دار عقبایه کیتدی

بنی اسرائیلک تیه صحرا سنده مدت اقامتلری حضرت
موسانک وفاتنده تمام قرق سنه یه بالغ اولمشیدی
دنیا یارا دیله لی قاج پیلدر بونی الله دن بشقه کیسه
بیلز

حضرت آدمك یر یوزینه ایندیکی وقتدن طوفان
نوحك ظهورینه قدر و طوفاندن حضرت موساك
وفاته قدر قاج ییل کچمشد

بودخی مورخلریننده باختلافلی مسئله در . طوغریسی
انجیق الله تعالی حضرتلری ییلور

زیرا اول زمانلرده یازلمش بر تاریخ یوقدر اولوقتلك
احوالی یالکز تورات شریفده مذکوردر

حالبوکه شمدی اله بولان تورات نسخهلری بر برینه
او یماز قنغیسی طوغری بدر نه بیله لم

فقط مورخلریننده مشهور و معتبر اولان روایت کوره
دور آدمدن طوفانه قدر ایکی بیک ایکیوز قرق ایکی
و طوفاندن حضرت موساك وفاته قدر بیک الی
یوز بکرمی الی ییل کچمشد . بو حساب کوره دور
آدمدن وفات موسابه قدر اوچ بیک سکز یوز التمش
سکز ییل کچمش دیمک اولور

حضرت موساك شریعتی حضرت عیساك بعثته
قدر باقی قالدی ایکیسك اراننده کلوب کچن پیغمبرل
هپ شریعت موسی علیه السلام ایله عمل ایتک اوزره بعوث
و مأمور اولدی

موسی علیه السلامدن صکره یک چوقی وقت بنی
اسرائیلک اموز بنی بربری آرقه سی صره کلان حاکم
تدبیر و اداره ایتدی

بوحاکم ملک اولیوب جمهور بنی اسرائیلک ریڈساری
وقاضیلری مقامنده ایدیلر

فقط اسباط بنی اسرائیلک اون ایکیسی دخی انلرک
حکمنه اطاعت ایدرلردی بوجھتله انلر ملوکک یرینی
طوتارلردی

ایشته بونلره حکام بنی اسرائیل دینلور که اولکیسی
یوشع والک صکره کیسی اشوئیل علیهما السلامدر .
ایکیسی دخی بنی اسرائیل پیغمبرلرننددر

❖ قصه یوشع علیه السلام ❖

موسی علیه السلامن صکره یرینه یوشع علیه السلام
چکدی وحضرت موسائک وفاتسندن اوچ کون صکره
بنی اسرائیلی آلوب چواندن چیقاردی . وشریعه
نهری کنارینه کتوردی . وکوپری وقایق اولدیغی
حالده مهجزه اوله رق بنی اسرائیلی نهر شریعتک
برویقه سنه چکوردی و همان ایلر ویوریوب اریحا
بلنده سنی قیح ایلدی

بو طریقله بنی اسرائیل چوللرده طولاشمقدن قورتلدیلر
وددهلرینک وطن قدیملری اولان کنعان دیارینه داخل
اولدیلر

حضرت موسی مصردن چیقارکن حضرت یوسفک

تابوتی برابر آلوب تیه صحراسنه کتورمشیدی . وفاتنده
انی یوشع علیه السلام تسلیم ایتدی . واریجایی فتح
ایتدکدن صکره ناباسنه کیتدی وحضرت یوسفک
ککارینی مقدماتا قرنداشلری طرفدن صاتلمش اولاریخی
یرده دفن ایلدی

اندن صکره یوشع علیه السلام دیارشامی ضبط ایتدی
وهر طرفه مأمورل طاعتدی ویکرمی سکرسنه بنی
اسرائیلک امورینی تدبیر ایتدکدن صکره دار عقبایه
کیتدی

بعده صهره سیله پک چوق حاکملر کلوب بنی اسرائیله
رئیس اولدیلمر بنی اسرائیل کاه طوغری یولده کیدرنر
وگاه عصیان وطفیان الیه شریعتیه مخالف حرکت
ایدنرل ایدی

انلر اویله یولسز حرکت ایتدیکجه جناب حق انلرک
اوزرینه بردشمن مسلط ایتکله کاه اسارته وگاه بشقه درلو
مصیبتیه اوغرارلر وگاه هجده حاکمز قالوب پریشان
اولورلر و صکره الله تعالی به یالواروب بوئللو فلاکتلردن
قورتلورلر ایدی

نهایت اشموئیل علیه السلام حاکم اولوب اون برسنه بنی
اسرائیلک امورینی تدبیر ایتدی

بو اون برسنه نك ختامنده حضرت موسانك وفاتندن

درت یوز طقسان اوچ سنه کچمشدی . ایشته اولوقت
حکام بنی اسرائیلک دوری بتدی وملوک بنی اسرائیل
دوری ظهور ایتدی

شویله که اول ائنهاده فلسطین دیارنده حکومت ایدن
عماقه بقیه سی بنی اسرائیله غالب کلشیدی
بنی اسرائیل کندولرینی دروب دوشیرو بده عماقه دن
انتقام آله بئک ایچون ایچلرندن برینک ملک نصب
اولمسنی حضرت اشموئیلدن نیاز ایلدیله . اودخی
طالوتی انتخاب ایلدی ایشته ملوک بنی اسرائیلک
برنجیسی بودر

طالوت تخت سلطنته کچد کدن صکره اشموئیل
علیه السلامک تدبیری اوزره بنی اسرائیلدن براردو
ترتیب ایتدی وفلسطین اوزرینه کیتدی
عماقه اردوسی قارشو کلدی ورئیسلری اولان جالوت که
غایت بویلی ویورکلی برشخص ایدی میداننه چیقوب
اردیلدی

یهودا سبطندن یعنی حضرت یعقوبک اوغلی یهودانک
نساندن اولان حضرت داوددخی طالوت طرفندن چیقدی
وجالوتی قتل ایلدی

بونک اوزرینه عماقه اردوسی بوزلدی و بنی اسرائیل
نائل مر ام اولدی . حضرت داوددخی زیاده شهرت آلدی

بعده اشموئیل علیه السلام فوت اولدقده بنی اسرائیل
حضرت داوده میل و محبت ایتکله داودک قدر و اعتباری
بر مرتبه دهاترقی بولدی

طالوت ایسه اکا حسد ایدرک حضرت داودی اولدرمکه
قالقشدی . اودخی قاجوب بر طرفه صاوشدی و بعده
طالوت ینده عمالقه ایله محاربیه کیرشیدی . ونهایت
عمالقه انده مقتول اولدی . ویرینه اوغلی یکدی
لکن اسباط بنی اسرائیل ارسنه تفرقه دوشیدی .
برفرقه سی یعنی یهودا سبطی داوده تابع اولوب باقی اون
برقبیله طالوت اوغلنک حکمنده قالدی
لکن صکره بواون برقبیله دخی حضرت داوده بیعت
ایتدی و جله بنی اسرائیل اکا رام اولدی

❖ قصه داود و سلیمان علیهما السلام ❖

اشموئیل علیه السلام وفاتندن صکره داود علیه السلامه
پیغمبرلک کلدی . و طالوتک وفاتنده بروجّه بالا ابتدا
یهودا قبیله سی و صکره اسباط سائرّه بیعت ایتدی
والخاصل اسباط بنی اسرائیلک کافردی انک حکمنه
یکدی

بوصورتله داود علیه السلام نبوت ایله سلطنتی جمع
ایلدی و بلادکنعاندن هنوز بنی اسرائیلک بدینه

کچھامش اولان قدس طرفلرینی و سائر یرلری ضبط ایله
قدس شریفی پایتخت ایندی . و بونلردن بشقه بلاد
عمانی و حلب و نصیبین و ارمستانی دخی فتح ایلدی
و حضرت داوده زبور نازل اولدی لیکن زبور هپ
نصایح و الهیاتدن عبارتدرانده احکام شرعیه یوقدر
بناء علیه داود علیه السلام دخی سائر انبیاء بنی اسرائیل
کبی شریعت مؤسی ایله عامل ایدی

قرق سنه بومنوال اوزره حکومت ایندی . و حضرت
موسا نك وفاتندن بشیوز اوئوز بش سنه کچدکده دار
اختره کیتدی

واوغلی سلیمان علیه السلام اون ایکی یاشنده ایکن انك
یرینه کچدی و اودخی پدری کبی سلطنت ایله نبوتی
جمع ایندی

ودرت سنه صکره پذیرینك وصیتی اوزره بیت المقدسك یعنی
مسجد اقصانك بناسنه باشلادی . ویدی سنه ده اتمام
ایلدی بعده قدس شریفده بر بولك حکومت سرایی
انئاسنه کیرشدی اودخی اون اوچ سنه ده ختامه ایرشدی
و بر سنه صکره ملوک حیدردن یمن ملکه سی اولان بلقیس
کلوب انکله کورشدی

بعده شرق و غربده اولان ملوک هپ اکا صورت اطاعت
کوستر دیلر و پك چوق هدیه لر کوندر دیلر

حضرت سلیمان دخی قرق سنه بو وجهله حکومت
ابتد کدن صکره وفات ایتدی و اوغلی تخت خلافته کچدی
لکن یانکز یهودا و بنیامین سبطاری انک زیر اطاعت نماندی
اما دیگر اون قبیله آیریلوب افراییم سبطندن و حضرت
سایما نك خدمه خاصه سندن برینی کندولرینه ملک
انتخاب ایتدیله و بشقه بر دولت تشکیل ایلدیله
و صورته بنی اسرائیل ایکی دولته منقسم اولدی و بریسنه
یهودا دولتی و دیگرینه اسرائیل دولتی دینلدی یهودا
دولتک پایتختی قدس شریف اولوب ملکاری دخی
حضرت سایمانک اوغلاری و طور ونلری ایدی و بونلر
صانکه خلفای اسلام مقامنده ایدیلر

بود دولت اگر چه ایکی سبطدن عبارت ايسه ده علماء
بنی اسرائیلک کباری هپ قدس شریفده و بنی اسرائیلک
معبود زیارتگاه اولان بیت المقدس و تورات شریف ايله
حضرت موسانک عصاسی کبی امانات شریفه هپ
اوراده بولندیغندن بود دولت انظار ناسده معتبر اولوب
حکومتلرینه مشروع و صحیح نظریله باقیلور ایدی

اسرائیل دولتی اون سبطدن عبارت اولوب ملکارینه
ملوک اسباط دینلور و بونلر حضرت سلیمانک نسلندن
اولان دولت یهودا خلیفه زینه عاصی و باغی صابیلور ایدی
ملوک اسباطک پایتختی ابتدا نابلس اولوب صکره ساحزیه

یعنی صمصطیه شهرینی بنا ابتدیلر وانی پائیخت اتخاذا
ایلدیلر

بنی اسرائیلک اون قبیله سی اشو اسرائیل دو ائنه تابع
ایدی انجق اچلرند. احکام شرعیه لایقوله اجرا اولمازدی
حتی قدس شریف زیارتنی دخی ترك ایتشلر ایدی
وبرارالق بو اسرائیل دولتنده بت پرستلک آیدنی دخی ظهور
ایتدی حتی بعل دینلان بته طاپار اولدیلر و کیده کیده
بتون بتون شریعت موسویه دن آردیلر

واکرچه یهودا دولتنده دخی برارالق بو مثللو شرک
ومعاصی به دأر بدعتلر ظهور ایتدیه ده انک حالی اسرائیل
دولته نسبتله ده اهاهون ایدی زیرا هر وقت قدس
شریفده پک چوق علما بونور و مسجد اقصاده تورات
شریف او قونور ایدی

ایشنه اول عصرده الیاس والیسع علیهما السلام اسباط
بنی اسرائیله مبعوث اولشلر ایدی

﴿ فصل الیاس والیسع علیهما السلام ﴾

الیاس علیه السلام مبعوث اولدقده قومی بعل نام بته
طایفهده ایدیلر بعلدن وازکیکز و جله نک خالق اولان
الله اتمالی حضر تدرینه عبادت ایدیکز دیونصیحت
ایتدی دکلر یلر اللهک عذابیه قور قوتدی قولاق آصمیبوب

حضرت الیاسی بلده لرندن طرد ایلدی
جناب حق آنلرک بلده لرندن برکتی قالدردی یاغور
یاغمازا اولدی آچلقدن لاشه لریدیلر ونهایت حضرت
الیاسی ارایوب بولدیروانک نصیحتیه عامل اولدی
الله تعالی حضرتلری دخی آنلرک اوز رندن بوبلای
رفع ایلدی

صکره ینه کافرو فاجر اولدیروالیاس علیه السلام دخی
اوصاندی واللهم نیازایدوب اذن آلدی وانلرک ایچندن
چیقوب بر طرفه کیتدی وانلردن آیریلوب عزلت ایتدی
* اندن صکره یرینه الیسع کچدی وناسه وعظ ونصیحت
ایله مشغول اولدی بعده کندوسنه نبوت کلدی واودخی
برمدت بنی اسرائیلک احوالنی اصلاحه چاشدی
بنی اسرائیل ایسه کوندن کونه آرتدیروانک و کتاب اللهی ترک
ایتدیروهمان ملک و مملکت منازعلریله اوغراشور اولدیرو
نهایت جناب حق آنلرک اوزرینه دولت آثور یه یی مسلط
ایلدی . ایشته اول عصرده یونس علیه السلام دخی
دولت آثور یه نیک پایتختی اولان نینوا شهری اهالیسنه
مبعوث اولمشیدی

﴿ قصه یونس علیه السلام ﴾

حضرت یونس دخی انبیاء بنی اسرائیلدن اولوب نینوا

اها ايسنه مبعوث اولدى وانلرى توحيدہ دعوت
ايتدى انلر تيريني ترك ايلديلر الله طرفدن عذاب كله جك
و فرق كونه قدر نينوا شهرى يره بانه حق ديو قور قوتدى
ينه قولاق آصمديلر

حضرت يونس دخی انلره طارلدى و مأیوس اولدى
و غضب وحدت ايله دجله کنارينه ايندى و بر طولش
کمی به بندی

حالبو که الله تعالی طرفدن وحی کلدیکه یغمبرلک محل
مأمور تیرینی براغو بده بر طرفه کید یورملری جائز کل ایدی
انک ایچون کی یور یمدی کی ربیسی ایچم زده بر صوچلی
آدم اوللی قرعه آتلم کیمه اصابت ایدرسه انی دکره
آتلم دیدی

قرعه آتدیلر یونسه اصابت ایتدی او دخی صوچلی بنم
دیوب کندوسنی صویه آتدی در حال انی بر یوک بالی
یوتدی

حضرت یونس ایتدیکنه پشیمان اولدی و توبه و استغفار
ایلدی جناب حق دخی توبه سنی قبول ایتدی . و همان
بالق انی چیقاروب بر کناره آتدی

بالغک قارنده حضرت یونسک جسمی الوزه کی اولشیدی
جناب حق اکاتازه قوت و صحت و یردی وائی بنه نینوا
اها ايسنی دعوتہ کوندردی

مگر که حضرت یونسک کی به بندیکی کون کوله یوزی
 قارارش وینوا شهرینی برقره دومان قاپلامش اهای
 قور قوب یونسی ارامشله بوله مدقلری کی صحیحانک
 خبر ویردیکی وجهله بر مصیبت کله چکنی اکلا مشله
 وهمان خارج شهرده توبه تپه سی دینلان محله چیمشله
 وفریاد وفغان ایدرک اللهه یالوار مشله . الله تعالی
 حضرتلری دخی انلرک توبه سنی قبول بیورمش وموعود
 اولان عذابی اوزرلندن قالدیرمش ایدی

حضرت یونس دونوب نینوایه کیتدی واهالیسنه
 احکام الهیه بی تبلیغ ایتدی انلردخی انک نصیحتیه
 عامل اولدیلر و برمدت عذابدن مصون قالدیلر صکره لری
 شرقی وغربده بیوک بیوک وقعه لر ظهوره کاسدی نیجه
 دولت وملتلرک رابطده لری بوزلادی ویکیدن یکی به دولتلر
 وجاعا تلر پیدا اولدی

ازجهله شرقده مدیاقدمی وبابل ایالتیده کی کلدانی
 طائفه سی دایره اطاعتدن چیقدی ومدیایله بابل والی لری
 بالاتفاق دولت آثوریه یه عصیان ایدرک پایتخت دولت
 اولان نینوا شهرینی محاصره ایتدیلر

نینوا شهری محاصره دن قورتلدی وآثوریه دولتی
 یکیدن قوت بولدی وبابل بنه بروالی ایله اداره اولنور
 اولدی لکن شرق طرفی اسکی حالته کتور یله میوب
 مدیا حکومتی باشلو باشنه قالدی

دوات آثوریه ینه اسکی بیوکلمنی قازانق ایچون شرق
وغربه اردولر سوق ایتدیکی ائنده اسرأیل دولتی اوزرینه
دخی مسلط اولدی و برارالق بنی اسرأیلدن برچوق
اسیرلر آلدی

برمدت اسرأیل دولتی نینوا خزینه سنه ویرکو ویرمه
مجبور اولدی صکره ویرکو اعطاسندن امتناع ایله دوات
آثوریه ینه قارشو کلدی

بونک اوزرینه نینواملکی بر بیوک اردو ایله اسرأیل دولتی
اوزرینه کتدی و پایتختی اولان صبسطیه شهرینی
استیلا ایتدی اسرأیل دولتنک حکمدارینی و بالجله ایلرو
کلنلرینی طوتدی و انلری خراسان طرفلرینه طاغندی
و آثوریلردن و کلدانلردن برچوق خلق ک-توروب
بنی اسرأیلک بلده لرینه اسکان ایتدی

اسباطدن اولو بدو اول و قعه ده قاقوب قور تیلانلر
و کوشده بوجاقده قالانلر یهودا دولته صیغندیلر
و اولوقت حضرت سایمانک احقادندن قدس شریفده
خلیفه بولان حرقیانک باشنه طوپلان دیلر

ایشته بو صورتله اسرأیل دولتی حضرت موسانک وفاتندن
سکزیوز او توزییدی سنه مریورنده باتدی ظهوری ایسه
بشیوز التمش الی سنه سی وائلنده ایدی بو حسابا کوره ملوک
اسباطک مدت حکومتلری ایکیوز التمش برسنه دن عبارتدر

اندن صکره بنی اسرائیل حکمدارانخی حضرت سلیمانک
طور و نلرینه منحصر اولدی . و یهودا دولتی اسرائیل
دولتک اضمحلا لندن صکره دهاییوز التمش برسنه
باقی قالدی

یهودا دولتیله اسرائیل دولتی اگرچه بر برینی قصقانورل
ودائمابر برینک علیهمنده بولنورل ایدی لیکن قرنداش اوغلاری
دیمک اولدقلرندن اسرائیل دولتک اولوجمله منقرض
وبونجه بنی اسرائیلک اسیر اولسی یهودا دولته پک
زیاده تأثیر ایلدی

حتی اولوقت قدس شریفده بر حیات بولتان حضرت
اشعیا علیه السلام آثوریلره بدعا ایتدی
دولت آثوریه ایلده اسرائیل دولتی محوایت کدن صکره
یهودا دولته کوزدیکدی واره سی چوق کچمویوب قدس
شریف اوزرینه براردو کوندردی لیکن حضرت اشعیا
علیه السلام آثوریه عسکرینک من طرف الله منهنزم
اوله جفنی اولجه خبر و بردی

فی الواقع آثوریه اردو سنده خسته دلک ظهور ایله کلینلو عسکر
تلف اولدی و نینوا ملکی مایوس اوله رقی نینوایه عودت
ایتدی و بوصورتله یهودا دولتی قوی تلمدی
لیکن بنی اسرائیل اندن صکره بنه یواسر حرکستره

باشلادیلر وحضرت اشعیانک نصایحنی دکلمدیلر ونهایت
اول ذات شریفی شهید ایلدیلر

وحرز قیامت وفاتنده برینه کچن اوغلی خلقه ظلم وتعدی
ایدراوادی وانواع معاصی وفسق وفجوره طالادی
اولوقت دولت آثوریه اولغدار وکنهکار اولان ملک
اوزرینه مسلط اوادی • وانی طوتوب برمدت حبسدن
صکره سنوی بر مقدار ویرکو ویرمک اوزره ینه یهودا
ملکی نصب ایدرک قدس شریفه کوندردی

بعده بنی اسرائیل ینه آرتدیلر احکام شرعیه یی بر طرفه
آتدیلر واللهم امر ونهی اونیوتدیلر

ایشته اولوقت قدس شریفه حضرت ارمیا علیه السلام
بنی اسرائیله مبعوث اوادی وتورات شریفی میدانه
قوبدی احکام شرعیه یی اجرا ایتدرمکه باشلادی
اول ائنده دولت آثوریه شرق طرفه حرکت ایتدی
ظفر یاب اوله مادی بعده غربه توجه ایدرک قدس شریف
اوزرینه هجوم ایلدی

لکن بر یهودی قیزی اردوسر عسکری چادری ایچنده
تلف ایتدی بوجهته آثوریه عسکری بوزلادی ویهودا
دولتی خلاص بولادی

امادوات آثوریه بوبوزغونلغک شامتندن قورتیله مدی
زیرا اول بوزغونلق اوزرینه آثوریه تبعه سندن اولان

برچوق قوم لر عصیان ایلدی و نینوانک بر طرفه حکمی
 کچمن اولدی و بابل و ایسی قوتلو بولمغله بر حکمدار
 مستقل مرتبه سنه کلدی

بعده مدیا حکو مثیله بابل و ایسی نینوا عایهنه اتفاق
 ایتدیلر و بابل و ایسک اوغلی و سر عسکری اولان بخت
 نصر بر بئوک اردوایله کیمدی و مدیا عساکریله برلکده
 نینوایی محاصره ایتدی . نهایت غلبه ایلدیلر نینوا
 شهرینی یاقدیلر ییقدیلر یوق ایتدیلر

اول اثناده بخت نصرک پدری وفات ایلش اولدیغندن
 بابله عودتنده تخت سلطنته جلوس ایلشد
 بو صورتله دولت آثوریه بتون بتون انقراض بولدی و انک
 برینه ایکی دولت قائم اولدی

بری مدیادولتیدر که شمعی ایران دیدی کچمن برلآنده قالدی
 و دیگر کی کلدانی دولتیدر که آثوریه دولتک غرب
 طرفی انک حصه سنه دوشدی و بابل شهری اکا پایتخت
 اولدی

بابل شهری بووجه تکرار پایتخت اولدقدن نصرکه
 بخت نصرانی بیوتدی و برچوق ابنیه عالییه و استحکامات
 جسمیه ایله تزین و اعمار ایتدی

حضرت موسانک وفاتندن بخت نصرک جلوسنه قدر
 قاج بیل کچمش اولدیغی اختلافلی بر مسئله در فقط مؤرخلر

پیشده مشهور و معتبر اولان روایت کوره طقوز یوزیتش
طقوز سنه در

بخت نصر جلو سندن برقاج سنه صکره بنی اسرائیل
اوزرینه هجوم ایتدی ملک بنی اسرائیل کوردیکه
قارشو طور مقابل دکلدر چاره سر اکامر فرو ایلدی
وانک طرفندن نصب اولمش بروالی کبی قدسده قالدی
واوچ سنه بو وجهله اکامطیع اولدی

بعده ملک بنی اسرائیل سرکشاک ایدرک بخت نصره
قارشو طور دی اودخی عسکر کوندردی و آنی قدسدن
قالدردی و یرینه اوغلنی کچوردی لیکن چوق کچم یوب
انی دخی طوتدردی و برچوق علما و اشراف بنی اسرائیل ایله
برابر بایله کتورتدی و جمله سنی حبس و توقیف ایلدی

حضرت دانیال علیه السلام ایله حضرت عزیر دخی
بو اسیرلردن اولوب انجق صکره دن بخت نصر حضرت
دانیال قدرینی اکلارش واکاز یاده حرمت وزعایت ایلشدیر
* بخت نصر او او جهله ملک بنی اسرائیلی بایله جلب
ایتدکدن صکره یرینه عمو جیسی اوغلی صد قیانام ذاتی
کندی طرفندن برقائم مقام حکمنده اولق اوزره بنی اسرائیل
اوزرینه ملک نصب ایدوب قدسده کوندردی

اودخی بر مدت بخت نصره مطیع اوله رق قدسده حکومت
ایتدی و اول ائشاده حضرت ارمیا علیه السلام قدس

شریفده اولوب بخت نصر ایله صدقیایی قور قودردی
و بنی اسرائیله دخی کناهلرندن توبه ایتلری ایچون
نصیحت ایدردی

بنی اسرائیل ایسه اللهه عاصی اولدقلای کبی کناهلری سبیلله
الله طرفندن اوزرلینه مسلط اولان بخت نصره دخی
عصیان ایتک ایستلردی

حضرت ارمیا علیه السلام کوردیگه بنی اسرائیله سوزکچهر
و وعظ و نصیحت تأثیر ایتز هسان ایچلرندن چیقوب
بر طرفه صاوشدی . صدقیادخی بخت نصره قارشو
حرکتیه قالدی

انک اوزرینه بخت نصر کلپلو عسکر ایله وزیرینی
کوندردی اودخی واروب بر مدت قدس شریفی محاصره
ایتد کدن صکره زور ایله ایچرو کبردی قدسی یاقدی و بیت
المقدس ییقادی بنی اسرائیلک کیمسنی اولدردی و کیمسنی
صدقیایله برابر اسیر ایدوب بابله کوندردی

بنی اسرائیلدن بعضیلری مصره و بعضیلری مکه مکرمهیه
قاچوب قورتلدی قدس شریفده یالکز عجزه و فقرا
کروهی قالدی

بخت نصر بابلدن و سائر طرفلردن بر چوق خلق
کوندروب قدس شریف طرفنده بقیه بنی اسرائیل ایله

قاریشق اوله رق اسکان ایتدردی واوزلرینه کندو
طرفدن برقا تمقام نصب ایلدی

بووقه بخت نصرک تارینج جلوسنک اون طقوزنجی
سنه سنده وقوعه کلدی . بو صورتله یهودا و بذامین
سبطلری دخی پریشان اولدی و یهودا دولتی بتون بتون
باتدی و بنی اسرائیلک اللرن دن حکومت کیتدی

صدقیاملولک بنی اسرائیلک صوکی اولوب اندن صکره
ایچلرندن ملک ظهور ایتدی . واکرچه صکره لری براراق
بنی اسرائیله ایچلرندن رئیس لر نصب اولندی سه ده انلر شیخ
البلد مقامنده اولوب حکملری قدس شریفک طیشاروسنه
جاری اولما مشدر

بخت نصر اول وجهله قدس شریفی خراب ایتد کدن
صکره بتون دیار شامی ضبط ایتدی و امر و فرمانی مصره
قدر یورتدی و اطراف وجوارده بولنان اقوام و طوائفی
قورقوتدی

صکره کندوسنک خلفلری دخی برمدت انک ایزینه
کیتدی

بو وجهله دولت کلدانیه التمش سکر سنه قدر بابلده
حکومت ایلدی صکره ایرانده ظهور ایدن کیانیان
دواتی کلوب بابلی ضبط ایله دولت کلدانیه بی محوایتی
اولوقت بنی اسرائیل دخی اسارتدن قورتیلوب وطنلرینه

کیتدیلر و قدس شریفده طوپلانوب یتیش سنه دنبرو
 خراب طوران مسجد اقصایی یکیدن بنا ابتدیلر
 و بوکره بابلدن عودت لرنده ایکی بیکدن زیاده علماری
 برابر بولنوب حتی بریسی دخی حضرت عزیر ایدی
 لکن مقدا قدس شهری یانوب بیت المقدس دخی بیقلدیغی
 وقت تورات شریف دخی ضایع اولمش واولوقته دنبرو
 بنی اسرائیل ایچنده احکام شرعیه اونودلمش ایدی
 بناء علیه حضرت عزیر برچوق علما و مشایخ بنی اسرائیل
 ایله بریره کلدی و تورات شریفی از بر او قودی سائری
 دکلیوب یاز دیلر و شریعت موسویه نك احکامی یکیدن
 میدان قویدیلر

بو وجهله بنی اسرائیل کلدانیلرک الندن قورتلدیلر لکن
 حکومتی کند و اللرینه کچوره میوب ایرانلره تابع اولدیلر
 بعده تاریخ بخت نصرک در تیوز او توز بشنجی سنه
 سنه مشهور بیوک اسکندر ایران دولتنه غلبه و بابلی
 فتح ایتدیکی صره ده دیار قدسی دخی ضبط ایتکله
 بنی اسرائیل یونانیلرک حکمی آلتیه کیر دیلر
 و صکره رومالور چیقوب ممالک یونانیه بی ضبط ایتدکلرنده
 دیار قدسی دخی ضبط ایتلریله بنی اسرائیل رومالورک
 حکمی آلتیه قالدیلر

ایشته اولوقتلر بنی اسرائیل اوزرینه ایچلرندن بر رئیس

نصب اولنوردی لکن بورئیسالر قائم مقام و شیخ البلد
مقامنده بولنوردی

قصه زکریا و یحیی و عیسی علیهم السلام

حضرت زکریا سلیمان علیه السلامک نسلند ندر بیت
المقدسه تورات یازان و قربان کسن رئیس ایدی جناب
حق اکانبوت و یردی

زوجه سی ایساع چو چق طوغور مازدی ایساعک قیز
قرنداشی حنه که بنی اسرائیلک بیو کلرندن عمران نام
ذاتک زوجه سی ایدی انک دخی اولادی اولمازدی
حنه جناب حق بکا پرچو چق احسان ایدرسه بیت المقدس
خدمته وقف ایده یم دیونذر ایتش

اولوقت ارکک چو چقلری بیت المقدس خدمته تعیین
ایتمک عادت ایدی حنه نک دخی ایستدیکی ارکک چو چق
اولدیغندن اولوجهله نذر ایتشیدی

حامله ایکن قوجه سی عمران وفات ایتدی کندوسی
دخی مأمولک خلاقی اوله رق قیز طوغوردی واکام یم
دیو آدقویدی

یارب نه پاه یم قیز طوغور دم سن آنی قبول ایت دیو جناب
حقه یالواردی وانی آلوب بیت المقدسه کوتوردی آلکن
بونو مسجدده نذر در دیوب خدمه بیت المقدسه و یردی

بريوك ذاتك قيرى اولديغندن جله سى آنى بيودوب
تربيه ايتكدر غبت كوستردى وحضرت زكريا عليه السلام
انى آلوب زوجه سى ياننه كتوردى

بوصورتله حضرت مريم تيزه سى ايساعك ياننده بيودى صكره
حضرت زكريا اكاييت المقدسه مخصوص براوطه ياپردى
* حضرت مريم او طه سنه چكلى وعبادت ايله مشغوله
اولدى ياننه حضرت زكريا دن بشقه كمنه كبره مزيدي
* حضرت زكريا عليه السلام كندوسندن صكره يرينى
طوته حق اولادى اولديغندن مكدرايدى . وزوجه سى
ذاتا چو جق طوغور ميوب كندوسى دخی پيهر فاني اولمسيه
آرتق چو جغنى اولق احتمالى قالماشيدى

جناب حقك اطفى چوق واحسان وعنايتنه نهايت بوق
بركون جبريل عليه السلام طرف الهيدن حضرت
زكريا يه كلدى وايساعدن يحيى نامنده برچو جغنى اوله جغنى
خبر و بردى وحضرت عيساك دخی دنيايه كله جكنى
ييلدر دى .

بعده جبريل عليه السلام حضرت مريمك ياننه واردى
ويقه سندن اوفور دى فى الحال كبه قالدى
ومقدمجه ايساع كبه قالوب يحيايى طوغوردى التى آى
صكره دخی مريمدن عيسى طوغدى . حضرت مريم انى
صار دى بشيكه قويدى وآلوب قومك ياننه كتوردى

مریم سن نه پادک باباک فنا آدم دکل ایدی اناک دخی فاحشه
دکل ایدی سن برقا ایش ایشلمش سین دیوب همان
انی رجم ایتک اوزره اللرینه طاش آلدیلر

حضرت مریم اندن صور بکزدیو الیه عیسیاه اشارت ایلدی
ز بشیکده کی چوجقله نصل سویلشه لم دیدیلر

همان حضرت عیسی سوزه باشلادی بن اللهک قوی یم
بکا کتاب وردی و بنی پیغمبر ایتدی وزه ده اولسم بنی
عبارک قیلدی طوغدیغم کون واولدیکم کون وبعده
دیرلایکم کون بکاسلامت ویره دیدی

یهودییلر بونی ایشدکلری کبی حیرته قالدیلر و حضرت
مریمدن ال چکدیلر

ایکن باباسز چوجق اولورمی دیو یهودیلر بپشده دیدی
قودی چوغالادی و حضرت زکریا حقنده سوءظن ایتدیلر
ونهابت آتی شهید ایلدیلر او لوقت زکریا علیه السلام
یوز یاشنده ایدی

نه غریب شیدر کد یهودیلر حضرت آدمک اناسز و باباسز
اوله رق یارادلدیغنه اینانورلر ایکن حضرت عیسانک
یا لکز باباسز اوله رق یارادلدیغنه اینانه مدیلر

مریم علیها السلام عیسیایی آلدی و عوجیه سی اوغلی
یوسف نجار ایله برابر مصره کیتدی اون ایکی سنه اوراده
قالدیلر

بعده حضرت مریم اوغلی عیسا ایله برابر دوندیلر دیار
قدسه کلدیلر و ناصره قریه سندا ایندیلر حضرت عیسی اوتوز
یاشنه کیرنجیه دك اوراده ساکن اولدیلر

حضرت یحیی کچوک چوجق ایکن تورات شهرینی الله
آلدی و بنی اسرائیله وعظ و نصیحت ایتکه باشلادی
و باباسی کبی حضرت موسانک شهر یعیله عمل ایتک اوزره
بنی اسرائیله مبعوث اولدی

بعده حضرت عیسی علیه السلام اوتوز یاشنه بالغ اولدقده
بر یکی شریعت ایله مبعوث اولدی و اکا انجیل شریف نازل
اولدی و انک شریعتیله شریعت موسی منسوخ اولدی
حضرت یحیی علیه السلام دخی انک شریعتیله تابع اولدی
حتی اول ائنده بنی اسرائیل اوزرینه رئیس اولان کیمسه
قرنداشنک قیزینی آلق ایستدی و شریعت موسی اوزره
عقد نکاحی حضرت یحیی یه تکلیف ایلدی

اولوقت ایسه شریعت عیساده قرنداش قیزینی آلق
حرام قیلنمشیدی . انکچون حضرت یحیی دخی عقد
نکاحدن امتناع ایتدی

قیز و اناسی کو جنوب حضرت یحییانک اولدیر لمسی
ایچون اصرار ایلدیلر رئیس قدس بولنان کیمسه
دخی حضرت یحییایی کتوردوب انلرک حضورنده
بوغاز لاتدی

حضرت عیسیٰ علیہ السلام براووی دیرلندی وانادن
طوغمه کورلک کوزلرینی آچدی . صواوزرنده یورردی
ودهابو یولده چوق معجزه لر کوستردی

یالکزاون ایکی کشی ایمان ایتدی که انلره حواریون دنیلور
انلرک برنجیسی شمعون الصفا در که نصارا اره سنده اکا
بطرس دنیلور و بریسی دخی دیگر شمعون نامنده بریدر که
نصارا اره سنده اکا بودا دنیلور

سائر یهو دیلر ایمانه کلک شویله طور سون حضرت
یحییٰ کبی حضرت عیسیٰ دخی اولدر مکه قرار و پردیلر
حضرت عیسیٰ علیہ السلام صوک دفعه اوله رق حواریون
ایله برکیجه برلشوب کیزلوجه مصاحبت ایدیوردی .
یهودیله ایسه انی اولدرمک ایچون صیقی صیقی یه
آرابوردی

حضرت عیسیٰ حواریونه دیدی که خروس اوتمدن یعنی
صبح اولمدن سرتک بریکزینی انکار ایده جک و پک
آز پاره صاته جق دز

فی لواقع حواریوندن یوداشمعون صباح اولمدن واردی
یهودیله ردن برمقدار رشوت آلوب حضرت عیسانک
برینی خبر و یردی

یهودیله همان حضرت عیسیٰ طوتوبده اولدرمک ایچون
سکرتدیله و اورایه کیتدیله حرص و تلاش ایله یاکیلوب

اول خانن بودایی طو تدیلر آنی آسیدیلر و صحیحاً عیسا بی
آصدق ظن ایتدیلر

الله تعالی حضرتلری ایسه حضرت عیسی علیه السلامی
ادر یس علیه السلام کبی کو که قالدردی وانی دنیا غائله
سندن قور تاردی

بوسیدن ناشی بودانک اسمی نصارا بیننده حقارتله یاد
اولور فنا و خانن کئی دیه جک یرده بودا دیرلر

حضرت عیسی کو که چکلد کدن قرق سنه صکره رومه اولور
قدس شریف اوزرینه هجوم ایله یهودیلرک کیمنی اولدر دیلر
و کیمنی اسیر ایلدیلر قدس شریفی یغما و خراب ایتدیلر
یهودی کابلرینی کاملاً یاقدیلر و بیت المقدسی بیتدیلر
و قدس شهرینی بنی اسرائیلدن خالی براقدیلر

بو صورتله یهودیلر تار مار اولدی اندن صکره بر یرده
طوپلانوبده برجعت تشکیل ایده مدیلر هر یرده حور
و حقیر اولدیلر و ذات و مسکنتده قالدیلر

حضرت موسانک و فاتندن حضرت عیسانک ولادتنه قدر
بیک بدی یوز اون اتی سنه کچک هشییدی

حضرت عیسی علیه السلام او توز یاشنه ایرشد کده کندوسنه
نبوت و رسالت کلدی اوچ سنه قومنی دعوت ایتدی
نهایت اون ایکی کشی ایمانه کلوب طریق حقه دار فیک
اولدیلر انلرک دخی بر یسی صو کنده کندوسنه خیانت ایلدی

اندن صکره حواریون عیسی علیه السلام وصیتی اوزره
اطرافه طغلدیلر و دین عیسوی بی ناسه تلقین ایله
مشغول اولدیلر

صکره دن انجیل شریف دیومیدانه برچوق کابلر یابلدی
برازی حواریون دن بعضلرینه و برازی انلرک شاکردلرینه
اسمان ایدادی

بونلر ایسه سیر حضرت عیسی حقنده تاریخ یوللو یازلمش
کابلر اولوب بونلرده عیسی علیه السلام بعض احوال
واوصافی یازلمش و آره رده انجیل شریف آیتلری درج
ایدلمش ایدی لکن بربرینه مطابق دکل ایدی

رؤسای نصارا کوردیلر که بونلر بربرینه اویمور جمله سنی
کوزدن کچور دیلر و ایچلرندن درت نسخه آر دیلر
انلری سائرینه نسبتله صحتیه اقرب کور دیلر ایشته
انجیل شریف دیونصارا بيشده تداول ایدن بودرت
نسخه در که انلر دخی تمامیه بربرینه اویماز اصل انجیل
شریف اله کچماشدر

و حواریون طاغیلوب اوزاق محلالره کیدرک شریعت
عیسویه بی ناسه تعلیم ایتشلر ایسه ده اولوقت دنیا کفر
و شرک ایله طولو ایدی دین عیسوی علنا اجرا اولنه میوب
او چیوز سنه دن زیاده مکتوم طوتلدی عیسویلر
برالئلرنده و مغازه و مخزن کبی یرلرده کیرلوجه عبادت

ابدرلردی طویاوب طوتیانلر جوروجفا کوررلر و بعضا
اشکجه یه دوچارا واورلایدی

نهایت رومه ایمراطوری قسطنطین تاریخ میلادعیسادن
اوچیوز اون سنه صکره دین عیسوی نك علنا اجرا سنه
رخست و یردی

بعد قسطنطنیه شهرینی یایدی و رومه دولتک اسکی پایتختی
اولان رومه شهرینی ترک ایله اشبو قسطنطنیه شهرینی
پایتخت ایتدی و کندوسی دخی عیسوی دینه کیردی

اندن صکره حضرت عیسی علیه السلامه ایمان ایدنلر
چوغالدی و دین عیسوی پک چوق برلره یایلدی و عیسوی
اولنره نصارادینلدی

لکن وقتیه شریعت عیسویه نك اصول و فروعی کوزلجه
ضبط اولنه مدیفندن ایش پسقپوسلرک اللرینه قالدی
و برطاقم اغراض ایله اختلاف چوغالدی

ورومه دواتی ایکی یه بولندی بری شرقی ایمراطورلغیدر که
پایتختی استانبول ایدی و دیگر غریب ایمراطورلغیدر که
پایتختی رومه شهری ایدی

بویکی واسکی پایتختلر بر برینی قصقاندی بو جهتله رومه
دولتی ایکی یه منقسم اولدییی کبی مذهجه دخی نصارا
ایکی یه بولندی

برطاقی ریمپایه یعنی رومه پسقپوسنه تابع اولدیلر بونلره

قاتوليك دينلدى . و برطاني استانبول پطريقنه تابع
اولديلر بونلره دخى اورتودقس دينلدى
صكره لرى بربرينه مغاير برچوق مذهبلى ظهور ايتدى
ودين نصارا بتون وضع اصليندن چيقارلدى
حتى ديانندن مقصد اصلى شر كدن صاقمق اولوب
بو جهته نصارا مشركه مخصوص اولان بتلردن
بغايت اجتناب ايدرلر كن صكره لرى نصارا معبدلر ينه
تصويرلر آصلدى و كليساى باغى مشركلر معبدلر ينه
بكره دلدى

ساير ملتلر ايسه كفر و شرك اوزره ايديلر خيلى وقت
پيغمبر دخى كلمدى براوزون زمان فترت اولدى . بتون
دنيا ضالته قالدى

رومه لولر بتون اوروپا قطع سنى ضبط ايتد كدن بشقه
اناطولى و ديار مصر و شام و عراقى دخى آديلر و اول
عصرلرده رومه لولر ملل ساثره يه نسبتله تمدن ايسدلرده
سوء اخلاقه مبتلا و سفاهت و فسق و فجور ايله مألوف
اولد قلرندن وارد قلرى يرلرده مدنيت ايله برابر يك فنا عادتلىر
براقديلر بو جهته اكثر ملل و اقوامك اخلاقى بوزلدى
بركت و يرسون كه رومه لولر جزيره العربى اله كچوره مديلر
و كندونر يك چركين خويلرى و فنا عادتلى ايله عربلىرى
بلاشدره مديلر

فقط قبائل عرب دخی بتون بتون بدویت حالده
 بولنه رق کندولرینی جهالت قاپلامشیدی کیمی
 نصارا دیننه و کیمی یهودیلکه میال اولوب برطانی
 دخی طرفن کسمک وغسل ایتک وسنت اولق کبی حضرت
 ابراهیم واسمعیل علیهما السلام شریعتلرندن قالمه
 احکام ایله عمل ایتکده اولدقلری حالده برطانی دخی
 بت پرست ایدیلر

و بهر سنه موسم حجده قبائل عربدن پک چوق کیمسه لر
 مکه یه کلوب کعبه مکرمه یی زیارت ایدر لر کن بیت الله
 الحرامده بتلر طور وب بر طرفدن دخی انلره پرستش
 اولنوردی

الحاصل اول عصرلرده دنیا پک قراکلق وقار یشق
 برحاله کیش واصلاحی بر پیغمبرک ظهورینه موقوف قالمش
 ایدی

﴿ خاتم الانبياء محمد مصطفی صلی اللہ علیہ وسلم ﴾
 ﴿ حضرت تیرینک ولادتدن مقدم ظهور ایدن ﴾
 ﴿ خارق العاده حالات ﴾

آخر الزمانده دیار عربده اولاد اسماعیلدن خاتم الانبیاء
 کله جیکی کتب سماویده مندرج ایدی . انبیاء سالقه دن
 بعضیلری دخی آنی وصف و تعریف ایتشیدی
 خاتم الانبیاء که فخر عالم و افضل بنی آدمدر اولوقتک
 حکمنجه انک عربدن ظهور ایتسی مقنضای حکمت
 و مصلحت ایدی

زیرا عربلر اولوقت دنیا به یابلیش اولان فناقلره بلاشیموب
 و رومه لورک چرکین عادتلرینه آلتشیموب جزیره العربده
 بدویت سایه سنده فطرت اصلیه لری اوزره قالمشیر ایدی
 * واکرچه عربلر علوم و صنایعدن بی بهره ایسه لرده
 ایچلرنده فصاحت و بلاغت مراقی زیاده لشمش و پک
 چوق شعرا و غایت فصیح و بلیغ ادبا و خطبا
 ینشمش ایدی

امی اولدقلری حالده غایت کوزل اشعارسو یلرلر و دائمآ
 فصاحت و بلاغت ایله تنفخر و مباهات ایلرلر ایدی
 حتی مکّه جوارنده سوق عکاظ نام محلده هر ییل ذی القعدة
 آینده بر بیوک پنایر قوریلور . هر طرفدن اورابه شعرا

و بلاطو پلانور کوزل شعرلو و کزیده خطبه لر اوقونور سوز
میداننده یار شلر او اور باش اولنلر آفرین آلور و شعری
کعبه دیوارینه آصیلور ایدی

بو صورتلر کعبه دیوارینه آصلمش ایدی قصیده وار ایدی که
انلره تعلقات سبعه دنیلور . انلرک برنجیسی امری القیسک
قصیده سی ایدی که ال یوقار و آصلمش و بیئت محمدیه
قدر او یله جه قالمش ایدی

الحاصل شعرا و خطبا کوزل شعرلو و مؤثر خطبه لر ایلر
جههور انامه و عظم و نصیحت و تهذیب اخلاق عوامه
یک چوق همت ایدر لردی

زمان جاهلیتده عربلرک فصاحت و بلاغتجه بو درجه
ایلر و لملری دقت اولنه چق و عبرت آله چق بر کیفیت
ایدی و بلکه عرب لسانک اول مرتبه کماله کلمسی الله
طرفندن بواسان اوزره بر کتاب نازل اوله جفته اشارت
ایدی

و ابوالانبیا حضرت ابراهیم علیه السلام اوغلی حضرت
اسماعیل علیه السلام دعا ایدوب جناب حق دخی انک دعاسنی
قبول ایدرک اولاد اسماعیلدن بر بیوک ملت ظهور
ایده جکنی بدشیر ایلش اولد یغنی تورات شریفده مذکور در
* و حضرت ابراهیم دیگر اوغلی حضرت اسحاق
علیه السلام اولادندن یک چوق پیغمبرلر کلوب یکمیش

وانلرك دورى بتوب آرتق نسل اسماعيله نوبت كلش ايدى
ونسئل اسحاقدن كلان بونجه پيغمبرله مقابل اولق
اوزره نسل اسماعيلدن دخى خاتم الانبياءكه جك ايدى
وعربلر علم انسابه زياده اعتبار ايدوب هر قبيله كسندى
نسبى حفظ ايدوب قبيله لك بر برينه نسبتله فضل
ورجحائى اولوب هر برى قيز آلوب ويرمكده اقرانى
ارار وكفوينى كوزه در ايدى

حضرت اسماعيلك اولاد واحقادى چو غالىدى وجزيرة
العربك هر طرفته طاغلىدى ايجلرندن بنى عدنان وعدنانيلر
ايجنده بنى مضر ومضريلر ايجنده قريش قبيله سى
سارلرندن ممتاز اولدى قريشيلر ايجنده دخى بنى هاشم قولى
جمله سندن زياده فضل وشرف بولدى

هاشمك باباسى عبدمناف وانك باباسى قصى وانك باباسى
حكيم وانك باباسى مره وانك باسى كعب وانك باباسى اوى
وانك باباسى غالب وانك باباسى فهر وانك باباسى مالك وانك
باباسى نضر وانك باباسى كانه وانك باباسى خزيمه وانك باباسى
مدركه وانك باباسى الياس وانك باباسى مضر وانك باباسى
نزار وانك باباسى معد وانك باباسى عدنان ذر عدنان دخى
قيزار بن اسماعيل عليه السلام نسللرندن
ايشسته خاتم الانبياء عليه السلام اجداد عظامى

بوذا تلردر که هر برینک ذرینی چوغالمش وهربری پک
چوق جماعتلرک رئیسینی ونیجه قبائل وعشائرک دده سی
وباباسی اولمش دز

فقط هر نه وقت برینک ایکی اوغلی اولسه یا خود برقبیله
ایکی قول اولسه خاتم الانبیانک صوینی اک شرفلی
وخیرلی اولان طرفده بوانور وهر عصرده انک جداعلاسی
کیم ایسه یوزنده کی اولمکرندن یلینور ایدی

چونکه حضرت اسماعیلک آلنده برنور وار ایدی اولمک
یلدیزی کی پارلار ایدی . ونور انیت اکا پدردن قالمش
و بعده اولاددن اولاده انتقال ایدرک عدنائ واندن
معد و نزاره کلش ایدی

نزاره عربجه آذربشی معناسنه اولان نزدن کلور بو وجهله
آدقونلغه سبب بودر که دنبایه کلده کده باباسی معدانک
آلنده کی نوری کوریمچک پک زیاده ممنون اولمش وقومنه
بر ببول ضیافت و یروب بوبله ارغل ایچون بوقدر ضیافت
آز رشیدر دیمکله اوغلانک آدی نزاره قالمشدر

بونور ایسه نور محمدی اولوب حضرت آدم دینبرو اولاد دن
اولاده انتقال ایده کلش ونهایت اصل صاحبی اولان
خاتم الانبیا حضر تلرنده قرار قیلشدر

ایشته بو جهتمله بنی عدنان ایچنده نور محمدی بی حاز اولان
برکزیده صوی پیدا اولمشیدی که هر عصرده بوصویدن

اولان ذات کیم ایسه یوزینک فوق العاده ملاحظ
ونورائیتی حبیبله سائرلندن سچیلوروقنخی قبیله ده
ایسه اول قبیله سائر قبیله لردن ممتاز اولورایدی
بناء علی ذلک نزارک اولاد واحفادی ایچنده بنی مضر
سائرلندن زیاده شان وشهرت بولدی
بنی مضر دخی چو غالدی اطرافه یالیدی نیجه قبیله ره
منقسم اولدی ایچلرندن قریش قبیله سی سچیلدی
قریش قبیله سی فھر بن مالکک اولاد واحفادی دیمک
اولوب انک اوغلاری ایچنده غالب وانک اوغلاری ایچنده
لوی وانک اوغلاری ایچنده کعب سائرلندن ممتاز ومحترم
اولدی

اشبو کعب بن لوی جمعه کونلری قومنی جهله خطبه
او قوردی و کندی نسلندن خاتم الانبیا کله جکینی سویلر
وانک زمانته کیم یتیشورسه اکا ایمان ایتسون دیونصیحت
ایلرایدی

کعبک احفادنن اولان سالف الذکر قصی دخی قریش
قبیله سی ایچنده پک بیوک برذاتدر که شوراده بوراده
متفرق اولان قریشلری طو پلایوب قوت بولدی و مکه
ریاستنه نائل اولدی

و بیت اللهک خدمتی فی الاصل حضرت اسماعیلک اولاد
واحفاندن ایکن صکره بو خدمت شریفه جرهم قبیله سنه

کچھش و بعدہ یمندن ہجرت ایلہ مکہ جوارندہ اقامت ایدن
خزاعہ قبیلہ سی برارالق کعبہ خدمتی و مکہ ریاستنی
ضبط ایلش ایدی • قصی برتقریبہ کعبہ نک اناخدارلرینی
خزاعہ دن آلدی • اندن صکرہ کعبہ خدمتی دخی قریش
قبیلہ سندہ قالدی

قصیک زھرہ نامندہ برقرنداشی اولوب آنک دخی اولاد
واحفادی چوغالدی • وقریش طائفہ سی ایچندہ
شرف و رفعت بولدی کہ خاتم الانبیا حضرت تلوینک
والدہ سی اولان آمنہ آنک نسلندندر

قصی فوت اولدقدہ عبدمناف و عبدالدار و عبدالعزی
نام اوغلاری قالدی • وعبید مناف دیکرلندن زیادہ
شان و شرف بولدی • وریاست و سیادت آنک نسلندہ
قرار قیلدی • عبد الدارک نسلندن دخی خدمتہ کعبہ
اولان بنی شیبہ کلدی

عبد منافک ہاشم و عبد شمس و مطاب و نوفل نام درت
اوغلی اولدی و ہر برینک ذریقی چوغالدی • حتی بنی
امیہ دنیلان طائفہ امویہ عبد شمسک نسلندن کلشیدی
لیکن جملہ سنک افضل و اشرفی ہاشمدر کہ عبد منافدن
صکرہ قریش قومنک اولوسی اوایدی • آنک نسل
پاکندن کلنلرہ بنی ہاشم و ہاشمی دنیاور خاتم الانبیا
حضرت تلو دخی انلردندر

فریش قومی تجارتله مألوف بر طائفه ایدی قیشین یمنه
ویاز بن شامه کیدر لر وهر سنه ایکی طرفله دخی پک چوق
آلش و یرش ایدر لر ایدی

بناء علیه هاشم دخی قافله شام ایله مکه دن چیقوب
کیدر کن مدینه یه اوغرا دی اوراده بنی نجار طائفه سندن
سلمی نام قیزی تزوج ایتدی واندن شام دیارینه کیتدی
وغزه ده فوت اولدی

سلمی ایسه اندن حامله قالوب غایت کوزل و یوزی نورلی
برار کک چوجق طوغوردی و شبیه دیوآد قویدی
شبیه بودی ودایی زاده لر یله برابر چیقوب کریمکه
باشلادی لکن هیچ برینه بکره مزیدی یوزنده اولکری
وار آلتی آی کی پارلار جمال باکلانی کورن حیران قاور
و بشقه بر صویدن اولدیغی یوزندن و کوزندن بلاو
اولور ایدی

انصاردن مداح رسول اولان شاعر مشهور حسناک
پدری ثابت اول ائشاده مدینه دن مکه یه کیدوب
هاشمین صکره قریشک اولوسی اولان قرنداشی مطلب ایله
کورشدی آه اکر قرنداشک اوغلی شبیه بی کورسدهک
تعجب ایدر دک پدرینه نقدر بکرز و نصل شرف و جمال
صاحبدر تعریف اولماز دیو شبیه بی وصف ایتمکله
مطلبک قابنه شبیه بی کورمک آرزوسی دوشدی

و قزیش قومی ایچنده اباعن جد انتقال ایده کلان نور
 نبوت هاشمه کیش وانک یوزنده کورلش ایدی حالبو که
 هاشمک شیبه دن بشقه اسد نامنده براوغلی اولمش ایسه ده
 اندن یالکن فاطمه آدلو بر قیز قالمش ایدی که حضرت
 علینک والدہ سیدر شو حاله نظرا هاشمه انجق شیبه نک
 خیر الخلف اولسی بر امر طبیعی ایدی ثباتک افاده سی دخی
 بونی نأید ایتدی . بناء علیه مطلب شیبه بی کورمکه
 مجبور اوله رق همان مکه دن قا لقوب مدینه یه کیتدی
 بو وجهله مطلب مدینه یه واردی و بر محله بی نیجار
 چو جقلری ارسندہ شیبه بی کوردی بر کره انک طور
 و طرزینه و یوزنده کی ملاحظت و نورانیتہ باقدی کیمسه
 سو یلدن برادر زاده سی اولدیغنی بیلوب کوزلرندن
 یاش آقدی

نته کیم مطلب شیبه بی بویله طور و طرزندن بیلدیکنی
 و کوزلرندن یاش کلدیکنی بعض اشعارنده پک سوزشلی
 اوله رق بیان و حکایه ایلشدر
 مطلب همان اوراده شیبه یه برقات روبه کیدردی و اندن
 والدہ سنک یانته کوندردی و بعده والدہ سنی ارضایدرک
 شیبه بی آلوب مکه یه کونوردی

مکه یه کیررکن شیبه بی کورنلر عجبا بو چو جق مطلبک
 کوله سیمی اوله دیمش لر آندن شیبه نک آدی عبد المطلب

قالش ومطلبك وفاتنه پرینه کچوب قریش قومنک سید
ورئیس اولمش در

عبدالمطلبک آئنده نور محمدی لمعان ایدردی وقریش قومی
انکه تبرک وتین ایلردی

حتی مکه دیارنده قحط وغلا اولسه انک الله یاپشوب
تبر طاعنه چیقارل وانک یوزی صوینه جناب حقدن
یاغور ایستزل ایدی جناب حق دخی نور محمدی حرمتنه
انلر رحمت وبرکت احسان ایدردی

خاتم الانبیا حضرتلرینک دنیایه کلمسی یاقلاشد قجه
کاهنلر انک تشریفنی خبر وبرمکه وعجیب وغریب حاتلر
وخارق العاده علامتلر بلورمکه باشلادی

ازجمله عبدالمطلب برکون حرم شریفده یاقوب او یورکن
برؤ یا **ک** وروب قورقوبالده او یاندی کاهنلره واروب
رؤ یاسنی تقریر ایتدی . کاهنلر دخی سنک نسلکدن
برجوجق طوغه جق بروکوک خلقی اکا ایمان کتوره جک
دبیدلر

بونک اوزرینه عبدالمطلب مخدرات قریشدن فاطمه آداو
برقیز آلدی اندن اوغلی عبدالله دنیایه کلدی ونور محمدی
انک آئنده نمایان اولدی

ومقدما مکده حکومت ایدن جرهم قبیله سی اوزرینه
دشمن مسلط اولمقله بمن دیارینه فراره مجبور اولدقلرنده

كعبه خزينه سندن برخيلي اشيا آلوب زمزم قويدسنه
آتمشله واوزر بنه طاش وطيراق دو كوب يريني بلورسز
ایتمشله

نجبه ييلار بو حال اوزره قالدی زمزمك نزهده اولديغی
كسسه نك معلومی دككدی بر كیجه عبد المطالبه رؤ یا سنده
زمزمك یری خبر و برلش و نشانه سی کوسترلش
بو صورتله عبد المطالب زمزم قويدسنی بولدی و اوغلار بله
برابرانی قازمغه باشلادی . ایچندن قلیچلر وزرهلر
و آلتوندن یاپمه کیك صورتلری چیقدی . عبد المطالب
انلری آلدی و کیك صورتلرینی كعبه نك قپوسی اوکته
وضع ایلدی و زمزم قويدسنی کاملاً آیقلا یوب حجاجه
زمزم اولشدرمكه باشلادی

قریش قومی جدا علاری اولان حضرت اسماعیل دن
قاله بر مبارک قويدنك ميدانه چيتمسندن طولایي فوق
العاده ممنون و متشكر اولدی . بو یوزدن عبد المطالب دخی
اولکیدن زیاده شان و شهرت و انظار ناسده قدر
ومزیت بولدی

عبد المطلبك اوغلاری حارث ابو طالب ابولهب غیداق
حجیل عبد الكعبه مقوم زبیر ضرار قثم عبد الله حن
عباس در فقط قثم كچوك ایكن فوت اولشدر

عبدالمطلب اوغلاری ایچنده انک زیاده عبد اللهی سوردی
زیرا ایچلرنده انک کوزل وانک زیاده صاحب عفت اوایدی
ونور نبوت انک یوزنده نمایان ایدی

بنی زهره شیخی وهبک قیزی آمنه حسب ونسبجه قریش
قیزلرینک افضل اولغله عبدالمطلب انی عبد اللهه آلدی
* آمنه عبد اللهدن خاتم الانبیایه حامله قالدی . وهمان
عبد اللهک آئنده کی نور ملاحت آمنه نک آئنده نمایان
اولدی

واول اثناده قریش قومی قحط وغلایه مبتلا اولوب زیاده
مضایقه چکمکده ایکن رسول اکرم انار حنه دوشدیککی کبی
انک حرمتنه حق تعالی حضر تلی قریشک باغ وباغچه
لرینه اوقدر فیض وبرکت ویردی که جله سی زنکین
اولدی

اول سنه یه عربلر سنه الفتح والابتهاج دیدیلر که فتوحات
ومسرت یلی دیمکدر . آمنه حامله ایکن عبد الله شام قافله سیله
مدینه یه کیتدی واوراده خسته لنوب یکریمی بش یاشنده
اولدیغی حالده دایه لری یاننده وفات ایتدی
بو جهته خاتم الانبیا حضر تلی در یتم کبی اناسی قر ننده ایکن
تک ویتیم قالدی

ایشته اول اثناده خارق العاده وقوعاتدن اوله زق مشهور
فیل وقعه سی ظهور ایتدی

شویله که نیچه ییلار یمنده حکومت ایدن ملوک حبرک
قوتلرینه ضعف کملکه حبشله عربستان یقه سنه کچوب
یمن دیارینی ضبط ایتشلر ایدی

حبشیلردن نوبت سلطنت ابرهه نام ملکه کله کده
پایتخت یمن اولان صنعاده بریوک کلپسا یاپدی . بوندن
غرضی عربلری کعبه زیارتدن واز کچورمک و یوزلرینی
صنعا به چو یرمک ایدی

عربلر ایسه از قدیم سنه ده بر کره مکده کلوب کعبه یی
زیارت ایده کله کلرندن بویله صنعاده یکی یاپیش بر کلیسایه
میل و توجه ایتک شویله طور سون اکا حقارت کوزیله باقوب
حتی ایچلرندن بریسی او کلیسایه ایچنه کیروب پیسلدی
بوندن طولانی ابرهه پک زیاده غضبه کلدی . وهمان
کعبه یی ییتمق اوزره بریوک اردوایله مکده طوغری
حرکت ایلدی

وطائفه کله کده بر مقدار عسکرله بر آدمی مکده کوندردی
اودخی کلوب مکده اهالیسنک حیوانلرینی سوردی . و بو
صره ده عبدالمطلبک دخی درتیوز دوه سنی کونوردی
عبدالمطلب همان ابرهه نک اردوسنه کیتدی قریشک
رئیس کلای دیو خبر ووردیلر . انی یانه دعوت و پک چوق
حرمت و رعایت ایتدی . ونیچون کلدک دیو سوردی
* عبدالمطلب دوه لرینی ایستدی

ابرهه بن صاندم که کعبه بی یقیمه یم دیونبازہ کلک
دید

عبدالمطلب دیدی که بن دوه لک صاحبی یم انلری
ایسترم کعبه نک صاحبی وار در آنی اوصافلار
همان ابرهه امر ابدی حیوانلری کیر ویر دیلر
عبدالمطلب حیوانلری آلدی مکه به کتوردی و بوبیتک
صاحبی انی محافظه ایلر قور قیقکز دیو قریشه تسلیت
و یردی

چونکه خاتم الانبیا حضر تلری انارجنه دوشمش و موالد
سعادتلری پک یاقلاشمش قریبا تشریف پیوره جقلرینه
داثر نیجه خارق العاده علامتلر بلورمش و عبدالمطلب
روئاسنی کورمش و بوجهتله ابرهه نک بیت الهی
یقیمه یمه جغنی کندی وجداننده کسدرمش ایدی

وفی الواقع ایکی آی صکره خاتم الانبیا دنیا به کله جک
وبعدہ کعبه بی قبله ایدینه جک و ابرهه اردوسنک حالی
دخی عالمه بر بیوک عبرت اوله جق ایدی

شویله که ابرهه نک بر بیوک فیلی واریدی داغانانی عسکرینک
اوکنده یوزیدروانکله زهیه وارسه مظفر اولوق اعتقادنده
بولنور ایدی : اویله تجر به ایلمش و اویله جه بلله مش
ایدی

بو کره دخی ابرهه اول فیلی اردوسنک اوکنه قادی وهمان
مکه مکرمه اوزرینه یورتدی

مکه یه باقلا شو بده ایچرو کیرمکه حاضر لائور ایکن اول
فیل یه چو کدی قالدیروب یورتمکه چاشدیله یوریمدی
باشنی بشقه طرفه چو یردجکه همان سکر دوب کیدر
ومکه یه طوغری چو یردجکه کیتوب یه یا تارایدی

انلر بو کشا کشته ایکن حق طرفندن برچوق ابایل
قوشلری کادی هر رینک آغزنده وایاقرنده برر اوفق
طاش وارایدی . ابرهه عسکرینک اوزرلرینه
صالیو برزدی قنغینه اصابت ایلسه مجروح وتلف
اولوردی . برچوغی بو صورتله تلف اولدی وبقیدسی
دوشه قالقنه ینه قاچوب قورتلدی

ابرهه دخی بو صورتله صنعایه واره بیلش ایسه ده
فنا حالده مریض اولغله چوق کچمیوب تلف اولمشدر
* واندن صکره ایکی اوغلی صره سیله براز مدت
صنعهده حکومت ایتش ایسه ده چوق سورمیوب دولتلی
انقراض بولمشدر

ابرهه نک عسکری اول صورتله پریشان اولدقده مکه
مکرمه اهالیسی طیشارو اوغرایوب انک اردوسنده
بولدقلری اموال وایشایی آلدیلر

خام الانبیا حرمتنه قریش قبیله سی هم او یله بر بیوک

دشمن شرنیدن قورتلدیلمر . و همده بویله زجتسزجه
برخیلی مال غنیمته نائل اولدیلمر . و برقات دهاشان
و شهرت بولدیلمر

و قریش طائفه سیله معارضه اوزره بولانان قبائل عرب
آرتیق انلرایله جنک وجدالدن و از کجوب انلری من طرف الله
موئید بیایدیلمر

بوسنه یه عربلر فیل بیلی دیو آد قویدیلمر که . میلاد
حضرت عیسانک بشیوز التمش طقوز نجی سنه سی ایدی
* خاتم الانبیا حضرتلری دخی او ییل طوغدی که
ابرهنه نك بروجہ بالافیل ایله مکه یه کلوب کیمسی محرم
آینک اواسطنده ایدی الی بو قدر کون صکره ربیع الاول
ایچنده دخی ولادت محمدیه وقوع بولدی

❖ مولد محمد ❖

فیل ییلنده و شهرور رومیه دن نیشان ایچنده ربیع الاول
آینک اون ایکنجی بازار ایرتسی کیجه سی صباحه طوغری
هنوز طاک یری آغر دینگی وقت عالم بر بشقه عالم اولدی
یعنی خاتم الانبیا محمد مصطفی صلی الله علیه وسلم حضرتلری
طوغدی . و کون طوغدن عالم نورایله طولدی
عبدالله دن آمنه نك آتیه کیمش اولان نور ملاحت انک
آتیه کیمدی . دور آدم دن بر و اولاد دن اولاده انتقال ایده

کلان نور خاتمت شمعی صاحبی بولدی و آرتق انده
قرار قیلدی

فرداسی بازار ابرتسی کونی صبا حلین هپ بتلریوزی اوستنه
دوشمش بولندی کورنلر حیرته قالدی

آمنه دن مرویدر دیر ایشکه (بن سائر خاتونلر کبی کبه لک
زحمتی چکمد کبه لره عارض اولان آغرقلری کورمدم
فقط کیجه رو یامده کوردم بر کیسه کلوب یا آمنه محقق
بیملیسین که سن خیر العالمین ایله حامله سین طوغدیغی
وقت آدینی محمد قویه سین دیدی وقت ولادت ایرشد کده
قولانغه بر بیوک سس کلدی اور کدم همان بر آق قوش
کلدی قنادیله ارقه می صیغادی بدن قورقه واور که
حالری یکدی . بز یاتمه باقدم بر بیاض کاسه ایله شربت
صوندیلر آلوب ایچدیکم کبی هر طرفی نور قاپلادی
اول انده محمد دنیا یه کلدی اطرافه باقدم کوردم که عبدمناف
قیزلرینه بکزر فقط غایت اوزون بویلی بر چوق قیزلرینی
طواف ایدیلر نجب ایتدم یارب بونلر کیملر اوله دیدیم)

وقت ولادت محمد بده آمنه نک کوزندن پرده قالدیریلوب
اول وجهله حور جناتی وملائکة کرامی کورمش ودها
نیجه خارق العاده حالر تماشا بیورمش اولدیغی مرویدر
* عشره مبشره دن عبدالرحمن بن عوف حضر تلرینک
والده سی شفا خاتون اول کیجه آمنه نک یاننده بولنمش وانک

کوزینه دخی وقت ولادت محمدیہ دہ مشرق دن مفر بہ دلک
بتون دنیا نور ایلہ طولق کی نیچہ خارق العادہ شیر کورنمش
اولد یغنی اوغلی عبد الرحمانہ سو یلمش اودخی سائرلہ
حکامہ ایلشدر

اول کیچہ عبد المطلب مسجد حرامدہ جناب حقہ توجہ
ومناجات اوزرہ ایکن مژدہ یاعبد المطلب شمدی آمنہ دن
برچو جق طوغدی وجودی عالمہ رحمتدر دیوہانفدن
برسس ایشتمش وہمان آمنہ نک یانہ کیمش اورادہ دخی
نیچہ خارق العادہ شیر تماشا ایشدر

خاتم الانبیا حضر تلی سننلی و کو یکی کیمش اولدیغی
حالدہ طوغشیدی . و آرقہ سندہ ایکی کورکی آرہ سندہ
تاقابنک حذا سندہ بر نشانہ سی وارایدی کہ اکا خاتم نبوت
ومهر نبوت دنیلور

حضرت عایشہ دن مرویدر دیمشکہ مکہ دہ بر یہودی
وارایدی ولادت محمدیہ کیچہ سنک فرداسی مجمع قریشہ
کلوب بو کیچہ اراکزہ براوغلان طوغدی دیو صورمش
اوت عبد اللہ بن عبد المطلبک براوغلای اولدی دیمش ایشہ
خاتم الانبیا اودرو آرقہ سندہ علامتی واردردیو خبرو یرمش
وارمشراول حضرت کی کورمشلر یہودی انک شکل و شمائلنہ
باقوب آرقہ سندہ کی خاتم نبوتی کوریمشک عقلی باشندن
کیمش و نبوت آرتق بنی اسرائیلدن کیتدی بوندن
صکرہ بشقہ پیغمبر کلمک امیددی بتدی قریشہ بر مرتبہ

دولت وسطوت الویره جک که خبری مشرقدن مغربه دیک
ایره جک دیمش

انبیاء بنی اسرائیل خاتم الانبیا حضرت تلمینی گاه محمد و گاه
احمد دیو ذکر الیش و علامتلمینی سویلش اولدقارندن
و علوم غیبیه اصحابی دخی برد صورتله استخراج ایتدکلرندن
اولوقت یهود گاهنلری آره سنده خاتم الانبیا حضرت تلمینه دایر
چوق سوزلر سویلنور و تشریفنه انتظار اولنور ایدی بناء علیه
تاریخ ولادتنی دخی بوز و جهله کشف و تعیین ایتشلر ایدی

حسان بن ثابتدن هر و بدر دیمشکه بن سکر یاشنده ایدم
یاورمکه برکون صبا حلین مدینه ده بر یهودی دیگر
یهودیاره حایقربوب بو کیجه احمدک ییلدیزی طوغدی
دیددی صکره حساب ایتدم مولد همدی کیجه سنه موافق
دوشدی

عبدالمطلب اومشلاو خیر لو علامتلمیری کوروب فوق العاده
ممنون ارادی و بو او غلک شاننی پک بیولک اوله جق
دیددی . و کند و سنه الله طرفندن او یله بر سعادتلی
اوغل احسان بیورلدیغنه دایر بر کوزل قصیده سویلدی
و بر بیولک ضیافت یاپوب قریش قومنی دعوت ایلدی
کلدیله ییلر ایچدیله بوضیافته سبب اولان چوجغنه
آدقودیک دیو صور دیلر

عبدالمطلب محمد دیو جواب و یردی

انلردخی بویه اجداد کده اولمیان آدی قویمقدن مقصدک
ندر دیدیلر

مقصدم و تمنی ایتدیلم بوکه انی کو کده حق و یرده
خلق پک چوق مدح و ثنا ایلله دیدی
خاتم الانبیا حضرت تله ینک پک چوق اسملری واردراک
مشهورلری محمد واحد در محمد عربجه پک چوق حمد
و ثنا اولمش اولان ذات دیمکدر

محمود مصطفی صاحب البیان صاحب الخاتم صاحب
المقام المحمود صاحب القضیب صاحب الهراوه دخی
خاتم الانبیا حضرت تله ینک القاب جلیله لرنددر
وقت ولادت محمدیه ده ظهوره کلان خارق العاده
حالردن برازی دخی بونلردر که ذکر اولنور

ولادت محمدیه ده ایوان کسری صارصلدی اون درت
شه نشینی یقلدی وفارس ولایتده اصطنخر ابادنام بلده ده
آتش پرستلرک بیک سنه دنبرو یانمقده اولان آتشکده لری
سونیو بردی و ساوه کولی بره باتوب نابید اولدی و سماوه
وادیسنده بالعکس صولطاشدی • و موبدان که فارسک
قاضی القضاتی دیمکدر اول کیجه اودخی رو یاسنده
کورمه شکه بر الای سرت و سرکش دوهلر بر بلوک عرب
آتله ینی یده رک دجله نهرینی کچوب بلاد فارس ایچنه
طاغملش

اولوقت آل ساساندن شاه عجم اولان نوشروان اولوجهله
ایوان صار صیلوبده شه نشینلرک ییقلسندن مضطرب
اوله رقی قرناسیله بومسئله بی سوزشورکن اصطخر اباددن
آتشکده نلک سوندیکی خبری کلدی ویند بوسره ده ساوه کولنک
باتدیغی و سماو ده: صوزلک طاشدیغی ایشیدلدی حساب
ایتدیله پ شه نشینلرک ییقلدیغی وقته مصادف اولدی
بونلک اوزرینه نوشروان تلاش ایدوب همان موبدانی
جلب ایله بووقعه لری درمیان ایلدی . اودخی اول
کیجه کورمش اولدیغی رؤیای سویلدی

نوشروان ده از یاده تلاش و اندیشه یه دوشوب عجباً
بوعلامتله نه اوله دیو موبداندن صورتی موبدان نه
اوله جفنی بیلیوردی همان عربستانجه براهر عظیم ظهوره
کلک کر کدر دیو جواب و یردی

در حال نوشروان ملوک عربدن اولوقت کند و سنه
تابع اولان نعمان بن منذره فرمان کوندروبکا بریلک
آدم کوندردی و امر انمکله نعمان دخی عبدالمسیح نام
فاضل بنامی کوندردی

عبدالمسیح همان پایتخت کسری اولان شهر مدینه
واردی و نوشروانلک حضورینه کیردی
نوشروان وقوعاتی سویلیوب بوعلامتله نه معنایه
دلالت ایله دیو صورتی عبدالمسیح دخی بنم شام دیارنده

ساکن سطح نام بردایم وارد بر نلرک معناسنی انجق
اوویره یاور دیو جواب و یردی
انک اوزریند نوشروان هایدی چابوق سطحک یانه واراندن
صور بکا جوابنی کتور دیو امر ایتدی عبدالمسیح دخی
همان مداندن چبقوب دیار شامه کیتدی
اولوقت عربلرا یچنده کاهن عرانه دینور رطاقم بیلکیچ
آدملروارایدی که اسرار الهیه دن بحث ایدرلر و کله جک
شیلری خبر و یرلراییدی . الک مشهورلری ایشته بوسطح
کاهن دیدکلی ذات ایدی که فوق العاده یاشلی بر آدم
اولوب حتی نزارک وفاتنده میراثنی اوغلی مضر ایله دیگر
اوغللری بیننده تقسیم ایدن اوایدی دیرلر . واصلی
یمندن اولوب انجق شام طرفنده برصومعه ده یرلشوب
قالمش ایدی حالبو که بدتنده کیمک یوق شکل وقیا قجه
مثلی نامسبوق دائم ارقه سی اوستنه یاتار و بر طرفه
کوتور یله جک اولدقده کندوسنی دوشه مه کی دوشیروب
حیوان اوزرینه یوکلدزلر ایمش الحاصل انسانه بکره عن
لسا نندن بشقه اعضاسی اویناماز بر شهنص عجیب اولوب
فقط غایت فصیح و بلیغ سوزلر سوبلر ونیجه ییلر صکره
اوله جق وقوعا تدن بحث ایلر ایمش بزیند صده کلام
عبدالمسیح آشوری مرتبه سرعت ایله سطحک اولدیفی
محله واردی یانه کیردی سلام و یردی

سطیح ایسه اولوم دوشکنه دوشمنش و کوزلی قیامتش
اولدیفندن عبدالمسیح سلامنی ایشتمور و دنیا کلامی
قولاغنه کیتور ایدی

سطیح بو حالی عبدالمسیح پک زیاده تأثیر ایلدی و همان
سطیح جاننه تأثیر اینه جک سوزشلی سوزلی حاوی
برقصینه سویلدی

شویله که عجبایمک اولوسی صاغر میدربو خسه ایشید یورسی
ویو خسه اولوب کیتدیده بزلی بتون بتون مایوس
ایتدیمی ای شیخ فاضل و حلال مشکل بر بولک و محترم
جماعتک شیخی اولان همشیره زادهک شاه عجم طرفندن
کوندراش اولسیله طاغ و دوز کیچه و کوندوز دیمبوب
و یوللرده کی مهالك و مخاطراتی قید ایتبوب فوق العاده
سرعت ایله سکا کادی جله بیلکیچلرک عاجز قالدیغنی امور
عظیمة بی سندن ضرروب او کریمک ایستردیدی

بونک اوزرینه سطیح کوزلرینی آچدی و دیدی که
عبدالمسیح سرعت ایله سطیحه کادی سطیح ایسه قهره
کیرمک اوزره ذر سنی ملک سا سان کوندردی سرانمک
صار صلمسی و آتشکده نک سونمسی نه به دلالت ایلدیکنی
صوره یور و برده موبدانک کوردیکی رؤیاک تهبیرینی
ایستبور که رؤیا سنده برالای سرکش دوهلر بر بولک عرب
آتلرینی یدرک دجله بی کچوب مملکتته طاغالدیغنی

کور مشیدی ای عبدالمسیح اول دم که تلاوت چوغاله
وصاحب هراوه ظاهر اوله و نار فارس سونه و سماوه
وادیسی طاشه و ساوه کولی بانه شام آرتق سطح ایچون
شام دکلدر بنی ساساندن بیقلان شه نشینلرک عددنجه
اون درت ملاک و ملاکه کلور و آرتق اوله جق اولور دیدی
و همان وفات ایتدی

عبدالمسیح مداینه عودت ایلدی و سطحیندن ایشیتدی
شوزلری نوشروانه سویلدی

نوشروان ایسه کندوسنک زمان سلطنتنده برفناقی
ظهورندن خوف و اندیشه ایتمکده ایدوکنه مینی بوخبردن
متلی و نمون اولدی و بزم نسلزدن اون درت حکمدار
کلوب کیده نیجه دیک نلر اولور دیدی

واقعاً اون درت حکمدارک عانت اوزره عصر سلطنتلری
کلوب کینهجه دیک نیجه قرنلر کلوب کیمک لازم کلور
حالیو که نوشرواندن صکره براراق دوات سامانیه نیک
حالی مختل اوله رق یالکز درت سنه ظرفنده آل ساساندن
اون حکمدار کلوب کیتشد و ساسانیلرک مدتی ظن
اولندیغی قدر اوزا میوب از وقت ظرفنده مملکتلری اهل
اسلام الله کچمش و نوشرواندن صکره اون دردنجه
ملاک اولان یزدجرد حضرت عثمانک خلافتنده تلف
اوله رق انکله دوات ساسانیه منقرض اولوب بتمشد

❖ خاتم الانبياء حضرت تاري نك ولادت سندن ❖
 ❖ بختنه قدر ظهوره كان غارق العاده ❖
 ❖ حالات ❖

مكه اهالي سى اوتنه دنبرويكى طوغان چو جقلىرىنى مكه ده
 طوتمبوب عشاردن برسوت انايه ويررل وعشار ايچنده
 هواسى لطيف پرلده تربيه ايتديررلايدى
 بوجهتله عشاردن اره صره مكه ده سوت انالر كلور
 وامز يروب بيوتك اوزره برر چوجق آلور وچوجقلىرى
 بيوتوبده اناسنه باباسنه تسليم ايتدكلرند، نائل اكرام
 وعنايت اولورلايدى

ولادت محمديه هنگا منده بنى سعد قبيله سندن مكه ده
 برچوق سوت انالركلى وهر برى برر چوجق آلديغى
 صرده ايچلرندن حارث نام كيسه نك زوجده سى حليمه
 دخی حضرت محمدي آلدى وكندى يوردينه كوتوردى
 ❖ اوسنه بنى سعد ديارنده قحط و غلا وارايدي حليمه
 اول فخر عالمى آلوبده كوتوردىكى كى حيوانلرينك سودى
 چوغالدى وخانه سنده فوق العاده بركت پيدا اولدى
 حارث بوكا دقت ايدوب يا حليمه بوكتوردىكك يتيم
 اياغى نه اوغورلى ايمش اوكله لى كچه من خير اولدى
 امان اكا ايجه باقم ديدى

حلیه ایسه آنی اوز اولاندن زیاده سوردی حتی بیو یوده
ایاق اوزنده کز مکه باشلا دقه آمنه آنی آلق ابستدی
لکن حلیه مکه نك هواسی آغردر امان طوقونیه کز
برمد بچکده بزم یانمده قالسون دیه رك آمنه بی قاندردی
وانی کندی یاننده آلیقوبیدی

حایه آنی جانی کبی سووب واسن روز کاردن صاقینوب
اصلا یاندن آیرمزایدی

برکون هر نصاسه حلیه غفلت ایتمش اودخی سوت
قبر قرنداشی شیما ایله برلکده اوکلین قوزیلرک یاننه
کیتش

کلدکارنده حلیه قیزی شیما یه نیچون بویله کونشک شدتلی
وقتده طیشارو چیقیورسکن دیمش شیما دخی بز صیجاق
کورمده قرنداشک باشی اوچنده برپاره بولوت طولاشیور
اوزیه کیدرسه بولوت دخی برابر کید یور وبربرده
طورسه طور یور بورایه قدرهپ کولکده کده کلرک

دیو جواب ویرمش

بونک اوزرینه حلیه و حارث فخر عالمک طور و طرزینه
زیاده دقت ایدوب کوررلر که یوزینک نورایتی و سیاسنک
روحانیتی حسبیلہ سائر چوجقلردن ممتاز اولدیغی کبی
اطواری دخی سائر چوجقلرک اطوارینه بکزه مز چوجقلر
اوبنارکن اوقارشودن باقوب او یونه قارشماز

حارث و حلیه انت بو مثل و اطوارینه باقوب آنده بر بشقه
تجلی اولدیغنی اکلامش و اولکیدن زیاده انی حرمت
کوزیله کوزتمکه باشلاهش

لکن دیرت یاشنه ایریشه رک کزوب طولاشور اولدی
و خارق العاده حالری چوغالدی • حارث ایسه بو حالردن
اورکدی و زوجه سنه یا حلیه و قتیله بوچو جغنی والده سنه
و برملی یزدیدی

حلیه دخی ناچار آنی آلوب مکه یه کتوردی و والده
محترمه سی آمنه یه و بردی

بعده آمنه آنی آلوب مدینه یه کتوردی و دایی زاده لری
اولان بنی نجار ایله کورشدردی

اولوقت مدینه ده بو انان یهود کاهنلری انتک شکل
و شمائله باقوب بو امتک پیغمبری ایشته بوچو جق اولسه
کر کدر دیرلردی

آمنه انکله برابر مدینه دن مکه یه عودت ایدوب اشای
راهنده فوت اولدی • فخر عالم انان دخی یتیم قالدی
و دده سی عبدالمطلب انی کندی یانته آلدی

اولوقت مکه دیارنده قحط و غلا و ارایدی قریش
طائفه سی عبدالمطلبه کلوب یا غمور دعاسنه چیقمسنی
نیاز ایلدیلر • اودخی فخر عالمک الله یابیشوب ابنی قیس
طائفه چیقدی جناب حقّه یا واردی جناب حق دخی

فخر عالم حرمتنه یاغور یاغدردی وعظیم فیض
وبرکت و بردی

شعراء عربدن بعضیلری اولوقت بوقصدیه دائر اشعار
سو یاشلر و بوندن طولایی عبدالمطلبه تشکر ایلتلردر
* فخر عالم اولوقت یدی یاغنده ایدی برسنه صکره عبد
المطلب یوز بوقدر یاغنده اولدیغی حالده فوت اولدی
وفخر عالم حضر تلی عوجه سی ابوطالبک خانه سنده
قالدی

اوسنه دخی مکه دیارنده قحط و غلا اولمغله قریش
طائفه سی ابو طالبه کلوب یاغور دعا سنه چیمه سی
استدعا ایلدیلر اودخی فخر عالمک النندن طودی و برلکده
حرم شریفه کیتدی و کعبه دیوارینه طیانوب دعا ایتدی
فخر عالم پارمغنی کوکه طوغری قالدردیغی کبی یاغور
یاغمه باشلادی

تنه کیم جلهمه بن عرفطه نام ذات اواوقت مکه ده
بولمغله بوقصدیه شوووجهله تفصیل ایتشدر که برسنه
مکه یه کیتدم قحط و غلادن مکه اها ایسنک حالی یمان
اولمغله بیلرندنه مشورت ایدوب بعضیلری لات و عزای
نام بتلردن و بعضیلری منات نام بتدن استمداد ایدلم
دیدکاری صره ده اچلرندن براختیار کسنه حالارا کرده
سلاله ابراهیمک بقیه سی موجود اینکن نیچون بشقه سبب

ارابورسکز دیمکله اشراف قریش همان قالقوب ابوطالب
 یانه کتدیلر و یاغور دعاسنه چیمسنی نیاز ایتدیلر اودخی
 چیقوب حرم شریفه کلدی ارقه سنی کعبه دیوارینه
 ویردی دعابه باشلادی یانده یوزی کونش کبی پارلار
 براوغلا نیق واریدی پارمقاریله کوکه اشارت ایلدی
 کؤک یوزنده بر پاره بولوت یوق ایکن هر جانبدن بولوتلر
 پیدا اولوب یاغورلر یاغدی سیلر آقادی دیوبیان
 ایلشدر

بوقصه یی ابوطالب دخی برقصیده سنده کمال فصاحت
 و بلاغت ایله ذکر ایلش و فخر عالمک کرامت و سعادتنه
 دائر سوزلر سویلشدر

فخر عالم اون ایکی یاشنده ایکن ابوطالب تجارت ضمنده
 شام قافله سیله چیقوب انی دخی برابر کوتوردی
 شام ولایتده واقع بصری بلده سنه ایرشدکلر زنده بر صومعه
 قارشوسنه ایندیلر و براغاج التنه قوندیلر

اول صومعه ده کی راهب ایسه بحیرا دیومعروف اولان
 جرجیس نام زاهد و منزوی بر ذات ایلش

کاربان کلورکن بحیرا باقوب کورر که کاربان ایله برابر
 بر بولوت دخی کلور . کاربان کلوب قوندقده بولوت
 دخی اول اغاجک اوزرنده استقرار ایدوب طوره یوز
 واول اغاج خیلی مدتدنبرو قوریبوب قالش ایکن درحال
 بشلش

بحیرا کندی معلومات و کشفیاتنی بوحالاته تطبیق ایله
 یاور که خاتم الانبیا حضرت نوری بوقافله ایچنیده و اول
 اغاجک التمه در همان برضیافت ترتیب ایله اشاعه اینوب
 ابوطالبی رفقا سیه برابر صومعه سنه دعوت ایتدی
 ابوطالب دخی اول حضرتی یوکلرک یاننده براغوب
 سائر رفقا سیه برابر صومعه به کیتدی

جمله سی سفریه حاضر اولد قلرنده بحیرا انلری برر برر
 کوزدن کچوردی برینک یوزنده ارادیغنی علامتلی
 کورمدکن بشقه اول بولوتک دخی حال اغاج اوزرنده
 طور دیغنی کوردی . و همان ارقداش لکرزدن کلیمان
 واری دیو ابوطالبه صوردی اودخی یالکرز برکچوک
 چو حق قالدی دیو جواب و بردی . بحیرا انک تشریفنی
 دخی نیاز ایدرم دیملکه ابوطالب اول حضرتی آلوب
 سفریه کتوردی

بحیرا اثنای طعامده دقت ایدوب کورر که خاتم الانبیا حقنده
 انبیاء سالفه دن و علماء ماضیه دن مروی اولان علامتلی
 هپ اول ذات شریفده موجود در همان بعد الطعام
 آنی یاننه آلدی و سکا راز شیلر صوره جفملات و عزای
 حقیچون طوغری سویله دیدی

اول حضرت دخی لات و عزایه بمین و یرمه زیرابنم
 طالده الک زیاده مبعوضم بتلر در دیو بیوردی

انك اوزرينه بحيرا الله تعالى حضرتلرينه يمين و بردي
 واول حضرتك احوالى لابقيله اكلامق ايچون صوره جنى
 شيلرنى صوردى

آلديغى جوابلردى كندوسنك اجتهادىنى تأييد و اعتقادىنى
 تأكىد ايتدى و همان برتقريله اول حضرتك مبارك
 ارقه سنى آچوب خاتم نبوتى كوردى و كمال ادب و احترام
 ايله اوپدى

برو طرفده اشرف قريش بحيرانك عندنده محمدك نه بيوك
 قدر و اعتبارى وارد بو تعجب ايدرك سوياشور لر ايكن
 بحيرا ابو طالبه آلك ندر و بو شرف و سعادت فدانى
 كيمدر ديو صوردى

اودى بكا ابو طالب ديرلر بوده او غلدر ديو جواب و بردي
 بحيرا يوق بوق انك شكل و شمائلنه باقيلور سه بر دريتم اولق
 كر كدر ديدى

ابو طالب اوت صلابى او غل دكلدر قرنداشمك او غلدر
 و پدر و والده سى وفات ايتكله يتيمدر فقط بنم تحت تربيه مده
 اولغله او غل مقامنده در ديدى

بحيرا اجتهادنده اصابت ايلش اولديغندن ممنون اولدى
 و آرتق كندوسنه اطمينان تام كلدى و ديدى كه
 يا ابا طالب بو چو جق انبيا و مر سامينك خاتمدر شام
 يهوديلرى ايچنده انك اوصافنى بيلور و علامتلر ينى طانور

کائنات واردر شاید که اهانت قیدینه دوشه زر سنانی شامه
کو نورمه بورادن کیر و چو یردیو نصیحت ابتدی
ابوطالب دخی بحیرانک سوزینی طوتدی ومانی
بصری بلده سند صنادی و همان کیر و کیتدی

فخر عالم ایام صباوتی پکوردی و سن شباهه ایردی یوزی
نورانی و سوزی روحانی خطاب و جوابی کوزل و رشد
و رویتده بی بدل سوزنده صادق و حلم و مروتجه ساره
فائق ایدی . بناء علیه قریش طائفه سی ایچنده ممتاز
و مستثنا اولدی و محمد الامین دیوشهرت بولدی

اون یدی یاشنده ایکن عوجه سی زبیر بن عبدالمطلب الیه
برلکده یمنه کیدوب کلدی بو سفرنده دخی کندوسندن
خارق العاده حالر کورلدی

مکه یه عودت لرنده رفیق لری بو حاللری نقل و حکایه
ایتمکله قریش ایچنده بو ذاتک شانی پک بیوک اوله جق
دیو سو یل نور اولدی

ویکرمی یاشنه بالغ اولدقده کوزینه بعضا ملکلر کورنمکه
باشلادی شو یله که اکا اشارت ایدوب ایشته بتون عالمه
هدایت ایرشدیره جک بودر لکن هنوز ایام دعوتی
ایرشمادی دیرلردی

فخر عالم بو حالات عجیبه یی ابوطالبه آچدی اودخی

بر گونه خسته لك اثری اواسون دیوانی عرب کاهنزدن
 رینه کو ستردی و علاج و دواسنی صورتی
 کاهن انی دقت ایله معاینه ابتدی یا باطالاب اندیشه ایتمه
 بو وجود مقدس هر درلو علل و امر اضدن بریدر کوزینه
 کورینن شیرایسه ملائکه کرام ایله انیسنه باشلا نفع
 اوانی کر کدر و احتماله نی آخر الزمان بواوله دیدی
 اول اوانده اشرف قریشدن کنج ایکن طول قالمش
 خدیجه ناسنه غایت زنکین برخاتون و اریدی بعض
 ذواته اور تاقلی ایله سرمایه و برزایدی
 محمد لایینه بر مقدار سرمایه و یرسه ک خلی خیر و منفعت
 کورردک دیوبعضیلر طرفندن کندوسنه اخطار اولمغله
 خدیجه دخی اول حضرت کلی سرمایه و یردی و کوله سی
 میسره بی دخی رفیق ایدرک شاعه کوندوردی
 فخر عالم حضرت تری قافله شام ایله کیدر کن بحیرانک
 صومعه سی اوکته اینسدیلر و میسره ایله برانکه براغاج
 آتیه قوندیلر

بحیرایسه مقدمات فوت اولمغله یرینه چکن نسطور انام
 راهب اورایه کادی و میسره ایله اسکیدن الفتی اولدیغندن
 انکله کورشدی و سوزه کیرشدی اللهک برانکه و محمدک
 پیغمبرانکه شهادت ابتدی و یا میسره حضرت عیسانک
 خبر و یردیکی خاتم الانبیا ایسته بودر شاعه کیمیکز خونه

يهود كوزوب طانورل واهانت داعيه سنده بولنورل ديدى
بناء عايه فخر عالم دخی شاهه كيتوب بصراده آلس و يرش
ايدرك اورادن كير و دونديلر

يك صبحاق بر كونده مكه يه واصل اولديلر خديجه بر قاج
قادينلرايله بر محله طور وب شام قافله سنك كليشنى تماشا
ايدبورل دى كورديلر كه يولچيلردن بر ينك باشى اوزرنده
ايكى قوش قناد كروب كليور و چادر كي كواكه ايدبورل
بو كيم اوله دير كن ميسره چيغه كلدى محمد الامين اولديغنى
بيلدردى و صبحاق و قتلده ايكي ملك انك باشى اوزره
قناد كروب كواكه لندر مك كي نيجه خارق العاده
حاللر كور ديكنى و نسطورانك سوزلر ينى خبر و یردى
محاسبه كورلدى سائر سنه له نسبتله كلي كار و منفعت
كورندى لکن خديجه نك كوزينه شام تجارتك كار
و منفعتى كورنمزدى

زير اقدما خديجه بر رۇيا كور وب عمى زاده سى اولان
ورقه بن نوفله تقرير ايتد كده سن آخر الزمان پيغمبر ينك
زوجه سى اوله جفسين ديو تعبير ايتمشيدى

ورقه بن نوفل ايمنه نصارا ديشده اولوب انجيل و تورات
اوقور و كله چك شيلردن خبر و یر غایت اختيار بر كاھن
مشهور ايدى

بناء عليه خديجه نك افكارى بوكا صار مش و سار شيلرى
ذهندن چيقار مش ايدى

ايشته بو صره ده طرفيندن واسطدار پيدا اولدى
وخديجه نك فخر عالم حضرت تاري نه عقد نكاحى خصوصه
قرار و ير لى

همان خديجه نك خانه سنده مجلس نكاح عقد اولدى
وقر يش طائفه سنك اولوزى طو پلاندى
فخر عالم حضرت تاري دخی عوجه سي حجه ايله بر لکده
کيدوب اوزاده بولدى

اولا ابوطالب بر خطبه بليغه انشا ايتدى که خلاصه
وجهله ترجمه سي بوراده ايراد اولنور

(شكر الله که بزلى ابراهيمك ذريتندن واسماعيلك نسلندن
ومعدك اصلندن وعضرك عنصرندن يار ائدى و بزى بيت
مكرمك بکچيسى و حرم شريفك خد مجببى و بوجهله
ناسك حاکم و رئيسى ايتدى بوندن صکره صده کلام
قرنداشم اوغلى اشبو محمد بن عبدالله ايله قر يشدن قنغى
نوجوان موازنه اولنسه بوا کا حسب و نسجه و عقل
وفضيله فائق و مر جم اولوزوا کرچه مالی آزابسه ده ا کا
باقلاز زير مال بر ظل زائل و امر حائل در و آلنور و ير بلور
اکرتى بر شيدز و الله بوندن صکره انک حال و شانى پک
بولک اوله جقدر حالو که سزک بوجهله شرف و شان

صاحبہ سی اولان کریمہ کز خدیجہ بہ رغبت بیوردی
و شوقدر مجملہ و مؤجلہ و بردی)

ابوطالب بو خطبہ سی اوزرینہ ورقہ بن نوفل دخی
بر خطبہ انشایتمدی و (الله شکر کہ بزری بیان ایتدی یک
کی یار ایدی و صایدیفک شیردن زیاده فضل و شرف
ایله ممتاز ایدی . ایمدی بز عربک اولوری و رئیساری بز
سزده بویله سکر عشیرت سزک فضل کنری انکار ایتمز
و هیچ بر کیمسه سزک خیر و شرف کنری ردایلز بزده سزکله
کسب قرابتہ راغبز . ای جماعت شاهد اولکز بن محمد بن
عبدالله خدیجہ بنت خویلدی نکاح ایتم) دیدی
و قریشک او اولوری شاهد اولدی

فخر عالم اولوقت یکر می بش یاشنده اولوب خدیجہ ایسه
اگانسبتله خلیجہ یاشلی ایدی

ایسته خدیجہ الکبری دنیلان سیده النساء بودرائک و فاته
قدر فخر عالم حضرتاری اندن خوشنود و راضی قالدی
وانک صاغلفتمده بشقه خاتون تزوج ایتمدی

فخر عالمک حضرت خدیجہ دن ابتدا قاسم نامنده براوغلی
دنیا به کلدی بناء علیہ عرف و عادت عرب اوزده فخر عالمه
ابو القاسم دینلیدی . فقط قاسم بکوک ایکن فوت
اولدی

و فخر عالم اوتوز یاشنده ایکن زینب و اوتوز اوچ یاشنده

ایکڻ رقيه وبعده ام کثوم نام کریمه لری دنیایه کاسی
وکنشویه نبوت کلدیکی اوانده فاطمة الزهرا نام کریمه
محترمه لری طو غمشد که فخر عالم انی جله اولادندن
زیاده سوردی وانک حقنده سیده النساء دیو بیوردی

وینه فخر عالم نبوتندن صکره عبدالله نام براوغلی
دنیایه کلمشدر لیکن اودخی کچوک ایکن فوت اولشدر
* اولوقت قریش طائفه سی جمهور طورنده ایدی
لیکن احقاقی حقه پک زیاده اعتنا ایدرلردی اشراف
قومک معرفتیه مظلومک حتی ظالمن آبو بریلوردی
حتی بر بیوک مجلس یاپوب مکة مکرمه ده کسنده غدر و ظلم
ایتدر مامک اوزره عهد و پیمان ایتشار ایدی واول مجلسده
فخر عالم حضرتلری دخی بولمنشیدی

ومقدما کعبه نک ایچنده بر قویی اولوب خزینده اتخاز
اولنده رق کعبه یه کتوریلان هدیله اورایه قونیلور ایدی
سیلدن کعبه نک بعض محللری بیتقلقه برخیر سزاشبو کعبه
خزینده سندن بعض اشیا چالمش وقریشک اولولری بیننده
ویریلان قرار اوزره اللری کسالمش ایدی

بونک اوزرینه قریش طائفه سی کعبه نک مجددا بناسنه
باشلادیلر وبناموضع رککنه چیققدقه بعض طوائف
حجر اسودی محله بز قویه جفر دیو ادعا ایلدیله دیکرلری
ایسه مخالفت ایتکله ارده مجادله پیدا اولدی و بودعوابی

قلیله کسمک اوزره محاربه به قرار و یردیار صکر بو قرار دن
 واز کچوب حضرت محمد الامینی حکم نصب ایدرک انک
 حکمه راضی اولدیلر . اول حضرت دخی بر پارچه
 بزکتوروب حجر الاسودی انک ایچنه قویدی وهر قبیله به
 براوجنسدن طوتدیروب یوقار و قالدرتدی و مبارک الله یله
 حجر اسودی آلوب برینه وضع ایتدی

قریش قومی انک بو حکم و تدبیرینی قبول و تحسین ایتدی
 و بو صورتله بدیلرنده منازعه و مجادله بتدی
 اولوقت فخر عالم حضرت تلی اوتوز بش یاشنده ایدی
 اوتوزیدی یاشنه بالغ اولدقده هاتندن کند و حنه یا محمد
 دیوندا اولمغه و بعض طرفلرده نور کورنگه باشلادی
 بو اسراری بالکر خدیجه ایله سویلشوردی

خاتم الانبیاء که چکنی اولجه خبر و یرمش اولنلردن بریسی
 دخی ایاد قبائلک اولوسی اولان مشهور قس بن ساعده در
 که پک چوق معمر اولمش و فصاحت ایله پک زیاده شهرت
 بولمش بر ذائدز

حتی پیرفانی ایکن سوق عکاظده بر قیزیل دوه اوزرنده
 اولدیغی و بلغای عرب اوراده حاضر بولندیغی حالدده
 بر خطبه بلیغانه او قومشیدی

اولوقت فخر عالم حضرت تلی دخی سوق عکاظده

بولوب انك بو خطبه سنی دكلمشیدی فقط هنوز ناسی
دعوتہ مأمور اولامشیدی

قس بن ساعدہ نك اول خطبه سی بلغای عرب پیشده
پك زیاده شهرت بولش و دیلارده داستان اولش در
برنخی خلاصه وجهله ترجمه سنی بورایه درج ایله
علاوه ایده لم

ای ناس کلیمکزدگله بیکز بلاه بیکز عبرت آلکز . یاشایان اولوز
اولن فضا بولور اوله جق اولور . یا غور یا غار او تلبتر چو چقلر
طوغار انار نك بابار نك برینی طوتار صکره هپسی محو
اولوب کیدر . وقوعه نك آردی اره سی کسلز همان بر برینی
ولی ایدر . قولاق طوتکز دقت ایدیکز کوکده خبر وار
برده عبرت آله جق شیلر وار . بر یوزی بر فرش ایوان
کوک یوزی بر بو کسک طاوان بیلدزل یوزر دکرلر طورر
کلان قالمز کیدن کلر عجب وار دقلری بردن خوشنود
اولوبده می قالیورلر بو خسه اوراده براغیلوبده او بقویه می
طالیورلر . یمین ایدرم للهک عنندنه بردن واردر که
شمیدی بولندیغکز دیندن دهاسو کیلودر واللهک برکله جک
پیغمبری واردر که کلسی پک یقین اولادی کولکه سی
باشکز اوستنه کلدی نه موطلو اول کیسه یه که اکا ایمان
ایدوبده اودخی اکا هدایت ایله . وای اول بد بخته کیم
اکا عصیان و مخالفت ایله . یازقلر اولسون عمرلری

غفلت ایله پکن امتاره . ای جماعت ایاد قنی آباواجمداد
 قنی مزین کاشانه و طاشدن خانه لیاپان عاده و نمود
 قنی دنیا وارفتنه مغرور اولوبده قومنه بن سزک ال بیوله
 ز بکریم دین فرعون ایله نمود . انلر سز نسبتله ده از نکین
 وقوت و قدر تجه سزدن افزون دکلیدیلر . بویر آنلری
 دکر منده او کوتدی توز ابتدی طاغندی بیکاری ببله
 چور ییوب طاغندی اولری بیقلوب ایصسر قالیدی
 یرلری یوردلری شمدی کو پکار شتندیر یور . صاقین
 انلر کی غفلت ایتیمیک انلرک بولنه کیتیمیک هرشی فایدر
 باقی انحق جناب حقدر که بردر شریک ونظیری یوقدر
 طایه حق انحق اودر طوغنامش و طوغور مامشدر . اول
 کلوب پکنلرده بزه عبرت آله حق شی چوقدر . اولوم
 ایرماغنک کیره جک یرلری وار اما حقیقه حق یری یوقدر
 بیوک کچوک هپ کچوب کیدیور کیدن کیرو کلبور جزم
 ایتدم که عامدیه اولان بکاه اوله جقدر)

قس بن ساعده خاتم الانبیا ک قریبا کله جکنی کشف
 واستخراج ایدوب سوق عکاظه بویه علی ملائناس
 سویلر ایکن بیچاره اندن بی خبر ایدی که خاتم الانبیا
 حضرت تبری دخی اوراده حاضر واکا ناظر ایدی
 ارده سی چوق کچوب خاتم الانبیا حضرت ترینه نبوت
 ورسالت کلدی لیکن قس بن ساعده وفات ایتمکله کلوبده

کورشمک کند و به نصیب اولدی
 اندن صکره بنی ایدک اولوستی اولان جارود نام ذات دخی
 انک کبی موحود دین عیسوی به معتقد اولدیغی حالده
 قومک اشرافیه برلکده کلوب بر کون حضور محمدی به
 کیردی واسلام ایله مشرف اولوب انکله برابر قومک
 اشرافی دخی هپ ایمان کتوردی

خاتم الانبیا حضرتلری اندن ممنون اولدی و ایچکرنده
 قس بن ساعده بی بیان وارمی دیو صورتی
 جارود دخی یار سول الله جمله من یلورز علی الخصوص
 بنی دئما انک ایزنده کیمدنلرنم دیو جواب و یردی

خاتم الانبیا حضرتلری قس بن ساعده نک سوق عکاظده
 دوه اوزرنده یاشایان اولور اولن فنا بولور اوله حق اولور
 دهرک خطبه او قوددیغی خاطرمدن چیقماز برخیلی سوزلر
 دهاسویلمشیدی ظن ایتیم که هپسی خاطرلرد قالمش اولسون
 دیو بیوردی

ابوبکر الصدیق حضرتلری اول مجلسده حاضر بولنوب
 یار سول الله بنده اول کون سوق عکاظده حاضر ایدم
 قس بن ساعده نک سو یلدیگی سوزلر هپ خاطرمدن
 دهرک مذکور خطبه بی اولندن آخینه قدر او قودی
 انک اوزرنده جارودک ارقداشلرندن بری ایاغه قالقوب
 قس بن ساعده نک بعض اشعارینی او قودی که حرم

شریفده بنی هاشم بن محمد علیه الصلاة والسلامک بعثتی
صراحة ذکر و بیان ایشیدی
خاتم الانبیا حضرت تبری دخی مأمول ایدرم که جناب
حق روز قیامده قس بن ساعده بی آبروجه برامت
اوله رق بعث ایلیه دیوبوردی
بز شمدی بعثت محمدیه نک کیفیتنه واندن صکره ظهوره
کلان وقوعاتک تفصیلاتنه کلام

❖ بعثت محمدیه ❖

فخر عالم محمد صلی الله علیه وسلم حضرت تبری نه قرق
باشنده ایکن نبوت و قرق اوچ باشنده ایکن رسالت
کلدی
ونبوتی روئیای صادقیه الیه باشالایوب النی آی قدر
روئاسنده هر نه کور رایسه عینیه ظهور ایدردی
واول اثنا ده عزات و خلوقی سوردی و جبل حرایه کیدوب
آنده کی مغاره ده تنهاجه عبادت ایلردی
ایشته اولوقت جبریل علیه السلام کلوب کندوسنه
کورندی و (اقرأ بسم ربك الذی خلق خلق الانسان
من علق اقرأ وربك الاکرم الذی علم بالقلم علم الانسان
ما لم یعلم) آیت کریمه لرینی کتوردی

وهله اولاده وحی الهینک مهابتی فخر عالمه خوف
ودهشت ویردی . همان دتره یه رکه خدیجدهنک یانسه
واردی بنی اورتک اورتک دیو یوردی

درحال خدیجه اول حضرتک اوزر بنی اورتدی اودخی
برمقدار تنفس واستراحت بیورد قدن صکره وقوع حالی
خدیجه یه بیان ایتدی

خدیجه اول حضرتی آلوب عمزاده سی اولان مشهور
ورقه بن نوفلک یانسه گیتدی لر و کیفیت وحی آلهی بی
اکا حکایه ایتدی لر

همان ورقه (عزده یا محمد سن عیسی بن مریمک خبر ویردی کی
نبی آخر الزمان سین وسکا کورینن ملک حضرت موسایه
دخی نازل اولان ناعوس اکبر در کاشکی کنج اولوبده
سنک اعلان دهوت ایده جکک وقته ایریشیدم وقومک
سنی مکه دن چیقاره جغی وقت سکا یاردم ایتسیدم)
دیدی

نبی مکرم صلی الله علیه وسلم حضرتلری (یا قوم
بنی مکه دن چیقاره جغمی) دیو سوال بیوردی
ورقه (اوت منصب نبوت هر کیمه احسان بیورلدیسه
قومی ایچندن اکا دشمنلر پیدا اوله کلشدر . سنیده قومک
مکه دن چیقارسلر کرکدر) دیو جواب ویردی
اندن صکره وحی الهینک ارقه سی کسلدی وجبریل

عليه السلام کلوب کورنمز اولدی . حضرت پیغمبر
اندن یک زیاده صیقلدی

فقط اسرافیل علیه السلام ارمه صره کلوب کیدر و رسول
اکرمه بعض شیلر تعلیم ایدر ایلدی . بوحال اوچ سنه
قدر سوردی

بعده بر کون حضرت پیغمبره کو کدن برندا ایردی یوقارو
باقوب جبریل امینی کوردی

ینه کندوسنه خشت ودهشت کلوب خدیجه نك یاننه
واردی لباسنه بوزندی . اول وقت ینه جبریل علیه
السلام کلوب کوزندی . و (یا ایها المدثر) سورده سنی
کتوردی

ایشته رسالت محمدیه نك مبدئی بودر . اندن صکره
جبریل امین پیدر پی آیات قرآنیله کلوب کیتکه باشلادی
و یکریمی سنه بوحال اوزره دوام ایلدی

الحاصل فخر عالم حضرت تلی بر یکی شریعت ایله کافه
انس وجهه مبعوث اولدی . وانک شریعتیه سائر
شریعتلر منسوخ اولدی و خاتم النبیین اولوب اندن صکره
پیغمبر کلم احتمالی قالدی

ورقه بن نوفل اولجه فوت اولمغله کندوسنک استخراج
ایلدیکی کبی رسول اکرمک وقت دعوتنه یتیشه مدی
* بودعوته ابتدا اجابت ایدرک اسلام ایله مشرف

اولو بده رسول اکرم ایله برابر نماز قیلان حضرت خدیجه
رضی الله عنهدا

بعنده حضرت ابوبکر الصدیق ایله حضرت علی
رضی الله عنهما وکرم الله وجههما اسلام ایله مشرف
اولمشدر

واکرجه اولوقت حضرت علی هنوز سن بلوغه واصل
اولمشیدی لیکن کچولک ایکن رسول اکرم
سعا تخانه سنده وئک تحت تربیه سنده بولمظه رسول اکرم
ناسی دعوته باشلادیغی کبی اودخی ایمان ایتمشدر فقط
اسلامنی اظهار ایتیموب کیرلی طوتاردی

اما ابوبکر الصدیق حضرت تبری زمان جاهلیته قریش
ایچنجه بیوش اولدیغی حالده فصل که فخر عالم حضرت تبری
کچولک کدن برو بتاره بغض ایله کلمش ایسه اودخی
اوته دنبرو بتاره سجده ایتزدی وعقل سلمی ایله قریشک
دیندن یشقه عندالله قبول بر دین اولدیغی دوشونوب فقط
اکادالنت وهدایت ایله جک بر قولاغوز بولامازدی رسول
اکرم دعوته باشلادیغی کبی جله دن اول ایمان ایلی
وامیت ایتدیکی ذواتی ال آتدن دعوته باشلادی
بوصره رسول اکرم از ادوسی اولان زید بن حارثه
دخی اسلام ایله مشرف اولمشدر

آندره که حضرت ابوبکرک دعوتی اوزرینه حضرت عثمان

بن عفان و عبد الرحمن بن عوف و سعد بن ابی وقاص
وزیر بن العوام و طلحه بن عبید الله ایمان آید یلرو حضرت
صدیق ایله برلکده حضور محمدی به کیتدیلو و آیدست
آلوب نماز قیلدیلو رضی الله عنهم

ایشته اول باول اسلام ایله مشرف اولان اصحاب کرام
بوذا تلردر

انلردن صکره ابو عبیده بن عبد الله بن الجراح و حباب بن
ارث و عمر بن الخطاب عمزاده لردن سعید بن زید بن
عمرو بن نفیل ایله زوجته سی فاطمه بنت الخطاب و ابوسلمه
بن عبد الاسد و ارقم بن ارقم الخروص و عثمان بن مظعون
و قند اشلری قدامه ایله عبد الله و عبیده بن الحارث بن
المطلب بن عبد مناف و عبد الله بن مسعود و بلال حبشی
و صهیب رومی و عمار بن یاسر ایله والده سی سمیه ایمان
آیدیلر بعده ناس طاقم ایمان آیتکه باشلادیلو

ابتدای امرده حضرت پیغمبرك دعوتی کیرلوایدی حتی
نمازده قرآن کریم دخی جهر ایله او قونمازدی

صکره (فاصدع بما تؤمر) آیت کریمه سی نازل اولندی که
مأمور اولدینگ شئی آشکار ایت دیملدر

انک اوزرینه رسول اکرم دخی ناسی علنا دعوته و قرآن
کریمی جهرآ تلاوته باشلادی

اول امرده قومك اکثری ایمان آیتدیه ده پکنده اندن اوزاق

طورمدیلر . و او انلرک بتلری علیهنده سوز سو یلدیچه
انلر دخی انک حقنده فنا معاملة فی روا کورمدیلر
متعاقبا بتلره طایمق شرک و ضلالت اولدیغنه دأر و یالکز
الله تعالی حضرتلرینه عبادت اولمسنی آمر آیتلر نازل
اولدی بوا یسه قریشه کوچ کلدی

اولوقنه قدر رسول اکرم دن یلان صادر اولدیغنی
جمله سی یلارب حتی ییلرنده محمد الامین دیو شهرت
بولغله هر سوزینه اینانورلریکن بو خصوصده اینانمدیلر
و هر نقدر معجزه کوستر دیسه ده قائمدیلر
آرتق هر قنغیسنه هدایت الهیه ایرشدیسه ایمانه کلدی
باقیسی رسول اکرمه بغض و عداوت ایتک اوزره متفق
اولدی

بو جهته ر یعه بن عبد منافک اوغهار ی اولان عتبه و شیبه
و ابوسفیان بن حرب بن امیه و ابو البختری و ابو جهل
ابن هشام بن المغیره ایله عموجه سی ولید بن المغیره و عمرو بن
العاصک پدر ی اولان عاص بن وائل و سائر کبار قریش
طو پلانوب جمله سنک اولوسی اولان ابو طالبک یانته
واردیلر . قرنداشک اوغلی بزم دینمه دخل و تعرض ایدیور
و بازار کز و دده لر کرده ضلالتده ایدی دیور یا انی نهی
ایت یا خود آتی حایه دن واز کج دیدیلر

ابو طالب انلری طاتلی یوز و ملایم سوز ایله دفع ایدی

رسول اکرم دخی اولیکی کبی ناسی دعوتہ دوام ایلدی
 * بویسه قریشه کران کلسی تکرار طو پلانوب
 ابوطالبک یانده واردیلر آرتیق بز بو حاله صبر و تحمل ایده میز
 نه اوله جتی ایسه اولسون باری ایکی فرقه دن بری تلف
 اولوبده دیکری راحت اوزره قالسون اکر سن محمد دن
 واز کچهر ایسه ک بز سندن آیر یلورز دیدیلر

ابوطالب ایشت برعرتبه ده ک کوچلشدیکنی اکلادی
 ورسول اکرمه قومک شویله بویله دیور دیو حکایه
 ایلدی

وآرتیق سنی حایه ایده میه حکم دیدیسه ده سوزینک
 کلیشندن اومعنی اکلاشادی

رسول اکرم ایسه بوندن پک زیاده محزون و مکدر اولدی
 حتی مبارک کوزلرندن یاش کلدی

ای پدرم مقاضنده اولان عیم بن الله تعالی حضرتلری
 طرفندن تبلیغه مأثورم انک امرینی برینسه کتورمکه
 مجبورم انلهرنه یاپارلرایسه یاپسونلر بن بوندن واز کچدم
 دیو بیوردی . وهمان قالقوب یور بیوردی

ابوطالب هر نقدر ایمانه کلامش ایسه ده رسول اکرمی
 اوز اولادندن زیاده سوردی وانک هر وجهله حایه حنه
 اهتمام ایدردی

رسول اکرمک اویله محزون اوله رقی قالقوب کیمسی

ابوطالبه يك زياده تأثير اتمكله همان ارقه سندن
چاغردى

(اى برادر زاده من ايشكه باقى بن صاغ اولدقجه انلرسكا
برشى ياپه مازل) ديوتا مين ايلدى . وبو اولده برقاج
بيت سويلدى

وفي الواقع رسول اكرمك حايه سي خصوصه ثبات
كوستردى اودنى كما في السابق امر دعوت دوا
بيوردى

عر بلر ييشده عصبيت وقرابت غيرتى يك زياده اولوب
هر برى كندو عشيرت واقرباسنك فوق العاده غيرتى
كودردى وايچانبنده هر قبيله يكو وجود اوله رق دشمنه
قارشو كيدردى

دين اسلامك ظهورنده مؤمنلر ييشده ديانت او زرينه
بريكي اتفاق پيدا اولدى اكانسبتله اقربالق اتفاق
كيوه قالدى

رسول اكرمك دامادى يعنى زينب رضى الله عنها
حضر تارينك زوجى وتيزه زاده سي اولان ابو العاص
ايمانك كليوب مشركلرايله برابردى

ورسول اكرم بيدر بي نازل اولان آيات كريمه يى تلاوت
وناسى دين حقه دعوت ايتدجكه عمى ابولهب ارقه سندن
طولا شور و (محمد سزى آبا و اجدادك زك ديتدن

دوندرك ايستر صافين اكا الدائميكز وانك سوزينه
اينائيميكز) ديرايدى

ابولهبك زوجه سى ام جيل كه ابوسفيانك قيز قرنداشيدر
قوجه سى كې اودخى اليه وديليه رسول اكرمه اذا
وجفا اينردى حتى ديكنلر طوپلايوب كيجه رسول
اكرمك كچه جكي يوللر اوزر ينه صاچاردى

ورسول اكرمك كريمة لردن رقيه رضى الله عنها
حضر تلرى ابولهبك اوغلى عتبه و ام كلثوم رضى الله
عنها حضر تلرى ابولهبك ديكر اوغلى عتبه يه نكاح
اولمشيكن ايكي سى دخی مشرك اولد قلرندن انلرى و بابالرى
ايله برانكه رسول اكرمه دشمن اولديلر

حالبو كه (وانذر عشيرتك الاقربين) آيت كريمه سى
نازل اوله رق رسول اكرم بالخاصه يقين اقر باسنى اللهك
عذابيله قور قوده رق دين حقه دعوت ايتكه مأمور
اوليجق همان حرم شريفه كيتدى : وصفا اوزر ينه
چيقوب قومنى دعوت ايتدى

بنى هاشم هپ كلوب اوراده حاضر و رسول اكرم
حضر تلرينك خطابنه منتظر اولديلر

رسول اكرم (اى عبدالمطلب اوغلارى اى فهر اوغلارى
اكر شوط غك آلتده بردشمن وار سزى غارت ايتك

ایچون گلش دیسم ایته نورمیدیکز) دیوسؤل ایتسی

جمله سی اوت دیدیلر

رسول اکرم (او یله ایسه بن سرنی او ککیزده کی قیامت
کونک عذابله نور قوتمه مأمورم ایمان ایدیکز)

دیو یوردی

عمی ابی اهب قیزدی وقیز غینقله آغزینی بوزدی بری
بوسوز ایچونمی چاغردک دیوتکدیر ایلدی ورسول اکرمک
خاطرینی قیره جق سوزل سویلدی

انک اوزرینه (تبت ید ابی اهب وتب) سوره سی نازل

اولدی

ابو اهبک کندو علیهله بویله مخصوصا سوره نازل
اولسندن وزوجه سی ام جیلک جماله الخطب دیویاد
وتشهیر اولنسندن طولایی پک زیاده جانی صیقلدی

همان اوغلاری عتبه ایله عتبه بی چاغردی وحضرت
رقیه ایله حضرت ام کلثومی بوشاملری ایچون قطعیا

امر و یردی

انلردخی مشرک اولدقلرندن درحال بو امری یرینه

کتوردیلر وخاتم الانبیاء حضرتلرینک دامادلغی کی

بردولت وسعادتی الیرندن چیقاردیلر

وام کلثومک نکاحلیسی اولان عتبه یالکیز آتی بوشادیغنه

قناعت ایتموب حضور نبوی به کیتدی (بن سنک دینکی

منكرم سنی سوئم سنده بنی سوئم سین انکچون قیزیکی
 بوشادم) دهرک حضرت پیغمبرک اوزرینه هجوم ایتدی
 و یقه سندن طوتدی کومله کنی یرتدی

خاتم الانبیا حضرت تبری دخی (یارب انک اوزرینه
 جانورلر کدن بر جانوری مسلط ایت) دیو بدعا ایتدی
 * جناب حق حبیب اکرمک دعاسنی قبول ایلمدی
 شویله که عتبه شامه کیدر کن زرقامر حله سنده برارسلان
 چیقوب آتی پازهلدی

رسول اکرم اندن صکره کریمه سی رقیه رضی الله عنہا
 حضرت تارینی عثمان بن عفان رضی الله عنہ حضرت تارینه
 و یرمشدر

حضرت پیغمبرک مقدا قاسم نام اوغلی و مؤخر عبد الله
 نام اوغلی فوت او اوب انلردن بشقه ارکک اولادی
 قالدیغندن کفار قریشدن بعضیلری محمدک یرینی
 طوته حق اوغلی قالدی فوت اولدیغی کبی آدی اونودیاور
 دیدیلر

بیلورلردی که جناب حق حبیب اکرمه نلر و یرمش وانی
 نه بیوک رتبه لره یرشدن مشدر

خاطر لینه کلورلردی که انک شریعتی قیامتده قدر
 قاله حق و امتی کندوسنک اولاد واحفادی مقامنده
 اوله حق در

اول خاتم الانبیا حضرت توری اولاد دن اولاده قاله حق
 بردوات و سلطنت تشکیل ایتک ایچون کلدی که ارکک
 اولادی قالدی دیواندیشه اولنسون
 اوانیحق عالمی شرک و ضلالت دن خلاص ایتک ایچون
 کلدی . قیامت قدر قاله حق بر شریعت براغوب کیتک
 ایچون کلدی

بلکه ارقه سندن ارکک اولادی قالماق دخی بونکتدیه
 اشارت و بوجهتله موافق حکمت ایدی
 مشرک لر اول حضرت قی فرصت بولدیه بویه لسانلریله
 انجیدرلر ایدی . لکن عی ابو طالبک حایه سنده اولغله
 بشقه برشی یاپه مازلردی

ابوبکر رضی الله عنه حضرتلرینک عشق برتی چوق
 اولدیفندن اکا دخی برشی دیه مزلردی
 اما سائر مؤمنلره درلو اذا وجفا ایدرلردی و دین اسلام دن
 دوندرمکه یک چوق چالیشورلردی
 حتی عمار بن یاسرک والده سی سمیه خاتونه دین اسلام دن
 دونک ایچون اذیت ایدرلر کن ابو جهل کلوب بر حربه ایله
 بیچاره بی شهید ایلشدر

بلال حبشی رضی الله عنه که کوله لر دن ابتدا اسلام ایله
 مشرف اولان اودر کفار قریش اکا درلو اذیتلر
 ایدرلردی

حتى يؤمنه ايب طاقوب وچو قلك الرينه و يروب
مكه زقا قلكنده طولاشدير لردي . حضرت بلال ايسه
الله بر الله بر دير و دينده ثبات ايلرايدى
بناء على ذلك اهل اسلامدن بعضيلرى اسلامنى اظهار
ايدمه ميبوب كيزلو طوتارلرايدى

ابوبكر الصديق رضى الله عنه ايسه اول و آخر اسلامى
آشكار ايتد كدن بشقه مستعد كوردىكى كيمه لرى
قاند رغه جهد ايدر و ايمانه كلان كوله لرى صاحب لرندن
صاتون الهرقى آزاد ايلرايدى

مشركلرك اهل اسلامه اذا و جفالرى ايسه كوندن كونه
زياده اولمقده ايدى

بوجه تله فخر عالم حضرتلرى نبوتك بشنجى يبلنده اهل
اسلامك ديار حبشه هجرت ايللرى ايچون رخصت
ويردى

ابتدا عثمان بن عفان ايله زوجه سى و رسول اكرمك
كرمته محترمه سى اولان حضرت رقيه و زبير بن العوام
و عثمان بن مظعون و عبد الله بن مسعود و عبد الرحمن
ابن عوف مكه دن چيقوب ساحل درياه وارديلر و بحرا
افر يقا بقه سنه كيديلر و حبش ملكى اولان نجاشينك
يانشه كيتديلر

بعده حضرت عليك بيوك برادرى اولان جعفر بن

ابوطالب دخی هجرت ایتدی وانلرک یانه کیتدی
نجاشی نصارادینده اولدیفی حالده اهل اسلام مهاجرلرینه
یرکوستردی و حرمت و رعایت ایتدی طوغریسی انسانیتیه
خدمت ایتدی

بعده اهل اسلامدن برخیلی ذاتلر بربری ارقه سندن اوزایه
کیتدیلر بوجهته نجاشی یاننده اهل اسلام ایچچو غالدی
* اهل اسلامک بوجهله دیار حبشه چوغالمسندن
ودین اسلامک اطرافه یایلمسندن طولانی قریش طائفه سی
فکر و اندیشه یه دوچار اولدی

همان اهل اسلام مهاجرلرینی کیر و چویرمک ایچون
عبدالله بن ابی ربهعه ایله عمرو بن عاصی کوندز دیار
انلردخی نجاشینک یانه واروب اندن اهل اسلامک

کندولرینه تسلیم اولمسنی طلب ایتدیلر
نجاشی ایسه کندوسنه دخالت و التجا ایلدیلر دشمنلری
یلدینه تسلیم ایتکی انسانیتیه مغایر کوردی . وانلره رد ایله
جواب و یردی . بوجهته ایکیمی دخی مأیوس اوله رفی
دونوب مکه یه کلدیلر

خاتم الانبیا حضرتلری نبوتک التنبی سنده سنده برکون
صفاده اوتور رایکن ابو جهل اورادن کچوب اکاسب ایتدی
• حضرت پیغمبر برشی دیمبوب سکوت بیورمهش ایسه ده

عبدالله بن جدعانک برجار یه سی آنی ایشته دی

وعم رسول اولان حزه بن عبد المطلب اول کون آوده
بولمغله آودن کلوب اوینه کیدرکن بر معتاد طواف
ایچون سلا حلی اوزرنده اولدیغی حالده حرم شریفه
کیتدی

حالبو که حزه حرم شریفه کیدرکن اول جاریه ابو جهلک
رسول اکرمی شب ایلدیکی کندوسنه خبر ویردی
حزه هنوز ایمانه کلامش ایسده برادر زاده سی حقنه
فناسوز سویلدیکی ایشیدیک حیت قرابت طهر لری
حرکت ایتکله همان مجمع قریشه واردی

(بنم برادر زاده می سب ایدن و خاطرینی انجیدن سمنسین)
دیهرک بویننده کی اوق یایی ایله ابو جهلک باشی یاردی
اوراده بولنان بعض کسان حزنک اوزرینه هجوم ایده جک
اولدیلر آزالدیکه بر یوک عربده چیقہ یازدی

فقط ابو جهل (طوقونمیکر حزنک حق واردرزیرانک
برادر زاده سی حقنه صحیحافناسوز رسو یلدم) دیو مانع
اولدی و انصاف و حقانیت صورتی کو ستردی

و حزه بی باشندن صاودی و کندی یارائنه (امان
اکا ایشمیکر واروب حدت ایله مسلمان اولور وانکله
محمد یلر قوت بولور) دیو نصیحت ویردی

چونکه حزه قریش ایچنده عزیز و محترم و غایت بهادر
بر آدم ایدی و هنوز ایمانه کلامش ایسده عر بلریننده

عشیرت و اقربا غیرتی زیاده اولدیغندن برادرزاده سی
ایچون هر شیئی کوزینه آلمیشیدی

و ابو جهلک متعلقان و طرفدارانی چوق ایسه ده بینلرنده
عربده بیودیکی تقدیرده حزنه نک طرفده دخی بر فرقه پیدا
اولوب بودخی باطباع اهل اسلامه طرفدار بوانوردی

ابو جهلک عقل و فکری ایسه اسلامک قوت بولماسی
خصوصنه مصروف ایدی بناء علیه حزنه نک سببیله قریش
ایچنه بر تفرقه دوشوبده ابو جهلکه دخی اهل اسلامک
قوت بولمسندن صاقینوردی

بوخسه ابو جهل قریشک اولولردن مرعی الخاطر
و سوزی نافذ و مؤثر طرفداری چوق وکسنه دن پرواسی
یوق بر حریف ایدی

حتی رسول اکرم (یارب بودینی ابو جهل ایله یا خود
عمر بن الخطاب ایله عزیزایت) دیوجناب حقه دعا
ایتمیشیدی

چونکه اولوقت قریش ایچنده الک زیاده سوزینی بوریدن
و خاطرینی صایدیران بوایکسی ایدی . و رسول
اکرم الک زیاده عداوت کوسترن دخی انلرایدی

الحاصل ابو جهل حزنه بتون بتون محمدیلمک غیرتنه
دوشورمامک ایچون باشی یارمشیکن اندن انتقام آلمق
سوداسنه دوشمیدی

حزہ ایسہ شرف اسلامہ پک مستعد اولدیغی حالده
حضور محمدی به واردی و ابو جهل ایله اولان ماجرای
حکایه ایدرک تسلیت و بردی

رسول اکرم دخی انجیق کندوسنک ایمان ایتسیله متسلی
و ممنون اوله جغنی بیان پیوردی . انک اوزرینه حزه
درحال کله شهادت کتوردی

حضرت حزه رضی الله عنه اسلام ایله مشرف اولیجیق
فیما بعد رسول اکرمی حایه ایله جگنی قریشه اعلان
ایلدی . و بو ائله برکوزل قصیده سویلدی

وانک ایمان ایتسیله دین اسلام پک زیاده قوت بولدی
واهل اسلام فوق العاده ممنون اولدی . بو ایسه قریشه
پک زیاده کوچ کلدی .

انک اوزرینه قریشک اولوری طو پلانوب مشورت
ایتدیلمحمدیلر کیتدیکه چوغالبور بوایشک صوکی
فنا کورینور وقتیه بوکاباشلیجه برچاره دوشونمیلدر
دیدیلر

هر بری بررأی و بردی ابو جهل دخی محمدی اولدرمگدن
غیری چاره یوقدر . و بوکا کیم ظفریاب اولورسه
اکا شو قدر دوه و بو قدر پاره ویریرم دیدی

عمر بن الخطاب یزندن قالقدی بوایشی خطاب اوغلندن
بشقه یاپه حق یوقدر دیدی

مجلسه اولنلر عمری آلفشلا دیلر هایدی خطاب اوغلی
کورهم سنی دیدیلر

عمر دخی همان قلیجی قوشانوب کیتدی . و کیدرکن
یولده نعیم بن عبداللهه راست کلدی
نعیم کوردیکه عمر قلیجی بلنده پک حدتلی کیدور (نره به
یا عمر) دیو صوردی

اودخی (ملت عربك از سه نه تفرقه دوشورن محمدك
وجودینی دنیادن فالدرمه کیدورم) دیو جواب
و بردی

نعیم (یا عمر مشکل ایشه تشبث ایتمش سین محمدك اصحابی
آنک باشی اوچنده طولاش یور ا کاظفر بولمق کوچدر
طوته لم که ظفر بولدك صکره بنی عبد المطلبك النـدن
خلاص بوله مز سین) دیدی

عمر بوسـوزدن حد تلندی (او یله ایشه سـنده
محمد یلردن سین ابتدا سنك ایشکی بتورملیم) دیو قلیجه
آل اوردی

نعیم (یا عمر سن بنی براق همـشیرهك فاطمه ایله زوجی
سعید بن زیده باقی که ایکیمی دخی محمد یلردندز)
دیدی

عمر انلرك اسلامه اینامدی

نعیم (اکر ایناماز ایشهك تحقیق ایت اکلار سین) دیدی

* عمرک بوحرکتی فی الواقع کندوسنبه غایت تهلکه لو
ایدی . زیرا تشبث ایلمدیکی ایشک عهددسندن بالفرض
ککش اولسه درحال دین دعواسی برطرفه قاله جق
وعادت عرب اوزره بریوک قان دعواسی پیدا اوله جق
وقریش قومی ایکی فرقه اولوب اردده بیوک مقاتله لر
وقوع بوله جق ایدی

بو تقدیرجه دکل یالکن عمر بن الخطاب بلکه بتون خاندان
خطاب تلف اووردی

لکن عمر کندی رأی وعزمنده مصر وغایت جری
وبهادر برآدم اولدیغندن بویله فداییلک یوانده کندوسنی
میدانه آتدی

فقط همشیرسی فاطمه ایله زوجی سعیدک اسلامی
خصوصی کندوسنه مراف اولدیغندن همان انلرک
خانه سنه کیتدی

مکر اول ائشاده طه سوزه شریفه سی نازل اولقله
سعید ایله فاطمه آئی برصحیفه اوزرینه یازدیروب واصحاب
گرامدن حباب ابن ارثی خانه لرینه کتوردوب آئی تعلم
ایدیورلر مش

عمر اول خانه ک کوشه باشندن طولا شور ایکن انلرک
تلاوتنی ایشیدیکجک همان شدت ایله قیوی چالیدی
عمرک قلیج بلنده وحدتلی برحالده کلدیکی کورلرکله

سعید و فاطمه تلاش ایدرک اول صحیفه بی صافلا دیلر
و حبابی بر کوشه یه کیزلدیلر

بو صورتله قیو آچیلوب عمر ایچرو کیردی (اوقودیفکیز
نه ایدی) دیو صورتدی

سعید (خیر برشی یوق) دهرک تلاش ایله بر جواب
ویردی

عمر غضبه کلوب (ایشیتدیکمز صحیح ایمش سیزنه محمدک
سحرینه آلمیش سکیز) دهرک سعیدک بقه سسندن
طوتدی یه آتدی

فاطمه آنی قورتاردهم دیرکن عمر انک یوزینه ده بر طوقات
اوردی همان یوزندن قان روان اولدی

عمر قیز قورنداشنک یوزندن قان آقادیغنی کوردی
کندوسنه یسیمی نلق الویردی و بوجهته حدتی سکونت
بولدی

فاطمه کرحه آل قانه بویاندی و جائی یاندی لکن
غیره کلوب حبت دینه سی اویاندی و جناب حقه
طیاندی

همان (یا عمر نیچون اللهتن اوتانمزیسن آیات و معجزات
ایله کوندردیکی پیغمبره اینانمازسین ایشته بن و زوج
شرف اسلام ایله مشرف اولدق باشمزی کسسهک
بوندن دوغمز) دیویردی و شهادت کتوردی

عمر نه يابه جفني شاشيږدي و همان يره اوتوردي (هله
شواوقو دېغکز کتابي چيقار يکز) دېهرك صورت ملايمت
كوستردى

فاطمه اول صعيقه يي كستوردي عمره وېردي عمر يازو
او قومق پيلوردي طه سوره سني او قومغه باشلادى
فرآن كړيمك فصاحت و بلاغت و معاني و مزاياسنك
حلاوت و لطافتى عمر كې قلبه فوق العاده تاثير ايلدى
يوقارودن اشاعه طوغرى تلاوت ايدرك (له مافى السموات
و مافى الارض و ما بينهما و ما تحت الثرى) آيت كريمه سنه
كلدى

معناسى كوكارده و يريوزنده و بونلرك آر سنده و طوپراغك
النده كى شيلر هپ انكدر يعنى الله تعالى حضرت تليز بنكدر
ديك او اور

عمر بوآيت كريمه يي ذهنته آلدى و معناسه ذذقت ايدرك
بردرين فكر و مطالعه يه طالدى
وقير قرن داشنه خطا با (يافاطمه بو قدر مخنوقات
هب سرك طايد يغکز تكر ينكيدر) ديو صورتى
فاطمه (اوت اويله يا شېه مى وار) ديو جواب وېردي
* عمر (يافاطمه بزم بيك بشيوز قدر مكلف و مزين
تليز وار هيچ بريسنك بو يريوزنده بر قيراط ملسكى
يوق) ديو سويلنهرك حال حيرت و تردده قالدى

فقط دین حقہ ایچہ میلی آقادی واول آیتک الت طرفنه
 باقادی (لاله الاھولہ الاسماء الحسنی) آیت کریمہ سنی
 کوردی

معناسی بشقہ طایہ جق یوقدر انجق اودر الک تونزل اسملر
 انکدر دیمک اولوز

عمر بو آیت کریمہ نک معناسی مطالعہ ایتدی ارادہ سی لندن
 کیتدی همان کو کسی کور لیدرک کلمہ شہادت کتوردی
 حباب آنی ایشتمد کده تکبیر کتوره رک کیزلنمش اولدیغی
 بردن میدانه چیقو بردی

و (یا عمر حضرت پیغمبر یارب بودینی ابو جہل ایله یا خود
 عمر بن الخطاب ایله عزیزایت دیودعا ایتشیدی • ایشتمہ
 بودولت و سعادت سکامیسر اولدی) دیو عمرہ مرثدہ
 و بردی

عمرک دین اسلام علیہنہ اولان افکاری تمامیلہ عکسمنہ
 دوندی • همان رسول اکرم نرہدہ در دیو صورتی
 اول کون رسول اکرم صفا جوارندہ برخانہ ده اصحاب
 کرامیلہ کبیراوجه مصاحبت اید یوردی • حباب
 رضی اللہ عنہ عمری آکوب اورایہ کوتوردی

عمر واروب اول خانہ نک قیوسنی چالیدی قیودہ اصحاب
 کرامدن بری کوزجی بولنملہ عمرک مسلح اولہرق کلایکنی
 خبر و بردی

عمر صحیحاً بر قور قونج آدم اولدیغی ایچون انک بو وجهله
کلیشندن اصحاب کزین اور کدی

جزه رضی الله عنه حضرت تلی ایسه عمر دن قورقه جق نه وار
اکر ایلاک ایچون کلمش ایسه خوش کلدی صفا کلدی
والا او قلیجینی چکمدن بن انک باشنی یره دوشور یرم دیرکن
عمر ایچرو کیردی

اصحاب کرامک عمره امنیتی اولدیغی جهتله بری صاغندن
ودیکری صولندن طوته رق حضور نبوی به کتوردیلر
* حالو که اولجه جبریل امین کلوب عمرک ایمانه کلد یکنی
و همان حضور نبوی به کلمک اوزره اولدیغنی رسول اکرمه
بیلدر مشیدی

بناء علیه اصحاب کرام عمرک کلیشندن تلاش ایدرکن
رسول اکرم تبسم ایدیوردی

واولوجهله عمری ایچرو کتورد کلرنده حضرت پیغمبر
براغکز دیدی همان براقدیلر اودخی کلوب حضور نبویده
دیز چوکدی

رسول اکرم عمرک قولندن طوتوب ایمانه کل باعمر دیو
یوردی . اودخی خلوص قلب ایله شهادت کتوردی
* بوندن اصحاب کرام اولقدر ممنون اولدیلر که اول هفته
قدر بر کیمسه ایمانه کلمسه اعلان اولمق عادت دکل ایکن
بلند آوازیله تکبیر آلدیلر . شو یله که هپ مکه زق قلمزنده
ایشیدلدی

اولجه حضرت حمزه نك واوچ كون صكره حضرت عمر ك
ایمان ایتسیله دین اسلام خیابدن خیلی قوت بولدی . بناء
علیه شرف و شانی اولوجهله اعلان ایدلدی
انك اوزربنه عمر رضی الله عنه حضرت تلی یارانمز نقدر در
دیو صور دی

صایدیلر سنكله برابر تمام قرقه باغ اولمشز دیدیلر
اولیله ایسه نه طور یورز هایدی چیقلم حرم شریفه
کیدلم و اعلاء کلمة لله ایدلم دیمكله جله سی برلندن قیام
و حرکت ایتدیلر

شویله که الله او کده عمر و صكره علی و بعده رسول اکرم
صاغنده ابو بکر و صوانده حمزه و آرقه سنده سائر اصحاب
کرام یورو یه رك حرم شریفه کیتدیلر
قریشك اولولری حرم شریفده طویلانوب عمر طرفندن
برخبر بکلمکده ایکن کور دیلر که عمر جماعت اسلامك
او کشته دوشمش کلبور

یکد بکره دیدیلر که باقسه کز آ عمر بتون محمدیلری آرقه سنه
آلش کتور یور

ابو جهل جن فکری بر شیطان حریف اولدیغند ن
بوکاشی بکمندی سکر دوب ایلرو واردی خیر اوله یاعر
بونه دیو صور دی

حضرت عمر وقارینه خلل کنور میه رك (اشهد ان لا اله

الا لله واشهد ان محمدا رسول الله (دیو جواب و یردی
بونک اوزرینه ابوجهل نه دیه جگنی شاشردی سائر اعیان
قریشه دخی حیرت الو یردی

حضرت عمر رضی الله عنه عومه خطابا (بنی یلان بیلور
بیلیمان یلسون که بن عمر بن الخطاب) دیدی
بوجهتله قریش طائفه سنه فوق العاده شاشقنلق
کلدی همدان بر طرفه طاغلدیلر

ایسته اول کون اهل اسلام حرم شر یفده صف اولدیلر
وجهر ایله تکبیر آلهرق میدانده نماز قیلدیلر
قریش طائفه سی کوردیلر که اهل اسلام کوندن
کونه چوغالبورودین اسلام قوت بوله یورر ییس قوم
اولان ابوطالب اگرچه ایمان ایتماش ایسه ده حضرت
پیغمبری اولادی کبی حمایه اید یور بنی هاشمدن سائر ایمان
ایتمانلر دخی انکله برابر اولوب عشیرت و قرابت غیر تنی
کوده یور . بورالرینی بیلنلنده مذاکره و مشاوره ایدوب
اکتبه بویته اولدیلر بیچدیلر

نهایت نبوت محمدیه نک یدنجی سنه سی اوائلنده کرک
مسلم اولسون و کرک غیر مسلم اولسون علی العموم بنی هاشم
ایله الفت و اختلاطدن واز کچدیلر

شویله که فیما بعد هاشمیلرله آتش ورش ایتماک وانلر دن
قیز آماق وانلره قیز ویرمامک اوزره بیلنلنده اتفاق ایدرک

بو مآلده بر قطعه عهدنامه یازدیار و کعبه ایچنه آصدیله
وانك خلافتنه حرکت ایتماك اوزره آنداچدیله
بو جهته هاشمیلر کرک مسلم و کرک مشرک جله سی شعب
ابوطالبده محصور کی قالدی فقط ابولهیب انلردن آیرلدی
وسائر مشرک لرایله برابر اولدی

شعب ابوطالب مکهنك بر محله سیدر که مولدنی
اولان محله در بنی هشمک خانه لری هپ اوراده اولوب
مقدمای رئیساری عبدالمطلب ایدوکنندن اول
محله یه شعب عبدالمطلب دینلوردی . اندن صکره
ابوطالب رئیس قوم اولدیغندن اورایه شعب ابوطالب
دینلادی

بوکره ابولهیب دن ماعدا جله هاشمیلر ابوطالب ایله
برابر اوراده قالوب سائر قرشیلر ایله اختلاطدن
کسلدیله

دیگر محله زده خانه لری اولان اهل اسلام دخی سمت
و محله لری بنی ترک ایله اورایه چکلیله

هاشمیلر اقربالقی غیرتیه رسول اکرمی دشمن شرنندن
محافظه یه چالیشور و اهل اسلام اولنلرایسه دائماً اول
حضرتك اطرافنده پروانه کی طولا شور ایدی
ایشته اول اثناده یعنی نبوت محمدیه نك سکرنجی نشدند نشدند
افشاق قر مجزه سی وقوع بولدی

شویله که قری شدن بعضی لری بر مهتاب کجبه سند رسول
اگر مدن هجزه ایستدیلر . او دخی دعا ابتد ای ایکی پاره
اولدی حتی بر پاره سی حرا طاعنک بر طرفنده و دیگر
پاره سی دیگر طرفنده کوردی

اول حاده رسول اکرم ای فلان و فلان شاهد اولکز دیو
یوردی و حاضر اولنلر آیک اوله ایکی یه بولند یکنی هپ
کوردی

مشرک لرینه ایمان ایتموب بوده همدک اظهار ایده کلدیکی
سحر زدنر دیدیلر . و کما فی السابق اهل اسلامه و بلکه
بالجمله هاشمیله بغض و عداوت ایتک اوزره دوام و اصرار
ایتدیلر

شعب ابوطالبده اهل اسلامک محصوریتی ایکی سنه دن
زیاده سوردی و بو کیفیت اهل اسلامه پک زیاده اضطراب
و یردی

زیرا اهل اسلامدن بری بازاره کیتسه مشرک لر تحمل
اولنماز مرتبه اذا وجفا ایدرزدی . و موسم حججه
تجار دن بری بنی هاشمله آتش و یرش ایده جک اولسد مانع
اولورلدی

الحاصل اهل اسلام چارشو و بازارده سر بست کره من
لردی . و علی کرم الله وجهه بیله اولوقت رسول اکرمک

سعاد تخانه سنده بولنديغي حالده اسلامي اظهار
ايدمه ميبوب كيرلر دي

اما حضرت حمزه رضي الله عنه قليجي سايه سنده اسلامي
اظهار ايدرك ايسنديكي يرده كزوب طرلا شوردي

حضرت عمر بن الخطاب رضي الله عنه ايسه مشركار ايله
بنيء پنجه به كلهرك بي پروا اوغرا شوردي

جمله اصحاب كرامك اولوسي اولان ابوبكر الصديق
رضي الله عنه حضرت ملري قریش طائفسی ايجنده پك زياده

خاطري صا ييلور برذات اولديغي حالده اكرچه اودخی
قومندن استيقال كورردی . لکن اصلا قيد ايتيوب

ومشركارك سوزلرینه باقبوب آشكاره نماز قيلاردي .
وكافي السابق اسلامه مستعد كوردیكي ذاتلری ال التندن

جلبه چالیشوردی
قریش طائفة سنك اهل اسلام حقنده بومرتبه شدت

كوسترملری انجق انلری دینی اسلامدن دوندرمك وهیج
اولماز ايسه دين اسلامك دهاز ياده ایلرولسني منع ايتك

غرضنه مبنی ایدی
دوشونمورلر دی كه كونش با ايتله صیوا نماز واللاهك

یا قدیغی موم انلرك صوغوق نفسلریله سونمز
انلر نه یا پسەرلر اهل اسلام بیلدیكندن شاشمیبوب غیرت

اسلامیهلری قوت بولمقده ومججزات محمدیه ايله دين اسلام
طرف بطرف یا بلمقده ایدی

مؤمنلر داربقا سعادته نائل اولق ایچون بودارفنای هیچ
صایوب و دینلری اوغورنده هر شیئی فدا ایلوب کیمی
وطنارینی ترک ایلله حبشستانه کیتشلر و کیمی هر درلو
مخاطره بی کوزینه آله رق شعب ابوطالبده محصور کبی
اقامتی اختیار ایتشلر ایدی

سائر عقل و انصافی اولنلر دخی انک معجزاتی کوره رک
و حق پیغمبر اولدیغنی یله رک برر بر ایمانه کلمه کده
ایدی

زیرا اول خاتم الانبیا حضرت تبری ائم ماضیه نك احوالندن
بی خبر اولان بر قوم ایچنده و اصحاب معلو ماتدن خالی
بر شهرده بیودی و بشقه دیاره کید و بده درس آلمدیغی
جمله نك معلومی ایدی الحاصل نبی امی ایدی

حالبو که الله تعالی حضرتلرینک وحی و الهامی ایلله نیجه
علوم غیبیه بی یلدریز و تورات و انجیلده و سائر کتب
سماییه ده کی اموری صحتی اوزره خبر و یرر ایدی

بو کیفیت انک نبوتنه دلیل کافی اولوب بشقه وجهله اثباته
حاجت یوغیکن دهانیجه نیجه معجزه لر کوستردی
اول فخر عالم حضرت تترینک معجزاتی پک چو قدر انلری
صایغنه بورساله نك تحمیلی یوقدر

فقط بالما سببه بعضیلری ذکر اولمش و بعضیلری دخی
بوندن صکره صرده سی کلد بجه ذکر اولنق مصمم بولنمشدر

الك بئوك مجز دلزندن بری و بلكه برنجیسی قرآن کریمدر
که قیامتہ دك باقیدر

چونکه برعصرده هر نه که اعتبار واشتهارده ایسه اول
عصرده مبعوث اولان پیغمبرك مجزاتی اكا كوره اولوردی
* مثلاً حضرت موسی علیه السلامك عصرنده سحر
بازلق پك زیاده شهرت بولمقله جناب حق اكا عصاسی
اژدر اولوق کبی ساحرله غلبه ایددجك مجز دلوردری
حضرت عیسی علیه السلامك عصرنده دخی حکمت پك
زیاده اعتبارده اولمقله جناب حق انی اعمالك كوزلرینی
آچق واولوری دیرلتمك کبی اطبانك یاه میه جخی مجز زله
مبعوث بیوردی

خاتم الانبیا حضرت تارینك عصر سعاد تارنده ایسه شعر
وانشاپك زیاده اعتبار وشهرت بولمشیدی
وعربلرك كرك مدنیلری و كرك بدویلری ییشده فصاحت
و بلاغت انسانه محك و معیار فضیلت اولمشیدی
نته کیم یوقاروده دخی بیان ایتمشیدك که عربلر برینه
فصاحت و بلاغت ایله فخر و مباهاات ایدوب کیمی معلقات
سبعه اصحابی کبی بی نظیر قصیده لرسو یایهرك سائر
شعرايه میدان او قورلردی و کیمی سوق عکاظ پنایری کبی
بئوك جمعیتلرده عامه یه وعظ و نصیحت یوزنده كوزل
خطبه لر او قورلردی

مدنیلرندہ فصاحت لائقہ و بلاغت فائقہ اولدیغی کبی
بدویلری دخی غایت مطبوع و سادہ کوزل شعرلر و خطبیلر
نظم و انشا ایلردی و جملہ سی نظما و نثر اشعر کبی سوزلر
سویلدی

بناء علی ذلک فخر عالم حضر تکریمہ بلاغتک طبقہ علیا سنده
اولان بر کتاب کریم نازل اولدی
انک مثلنی اتیان ایلکدن و هیچ اولماز ایسه بر سوره سنه
نظیره سویلمکدن جمله فصحا و بلغا عاجز قالدی

حالبو که سوره بسوره و آیت بآیت نازل اولد قبحه زسول
اکرم آنی امته اوقوردی و بوکا نظیره سویلیه مز سکز
دیو بالجمله فصحا و بلغایه میدان اوقوردی

و (اوا جمعت الانس و الجن علی ان یأتوا بمثل هذا القرآن
لایأتون بمثلہ ولو کان بعضهم لبعض ظهیرا) آیت کریمه سی
نازل اولدی یعنی بو قرآنک مثلنی وجوده کتورمک اوزره
انس و جن بریره کلسه بر برینه یاردجی اولسه لر دخی
انک مثلنی وجوده کتوره مز لر دیو بیورلدی

منکر و معارض اولان بونجه فصحا و بلغا ایچندن بر شخص
یا خود بر جماعت چیقوبده انک بر قیصه سوره سنی بیله تنظیر
ایده مدی

آیات کریمه نک بعضی سنده از لفظک چوق معنایه دلالاتی وار

و بعضی سنده کی تفصیلاتک فوق العاده برحلاوت
ولطافتی وار

بورالر بنی انجق اهل فصاحت و بلاغت اولئر بیلور و لایقوله
ذوقنه انلر وارر

و قرآن کریمی تکرار بتکرار تلاوت ایله انسان صفا
و حلاوت بولور و او قود فیه اوقویه جینی کلور
حالبو که بر شعر یا نشان قدر اعلا اولسه بر قاج کره اوقوند قدن
صکره طبیعت اوصانور

بونک ایچون فصحاو بلغادن عقل و انصافی اولئر همان
شرف اسلام ایله مشرف اولدی لر ایمانه کلمینر دخی
طوق بشرک خار جنده بر کلام اولدیغنی اقرار و اعترافی ایله
معارضه دن و از کجوب بر طرفه چکلدی لر

نته کیم مشرکین قریشک اولور ندن ولید بن المغیره بر کون
سید الانبیا حضر تهرینک یانته کلوب بکا بر مقدار قرآن
اوقو دکایه یم دیدی

رسول اکرم دخی (ان الله يأمر بالعدل والا حسان
و ابتاء ذی القربی و ینهی عن الفحشاء و المنکر و البغی
یعظکم لعلکم تذكرون) آیت کریمه سنی اوقودی

ولید بن المغیره انی جان قولاً غیله دکله دی (والله بونده
برحلاوت وار و اوزرنده برحسن و لطافت وار پک درین
و غایت مفید بر کلامد رانی بشر سو یلیه من) دیو و صفا

وئایلدی و دونوب قومنه (سزك ایچكزده شعراحوالی
بندن اعلا بیلور کیمسه یوقدر شـ عرك هر نوعنی و جن
شعرلرینی جله کزدن اعلا بیلورم محمدك او قودینی کلام
بونلرك هیچ برینه بکر نه عز او کلام هر کلامه غالب اولور
اكا هیچ بر کلام غالب اوله ماز) دیوسو یلدی

وینه برکون خاتم الانبیا حضرتلری حرم شریفك
برکوشه سندده او توررکن دیگر طرفده دخی مشرکین قریش
او توره یوردی اولورندن ابوالولید دیومعروف اولان عتبه بن
ربیعہ دیگر لرینه (نه دیر سکر کیدوبده محمد بران نصیحت
ایتسم بزندنه ایسترایسهك ویرهلم و سنی ایستدیکك رتبه به
ایرشدیره لم تك بزم الهه حزه سوز آتمه و دینره دخل
وتعرض ایتمه دیسم شاید که قبول ایدرده آریدن بوکشا
کش کیدر) دیدکده نه بأس وار بر کره نصیحت اید یویر
دیدیلر

عتبه رسول اکرمك یانته کادی و او یولده برچوق سوزلر
سو یلدی ز عمنجه خلیجه نصیحت ایلدی
رسول اکرم سوزك تمام اولدیمی دیو صورتی . عتبه او
دیو جواب ویردی . رسول اکرم او یله ایسه شمدی بنی
دکله دیو یوردی

وهمان (بسم الله الرحمن الرحيم حم تنزيل من الرحمن
الرحيم) دیو سوره سجده بی تلاوته باشلادی و سجده

آینه کلد کده قالقوب سجده ایلدی وایشتد کی یا ابوالواید
دید

عنه ایشتم ایشتمسن ایشه اودیه رک یرندن قیام ایتدی
ووزوق دوزن یارانی یانه کیتدی

(نه اولدی) دیو صور دیلر (هیچ صور میک بر کلام
ایشتم که عمرده مثانی ایشتمشم والله بسوز شهر دکل
سحر دکل کهانت دکل ای جماعت قریش بنی دکار سه کر
بو آدمی کندی حالنه براغ کر) دیدی

مشرکین بونجه معجزاتی کوزوب ویدر پی نازل اولان
آیات بینائی ایشیدوب رسول اکرم حقمنده نه دیه جکلرینی
شاهر دیلر

کیمی مجنون و کیمی کاهن و کیمی ساحر و کیمی شاعر دیدیلر
و هیچ برینک یاقیشق آلمدیغنی کندولری دخی اکلا دیلر
حتی قریش قومی دین اسلامک اطرافه یایلمسندن خوف
ایتدکاری جهته برسنه حج موسمی کلد کده بریره
طوپلان دیلر هر طرفدن قبائل عرب کلمک اوزره در محمدک
حقمنده نه دیه جک ایسک اکافرا ویره لم و سوزی برایدلم ده
بر بر یمرنی یلانه چیقار میه لم دیدیلر

ایچلرندن بعضیلری کاهندر دیه لم دید کده ولید بن المغیره
کاهن دکلر سوزلری اصلا کاهن سوزینه بکر نه من

دید

اوله ایسه مجنوندر دیهلم دید کلرنده ولید بن المغیره مجنون
 دیسه کیم اینانور انده اصلا جنون علامتی یوق دیدی
 * انک اوزرینه بعضیلری شاعر در دیهلم دید کده ولید بن
 المغیره شاعر دکلدر زیر شعرک جمیع اقسامنی بیلورز انک
 سوزلری یوا قسامک برینه اویماز دیدی

شاعر دکل ایسه ساحر دیهلم دید کلرنده دخی ولید بن
 المغیره ساحره زه سی بکرز او قویوب او فور مسی یوق
 دوکم باغلامسی یوق ساحر ایشلرینه بکرز برایشی یوق
 بوجهتله ساحرده دیه میر دیدی

اوله ایسه نه دیهلم دیدیلر ولید بن المغیره نه دیلمی بیلم فقط
 شو سویلد یککز سوزلرک هیچ بریسی یاقیشق آلماز
 وقنغیسنی سویلسه ک اینانماز دیدی

الحاصل رسول اکرم حقنده نه دیه جکلرینه برقرار ویره مدیلر
 چونکه پیغمبر دیمکدن بشقه یاقیشق آلور بر صفت بوله مدیلر
 بوکا دخی انلر قائل اوله مدیلر

رسول اکرم ایسه هر سنه حج موسمنده خارج مکده چیقوب
 اطرافدن کلان قبائله ای فلان اوغلاری دیو بشقه
 بشقه خطاب ایدرک مقتضای حاله موافق اولان آیات
 کریمه بی تلاوت و انلری دین حقده دعوت ایلردی

بوجهتله قبائلدن نیجه کیمسه نر اسلام ایله مشرف اولمقده
 و دین اسلام عربستانک هر طرفنه یایلمقده ایدی

حتی بنی سلمه قبیله سندن بر قاج یکیت مکه به کله یلر
وبعض آیات قرآنیه یی دکه یوب همان حضور محمدیده
اسلام ایله مشرف اولدیلر . بعد، دونوب لرلرینه کیتدیلر
ورسول اکرمک اوصافی سائرله بیان ایتدیلر

ایچلرندن بر یسنگ باباسی اولان عمرو بن جوح اوغلانه
اوذاندن ایشند یکک سوزلری بکا سویله دیمش اودخی
سوره فاتحه یی اوقومش

عمرو بن جوح نه کوزل کلامدر سائر کلاملریده بویله
کوزلمیدر دیو صور مش اوغلی دها اعلاری وار دیو
جواب ویرمش

و بدوی عربلردن بری (فاصدع بما توعمر) آیت کریمه سنی
ایشندیکی کبی سجده یه وارمش . و بوسوزک فصاحتنه
سجده ایتدم دیمش

و بر دیگر سوره یوسف اوقونورکن (فلما استأثرا
منه خلاصوا نجیاً) آیت کریمه سنی ایشند کده بن شهادت
ایدرم که هیچ بر مخلوق بوکا بکزر سوز سو یلیه مز دیمش
* ابوذر رضی الله عنه حاضر تلرینک ایمانه کله سنه سبب
دخی بوایدی که کندوسی شعرای بنامدن اولوب قرن داشی
انیس ایسه شعرده اکاوسائر امثالنه فائق ایدی
انیس مکه یه کلوب کیمش و برادری ابوذره فخر عالم
حضرترینک احوال و اوصافی بیان ایتمش

ابوذر خلق انك حقنه سو يلبور ديو صور مش . انيس
دخی (شاعر در كاهن در ساحر در ديورلر . اما بن كاهنلر
سوزين ايشتم و انواع شعره قياس ايتدم والله هيج
برينه او يماز و بدن صكره اكاشاعر ديمك كيسه نك اغزينه
ياقشماز اخاصل محمد صادر قدر و انلر كاذبلر) ديو جواب
و ير مش انك او زرينه ابوذر رضی الله عنه دخی همان اسلام
ايله مشرف اوليو ير مشدر

في الواقع قرآن كريم نه كلام منظومدر ونه ده كلام
منثور در ايكي قسمك خار جنده بر كلام لطيفدر . و سراپا
فصيح و بليغدر

وجله آيات كريمه بلاغتجه بدر جده اوليوب بعضيسنك
بعضيسنه نسبتله بلاغتجه در جه سي دها اعلا در فقط
جله سي معجزدر يعنى مثلى وجوده كتور مكدن انسان
ما جزدر

ابتداي امر ده بلغاي عرب آيات قرآنيه بي بعض اشعار
ايله موازنه و مقايسه ايلديلر نهايت هيج برينه و بلكه
بشر سوزينه بكره مديكني اكلا ديلر

فقط معالقات سبعة كعبه ديوارنده آصليو طور وب آره
صره او قونور و فصاحت و بلاغت بخشنده لسانه آنور
ايدى

طبقات بلاغتك الـ اعلا درجه سنده بولنن آیات کریمه دن
(یاارض ابلی مائک و یاسماء اقلعی و غیض الماء و قضی
الامر و استوت علی الجودی و قیل بعداً للقوم الظالمین)
آیت کریمه سی نازل اولیجق بلغیه یک زیاده تأثیر ایلدی
شویله که ایلککرینه ایشلادی

اولوقت امری القیسک قیز قرنداشی صاغ ایدی اول
آیت کریمه بی ایشلد کده (آرتق کسنه نک بر دیه جکی
قالدی قرنداشکم شعری دخی میدان افتخارده طوره ماز)
دیهرک واردی امری القیسک قصید دسنی کعبه دیوارندن
اینرددی

انک آلت طرفندکی مهلقاته هجج بر دیه جک قالدی یغندن
انلر دخی برر بر ایندیرلدی

آرتق میدان افتخار و اشتها رده بالکز قرآن کریم قالدی
و بلاغت قرآنیه نک تأثیر ایلله بالجله فصحا و بلغا مبهور
و ملزم اولدی

و نیجه لری قرآن کریمک الله کلامی اولدیغنه قانیدیلر
و مصمون منیفنه عن صمیم القلب ایناندیلر

و مؤمنلر دین اسلام اوغورنده هر شیئی فدا ایدوب کیمی
حبشستانه هجرت ایلله وطن و اقربا و یارانندن کچدیلر و کیمی
شعب ابوطا لبدیه محصور قالوب مشرک لک اذا وجفامنه
قاتلا ندیلر

قریشک اولولری بونجه معجزه لر کورمش و قرآن کریمک
بلاغتی کندولری عجز و حیرته دوشورمش ایکن اکثری
عناد و انکارلری اوزره مصر اولدیلر و عنادلری حسبیلله
شیرک و ضالانده قالدیلر

چونکه اولو قت عرب قومی متفرق عشائر و قبائله
منقسم ایدی و هر عشیرت و قبیلله ناک رئیس لر اولوب حکم
و حکومت انلرک لارنده ایدی

ایشته انلر قوم و قبیلله لرینک رئیس و متبوعی ایکن
ایچلرندن برذاته تابع اولق ایستمز لردی

قالدیکه نظر شرع شریفده اهل اسلام فقیر و غنی
وضعیف و قوی هپ متساوی ایدی . رؤسای قریش
ایسه احادناس ایله برابر اولمقدن عار ایدر لردی

بناء علی ذلک رؤسا دن هر بری کندوبه متعلق اولان
کسانی مسلمان اولمقدن و دین اسلامی اطرافه بایلمقدن
منعه لارندن کلدیکی قدر چالشه دیلر ایسه ده بوکا چاره
بوله مدیلر

حتی یوقار و ده بیان ایتدی کیمز وجهله اهل اسلامی تضییق
ایچون علی العموم هاشمیلردن قطع علاقه ایتدیلر و بوکا
دائر بر عهد نامه یاز دیروب کعبه ایچنه آصدیلر ایسه ده یینه
دین اسلامک شیوع و انتشارینه مانع اوله مدیلر

حالبو که طوائف عربك اشرفی اولان قریش قومنك
اوله ایکی فرقه اولوبده اوچ سنه یه قریب مدتنبرو
یئلرنده هر در لو معاملاتك منقطع اولسندن طولای
مشركلك دخی چوغنه فتور وندامت كلشیدی

اول عهدنامه بی یازمش ارلان منصور بن عكرمة نك
الی قور ییوب چولاق اولشیدی

وبرده جناب حق طرفندن اول عهدنامه یه کووه
نوعندن بر بوجك مسلط اوله رق انده اسم الله من
بشقه نقدر یازو وار ایسه هپسنی ییوب محو ایتشیدی

جبریل علیه السلام كلوب انی رسول اكرمة یئلدردی
اودخی عمی ابوطالبه خبر ویردی

ابوطالب همان مجمع قریشه کیتدی ورسول اكرمدن
ایشتدیکنی حکایه ایتدی و (محمدك دیدیکی صحیح ایسه
آرتق سزده انصاف ایدیکز شو آره مزده کی تفرقه بی
قالدیرلم واکر انك دیدیکی یلانه چیقار سه بنده انی
حمایه دن وازچكرم) دیدی

قریشك بیوكلری بوسوزی معقول کور دیلر و همان اول
عهدنامه بی کتوردیلر

باقوب کور دیلر که ایچنده (بسمك اللهم) عبارت سنندن
بشته نقدر یاز ولر وار ایسه هب محو اولمش

بوندن جله سی محجوب اولوب اگرچه ابوجهل بنه

عنادنده اصرار ایتک ایستد یسده ده اکثریت آرا ایله اول
صحیفه نسخیفه بی یرتدیلر . و هاشمیلر علیهنده اولان عهد
واتفاقی نقض ایتدیلر

بو وجهله هاشمیلر آتش و یرشده و سائر معاملاتده سر بست
اولدی . و اهل اسلام شعب ابو طالبده محصوریت
بلا سندن قورتلدی . و مکده بر مسرت عمویمه حصول
بولدی

لیکن بوفرخ و مسرتلر چوق سورمدی . آره سی چوق
کجه بوب بشقه مصیبتلر وقوعه کلدی

شویله که نبوت محمدیه تک اوننجی سندسی ابوطالب وفات
ابتدی اندن اوچ کون صکره حضرت خدیجه رضی الله
عنها دخی دنیان کو چوب دار عقبایه کیتدی

ایکسک بویله بربری آردنجه وفاتلری رسول اکرمه پک
زیاده حزن و الم و یردی . بناء علیه بویلی سنه
الحزن دیوتسمیه بیوردی

ابوطالبک رسول اکرم ایله افتخار ایلدیکی وانک نبوتی
قلبا تصدیق ایتدیکی بعض اشعارندن اکلاشیلور

لیکن کندوسی قومک رئیس اولوب رسول اکرم ایسه
انک النده بیومش اولدیغندن اسانبله اقرار ایدوبده اکا
تابع اولقدن عار ایدردی

حتی بن بیاور مکه محمد یلان سسویلمز و باطل سوز اندن

صدور ایلز اکر قریش طائفه سنک عور تلی بنی
 تعیب ایتسه اکا تابع اولور دم دیر ایدی
 ووفاتندن اولجه رسول اکرم حضرت تلی ای پدرم
 مقامنده اولان عجم باری بر کره لسانکله کلمه شهادت
 کنور که آخرته سکاشفاعت ایده بیلیم دید کده قورقارم که
 ابوطالب اولور مدن قور قدیده ایمانه کلدی دیو بنی لوم
 ایدرلر . یشته بوندن عار ایتسم شهادت کنورردم
 دیمش ایدی

بونکله برا بر ابوطالب وفات ایده چکی وقت اعیان
 قریشی طویلا مش ورسول اکرمی انلره اصمار لامش
 ایدی

شویله که محمد امیندر طوغریدر یلانندن بریدر بنم سزه
 ویره بیله جکم نصیحتلری اوھپ جاءیدر . کنوردیکی
 دین اسلام ایسه قلبک قبول ایده چکی برشیدر . اتی انکار
 ایدن انجیق لساندر . واللہ بن کوزمله کورر کی بیلور مکہ
 قریشک فقرا وضع عفا سی وبادیه نشینلر واطراف عالم خلقی
 ھپ انک دعوتنی قبول وسوزینی تصدیق ایتسه لر
 کر کدر . قریشک باشلری قویروق اولسه کر کدر
 (یعنی اکا طاعت ایمان اکا بر واشراف قریش ھپ
 ذلیل وحقیر اولسدر کر کدر) ای جماعت قریش واللہ
 بن صاخ اولسم تنی دشمن شرنن حفظ وجایه ایلردم

سزده اگا یاردم ایتملیسکز دیو وصیت ایلمش ایدی
جناب حَقِّک هدایت ایتمدیکی کیمسه طریق حقی بوله ماز
واطف واحسان الهیمی اولمده کسنه بردوات وسعادتیه
نائل اوله ماز

نته کیم قرآن کریمده (انک لاتهدی من احببت ولاکن
الله یهدی من یشاء) بیورلمشدر

یعنی یا محمد سن سود یککه هدایت ایده مز سین لکن الله
دیلدیکننه هدایت ایدر دیمک اولور

انکچون رسول اکرم ابوطالبک اسلامنی پک زیاده ایستر
واودخی انی فوق العاده سور ایکن اسانبله انک نبوتنی
اقرار ایتمدی • وفاتندن صکره قومی دخی کند و سنک
وصیتنی طوتمدی

چونکه اندن صکره ابولهپ انک یر بنه قومنک رئیس
اولق وسائر کبار قریش دخی ککندو عشرتلرینک
ریاستلرینی الدن چیقار مامق وابو جهل ایسه قریش
ایچنده جمله سندن زیاده نفوذ وحیثیت قازا نمق داعیه
سنده ایدیلر

بناء علیه ابوطالب ایله حضرت خدیجه نک وفا تلیرینی
فرصت بیلدیلر • ورسول اکرمه اولکیدن قات قات زیاده
اذا وجفا ایدر اولدیلر

رسول اکرم انلرک اذا وجفالرندن بیرار اوله رق مککه دن

چیتوب زید بن حارثه رضی الله عنه ایله برلکده طائفه
کیتدی

واووقت طائفه ساکن اولان ثقیف قبیله سی اشرافنی
دین اسلامه دعوت ایتدی

انلر ایسه ایمانه کلم شویله طورسون رسول اکرمی تحقیر
ایتدیله . وایچلرندن بعضیلری اکا طاشلر آتدیله .

حتی زید بن حارثه رضی الله عنه رسول اکرمی آنیلان
طاشلردن محافظه ایچون کندوسنی سپر ایتمکله بر قاج
یرندن یاره لندی ویره لندی

اندن خاتم الانبیا حضرت تبری کبرو دوندی . و مککه یه
برمر حله مسافه می اولان بطن نخله نام محله ایندی

ایشته اوراده رسول الثقلین اولان خاتم الانبیا حضرت تبری
الرحمن سوره سنی تلاوت ایدر کن جنی طائفه سندن
برکروه کلوب دکه مشلر واکا ایمان ایشلر ایدی

رسول اکرم برمدت بطن نخله ده اقامت ایتدکدن صدکره
مککه یه کلدی و مطعم بن عدی نام ذاته مهمان اولدی

وهمان حرم شریفه کیتدی . حجر اسودی استیلام
ایتدی . وایکی رکعت نماز قیلدی . بعده بیت سعادتنه

عودت بیوردی

عادت عرب اوزره مطعم کندی اولاد واتباعی ایله اول
حضرتک اطرافنده طولاً شوب حفظ و حایه سنده فوق

العادة اترغیرت وحیت کوستردی

اول آوانده زمه نك كرمه سی سوّده رضی الله عنها
 حضرت تلی رسول اکرمه تزویج ایلدی
 ابو بکر الصدیق رضی الله عنه حضرت تلی نك كرمه سی
 عایشه رضی الله عنها حضرت تلی نك دخی اول ائنده
 رسول اکرمه نکاحی قیلدی . فقط پك کچوک اولدیغندن
 زفا فی تأخیر بیورادی

رسول اکرم هر سنه حج موسمنده وسوق عکاظ پنایری
 ایامنده مکّه شهر نك خارجنه چیقوب اطرافدن کلان
 قبائل ایلّه کوزیشدرك انلری دین اسلامه دعوت ایده
 کلدیکی کبی نبرتنک اون برنجی سنه سی موسم حجنده
 دخی خارج مکّه یه چپقدی . عقبه قربنده مدینه اهالیسندن
 برجاعته راست کلدی

انلر مکر خزرج قبیلّه سندن ایمشلر خزرجیلر ایلّه هاشمیلر
 بیتنده ایسه قرابت صهریه وارایدی
 زیرا عبدالمطلب والد سی که سلمی خاتوند انک عشیرتی
 اولان بنی نجار اشبو خزرج قبیلّه سنک بر شعبه سی ایدی
 * رسول اکرم اول جماعتنه سن کیملر سز دیو صورتی
 خزرج قبیلّه سندن دیو جواب ویردیلر
 اوتورسه کرده سز کله براز سولشسه ک اولمازی دیو
 بیوردی پک اعلا دیوب اوتور دیلر

رسول اکرم حضرت تبری انلره بر مقدار قرآن کریم تلاوت
 وانلری دین اسلامه دعوت ایلدی
 انلر ایسه غالب بن فهر اولادندن بر پیغمبر کله جک دیو
 کندی اختیارلندن ایشیدر لر مش مدینه ده کی یهو دیلر
 دخی پیغمبر کله جک وقت یاقلاشدی دیرلر مش
 بو کره رسول اکرم انلری دینه دعوت اید یجک بر برینه
 یاقلاشدیلر . ویهود یلرک دید یکی پیغمبر ایشته بودر دیو
 یئلرنده سو یلشدیلر
 واوته دنبرو یهود یئلره یئلرنده عداوت اولدیغنه مینی
 همان ایمان ایدرک حضور نبویه کله شهادت کتور دیلر
 * آنلر ابوامامه اسعد بن زراره ایله رافع بن مالک وعوف
 ابن حارث وقطبه بن عامر وعقبه بن عامر وحارث بن
 عبدالله بن ریاب ایدی
 ایشته انصار دن اول باول شرف اسلام ایله مشرف
 اولان بوالقی ذاتدر رضی الله عنهم
 بونلر موسم حجدن صکره مدینه یه کلدیلر و دین اسلامک
 انذارینه سعی وغیرت ایدر اولدیلر
 بو جهتله دین اسلام خزر جیلر ییشده کرکی کبی منتشر
 اولدقدن بشقه اوس قبیله سنه دخی سرایت ایلدی
 و نبوت محمدیه نك اون ایکنجی سنه سی موسم حجدنه
 اسعد بن زراره ایله رفیق لری اولان رافع وعوف وقطبه

وعقبه وینه خزر جیلار دن معاذ بن حارث و ذکوان بن
عبد قیس و عبادۀ بن صامت و ابو عبد الله یزید بن ثعلبه
و عباس بن عبادۀ بن فضله و اوس قبیله سندن دخی
ابو الهیثم بن تیهان و عویص بن ساعده مکه یه کیتدیله
وینه عقبه ده فخر کائنات ایله کور یثوب عقد بیعت
ایتدیله رضی الله عنهم

شویله که فیما بعد شرک و زنا و سرقت و افترا دن اجتناب
ایلتک و اولاد لرینی اولدر مامک اوزره تعهد ایلدیله
زمان جاهلیته عرب لر انجق ارکک اولاد ایله افتخار
و اولادی ارکک اولوب بده قیز اولدر عار ایدر لر دی
بو جهنله یک چوغی یکی طوفان قیز چو جق لرینی دیری
دیری دفن ایله تلف ایلدی

و برده عرب لرک مدار تعیشی طار اولوب اولاد و عیال لرینی
اداره ده زحمت و مضایقه چکمکه اولد قیلندن بعضی لری
فقرو فاقه بهانه سیله قیز چو جق لرینی و بعضا ارکک
چو جق لرینی دخی او یله دیری ایکن دفن ایدرک
اولدیر لر دی

بناء علی ذلک مدینه لیلر ایله عقد اولئان بیعنده اولادینی
اولدر مامک خصوصی بر ماده مخصوصه اوله رق شرط
ایدلدی و بوماده انسانیت حقنده بر بیوک عنایت اولدی
* اولوجهله بیعت ایدن لر بروجه بالا اون ایکی کشی اولوب

ایکیسی اوس قبیله سندن و باقیسی خزر ج قبیله سندن
ایدی . وجهله سنک رئیسی اسعد بن زرارہ ایدی
جمله سی اول وجهله عقد بیعت ایتد کدن صکره دونوب
مدینه یه کلدیلر . وهمان دین اسلامی نشر ایله مشغول
اولدیلر

اول آوانده معراج محمدی وقوع بولدی . شویله که
جبرائیل علیه السلام بر کیجه کلدی . و رسول اکرمی آلدی
کعبه دن مسجد اقصایه کوتوردی . و اندن یوقارو
چیقاردی . بالجله سماواتی سیر ایتدردی . بعده اول حبیب
خدا بو عالم شهودک خارجه چیقارلدی . کندوسنه نیجه
عجائب و غرائب مماشا ایتدیرلدی . جناب حقک بالذات
کلامنی ایشدی و جمال باکمالنی مشاهده ایتدی . وینه
اول کیجه خانه سعادتیه کلدی

ایشته بش وقت نماز اشبو معراج کیجه سی فرض قیلندی
و اگرچه اندن اول دخی نماز قیلنوردی . لیکن بش وقت
مرتب اوله رق نماز قیلنق اول کیجه امر اولندی
فرداسی اول خاتم الانبیا حضر تتری معراجنی ایشته
سویلدی

ابتدا ابو بکر الصدیق و بعده سائر اصحاب کرام تصدیق
و تبریک ایلدی
مشرکار انکار ایدوب مسجد اقصانک نشانه لرینی

صوردیلر . رسول اکرم عینله خبر و یردی . انلرینه
انکارلنده اصرار ایدوب طور دیلر

بواننده ایسه دین اسلام عربستانک هر طرفنه یایلمقد، وعلی
الخصوص مدینه ده یک سرعت ایله منتشر اولمقد .
ایدی

حتی اوس و خزرج قبیله لری اصحاب کرامدن برینک
مدینه یه کوندرلسنی عرض و نیاز ایلش اولدقلرندن رسول
اکرم دخی انلره قرآن کریمی تعلیم ایتک و اداب
اسلامیه بی او کرمک اوزره مصعب بن عمیر مدینه یه
کوندر مشیدی

حالبوکه مصعبک مدینه یه وصولنده اورا ده کی اهل
اسلامک عددی قرقه وارمشیدی

رئیس لری اولان اسعد و عملری اولان مصعب ایله برلکده
جمله سی جمعه کونلری مدینه خارجه چیقوب بر محله
جماعت ایله نماز قیلغه باشلا دیلر

فقط اسعدک تیزه زاده سی و اوس قبیله سنک رئیسی
اولان سعد بن معاذ ایله ینه رؤسادن بولنان اسید بن حضیر
هنوز ایمانه کلاش اولدقلرندن دین اسلام تمامیه منتشر
اوله میوردی

برکون مصعب ایله اسعد بنی ظفر خانه لرندن برنده مصاحب
ایدرلرکن اسید بن حضیر حربیه سی انده اولدیغی حالده

افلرك اوزرينه كلدى (غرضكز ندر بر طاقم ضعیفای
آلدادوب از دیر یورسكن) دیو صورت حدت و شدت
كوستردی

مصعب اكاناز كانه (هله براز طور اوتور سوزمزی دكله
مقصدمزی آكله) دیمكله اسیددخی اوتوردی
مصعب اكا دین اسلامی تعریف ایتدی . و بر مقدار قرآن
او قودی بلاغت قرآنیه كند و سنه تأثیر ایتكله اسید
نه كوزلشی دیدی . و بودینه كبر مك ایچون نه یاپلی
دیو صورتی

مصعب اكانلفین دین ایتدی اودخی اسلام ایله مشرف
اولدی و (بن واریم سرزه برینی كوندردیم اگر اودخی ایمانه
كلورسه آرتق بو بلده ده ایمان ایتكلك كمنه قالماز) دیوب
كیتدی . و سعد بن معاذی كوندردی

سعد ایسه اورایه پرحدت اوله رق چیهه كلدی (یا سعد
اگر سنكله آره مزده قرابت اولسه بویله قبیله مز ایچنه
صوقد یغكن چیركین ایشله صبر و تحمل اید، مز دم)
دیو تكدر و تهید ایلدی

مصعب اكانخی (هله براز طور یكن اوتور یكن دكله یكن
اكلایكزده بیكنورسه كز قبول اید یكن بیكنز ایسه كز بزه
سره چیركین كوردیكز ایشی تكلیفدن واز كچرز)
دیوناز كانه سوبلدی

انك اوزرينه سعدبن معاذ اوتوردی ومصعبك سوزلرینه
قولاق ویردی

مصعب دخی اکادین اسلام نه دیمك اولدیغی اکلاندى
وبر مقدار قرآن کریم تلاوت ایتدی

قرآن اوقو نورکن سعدك یوزنده ایمان اماره لری بلوردی
همان سز بودینه کیررکن نه یاپیوردیکز دیو صورتی

مصعب اکادین اسلامك ارکان وآسابنی یلدردی اودخی
خلوص قلب ایله دین اسلامه کیردی

سعدبن معاذ بووجهله ایمان ایتد کدن صکره قالقوب
عودت ایتدی وهمان کندی قومی اولان بنی عبدالاشهل
طائفه سنك یاننه کیتدی

وانلره (ای جماعت بنی فصل یلورسکز) دیندی انلردخی
(سن بزم اولومز وافضلن سین) دیدیلر

(او یله ایسه سزده اللهه ورسولنه ایمان ایتلیسکز وایمان
ایتمکجه فیما بعد هیچ بریکزله کوریشه مم) دیمکله بنی
عبدالاشهل عشیرتی ایچنده اول کون ایمان ایتدک
کیمسه قالمدی

بعده سعدبن معاذ ایله مصعب اسعدبن زراره نك خانه سنده
اوتوروب سائر ناسی دخی دین اسلامه دعوت ایله مشغول
اولدیلر

آزمدت ظرفنده دین اسلام مدینه ده اوقدر شایع
اولدی که اوس وخرزج قبیله لری ایچنده بنی امیه بن

زیدك خانه سندن بشقه نور اسلام ایله روشن اولدق خانه
قالدی

اوس و خزرج قبیله لری قبائل ازددن آیرلش برفرقه در
وطن اصلیلری سبا دیومعروف اولان مدینه مأرب ایدی
مرور زمان ایله بوبلدنك صوبندلری خراب اولجق
قبائل ازد شورایه بورایه طاغلدیلر

ایشته انلرك برفرقه سی دخی کلوب اولوقت مدینه ده
متوطن اولان یهود طائفه سیله عقد معااهده ومقاوله
ایدرك مدینه دیارنده قالدیلر

اولوقت مدینه دیارنده متوطن اولان یهودیلر قریضه
ونضیرنامیله ایکی قبیله یه منقسم ایدی

ازدیلرك رئیس اولان حارثه فوت اولدقده اوس و خزرج
نامنده ایکی اوغلی قالدی . و برفرقه سی اکا و برفرقه سی
بوکاتبیت ایتکله ازدیلردخی ایکی قبیله یه منقسم اولدی

صکره یهودیلر ایله ازدیلر آره سنه عداوت دوشدی و بك
چوق محاربه لر وقوع بولدی

ازدیلر هر نقدر ایکی قبیله یه منقسم اولمشلر ایسه ده
دشمنه قارشو متفق و یهودیلر نسبتله چوقلق اولد قلرندن

اکثر یهودیلر غالب اولوردی
مؤخر اوس و خزرج قبیله لری آره سنه عداوت کبردی

و بربریله اوغراشه رق ایکسنه دخی ضعف کلدی

فقط بگو که جهت وحدت اسلامیه ایله بر اشدیلر و بارشدیلر
و بوجهتله قوت بولدیلر و یهودیلر غالب اولدیلر
نبوت محمدیه نك اون اوچجی سنه سی موسم حجه ده
مصعب مکه یه عودت ایتدی انکله، برابر اهل اسلامدن
یتیمش اوچ ارکک وایکی خاتون دخی مکه یه کیتدی بونلرک
کیمی اوس و کیمی خزر ج قبیله لرندن ایدی

بنی نجاردن ابوایوب انصاری دیومعروف اولان حضرت
خالد دخی انلرک بریسی ایدی

مکه یه وصول لرنده جله سی یننه عقبه ده رسول اکرم ایله
بولشدیلر و رسول اکرمک مدینه یه هجرت بیور می
خصوصی سویلشدیلر

رسول اکرم انلره بعض آیات کریمه تلاوت بیور دقدن
صکره نفسلرینی و اولاد و عیال لرینی فصل صاقینورلر ایسه
انی دخی اولوجهله صاقینه جقلرینی تعهد ایتک اوزره
انلردن بیعت ایستدی

دوشوندیلر طاشندیلر یار رسول الله سنک اوغور کده
اولورسه ک بزه نه وار دیدیلر

رسول اکرم جنت وار دیجک اولیله ایسه الکی و بریدیلر
* رسول اکرم مبارک انی اوزاندی همان بیعت ایلدیلر
یعنی جان و یروب جنت الدیلر و پک خیرو بر آیش و یرش
ایتدیلر و همان دونوب مدینه یه کیتدیلر

آنک اوزرینه رسول اکرم ارتق مدینه به هجرت ایتک
اوزره اصحاب کرامه اذن و بردی

انلرده همان مهاجرته قیام ایتدیله . و محرم و صفر ایلرنده
وطنلرینی ترک ایله بربری ارقه سندن مدینه به کیتدیله

شویله که مقدما دیار حبشه هجرت ایدوبده مؤخرامک به
کلمش و کفارک اذافا سندن بیزار قالش اولان ابوسلمه

ابن عبد الاسد رضی الله عنه بورخصتی ایشیتدیکی کبی
جمله دن اول قالقوب مدینه به هجرت ایتدی . ارقه سندن

برچوق اهل اسلام دخی کیتدی

بعده حضرت عمر بن الخطاب و برادری زید و عباس بن
ربعه رضی الله عنهم یگرهی نفر اولدقلری حالده مدینه به

کیتدیله و مدینه نك عوالی دینلان فریه لرنده اقامت ایتدیله
نهایت مقدما حبشه کیدوب کلایردن داماد پیغمبری

اولان عثمان بن عفان رضی الله عنه حضر تلری دخی
کیتدی

و مکده رسول اکرم ایله برلکده اصحاب کرامدن یالکیز
ابو بکر الصدیق ایله علی بن ابوطالب رضی الله عنهما

و کرم الله وجههما حضر تلری قالدی

رسول اکرم دخی هجرت ایتک نیتنده اولوب انجق
کندوسی ایچون اذن الهی ورو دینه منتظر ایدی

حتی ابو بکر الصدیق حضر تلری مدینه به کیتک ایتدیله
❀


رسول اکرم صبرایت مأمول که جناب حق سکا بر رفیق
احسان ایلیم دیو بورردی

اصحاب کرام پیدرپی مدینه یه مهاجرت ایتد بجه اوس
وخزرج قبیلله لری یرکوستروب انلری بارندیردرل وانلره پک
زیاده حرمت و معاونت ایدرلر ایدی

دین مبین اوغورنده او او جهله وطنلرینی ترک ایله مهاجرت
ایدن اصحاب کرامه مهاجر بن دینوز

اهل مدینه دن اولوبده انلره بو وجهله رعایت و دین اسلامه
نصرت ایدن اصحاب کرامه دخی انصار دینلور

کرک مهاجر بن و کرک انصار جله سندن الله راضی اولسون
که دین اسلامه طوغریسی پک بتولک خدمت ایتشلردر



بہر ت محمدیہ

مشرکین قریش کوردی کہ اوس و خزرج قبیلہ لڑی
ایمانہ کاری . و بوجہ تہ دین اسلام مدینہ دہ قوت بولوب
برآشدی . و انلک عقبہ دہ کی بیعت لڑدن صکرہ اصحاب کرام
دخی آرقہ لڑدن کیتدی . و همان برایکی ای ظرفندہ
اکثری مدینہ یہ واروب آنلرلہ برآشدی

مشرک لک عقلا ری اوردی کہ رسول اکرم دخی انلک یانہ
کیدرسہ مدینہ دہ بر بیوک قوۃ اسلامیہ پیدا اولہ جق
و قریشک شام یواندہ پک مهم بر کذر کاهی اولان مدینہ
دیاری اہل اسلام اندہ قالہ جق
قریشک اولوری بورالزینی دوشوندیکہ تلاشہ دوشدیلر
و همان مشورت ایچون دارالندوہ دہ برآشدیلر

دارالندوہ قصی بن حکیم خانہ سیدر کہ یوقارودہ بیان
ایتدی کمز وجہ لہ قصی شورادہ بورا دہ متفرق اولان
قریش طائفہ سنی طوپلایوب قوت بولہرق مکہ ریاستی
قازانمش اولدیغندن انک خانہ سی مشورت یری آنخاڈ
اولنہرق ہرنہ وقت قریشک بر مهم ایشی اولسہ اورادہ
طوپلانوب مشاورہ ایدرلردی

بوکرہ دخی اورادہ طوپلانوب محمد ایچون نہ تدبیر اولنق
لازم کاور دیوم مشاورہ ایلدیلر . و ہربری بر سوز سویلدیلر

* بعضی بیری آنی بر محله حبس ایدہ لم دیدیلر مناسب
 کورلمدی . بعضی بیری دخی بر طرفہ نئی ایدہ لم دیدیلر
 بورای ایسہ هیچ قبول ایدلمدی
 نہایت ابوجهل (آنی اولدر مکن غیری چارہ یوقدر
 فقط ہر قبیلہ دن بر آدم واروب وجہ سی بردن اوروبدہ
 اولدر ملیدر کہ قاتل معین اولمہ . اول حالہ ہاشمینر
 چارہ سر دیتہ راضی اولورل . بوصورتلہ ایش بتروقان
 دعواسی قبائل ایچندہ محو اولوب کیدر) دیدی ساری
 دخی انک رأینی قبول وتنسیب ایددی
 بو قرارک اجراسی ایچون بر طاقم خیشلر آیر بلوب سچلیدیلر
 وجہ سی کیچہ رسول اکرمک خانہ سی اوکنده بر یکوب
 انک او یومسنہ منتظر اولدیلر

ابوجهل و حکم بن عاص و ابولہب و امیہ بن خلف و ابی
 ابن خلف و انلرک امثالی رؤسا دخی انلرلہ برابر ایدی
 جبرائیل علیہ السلام کلوب کیفیتی رسول اکرمہ خبر و بردی
 ومدینہ ینہ ہجرت ایتک اوزرہ مأذن و ابو بکر الصدیق
 بر اکتہ کوتور مکہ مأمور اولدیغنی بیلدردی
 رسول اکرم ہمان علی بن ابوطالب حضر تلرینی چاغردی
 و کندوسندہ شونک بونک امانتلی اولان اشیابی و بردی
 * (یا علی بن مدینہ ینہ کید یورم بو امانتلی صاحب لرنہ
 تسلیم ایت . اندن صکرہ سندہ طورہ کل فقط شمدی بنم

دوشکمه یات که شر کلرینی یات یورطن ایتسونلر (دیو
بیوردی

علی کرم الله وجهه حضرتلری رسول اکرمک دوشکمه
یاتدی . ورسول اکرمک یشیل خر قه سنی کندی اوزرینه
اورتدی

رسول اکرم همان بر آوچ طو پراق آلدی و (یس) سوره
شریفه سنک اولدین (وجعلنا من بین یدیهم سدا
ومن خلفهم سدا فاغشیناهم فہم لا یبصرون) آیت
کریمہ سنک آخربنه دك اوقودی . واول طو پراغی قپوسی
اوکنده بکلان مشر کلرک اوزرینه صاچدی . وایچلرندن
چہ قوب کیتدی . کورکی باقوب طور دیلر و آنی کور مدیلر
برمدت صکره کندو ہم جنسلرندن بری کلدی . بورادنه
بکلیورسکز دیدی . محمدی بکلیورز دید کلرنده دخی (محمد
سنک باشکزه طو پراق صاچوب وایچلرندن قاچوب کیده لی
خبلی وقت اولمش ھله بر کره قیلغکزه باقکر) دیہرک انلری
استهزا یتدی

بر بر بنده باقوب اوزرلری توز طو پراق ایچنسد قالمش
اولدیغنی کوردیلر . لکن خانہ سعادتک ایچر وسند باقوب
رسول اکرمک دوشکمنده حضرت عاینک یاتدیغنی کورہرک
ایشته محمد یات یوردیوب طور دیلر

صکره حضرت علی قالدی انی کوردکلری کبی نه به

اوغرا دقلرینی بیلدی لر و محمد زده دیو صور دیار
 حضرت علی بیلم دیچک خبیثلر حیرته قلوب نه
 یاه جقلرینی شاشردیلر
 رسول اکرمک بویه کوزلردن نهان اولویرمسی قریشک
 اولولرینه پک کوچ کلدی
 و مکه بی آلت اوست ایدوب اول حضرتقی بوله مدقلر یچون
 چیقہ سی جانلری پک زیاده صبقلدی
 همان محمدی هر کیم بو اوب کتور رایسه یوزدوه و یریز
 دیو هر طرفه اعلان ایتدی لر
 ایچلرنده هر نقدر خرسن و قانلی و خیر و شیرینی بیلز دلی
 قانلی وارایسه کیمی قلیچلرو کیمی صو په لر ایله خارج مکده
 چیقوب اطرافه سکر تدی لر
 رسول اکرم ایسه اول کیجه سعاد تخانه لردن چیقوب
 کیزلندی . و هر زده اکلندی ایسه اکلندی
 فرداسی اوکلین ابو بکر الصدیق رضی الله عنه حضرت تلرینک
 خانه سنه واردی . قپوسی اوکنده طوردی . اداب شرع
 شریف اوزره ایچرو کیرمکه اوصا حبیک اذنی وارمی
 دیو صور دی
 حضرت ابو بکر بیوریکز یار رسول الله دید کده رسول اکرم
 ایچرو کیددی . و طرف باریدن هجرته مأذون اولدیغنی
 بیلدردی

ابو بکر الصدیق حضرت تلری بنده برانکده می یم دیو صورتی

رسول اکرم اوت دیو جواب و یردی

حضرت صدیق رسول اکرم ایله برانکده هجرت ایدیه جگنه

اولقدر منون اولدی که کوزلندن سرین سرین یاشار

آفتدی . و همان خانه سنده موجود اولان دولردن برینی

رسول اکرمه عرض ایتدی

رسول اکرم پک اعلا ماشمدی هدیه قبول ایتیم صا تون

آلورم دیدی . و همان پاره سنی اعطا یوردی

اول دوه بی حضرت پیغمبر ایچون و دیگر بر دوه دخی ابو بکر

ایچون حاضر ایتدی لر . و قولاغوز لقمه ماهر اولان

عبدالله بن اریق نام کسمه بی قولاغوز لاق ایتک اوزره

اجرت ایله طوتدی لر

واول دوه لری وقت معینه مکهنک آلت طرفنده و تخمینا

بر ساعت مسافه سنده واقع جبل ثوره کنور مک اوزره عبدالله

ایله مقاوله ایدرک دوه لری اکا تسلیم ایتدی لر

اول کون رسول اکرم اخشامه قدر حضرت ابو بکرک

خانه سنده اوتوروب کیجه ابو بکر ایله برابر چیتدی لر و جبل

ثوره کیتدی لر

جبل ثورده بر ایصسن مغاره وارایدی اورایه کیردی لر

در حال اللهم امریله بر اورومج کلوب اول مغاره نک

آغزینه آغنی کردی . و بر چفت بیانی کو کر جین کلوب

عمور طلادی

قریشک آرایجیلری کلوب جبل ثورک هر طرفی
 طولاشدیلر . برفرقه سی دخی امیه بن خلف ایله برابر
 اول مغاره نك آغزینه ایرشدیلر . وشو مغاره بی دخی
 آرایه لم دیو بریزایله سویلشدیلر

امیه بن خلف الله عقالل ویرسون اوراده نه ایشکزوار
 اوراده محمد طوغم سین بو اوروجکلر آغ کرمش صکره
 کو کر جیلر یوه یاقش دیمکله جله سی دونوب کیتدیلر
 * حالو که مغاره آغزینه کلدکلرنده اچرودن رسول
 اکرم ایله حضرت ابو بکر انلری کورردی . لیکن انلر
 بو ایکی حضرتی کورمز لردی

حتی انلر مغاره جوارینه کلدکلرنده حضرت ابو بکر
 پک زیاده محزون اوله رق (یار رسول الله بنی اولدی ررلر ایسه
 نه غم بی بر شخصم اما الله کوسستمسون سکا برزبان
 ایرشدیره جک اولورلر ایسه بتون امنک هلا کند سبب اولور)
 دید کده رسول اکرم (غم چکمه الله بزمه برابر در) دیو تسلیم
 ویردی

وانلر دونوب کیند کدن صکره حضرت ابو بکر یار رسول الله
 اکر اچلرندن بریسی شویله جه اوکنه بافیویر سیدی
 بزنی کورردی دید کده رسول اکرم (یاسین نه ظن ایدرسین
 اول ایکی رفیق حقنده که انلرک او چنجیسی الله اوله)
 دیو بیوردی

حضرت ابو بکر مغاره‌یه کبرد کده بردایک کوردی .
 اورادن بیلان و چیان کبی بر مضر حیوان چیه و بده
 رسول اکرمه ضرر و زبان ایتسون دبو آئی ایاغیله طیفایوب
 او توردی . رسول اکرم دخی اکا طیانوب او یقویه
 واردی

حالبو که اول دلیکدن بر بیلان چیقادی . و ابو بکر
 رضی الله عنه حضر تلرینک ایاغی صوفدی
 فخر عالم او یقودن او یانوبدراحتسر اولسون دبو حضرت
 صدیق ایاغی حکمدی . لیکن جائی آجیوب، کوزلرندن
 یاش آقدی

و کوز یاشلری رسول اکرمک مبارک یوزینه طاملامغله
 او یقودن او یاندی (نه وار یا ابو بکر) دیو صوردی
 او دخی (یار رسول الله ایاغی برشی صوفدی اما باس یوق
 انام بابام سکا فدا اولسون) دیو جواب و بردی
 رسول اکرم قالقدی بیلانک صوقد یغی ره تو کوردی
 در حال آجیسی زائل اولدی . و حضرت صدیق شفا
 بوالدی

حضرت ابو بکرک آزاد لوسی اولان عامر بن فهیره جبل
 ثورده بر سوری قبون کودر . و کیجه لری صاغوب مغاره‌یه
 بر مقدار سوت کوتورر ایدی
 و حضرت ابو بکرک اوغلی عبد الله کیجه لری کیز لوجه

اول مغاریه کلوب قریشک حال و حر کتله ینه دائر خبرلر
کتورر ایدی

رسول اکرم ایله یارغاری اوچ کیجه بوجال اوزره
اول مغارده قالدیلر . بعده عبد الله بن اریقظ دودلری
کتوردی . بندیلرانی و عامری دخی برابر آلدیلر . و ساحل

بویله کیدرک قدید نام محله واصل اولدیلر
اوراده ساکن اولان ابومعبدک چادری اوکندن کچرکن
صانون آلق اوزره خرما و یاخود ساثریه جک برنسنه وارمی
دیو صور دیلر

ابومعبد اوراده بولمیب فقط زوجه سی و خالد خزاعینک
کریمه سی اولان عاتکه ام معبد اوراده بولنه رق ییه جک
برشی یوقدر دیو جواب ویردی

رسول اکرم بر طرفده برقیون کوردی . بوندردیو صور دی
وام معبد (برز بون قیوندر که یوریمکه مجالی اولمدیفندن
سوری ایله کیده میوب قالمش) دیدکه (اذن ویررسدک
صاغه لم) دیو یوردی

ام معبد نه دیسون سوری ایله اوتلامغه کیده میان برضعیف
حیواندن نه چیقاراما مسافره اولماز دیمک جائز اوله میه جغندن
(پک اعلانده سوت بولور سدک صاغیور) دیدی

رسول اکرم اول قیونی طو توب ممه سنی صیغادی . و بسم الله
الرحمن الرحیم دیدی . و قیونک سودی کلمکله بر یوک فاب

ایستدی . وقیونی صاغدی قاب طولدی . ابتدا ام معبد
وبعدہ سائر اورادہ بولانلرہ طوبونجه ایچوردی . واک
صکرہ کندولری ایچدی تکرار صاغدی ینہ ایچدی
واوچنجی دفعہ صاغوب آتی ام معبدہ براقدی . واندن
قالقوب یارغاری ایله برابر یوله روان اولدی
اره سی چوق کچمبوب ابومعبد کلدی . اول قاب ایچندہ کی
سودی کوردی بونہ دیو صورتدی
زوجہ سی ام معبد (والله بورایہ بر مبارک ذات کلدی . شویله
دیدى قیونی بویله صاغدی) دهرک کیفیتی بر تفصیل
سویلدی

ابومعبد (بوندہ بر حکمت وار اوذاتک شکل وسماسی
نصل ایدی) دیو صورتدی زوجہ سی دخی اورته بویلی
قره قاشلی قره کوزلی وغایت نورانی یوزلی بر لطیف آدم
ایدی) دهرک حلیه نبویه بی بیان ایلدی
زوجی ابومعبد (والله بوسنک دیدیکک ذات قریش
ایچندہ ظهور ابدن پیغمبردراکر بن بورادہ بولنسیدم
اکا تابع اولوردم) دیدی

ام معبد دن مرویدرکه (اول قیون حضرت عمرک
حلافتده وقوع بولان قوراقلق اوانده قدر یاشادی
بریوزندہ حیوانلر بیه جک شی بوله ماز ایکن بزانی اخشام
صباح صاغاردق) دیرایمش . بزمان سن فیهمز کلدلم

رسول اکرمی اله پکورتلره قریشک یوز دوه وعد ایلمدیکی
کنانه قبیله سندن اول حوالده خیمه نشین اولان
بنی مدیج عشیرتی ایچنده طویولش وساحل یولدن
ایکی دوه ایله درت کشینک پکوب کیتدیکی دخی ایشیداش
ایدی

بناء علیه سراقه بن مالک المدیجی یوز دوه طمعنه دوشمش
یعنی آتیه بنوب انلرک آرقه سنه دوشمش ایدی

انلر ایسه قید نام محله هنوز ام معبدک چادرندن
قالقوب کیدرکن سراقه انلره یتشدی
ابو بکر رضی الله عنه حضرتلری امان یار رسول الله
طوتواقی دیهرک تلاشه دوشدی

رسول الله (غم یمه الله بزمه برابردر) دیوتسلیت
ویررکن سراقه کلوب چاندی . لکن آتنک ایافلری
دیزلرینه قدریره باندی

سراقه (یا محمد دعا یت قورتیله یم بویمه بورج اولسون
که کیرودن کلان آرایجیلری صاوب دفع ایدیم)
دیوالواردی

خاتم الانبیا حضرتلری دعا یتدی . جناب حق دخی
انک دعا سنی قبول بیوردی . وسراقه یمه نجات و یردی
سراقه بووجهله اوغراش اولدیغی بلادن قورتیاوب
انلرک نانه کلدی . اوچ کون قدر انلرک حالنی مکتوم

طوتمق اوزره تعهد ایلدی . وایلروده شوکت اسلامیه نك
 میدانہ چیقہ جغنی ملاحظہ ایدرك براماننامہ ایستدی
 رسول اکرم عامر بن فہیرہ دری اوزرینہ براماننامہ
 یازدیروب سراقہ یہ ویردی ویولنہ کیتدی
 سراقہ اورادہ قالدی . وقریشک کیروندن کلان آرایچیلرینہ
 (بن بورالینی آرایوب طارادم کیمسہلر یوق بشقہ
 طرفہ یاقہلم) دیرک انلری کیروچویردی
 مؤخر ابو جہل سراقہ نك حالنہ واقف اولدقدہ
 پک زیادہ غضبہ کلوب سراقہ نك غیرتسنزلکنندن
 بحث ایدرك حقندہ برقطعہ ہجویہ سویلشد
 سراقہ دخی اکا (اگر آتمک ایاقلری نصل برہ کوملدیکنی
 کوریدک سن محمدرک پیغمبرلکنہ ایمان ایدرك) دیو
 برقطعہ ایلہ جواب ویرمشدر
 بعدہ ابوبکر الصدیق رضی اللہ عنہ حضرتلری دخی
 بووقعہ یہ دائربرکوزل قصیدہ نظم ایلشد
 فتح مکہ سنہ سی رسول اکرمک حنین غزاسندن عودتندہ
 سراقہ اول اماننامہ ایلہ حضور نبوی بہ کلمش واسلام ایلہ
 مشرف والتفات نبوی یہ نائل اولمشدر
 رسول اکرم اکا (یاسراقہ نصل سین کسرانک
 یلہ زکالرینی طاقینہ جغک وقت) دیمش و (ہانکہ
 کوزمک اوکنده کبی کورہ یورم کہ سراقہ کسرانک

بيله زكاري بني طاقينور) ديويورمش ایدی
 اولوقت بوسوزلك معناسی كركی كبی اكلاشلامش ایدی
 صكره حضرت عمر ك خلافتنده كسرانك اموالی اغتنام
 اولنه رقی مدینه یه كتوریلوبده بيله زكاري بني سراقه نك
 طاقن-مدیغی وقت عجزات محمدیه دن اولدیغی میدانه
 چیقمشدر . نته كیم محلنده بیان اولنه جقدر . بزینه
 صددمره كالم

رسول اكرم یارغاری ایله برابر قیدینام محلدن آبریلوب
 كیدرلر كن یولده برچوبانه راست كلوب سوت ایستدیلر
 ❖ چوبان (صاغیلور قیونم یوق شوراده برچی وار
 انكه سودی قالمدی) دیدی

حضرت پیغمبر آنی كتور دیویوردی . چوبان دخی
 اول كچی بی كتوردی

رسول اكرم مبارك الی آنك ممه سی اوستنه قویدی
 همان سودی كلدی . حضرت ابوبكر قالقان طوودی
 قالقان سوت ایله طوودی

فخر عالم انی حضرت ابوبكر وعامر وعبداللله وچوبانه
 ایچوردی . بعده ینه صاغوب كندی ایچدی

چوبان (سن كیمین بن سنك كبی آدم كورمدم امان
 بكا كندی بی بیلدر) دیویالواردی

رسول اكرم (اكر كیمسه یه طویورماز ایسه ك سویلیم)

دیو بوردی • چوبان دخی کسنه یه سویله جکته

سوز و یردی

وفخر عالم (محمد رسـول الله دیدکاری بنم) دیدکده

چربان (ها شوقر یشک دینندن دونن کشی دیدکاری

سنمیسین) دیدی • رسول اکرم دخی (البتّه انلر اویله

سویلریا) دیو بوردی

چوبان (بن شهادت ایدرمکه سن حق پیغمبردین وسنک

یادینگی کیسه یاپاماز مکر که پیغمبر اوله بن سنکه برابر

کیدرم) دیدی

رسـول اکرم (شمدی اولماز صکره بنم ظهوریمی خبر

آلدینگ وقت کل) دیدی ویولنه روان اولدی

ابوبکر الصدیق حضر تلری پک چوق کره شامه کیدوب

کلش اولدینندن بول اوزرنده انی طانیانلر چوق ایدی

* (بووا کیکه کی کیدر) دیو صورانلره (قولاغوزدر

بکاول کوستر) دیو جواب و برردی

فقط زبیر بن العوام رضی الله عنه حضر تلری شام

قافله سینه هنوز مدیندن چیقوب مکّه یه کاورکن انلره

راست کلدی • و رسول اکرم ایلّه یارغارینه آق و بیکی

جامه لر کیدردی

زبیر بن العوام حضر تلری قافله ایلّه مکّه یه کلوب امورینی

تسویه ایندکدن صکره اودخی مدینه یه هجرت ایتشد

رسول اکرم مکہ دن چیقہ دینی اولجہ مدینہ ده طویولغله
 اهل اسلام برقاج کون صبا حلین خارج مدینہ چیقوب
 صبحاق باصنجیه قدر تشریف نبوی به منتظر
 اولورلردی

ینه بر بازار ایتسی کونی چیقوب زیاده صبحاق باصدقده
 کیرو دوغشلر ایدی . برایش ایچون خانه سنک طامی
 اوستنه چیقوش اولان بریهودی اوزاقدن رسول اکرم ایله
 یارغارینک آق جامه لره بوروغش اولدقلری حالدہ
 کلککه اولدقلرینی کوردی و (ایسته ایستدیکز کلیور)
 دیواهل اسلامه مژده ویردی

اهل اسلام سلاخلانوب اول طرفه سکر تیلر . وفخر
 عالمی کمال احترام ایله استقبال ایتدیلر که نبوت محمدیه نک
 اون دردنجی سنه سنده واقع ربیع الاول آینک اوائلنده
 ایدی

یک صبحاق برکون ورسول اکرم یورغون ایدی . مدینہ به
 بر ساعت قدر مسافه سی اولان قباقریه سنه ایندی
 و بنی نجاردن برینک خانه سنه قوندی

وچندروز قباده اقامت ایتک اوزره قرار ویردی . واوراده
 بر مسجد انشا بیوردی

اندن اول اهل اسلامدن بعضیلری کندولری ایچون
 مسجد یا پیشلر ایسه ده جماعت مسلمین ایچون اک ایتدا

بنا اولتان مسجد اشبو مسجد فبادر

رسول اکرم ک قبايه ورونده انصار کرام هپ کلوب
ديار مدينه يه قدومنی تبریک ایلد ک لری صرده مدينه نك
الك ماهر و مشهور شاعری اولان حسان بن ثابت رضی الله
عنه حضرتلری دخی تشریف نبوی یه دائر برکوزل
قصیده مدحیه سویلدی . و قدوم نبوی یه شکرانه اوله رق
آنی فخر عالم حضرتلرینه عرض ایلدی

حضرت علی کرم الله وجهه رسول اکرم دن صکره
اوج کون مکه ده اقامت و کندوسنه براغملش اولان
امانتلری اصحابنه اعطا و تسایم ایتد کدن صکره مکه دن
چقمشیدی . رسول اکرم هنوز قباده ایکن اودخی
کلوب قبايه وصول بولدی

بعده رسول اکرم بر جمعه کونی کندی دوه سینه بندی
و یوز نفر اهل اسلام ایله قبادن قالقدی . و نفس مدينه يه
عازم اولدی

واثنای راهده صول طرفنه میل ایله بنی سالم بن عوف
یوردنده رانونا دینلان وادینک اوست طرفنه ایندی
واوراده غایت بلیغانه بر خطبه او قویوب جمعه نمازی
قیلدی

خاتم الانبیا حضرتلرینک الک ابتدا قیلدیغی جمعه نمازی

بودر . وابتدای خطبه سی اودر که خلاصه وجهله
 ترجمه سی بوراده ایراد اولانور
 رسول اکرم قالقوب حق تعالی حضرتلر یندلایق اولدینی
 وجهله جد و ثنا ایتد کدن صکره بویله بیورمشیدی
 (ای ناس صاغلغکرده آخرتکز ایچون تدارک کور یکن
 محقق بیلورسکز که یوم قیامتده برینک باشنه اور یله جق
 وچوبانسز براقدینی قیونندن صور یله جق صکره
 جناب حق ا کایه جک . اما نصل دیه جک . ترجمانی یوق
 پرده داری یوق بالذات دیه جک . که سکانم رسولم کلوبده
 تبلیغ ایتدیمی بن سکا مال و یردم سکا لطف واحسان
 ایتدم سن کندک ایچون نه تدارک ایتدک . او کیمسه دخی
 صاغنه صوانده باقه جق برشی کورمیه جک . او کمنه باقه جق
 جهنمدن بشقه برشی کورمیه جک او یله ایسه هر کیم که
 کندوسنی ولو که بر یارم خرما ایله اولسون آتشدن
 قورتاره یله جک ایسه همان اول خیری ایشلسون آنپده
 بوله ماز ایسه باری کلمه طیه ایله کندوسنی قورتارسون
 زیر آنکله برخیره اون مثلندن یدی یوز مثانه قدر ثواب
 و یریلور . والسلام علی رسول الله ورحمة الله و برکاته)
 * رسول اکرم برنجی خطبه بی بووجهله اتمام ایتد کدن
 صکره ایکنجی خطبه به دخی قیام ایلوب بووجهله
 بیورمشیدی

(اللهه جدا واسون . اللهه جدايدرم وانندن ياردم ايسترم
 نفسلر منك شرلرندن وكوتو عملار من دن اللهه صيغندق
 اللهك هدايت ايتديكني كمننه اضلال ايدمه من . اللهك
 اضلال ايتديكنه دخي كمننه هدايت ايدمه من . اشهد
 ان لا اله الا الله وحده لا شريك له . كلامك انك كوزلي
 كتاب اللهدر . هر كيم كدجناب حق انك قابنده قرأني مزين
 قيله . و آني كاغر ايكن اسلامه ادخال ايدمه . واودخي قرأني
 سائر سوزلره ترجيح ايليه . ايشته اول كيمسه فلاح بواور
 طوغريسي كتاب الله كلاملك انك كوزلي وال بلابغيدر . اللهك
 سوديكني سويكنز اللهی جان و كو كلدن سويكنز . اللهك
 كلامندن و ذكر نندن اوصانميكنز . واللهك كلامندن
 قلبكره فسوت كلمسون . زيرا كلام الله هر شيئك اعلاسنی
 آيوروب سچر . عملارك خيرلوسني وقولارك كزيده سي اولان
 يغمبرلري وقصده لك ايسني ذكر ايدر . وحلال و حرامي
 بيان ايلر . آرتق اللهه عبادت ايديكز . و اكبر شيئي شريك
 ايتميكنز . آندن حقيله صاقيكنز كوزل سوز يكر ايله اوسوز كز
 دخي اللهه طوغري واسون و بينكرده كلام الله ايله سويشكر
 محقق بيلمليسكز كه الله تعالى عهديني بوزانلره غضب ايدر
 والسلام عليكم)

عقبه ديكى چتده انصار گرام حضراتي هر نه وقت رسول
 اكرم كندى بلده لرينه كاورسه هر وجهله آني محافظه ايتك

اوزره عهد و میثاق ایتمش ایدیلر
اولجه رسول اکرم انلرک دیارینه کلوب برمد مجیک قباده
اقامت ایتد کدن صکره بوکره نفس مدینه کیرمک اوزره
بولند یغندن آرتق انلرک ایفای تعهده مجبور اولدقلری
وقت کلمش دیمک اولدی

بناء علیه رسول اکرم بوخطبه نك آخرنده جناب حقك
عهدینی بوزانلره غضب ایده جکی بیانله ختم کلام
بیور مشدر

رسول اکرم اولوجهله رانوانده جمعه نمازینی قیلدقدن
صکره ینه دوه سنه بندی . و مدینه شهرینه توجه ایتدی
لکن کیمک خانه سنه قونه جنی کسنه نك معلومی
دکل ایدی

انصار کرامک مقدم و مؤخر مهاجرینه ایتدقلری معاونت
و حققرنده کوستردقلری حرمت و رعایت طوغریسی
تعریف اولتماز درجه ده ایدی

بوکره حضرت پیغمبرک مدینه یه ورودنده ایسه عا-تاد و کون
بیرام ایدرجه سنه شتاک ایلدیلر . و اول کون مدینه لول
حققده صحیحاً بر بیوک بیرام کونی ایدی

چو جئلری سونوب زقا قلرده رسول الله کادی دیو
چاغریشورلر . و خاتونلری طاملرک اوستنه چیقوب کوزل
کوزل شعرلر او قورلر و خوش کادی بکر دیوباغریشورلر ایدی

❦ وهر قغيسنك خانه سى او كندن پكسه بيور بگز
يارسول الله ديو خانه سنه دعوت ايدر لر . و دوه سنك
يولارندن طوتوب دوندر مكه چايشور لر ايدى
آنلر بو وجهله دوهنك يولار ينه صار له قجه رسول الله
(اكا طوقونميكز مأمور در . الله طرفندن مأمور اولديغى
محلله كيد يور طور بگز باقه لم زديه كيده جك) ديو منع
ايدر دى

ورسول اكرم دونهك يولار ينى براغوب هيچ طوقونمازدى
اول مبارك حيوان دخی صاغه صوله باقه رق كند و اكندن
كيدر دى

نهایت مالك بن نجارك خانه سى او كنده كى خالى عرصه ده
چو كدى . لکن طور ميوب قالق يور دى . و طاوس كى
سوز يلوب كيد رك بنى نجاردن خالد يعنى ابو ايوب
انصارى رضی الله عنه حضر تلى بنك خانه سى او كنه
واردى . و اوراده چو كدى . لکن طور ميوب ينه قالقدى
و دونوب اولكى چو كدى كى برده چو كدى و همان بويى
اوزادوب باغردى

رسول اكرم دخی (انشاء الله قونا غز بور اسيدر) ديه رك
دوهنك اوز رندن ايندى . و ابو ايوب خالد انصارى
خانه سنه تشریف بيور دى

و حضر ت خالد رضی الله عنه زيد بن حارثه ايله برابر

دوهنگ اوزرنده کی شیلری آلوب خانه سنه کتوردی
انصارک الله اولوسی اولان اسعد بن زراره رضی الله عنه
حضرتلری دخی تبرکا دوهی آلوب کندی خانه سنه
کوتوردی

خاتم الانبیا حضرتلرینک شرف قدو علیه مدینه شهره
مشرف و مسعود اولدی . نورایله طولدی
وطنلرندن آبرو دوشوبده کککلری محزون اولان
مهاجرینه تازدجان کلدی . انصارک دخی یوزی
کولدی

اول کون مدینه اها لیبی حضرت خالدک خانه سنه
کلوب رسول اکرمی زیارت ابتد کلری صره ده علماء
یهود دن عبدالله بن سلام دخی کلدی . ودقت ایله
حضرت پیغمبرک یوزینه باقدی . بویوز یلانجی یوزی
دکلردیوب همان اسلام ایله مشرف اولیو یردی

انصار کرامک هر بری رسول اکرمی کندی خانه سنه
مهمان ایتمک ایستردی . وقتغیبی ترجیح اولنسه
دیگرلرینک محزون اولسی خاطرله کلوردی

حالبو که قوناق یرینی دوه تعین ایدیچک کسندنگ برده چکی
قالدی . فقط اول خالی عرصه ده چوکسنگ سبب
وحکمته نه ایدی آنی بیان ایده لم

اول عرصه بنی نجاد دن ایکی چوجنگ ملک موروثلری ایدی

رسول اکرم آنی اون مثقال آتونه صائون آلدی
 واول مقیدار آتوننی ابوبکر الصدیق رضی الله عنه
 حضرت تارینه حواله بیوردی . اودخی بومبلخی صاحب لینه
 ویردی

بعده رسول اکرم کریج کسزدی . وکرسته تدارک
 ابتدردی . واول عرصه ده بر مسجد شریف انشاسته
 وبر طرفه کند وری ایچون اوطه ل بناسنه شروع
 بیوردی

صکر لری وقت بوقت نیجه ابنیه عالیه علاوه اولنه رفی
 الحاله هذه معمر وحرین اولان مسجد نبوی ایسته
 بوجامع شر . یقدر وقیوسی دوهنک چو کدیگی ردر
 اشبوجامع شریف یاپیلورکن رسول الله صحاب کرامی ایله
 برابر بالذات انده چالیشورلر واللریله کریج طاشورلر
 ایدی

کعبه مکرمه مشرک لرنده بولمغله رسول اکرم مدینه یه
 تشریف ایده لیدنبرو بیت المقدسه یعنی مسجد اقصایه
 طوغری نماز قیلاردی

بناء علیه بومسجد شر بفک قبله سی قدس شریف
 جهتی اولقی اوزره بناسنه مباشرت بیوردی

رسول اکرم کریمه لرندن رقیه رضی الله عنها حضرت تارینی

مقدمای زوجی عثمان بن عفان رضی الله عنه حضرت تلریله
بر لکده مدینه یه هجرت ایتشیدی
بوکره مسجد شریفک بناسنه مباشرت اولاندقدن صکره
رسول اکرم دیگر کریمه لریله زوجہ سی سوده بی کتورمک
اوزره کندوا زاد لوری اولان زید بن حارثه ایلہ ابورافعی
مکہ یه کوندر دی

انلردخی واروب ورسول اکرمک کریمه لری اولان ام کلثوم
وفاطمه رضی الله عنهما حضرت تلریله زوجہ سی سوده
رضی الله عنها حضرت تلری بی وزید بن حارثه نک زوجہ سی
ام ایمن واوغلی اسامه رضی الله عنهما بی آلوب مدینه یه
کتوردیلر

انلرله برابر حضرت ابوبکر الصدیقک اوغلی رضی الله
عنهما ایلہ عیال واتباعی دخی کلیور دیلر
امارسول اکرمک بیوک کریمه سی زینب رضی الله عنها
حضرت تلری نک زوجی ابوالعاص بن الربیع هنوز اسلامه
کلما مش اولدیغی جهنله حضرت زینب مکه دن چیقہ میوب
کیر و قالمش ایسه ده مؤخرا اودخی مدینه یه هجرت
بیور مشدر

الحاصل مهاجرینک بالکلیه مکه دن علاقہ لری کسلدی
ورسول اکرمک تشریفله مشرف و غنور اولان مدینه
شهری آرتق کندولری نک وطن محترمی اولدی

لكن آره سی چوق یکمیوب حضرت ابو بکر الصديق
ایله بلال حبشی رضی الله عنهما ستمه علتته او غرادیلر .
وستمه طو تارکن مکة نك آب وهواسنی یادوتد کرایله اظهار
نحسر ایدرلردی

و بلال حبشی مکة دن چیقمنه سبب اوللره و علی الخصوص
عتبه بن ربیعہ و شیمه بن ربیعہ ایله امیه بن خلفه بددعا
ایلردی

فخر عالم حضرت تلری دخی یارب سن بزه مکة کبی مدینه بی دخی
سودر . و بوراد، بزه برکت و وسعت معیشت و یردیو جناب
حقه یالوارردی . جناب حق دخی دعاسنی قبزل پیوردی
و مدینه بی مها جرینه سودردی

حتی عمر بن الخطاب رضی الله عنه حضرت تلری یارب بکاسنک
یوالکده شهادت عیسی ایت و رسولکک بلد دسندده اولمک
مقدر ایت دیودعا ایدردی

مسجد شریف ایله یانددکی اوطا لک ختما منه دك رسول
اکرم یدی آی قدر ابو ایوب انصاری خانه سنده اقامت
پیوردی

انصار کرام حضرت اتی هر کون اورایه رسول الله ایچون
نویت ایله طعام کتورلردی

رسول اکرمک تشریفنه شکرانه اولمق اوزره انصارک
هر بری بوبله برر صورتله معاونت ایتش و هر بری بردشی

ویره کلمش ایکن انس بن مانسک والدہ سی پک فقیرہ
اولد یقندن هیچ برشی کتوروب ویره مدیکنه
تأسف ابدردی

نهایت برکون اون باشندہ اولان اوغلی انسک الدن طوتدی
وکتوروب یار سول الله بوده سمره خدمت ایتسون دیرک
براغوب کیتدی • وآندن صکره انس رضی الله عنه دخی
خدمت نبویہ دوام ایتدی

مسجد نبوی ایله یاننده کی او طہار ختام بولدقندن صکره
رسول اکرم ابو ایوب انصاری خانه سندن انلره کوچ
ایتدی

ابوبکر الصدیق رضی الله عنه حضر تترینک کریمه
محترمہ سی اولوب مکہ ده ایکن رسول اکرم نکاح ایدلمش
اولان عایشه رضی الله عنها حضر تترینک زفافی دخی اول
اشنا ده اجرا ایدلدی • وآنک او طہ سندن مسجد شریفه
بر یول آچلدی • اولوقت هجرت نبویہ دن سبک ز آی
پکشیدی

مسجد شریفک بر طرفنده بر صفه وار ایدی که اوستی
صوندورمه ایدی • آنده اصحاب کرامک فقراسی باتور ایدی
وانلره اصحاب صفه دینلوردی • انلرک اخشام یه جکلری
یوق ایدی • هر کون اخشام اولدقده برازینی رسول
اکرم کندی یاننده آلیقو یوب سائرینی اصحاب

کرامت خانه زینہ اولشدیر ایدی . هربری واروب
برخانه ده بیک یردی

ورسول اکرم صدقه قبول ایتیموب انجیق هدیه قبول ایدردی
و کندو سنه صدقه دیوکلان شیلره ال سورمیبوب انلری
اصحاب صفه یه و یرردی . وکلان هدایادن دخی آنلره
حصه چیقارردی

اصحاب صفه دائماسجد شریفه حاضر بوانورل دی
اماسائر اصحاب کرام نماز وقتی اولجیق مسجد
شریفه کلدرک حضرت پیغمبر ایله برلکده نماز قیلوب
کیدرلردی

سکره اذان اوقوموق مشروع قیلندی . نماز وقتی
اولجیق بلال حبشی رضی الله عنه حضرتلری اذان
اوقوردی . اصحاب کرام دخی آنی ایشتدکلری کبی
جامع شریفه طوپلانورل دی

بوحنه مکنده مشرکلرک رؤسا سندن عاص بن وائل
السهمی ایله ولید بن مغیره دنیادن کوچوب دار مجازاته
کیتدیلر

مدینه منوره ده دخی انصار کرامت الله بیوکلری اولان
اسعد بن زراره ایله برآ رضی الله عنهما حضرتلری دنیا
غائله سندن کچوب دین اسلامه ابتدکاری خدمتک اجر جزیلانی
آلق اوزرد دار بقایه عزیمت ابتدیلر

بوسنه سنه الاذن يعنى رخصت يېلى دینلور که
ابتدا سنده مکهدن مدینه هجرت ایتک اوزره اصحاب
کرامه اذن ورخصت ویریلوب آنلر دخی همان محرم
آینده مهاجرت قیام ایتشلر و پیدر پی مکهدن مدینه
کیتشلر ایدی . ونهسایت رسول اکرم دخی صفر آینه
مکهدن چیقوب ربیع الاولده مدینه دیارینه وصول
بوشیدی

مؤخرابوسنهك غره محرمی تاریخ اسلامك مبدئي اعتبار
ایدلشد

ایشته تاریخ هجرت دیدیکمز بودر که ولادت محمدیهك الی
دردنجی و تاریخ میلاد عیسانك النبوز یکر می ایکنجی
ییلدر

اهل اسلامك عموما مکهدن چیقوب کیتلری ایلك نظرده
مشرکله جه برنوع مظفریت یلینوردی . ومکه
آرتق اغیاردن خالی اوله رق انلره قالدی ظن
اولنه یوردی

حالبو که مدینه ده مهاجرین یرلش رک و نصار ایله
یرلش رک مشرکله علیه بر بیوک اردو طو پلان یوردی
* و حقیقت کوزیله باقانلره بوسنهك هلال محرمی کفاره
قارشو اهل اسلامك انده یالن قلیج کی بر سلاح مظفریت
کورینوردی

و مقدما اصحاب کرامدن بعضیلری کفارک نیچون بو قدر
جور و جفالتی چکلم دیهرک کند و لرینه تعرض ایدن
کفاره سلاح ایله مقابله ایتک اوزره رخصت ایستد بجه
رسول اکرم هنوز حرب وقتاله مأذون دکلم دیر ایدی
بوسنه کفارايله مقاتله ایتک ایچون دخی اهل اسلام
رخصت ویرلدی

چونکه اوس و خزرج قبیله لری ایمانه کلمکله دین اسلام
قوت بولمش و اهل اسلامک شوکئی مشرک لرایله جنک
ایده ببله جنک درجده کیش ایدی

بناء علیه هجرت نبو به دن بش التی آی مرور ایتد کدن
صکره آره صره مهاجریندن بر فرقه ترتیب و رسول
اکرم عی اولان حمزه بن عبدالمطلب و عمزاده سی اولان
عبیده بن الحارث بن مطلب بن عبد مناف رضی الله عنهما
حضر تتری کبی کبار اصحاب کرامدن بری باشوغ نصب
و تعین و بر براض بیراق اعطا بیور یله رق مکمه مشرک لرینک
کار بانلرینه تعرض ایتک اوزره مدینه دن چیقاریلور
اولدی

و هجرتک ایکنجی سنه سی صفرنده رسول اکرم التمش
نفر مهاجرین ایله مدینه دن چیقدی . و سعد بن عباد
رضی الله عنه حضر تتری مدینه ده قائم مقام براقدی . و لواء
شریفی عی حمزه رضی الله عنه حضر تتری انده ویردی

و همان مدینه ایله مکه آرد سنده واقع ودان و ابواءقریه لرینه
طوغری عزیمت بیوردی

بوسفر نبویدن مقصد اول حوالیدن چکوب کیدن
برقریش کارباننه یتشمک و کئمانه قبیله سندن اولان
بنی ضمره عشیرتنی تحت اطاعت و انقیاده ادخال
ایلك ایلدی

حالبو که ابواءقریه سنه وارلد قده کار بانک صاوو شوب
کیمش اولدیغی تحقیق ایلدی . و بنی ضمره شیخی کلوب
امان دیلدی

رسول اکرم دخی فیما بعد اهل اسلامک دشمنلرینه یاردم
ایتمک و ایجا بنده اهل اسلامه طراقدار اولقی اوزره بنی
ضمره ایله عقد مصاحبه و کندورینه برقطعه اماننامه اعطا
بیور دقدن صکره مدینه یه عودت ایلدی

بعده ابو سفیانک بر قافله ایله مکه دن چیقوب شامه عزیمت
ایتدیکی ایشید لمکه ینه هجرتک ایکجی سنه سی جادی
الاولا سنده رسول اکرم بوزاللی قدر اهل اسلام ایله مدینه دن
چیقدی . و بوکره ابو سلمه بن عبد الاسدی مدینه ده
قائم مقام بر اقدی . لواغبوی ینه حضرت حمزه نک او موزنده
ایلی

ینج طرفند عشیره نام محله واردیلر . کاربان قریشک ینه
صاوو شوب کیمش اولدیغی خبر آندی . و همان کئمانه دن

اوراده ساکن اولان بنی مدلیج ایله مصالحه وانلره دخی
بنی ضمره کبی برقطعه اماننامه اعطا اولند قدن صکره
مدینه یه عودت اولندی

چندروزمر ورنده مکه جهتند بادیه نشین اولان طوائف
قریشدن وفهر بن مالکک نسلندن کرز بن جابر اغهری
مشرکیندن برفرقه ایله مدینه جوارینه کلوب مدینه
اهالیسنک حیوانلر بنی غارت ایلمش اولدیغی خبری آندی

آنک اوزینه رسول اکرم در حال زید بن حارثه بی مدینه ده
قائم مقام براغوب ولواء شریفی حضرت علی یه و یروب
مهاجریندن برفرقه ایله مدینه دن چیقدی . و کرز بن
جابرک آرقه سنه دوشدی . کرز ایسه صاپه یوللاردن
صا ووشوب کیمش اولدیغندن رسول اکرم اکایتیه میوب
کیروندی

بعد رسول اکرمک خاله زاده سی اولان عبدا لله بن جحش
الاسدی اون قدر مهاجرین ایله قریشک احوالی تجسس
ایتمک اوزره مکه جانبند کوند رلمشیدی . سلخ رجبده مکه ایله
طائف آره سنده بطن نخله نام محمله قریشک طائفدن
مکه یه کلمکده اولان بر کارباننه راست کلاملرکه رئیس
عمرو بن حضرمی اولوب عثمان بن عبد الله ایله حکم بن
کبسان دخی برابریدی . اهل اسلام عمرو بن حضرمی ی

احد ام ایته دیلر . عثمان ایله حکمی طوت دیلر . دیگر رفیق قری
 قاجری . عبدالله بن جحش دخی بوا یکی اسیری و کاربانه
 بولدیخی اشبابی آلدی . و دونوب رفیق قری ایله برابر سالما
 وغانما مدینه یه کلدی . ایشته ملت اسلامیده برنجی غنیمت
 بودر

عثمان بن عبدالله بعده بدل اعطاسیله اسارتدن قور تولدی
 حکیم بن کیسان ایسه شرف اسلام ایله مشرف اولوب
 مدینه ده قالدی

اهل اسلامک بو یله مکه جوارینه قدر کیدوبده
 کاربان اورملری قریش طائفه سنه پک زیاده
 طوقوندی

بوسنه نك شعباننده ایسه قبله بیت المقدس دن کعبه یه
 تحویل قیلندی

یعنی مسجد اقصایه طوغری نماز قیلورکن فیما بعد کعبه یه
 طوغری نماز قیلنق امر اولندی . بوجهته اهل اسلامک
 یوزی مکه یه دوندی

بش وقت نمازده مهاجرینک وطن اصلیلری اولان مکه
 دیاری خاطرلینه کلور اولدی

ومکه شهرکارینه غلبه ایتک ارزولری کوکالرده شدت
 وقوت بولدی

و بووقته قدر مدینه منورده شورایه بورایه ارسال اولنه

کلان عساکر اسلامیدھپ مهاجر یندن اولوب انصاردن
هنوزغا ایچون چیقان اولمیدسه ده مهاجر ینه باقه رقی
انله دخی جهاد و غزا آرزولری کلدی
بونکله برابر اوس و خزر ج قبیله لری ایچنده بر طاقم منافق
وار ایدی که رئیس لری عبدالله بن ابی سلول ایدی
چونکه عبدالله بن ابی سلول اشرف خزر جدن
اولوب مدینه ده یک زیاده سوزی کچر کن ظهور اسلامدن
صکره اسکی نفوذی قلمدی . اودخی حسدنن ناشی دین
اسلام علیهنه دوشدی . و دیگر منافق لریله بر لکده یهود
طائف سیله متفق اولوب کیر لوجه فتنه و فساددن خالی
اولماز لردی . لکن علنا مخالفته جسارت ایده مز لردی
زیرا اسلامک شوکت و قوتی کالده ایدی
و بوسنه رمضان آینه اوروج طوتمق فرض اولدی . و خلال
رمضانده بدر غزاسی وقوع بوالدی
بدرده کی مظفریته اهل اسلامک یوزی کولدی . و عکه
مشرکارینک سطوت و قوتی قیر لدی
وقت سمعاندده وقوع بولان غزواتک هپسنی بر تفصیل
یازمغه بور ساله نک بحکملی یوقدر
فقط الک مشهور اولان غزالری اجه لا بیان ایلیم لم و همان
بدر غزاسندن باشلا ییم لم که ملت اسلامیة نک میدان
آلمسنه منشأ و دین اسلامک سرعت اوزره طرف بطرف
یایلسنه مبدأ بوغزوؤ کبرادر

❦ غزوه بدر ❦

بدر غزاسی تاریخ هجرت ایکجی سندھی رمضانده وقوع
بولدی . واولجہ تصور و ترتیب و لٹش بر محاربہ اولیوب
راست کله بروقعہ عظیمہ اولدی

شویله کہ یوقاروده بیان ایتدی کمز و جهله مکہ دن چیقوب
شامہ کیدن قریش کاربانہ یتشمک اوزره رسول اکرم
مدینہ دن چیقوب، عشر نام محله قدر کیتش ایکن اول
کاربانہ تصادف ایدہ میوب انجق بنی مدلج طائفہ سنی
تحت عهد و امانہ آلہرق مدینہ منورہ یه عودت ایتش
ایدی

بوکار بانک رئیس ابو سفیان اولوب شامدن کلتی اومال
آلہرق کیرودندی
عروبن عاضدخی ابوسفیان ایلہ برابر ایدی . ویانلرنده
انجق الی قدر آدم وارایدی

اولہ کلتی اومال ایلہ شامدن چققد قلری خبر النمی
اوزرینه رسول اکرم اول اموالی اغتنام ایچون اصحاب
کرامی ترغیب و تشویق بیوردی . وکار بانک احوالی
تجسس ایتک اوزره طلحه بن عبیدالله ایلہ سعید بن زید
رضی الله عنهما حاضر تلرینی شام طرفته کوندردی

بعده رسول اکرم اوائل رمضان شریفده مدینہ دن چیقوب

روحانام محلہ واردی • واورادہ اردوسنی معاینہ پیوردی •
 اوفق چوجقلری وعلیل وسقط اولنلری کیروچووردی
 ابن مکتوم رضی اللہ عنہ حضرت تلری مسجد نبوی امامتہ
 مأمور اولہ رقی مدینہ دہ قالمش • وابو ابابہ الانصاری
 رضی اللہ عنہ حضرت تلری مدینہ نک امر محافظہ سی ایچون
 قائم مقام براغلمش ایدی

ومدینہ نک عوالی دنیلان قریہ لرنده نفاق وشقاقہ دائر
 بعض حوادث ایشیدلمش اولدیغندن حاصم بن عدی
 العجلانی رضی اللہ عنہ حضرت تلری دخی قباوعوالی قریہ لرینہ

حاکم نصب اولنہ رقی قباہ کوندرلمش ایدی
 وعثمان بن عفان رضی اللہ عنہ حضرت تلری نامزاج اولدقدن
 بشقہ زوجہ سی ورسول اکرمک کریمہ سی رقیہ رضی اللہ
 عنہا حضرت تلری دخی خستہ اولغله حضرت عثمان رسول
 اکرم ایلہ برلکده کیده مدیککی کی ابوامامہ رضی اللہ عنہ
 حضرت تلرینک والدہ سی اغرجہ کفسز اولدیغندن
 مدینہ دہ قالمق اوزرہ مآذون اولمش ایدی

سائر کبار اصحاب کرام رضوان اللہ علیہم اجمعین
 حضراتی هب رسول اکرم ایلہ برلکده اولدقلری حالہ
 روحا دن قاتلیوب صفرا مرحله سنہ عزیمت پیورلدی
 * مجموع عساکر اسلامیہ اوچویوزبش نفر اولوب التمش
 دردی • مهاجرین وباقیسی انصار کزین ایدی

وایچلرنده یالکنز اوچ نفراتلو وارایدی که مقداد بن اسود

وز بیر بن العوام ومرتد غنوی ایدی

ویانلرنده یتیمش دوه اولوب نوبت ایله بنزدی . حتی رسول

اکرم ایله حضرت علی بن ابوطالب وزید بن حارثه

رضی الله عنهما ایچون برده اولوب اوچی نوبت ایله

بنزدی

مهاجرینک بیاض سنجاغنی مصعب بن عمیر چکوردی .

انصارک دخی ایکی سنجاغنی اولوب بری خزرج قبیله سنه

ودیکری اوس قبیله سنه مخصوص ایدی

صکره لری صکره ارضک قطعات مشهوره سنه

مظفریت بیراقلری آچوبده عالمی دتردن ملت اسلامیه نک

برنجی اردوسی ایشته بودر

رسول اکرمک کاربان اوزرینه حرکتی ابو سفیان اولجه

خبر آملغه ضمضم بن عمرو الغفاری بی فریادچی اولمق اوزره

اجرتله طوتوب مکّه یه کوندرمش و اودخی سیرسریع ایله

مکّه یه واروب قریشی تلاشه دوشورمش ایدی

ابوسفیان ایسه اولوجهله مکّه یه فریادچی کوندر مکّه

برابر ساحل بولندن آشوری هر تبه سرعت ایله حرکت

ایدرک اهل اسلامک مدینه دن چیقدیغنی ائتاده اودخی

کاربان ایله بدر حذا سندن صاووشوب کیدبوردی

غریبدر که ضمضمک مکّه یه وصولندن اوچ کون مقدم

عاتکه بنت عبدالمطلب رؤیاسنده کورمشکه (دوه ایله
مکه یه برکسنه کلوب ای جماعت اوچ کونه دک معرکه یه
پنشکر دیوندا ایندکدن صکره جبل ابی قیس اوزرینه
چیفه رق بر بولق قیای برندن قو پاروب اشغه آتمش واول
قیاپاره پاره اولوب مکه نک هر خانه سنه برپارسی اصابت
ایتمش)

صباحلین عاتکه بورؤ یابی برادری عباسه سویلش و بوگونلر
قریشه بر بولک مصیبت ایریشه چک دیوتعبیر ایدرک
مکوم طومتسنی اخطار ایلش

عباس ایسه بو کیفیتی محرمانه ولید بن عتبه یه و او دخی پدری
عتبه بن ربیعیه و او دخی بعض کسانه افا ده ایتمش
و آغزدن آغزه یاییله رق بتون اشراق قریشک قولاغنه
کیتش ایدی

برکون صکره عتبه بن ربیعیه و برادر ی شیه و ابو جهل
وامیه بن خلف و ابی بن خلف وز مغه ابن الاسود
و ابو البختری و سائر کبار قریش حرم کعبه ده طو پلانوب
عاتکه نک رؤیاسنی سو یلشور لکن عباس دخی انلرک یانته
واردی

ابو جهل عباسه خطابا (همیشه کزه نه وقت نبوت کلدی
ای بنی عبدالمطلب ارککلر کزه پیغمبرلک دعوا سی
ظهور ایتدیکنه قناعت اینیوبده شمدی قاریلر کزه می

پیغمبرك دعواسنه قالقیشه جق) بوللو بدزبانلق ایلدی
 وبتون عبدالمطلب خاندانه طوقونه جق سوزلرسو یلدی
 * ابوجهلك بوسوزلری اول **ك**ون بتون مکه ایچنده
 شیوع بولدی . حتی قادینلرك قولاقلرینه واصل اولدی
 * اخشام اولوبده عباس خانه سنه وار دقده هپ بنی
 عبدالمطلب قادینلری انك باشنه طویلاندیلر . وجهله سی
 برآغزدن (ابوجهله نیچون بوقدر یوزو بریورسكزار ككلیریكز
 حقنده سويلدك سوز براتیوب شمدی قاریلریكزه دیل
 اوزاتمغه باشلادی . بوكاده می سکوت ایده جكسكز)
 دیوسو یلندیلر

قادینلرك بومعامله سی عباسك پك كوچنه کیتدی .
 هله صباح اولسونده وار وب شوخریغه یعنی ابوجهله
 بلاشیم ولسانا اولسون اوجی آلهیم دیونیت ایتدی
 * وفرداسی علی الصباح حرم شریفه کیدوب ابوجهلك
 یاننه طوغری وار دی . انکله مجادلهیه بر بهسانه
 اراردی

ایشته اولوقت ابوسفیانك فریاد جیسی یعنی ضمیم
 غفاری کلوب (ای قریش چابوق یتیشكز یوخسه شام
 کاربانی محمدكاته دوشرو بونجه اموالکزدن کیدر)
 دهرک عاتکهك نک رؤیاسنده کوزدیکی وجهله فریاد

ایدیوردی . وهر کس آنک سسنه طوغری قوشوب
کیدیوردی

بناء علیه عباسک ابوجهل ایله محاوره و مجادله سنه میدان
قالیوب انلردخی بوفریادک اصلی نه اولدیغنی آ کلامق
افکارینه دوشدیلر . و فریادجینک یاننه طوغری
قوشدیلر

اشراف قریش هپ فریادجینک باشنه اوشدیلر و همان
ابوسفیانده یاردم ایتک اوزره ناسی ترغیب و تشویقه
قالقشدیلر

علی الخصوص ابوجهل بتون مکه اها لیسنی نفیر عام
صورتیه سفره دعوت ایلر . و سهیل بن عمرو دخی ناسک
غیرت و حیت طمرلینه تأثیر ایده جک سوزلر سویلر ایدی
* نهایت اشراف قریش هپ حاضر لایوب نفیر عام
صورتیه بتون حرب و ضرب اصحابینی ایاغنه قالدردیلر
* فقط عاتکه نک رؤیاسی نیجه لرینی و همه دوشوردی
بناء علیه ابولهبک اهل اسلام حقنده پک زیاده عداوتی
اولدیغنی حالده بالذات کیتکه جسارت ایده میدرک برینه
بر بدل طوتوب کوندر مکه قرار و یردی

و ابوجهلک برادری عاص بن هشامک ذمتده اولان
درت بیک درهم آله جفته مقابل انی کندی برینه طوتوب
کوندردی

بوصره ده عتبه بن ربيعہ ايله برادري شيبه دخي کيرو قالق
ايسدیلر ايسده ياقه لر يني ابو جهلک الندن قور تاره مدیلر
* قالدی که عتبه نك ابوسفیان ايله آره لر نده کی قرابتہ
نظرا کا امداد ایچون سکر ممکه مجبور ایدی

زیرا عتبه ربيعہ نك اوغلی و ابوسفیان دخي حرب بن
امیه نك اوغلی اولوب امیه ايله ربيعہ ايسه عبد شمس
ابن عبد منافک اوغللری ایدی

بوندن بشقه ابوسفیانک زوجه سی اولان مشهوره هند دخي
عتبه نك قیزی ایدی

امید بن خلف دخي اختیار لغندن بمثله کيرو قالق ايسدیلر ده
ابو جهل برسرمه دان وعقبه بن ابی معیط بر بخوردان
آ ابو امیه نك خانه سنه کیدرک قاریلر کی اوقدن و قلیچدن
حذر ایدنلره بونار یاقیشور دیو تعریض ایتملر یله او دخي
برلکده سفر ایتمکه مجبور اولدی

عاتکه نك رؤیا سندن طولای عباس ايله ابو جهلک ارد سی
بوزلمش و بلکه بتون بنی عبد المطلب ابو جهله طارلمش
ايسده سقايت زمزم منصبي و کعبه مکرمدنک تعمیرات
امانتی عباسک عهده سنده بولندیغی جهله ا کا کوره
کيرو قالق قابل دکل ایدی . سائر بنی عبد المطلب دخي
ایسترا ایستمز قریش اردوسی ايله برلکده کیتکه مجبور
اولدیلر

الحاصل ابولهبدن بشقه نقدر اشرف قریش وارایسه
جمله سی بر بیوک جمعیت ایله مکه دن چیقوب کیتدیله
وابوسفیان ایله عمرو بن عاصه امداد ایچون کمال سرعت ایله
سیر و حرکت ایتدیله

قریش مکه یوار دوده هپ بر ابرایدی . یالکر حضرت
عمرک قبیله سی اولان بنی عدی بر لکده دکلر ایدی

یواردو مکه دن قالقوبده بدر قریه سنه وارنجده قدر
هر قوناق محلنده ابوجهل و بعده صفوان بن امیه و سهیل
ابن عمرو و شیبه بن ربیع و عتبہ بن ربیعہ و قیس بن صبابه
و عباس بن عبدالمطلب و ابو البختری بالمناوبه اونریاطقوزر
دوه کسوب عسکر قریشی اطعام ایلدیله

انلرمکه دن قالقوبده بدره کلور کن ابوسفیان ساحل یولایله
صاووشوب کاربانی منزل سلامته ایرشدرمکه اردونک
کیرو عودت ایلسی ایچون خبر کوندرمشیدی

لکن ابوجهلک تشویقانی اوزرینه قریش طائفه سی
کیرو دونیوب اهل اسلامدن انتقام آلق اوزره بدره قدر
کلشیر ایدی

فقط بنی زهره ایله متحد و معاهد اولان ابی بن شریق
النقی (کاربان قور تولدی . مقصد من حاصل اولدی
آرتق کبرو دونک لازم گلدی) دیهرک بنی زهره دن

اردوده بوانسان ذوات ايله بالانفاق کيجه اين اردودن
چيقوب کيتملر ایدی

بنی عدی ذاتا اردو ايله حرکت ایتوب بنی زهره دخی
بو وجهله آیریلهر قی عودت ایلش اولدقلرندن بدر
وقعه سنده بوایکی طائفه دن دخی تلفات وقوع بولامشدر
اماسا رطوائف قریش هپ بووقعه ده بولنه رقی حال
ومقدار لینه کوره خسار و زیان کورمشلدر

رسول اکرم کاربان قریشک زده اولدیغنی اراشدر مقده ایکن
صفرا مرحله سنه ورودنده مکده دن او یله براردو چیقمش
اولدیغنی خبر آلتدی . واردوی اسلام بره وقع مشکله
بولندی

زیرا الی کشی ايله محافظه اولنان برکار بانک اوزرینه
سوق اولنش بر جمعیت ايله او یله بر مکمل اردویه
قارشو وارمق دشوار ایدی

حالبو که کاربانک پشنه دوشلسه برامانسزیده قریش
اردوسنه تصادف اولمق احتمالی وار ایدی . کبرو
دونلک ایسه بیوک عار ایدی

بناء علی ذلک رسول اکرم اصحاب کرامنی جلب و جمع ايله
استشاره ضمنده انلره (نه دیرسکر کاربانک پشنه می دوشمک
ایسترسکر یوخسه قریش اردوسنه قارشو وارمق صورتیمی
ترجیح ایدرسکر هله بوایکی طائفه دن برینی بکا جناب حق

وعد ایشدر) دیو یوردی

انلردخی (بزکاربان نیئله چیقدی اکر بویله بر بیوک
اردوایله محاربه اوننه جغنی بلسیدک دهاتدار کلیجه
چیقاردی) دیوجواب ویردیلو وکاربان طرفنه میل
کوستردیلر

رسول اکرم آنلرک بوجواندن مغبرالخطا اولدی
فقط ابوبکر الصدیق رضی الله عنه حضرتلری خاطر
نبوی پی تطیب ایده جک سوزلر سویلدی . عمر بن الخطاب
رضی الله عنه حضرتلری دخی اتی تأیید ایلدی

آنک اوزرینه مقداد بن اسود رضی الله عنه حضرتلری
میدانه چیقوب (یارسول الله الله امری نه ایسه بزاکا
اطاعت ایلر و هر حالده سنکله برابر و الله اراضی
معموره نك الله نهایتنه قدر کیتسه ک سنکله برابر کیدرز)
دیدی

رسول اکرم مقداد رضی الله عنه حضرتلرینک بوسوزلردن
بک زیاده ممنون اولدی

فقط انصار کرام مقدما عقبه ده بیعت ایتدکلرنده رسول
اکرم کندی بلدنرینه کلورسه اتی اولاد و عیال لری کبی
هرشیدن اسیر کدیوب صاقینه جقلرینی تعهد ایشلرایسه ده
خارج مدینه ده محاربه ایده جکلرینه دائر تمهدلری
اولمديغندن انلرک رأیلری صورلوق لازم کلکله انلره خطابا

(سزل بر رأی و یر یکن) دیوا امر ایتدی
انصار طرفندن سعدبن معاذ رضی الله عنه (یار رسول الله
زلرمی امرادیوره یورسکن) دیو صور دی . رسول اکرم
اوت دیو بیوردی

سعدبن معاذ (یار رسول الله بزسکا ایناندق طرف باریدن
کتوردیک شیلر حق اولدیغنه اعتماد و اعتقاد ایتدک
وسکا اطاعت و اتباع ایتک اوزره عهد و میثاق ایتدک
آراق سز نه دیلر سه کز امر ایدی کز سنی کوندرن الله حقیچون
اگر دکره کیر سه ک سنکله برابر کیره رز هیچ بریمز کیر و
قالماز . یزدشمنه قارشو وارمقدن چکیمز . وقت محاربه ده
کیر و دویمز صابر لر صادقلر ز جناب حقدن زجا ایدرم که
بزدن ممنون اوله جفکز ایشلر کوسسته همان علی برکة الله
بزمه امر ایتدیک کز طرفه عزیمت بیور یکن) دیبجک
رسول اکرم فوق العاده ممنون اوله رق (اوله ایسه
علی برکة الله یور و یکن) دیو بیوردی . اردوی سعادت
دخی بدر قریه سنه طوغری یوریدی

ور رسول اکرم (سزه مژده ایدرم که الله تعالی حضرت تبری
بکا ایکی طائفه دن برینی وعد ایتدی . والله بنی صانکه
قریش قومنک دوشوب تلف اوله جقلری پرله باقیورم)

دیو بیوردی

و بدره وارلد قده بوراسی فلانک مقتلی وشوراسی فلانک
مقتلی دیو مبارک الیله کوستردی
صکره هپ اویله اولدی هیچ برینک یری شاشمدی
یعنی مشرک لردن هر قنغیسی ایچون بریر کوستردی ایسه
هنکام محاربده اول مشرک اوراده دوشوب جان
ویردی

اوصورتله اهل اسلام بدره قریب محله واردی . و بر قوملق
موقعده اردو قوردی که یوررکن انسانلرک و حیوانلرک
ایاقلری قایاردی

واولجه قریش اردوسی کلوب بدر صوبینی ضبط ایلش
اولسایله اهل اسلام صوسزلقدن زجت چکوب شیطان
دخی بعضیلرینک قلبنه صوسزلقدن قیرلق و همی
القا ایدرک وسوسه ویردی

حالبو که جناب حق اول کیجه قریش اردوسنک ایچند
برقورقو دوشوردی . و اهل اسلام برطاتلی اویقو
ویردی

قریش طائفه سنک اهل اسلامه نسبتله قوتلری قات قات
ز یاده ایکن انلر تلاش و اندیشه اوزره اولوب اهل اسلام ایسه
امنیت اوزره اویوردی

و فرداسی که رمضان شریفک اون یدنجی جمعه کونیدر
علی الصباح یا غمورلر یا غدی . وسیلار آقدی . اهل

اسلام صویه قاندى . و بعضايرىنىڭ قىلىندەكى وسوسە
شىطانىيە زاتل اولدى . و يرلر پىكلىشوب سىر وىر كىتىپ سەھولت
كلىدى

و حباب بن مَنذَر رضى الله عنه حضرت تلىرىنىڭ رآى و تدبىرى
اوزى اردوى سعادتك موقعى دكشدىرلدى

شويىلە كە بدىر قىرىيە سىنىڭ كى نىھايىتىدەكى قويدىسى او كىندە
اردو قورلدى . و ياندىدە اهل اسلام ايچون بر بىوك حوض
ياپلدى . و صوابىلە طولدىرلدى . و دىكر قويلرىك اوزرىنى
چوز چوپ آتلىدى . بوجىھتلىق قىرىش اردوسى صوسىز
قالدى

وسعد بن معاذ رضى الله عنه حضرت تلىرى رسول الله ايچون
خرماداللىرىدىن بر خىمە يعنى كولىكەلك ياپدىرى
رسول الله يارغارى ابوبكر الصديق رضى الله عنه حضرت تلىرىلە
برلىكدە اول خىمەنىڭ آلتىدە كىردى

سعد بن معاذ رضى الله عنه حضرت تلىرى دىخى قلىچىنى
طاقىنوب انصار كرامدىن بر قاقچ ذاتايلە برلىكدە خىمەنىڭ
قىيوسىدە بىكلردى

ايشتە اول حالدە قىرىش اردوسى ميدانە چىقوب كوروندى
كروە مشركىن كوك تىمورە مستغرق اولدىقلىرى حالدە
ايلرو يور يىدىلر

بونلرىڭ مىقدارى بىك نفر قىدر اولوب ايچلرىدە يوز آتلاويىدى

یوز دوه لو وار ایدی

الحاصل عدد دجه اهل اسلامك اوچ مثلندن زیاده اولدقلری
حالدہ اسباب واسلحه جه قوتلری قات قات زیاده ایدی
* واوچ بیراقلری اولوب برینی ابو عزیز زرارہ بن عمیر و دیگر
برینی نضر بن حارث و بر دیگر بنی دخی طلحه بن طلحه
چکیوردی

میدان حربہ تکدیلر . و موقع طوتوب صف اولدیلر .
اهل اسلام دخی انلره قارشو صف اولوب طوردی
لکن نه غریب تماشا ایدی کہ ابو عزیز بن عمیر قریش اردوسنک
برنجی بیراقداری . و برادری مصعب بن عمیر رضی اللہ عنہ
حضر تلی مهاجرینک سبجاقداری ایدی
قریش اردوسنک سائر اشراف ورؤ ساسی ایله دخی
مهاجرینک اکثری اوزاق یقین هر نه ایسه هپ یکدیگرک
اقرباسی ایدی

ازجه رسول اکرمک بیوک دشمنلری اولان اُمیہ بن حلف
و برادری ابی بن حلف رسول اکرمک جدا عیلاسی اولان
مرہ بن کعبک برادری حصیص بن کعبک صوبندن
واراوقت ابوسفیانک معهود کار باندہ بولداشی اولان
عمرو بن العاص دخی بنی سہمدن و بنی سہم ایسه کذلک
حصیص بن کعبک نسلندن اولدقلری خالدہ اکابر اصحاب
کرامدن عمر بن الخطاب و سعید بن زید رضی اللہ عنہما

حضرت تلری دخی مره نك ديكر برادری اولان عدي بن كعبك
فسلندن ايديلر

وجله اصحاب كرامك اولوسي اولان ابو بكر الصديق
رضي الله عنه حضرت تلر يله ينه كيار اصحاب كرامدن طلحه

رضي الله عنه حضرت تلري تيم بن مره نك صويندن اولد قلري

حاله رسول اكرمك عدواك بركي اولان ابو جهل بن هشام ايله

خالد بن الوليد دخی بني مخزومدن ايديلر . بني مخزوم

ايسه يقظه بن مره نك احقادندندر

ودها غربي بو ايدى كه ابو بكر الصديق رضي الله عنه

حضرت تلرينك اوغلي عبدالله رضي الله عنه كندی ياننده

وديكراوغلي عبدالرحمان دخی مشركين قريش مياننده ايدى

* ونضر بن حارث كه رسول اكرمه شدت عداوتى اولوب

حتى رسول اكرم قرآن او قور كن محمد سزه اسكي مصلاى

سو بليور ديواستهرنا ايلردى . اودخی عبد منافك برادری

اولان عبد الدار اوغلارندن اولديغى حاله كيار

اصحاب كرامدن زبير بن العوام رضي الله عنه حضرت تلري

عبد منافك ديكر برادری اولان عبد العزي اولادندندر

وينه سيده النساء حديجذا لكبرى رضي الله عنها حضرت تلري

عبد العزي اولادندن اولوب برادری نوفل بن خويلد

ايسه اهل اسلامك بيوك دشمنلرندن ايدى

ومعهود كاربانك رئيسى اولان ابوسفیان ورسول اكرمه

شدت عداوتی اولان عقبه بن ابی معیط دخی امیه بن عبد
شمس بن عبد منافک حنفی دلی وقریش اردوسنک ال بیوک
رئیسارندن اولان مشهور عقبه وشبیه ربعه بن عبد شمس
بن عبد منافک اوغلاری اولدقلری حالد شبح المهاجرین
اولان عبیده رضی الله عنه حضرت تلی دخی حارث بن
مطلب بن عبد منافک اوغلی ایدی

وعقبه بن ربعه نك اوغلی ولید كندی یاننده و دیگر اوغلی
ابو حذیفه اهل اسلام میاننده ایدی

ومقدما امیرمکه مقامنده بولنان عبدالمطلبك اوغلی ورسول
اکرمك همی عباس دخی قریش اردوسنك ال بیوکلرندن
اولدیفی حالد میدان حربیه کلجك قارشوسنده بیوک برادری
حزبه بن عبدالمطلب رضی الله عنه حضرت تلی بنی کوردی

حارث بن عبدالمطلبك اوغلاری اولان ابوسفیان ایله نوفل
دخی گروه مشرکین ایله برابر ایدی

وعبدالمطلب بن صکره قومك رئیس اولان ابوطالب بن
عبدالمطلبك اوغلی علی کرم الله وجهه حضرت تلی صف
حزبه بیوک برادری عقیل بن ابوطالبه قارشو و طوره

یوردی

ورسول اکرمك کریمه سی زینب رضی الله عنها حضرت تلی نك
زهجی اولان ابوالعاص بن زبج دخی مظہر اولدیفی صہریت
نبویه شرفی بر طرفه براغه رقی رسول اللہ قارشو سلاح

چکوب کلیور دی

عربلر مجرد قومیت غیرتله جنک ایدزلر کن بویله بر قوم
وقیله دن اولان برچوق خلقک ایکی فرقه اولو بده یکدیگره
قارشوصف باغلا یوب طور ملری قریش طائفه سنک
چوغنی ترده دوشور دی

علی الخصوص عبدالطلب اوغلارینک حربه کیرشملری مجرد
سائر اشراف قریشک زور یله ایدی . حالبو که قارشولنده
برادر و عمزاده و دایی زاده لرینی کوردگری کبی کندولرینه
تردد و حیرت الویردی

ایشته مر قوم عتبه بن ربیعہ بورالر بنی در خاطر ایدرک
بر درین مطالعه یه واردی

و (ای جماعت کیم کیمکله جنک اینه جنک یکدیگرک برادرینی
یاخود عمزاده و یاخود دایی زاده لرینی اولدیره جنک صکره
بونلر نصل یوز بوز باقه جقلر بو اولور ایشمی سز بو ایشدن
واز کچیکز و آره دن چیقیکز . محمدی سائر قبائل عربیه براغکز
اگر انلر محمد ظفر بولور لر ایسه سز کده مراد کر حصوله کلش
اولوز . والاسز برشی ضایع ایش اولماز سکر) دیدی

وحکیم بن حزام ایله ابو جهله بو وجهله خبر کوندردی
ابو جهل ایسه پیدر بی خلقی جنکه تشویق و تحریک ایلر
و خلقک غیرت و حیت طمر لرینه طوقونه حق سوزلر
سویلر ایدی

حتی اول کون آتی دیوب صف حربدن ایلرو چیقہ رق
(بزلریکوجود برجعبتر اوزرینه وارلماز ویکلمز برجماعتز
بزبو کون محمددن واصحابندن انتقام آله جغز) دیر ایدی
وغلبه ایده جکنده اهل اشبهه ایتموردی

وفی الواقع اهل اسلامه نسبتله قریش اردوسنک مادی
قوتی فاشقات زیاده ایدی . لکن اردوی ساداتک معنوی
قوتی فوق العاده ایدی

قریش اردوسنده جنک ایستیمانلر چوق ایدی . وکنندولرینه
قومیت غیرتندن بشقه جان فدا ایندیره جک بر کیفیت یوق
ایدی

اهل اسلام ایسه غیرت دینیه بی هر شیعه تقدیم وتر جیح ایدرک
جمله سی جهت وحدت اسلامیه ایله متحد و متفق ایدی
وشهید اولد قلرنده کیده جکلری یری کور ر کبی بیلور
اولد قلری جهته عندلنده شهادتدن اعزبردولت وسعادت
یوق ایدی

ایشته ابوجهل بود قیقہ لردن غافل اوله رق محاربه بی قازانق
ایچون عسکرک کثرتی کفایت ایدر دیوزعم ایدردی
و (محمدیلری اولدر مکه لزوم یوق انلرک اللربنی ارقه لرینه
باغلا یوبده یدرک مکینه کوتوره جکز) دیر ایدی
بناء علی ذلک عتبه بن ربیعہ نک سوز لردن دلیکیر اولوب
آنک نصیحتنی غرضکارانه حمل ایدرک اگالوم ایدی

و (عنه) اوغلی ابو حذیفه بی اسر که یو بده بو وجهله
 خلقک افکارینی اخلاص ایدیور (یوللو خلقک نظر نده
 عنه بی پکونه دوشورده جک سوزلایله انک رأینی چوروتدی
 * و بطن نخله ده عبدالله بن جحش وقعه سنده مقتول
 اولان عمرو بن حضرمینک قرنداشی عامر بن حضرمی
 دخی ابو جهلک تعلیم وتشویقی ایله میدانه چیقوب قرنداشک
 اسمی یادایله فریاد ایدی . وز عجمه قرنداشک قانی آلق
 اوزره اهل اسلام طرفه اوق آتدی

اتفاقا عامر بن حضرمینک اوقی عمر رضی الله عنه
 حضرت تهرینک آزادلوسی اولان مهجع رضی الله عنه
 حضرت تهرینه طوقوندی . واندن متأثرا حضرت مهجع
 وفات ایدی

اولوقت رسول اکرم (مهجع سیدالشهدا در) دیوپوردی
 ایشته ملت اسلامیده ابتدا یاره انوب شهید اولان
 بودر . رضی الله عنه

اول عصرلرده طرفین محاربه به کیرشمزدن اول برر ایکیشر
 کیمسه میدانه چیقوبده مقاتله ایتک عادت ایدی . بو کومبارزه
 واول کیمسه لره مبارزدینلور

ابتدا مبارزلر میدانه چیقوبده خلقی جنکه قیز شد رmq
 عادت ایکن بو کره ابو جهلک تشویقیله عامرک میدانه
 چیقوبده برادرینک قانی دعوا ایتسندن واهل اسلامه اوق

آتشیدن طولانی مبارزه دن اول محاربه قیام شدی . واره به
قان دوشدی

و بنی مخزن و بدن اسود بن عبدالاسد (یابن محمد یلرك
حوضندن صوايحچرم و یا اول حوضی هدم ایدرم و یا خود
اول حوضك یاننده اوورم) دیو یمن ایدی . وفدا یلك
یواننده سل سیف ایدرك اهل اسلامك حوضه طوغری
سکرتدی

رسول اللهك ارسلانی حزه رضی الله عنه حاضر تاری
اول طرفه قوشدی . و حوض یاننده اسوده یتشدی
همان بر قلیج اوردی . اسود ارقه سی اوزره دوشدی
* لیکن زعم باطنجه یمنی یرینه کلسون دیو کند و سنی
حوض ایچنه آتدی . حضرت حزه دخی آتی حوض
ایچنده قتل ایدی

رسول اکرم سیدانه چیقوب اهل اسلامك صفلرین
دوزلتدی . و بعضیلری صفدن خارج طور مغله مبارک
الندی عسایله خفیفجه دورتهرك صره سند کتوردی
* و (بن امر ایتدیکجه دشمن اوزرینه هجوم ایتدیکر
فقط تمام اوق منزلنه کلدکلرند اوق آنکز) دیو توصیه
وتذیه بیوردی

الحاصل ایکی طرفه دخی اذهانه غلیان کلدی . و ابو جهمك
مرامی حاصل اولدی

عتبه ابن ربیعہ ایسہ افطارنا سده چوك دوشد يكندن

اكال ناموس ایچون ایلرو آتلدی

وهمان برطرفنه برادری شیه بی و دیگر طرفنه اوغلی

ولیدی آلدی . و میدانہ چیقوب . بارزایستدی یعنی اردیلدی

* بنی نجاردن عفرانام خاتونک یدی اوغلی او اوب یدیسی

دخی بدرده حاضر ایدیلر . انلردن ایک یسی یعنی عوف ایلہ

معاذ نام نوجوانلر وینه خزرج قبیلہ سنندن عبداللہ بن

رواحہ رضی اللہ عنہم حضراتی انلرہ قارشو چیقدیلر

عتبه انلرہ سز کیلر سکن دیدی . انلر دخی فلان وفلانز

دیو جواب و یردیلر

عتبه (بزم سز کله رایشمن یوق بز عمزاده لر مزی ایسترز)

دیوانلری رد ایلدی

چونکله دیار مدینه اها لیبی زراعت وفلاح ایلہ کچنورلردی

قریش طائفه سی ایسہ بیوک تجارتلرله مشغول اوله رق

چفتجیلرله حقارت کوز یله باقارلردی

انکچون عتبه وشیه انصار ایلہ مبارزه یه تنزل ایتمیوب

(یا محمد بنه کفو واقرا نمز اولان عمزاده لر مزی کوندر)

ذیوندا ایتدیلر

رسول اکرم دخی قالح یا عبیده قالح یا حمزه قالح یا علی

دیو بیور دیلر

اوچی دخی قالقوب حضرت عبیده بن حارث بن مطاب

عتبیه و حضرت حمزه بن عبدالمطلب شبیهه و حضرت
علی بن ابوطالب ولیده فارشو کتدیله
اولوقت عبیدالتش اوچ و حمزه الی سکنه و علی یکر می بر
یاشارنده اولوب هر بری سنجده فارشو سنده کی خصمتک
اقرانی ایدی

وجهه سی عربک الکایلر و شجعهانی ایدی . علی
الخصوص حضرت حمزه اللهک برمهاتلو ارسلانی
ایدی

حضرت علی اکبرچه هنوز بویله بیوک و قهرده
بولغامشیدی . لیکن انک دخی برارسلان یاور یسی اولدیغی
سیاسندن بللو ایدی

اوچی دخی میدان مبارزهیه چیقوب عادت اوزره اسم
وشهرتله رین سویلدیلر

عتبه و شبیهه ایله ولید دخی تمام کفو و اقران کرامتسکر
بیور یکن دیدیلر و وجهه سی سل سیف ایلدیلر

بویله اشراق قریشدن بهادرلقلمی مشهور و عیلم اولان
القی بیوک ذاتک مبارزه لری اولوقتک حکمنجه شایان
تماشا و قوعادن معدود ایدی

بناء علیه طرفین جنکه حاضر و مهیا اولدی کیمک
اوق یایی اند و کیمک الی قلبجک قبضه سند اولدیغی

حاند طرفین بو بهادرلرک مقاتله سنه کوز دیکوب تماشا یه
طور دیلر

حضرت عبیده ایله عتبه یکدیگره برایی حمله ایلدی
وایی اختیاری بر برینی یاره لدی ایسه ده بریسی دیگرک
ایشنی تمام ایده مدی

حضرت حمزه و علی ایسه برز حمله ده خصم لری نی اولدر دیلر
و دونوب عبیده یه اعانه ایله عتبه نك دخی ایشنی بتور دیلر
و عبیده یی آلوب حضور نبوی یه کتور دیلر

عبیده نك ایاغنده قلیج یاره سی اولغله قانلری آقارق
حضور نبوی یه کلد کده (یار سول الله بن شهید می یم)
دیو صوردی

رسول اکرم اوت دیو جواب ویردی • ویری جنه الفردوس
اولدیغنی تبشیر یوردی

آنک اوزرینه عبیده ممنون و مسرور اوله رق دین اسلام
او غورنده ایاغنک کسمه ندن طولانی اصلا قساوت
چکمه جگنه دایر کوزل و مؤثر بیتلر سو یلدی

فقط یاره سی آغرا اولدیغندن او چ کون صکره مدینه یه
کو تور یلور ایکن اثنای راهده عزم دار جنت ایلدی
رضی الله عنه

اوتیه طرفده عتبه و شبیه کی قریش اردوسنک الله ایلرو
کلرر رؤسا سندن ایکی بیوک کشی ایله برده فوجوان

اولان ولیدین عتبه نك اوچی بردن میدان مبارزده
دوشوب قالمیری سائر دهشت ویردی
ابوجهل ایسه اصلا فتور کتور میوب سز عتبه وشیده یه
باقی بکز آنلر مغرورانه حرکت ایدرک کندولرینی مهلهکه یه
دوشوردیلر . دیوقومنه جسارت ویرر و همان یورو بکز
دیو امر ایلر ایدی

اول ائنده ابوبکر الصدیق رضی الله عنه حضرتلری
اوغلی عبدالرحمانی مشرک لک ارسنده کور یجک میدانه
چیقوبده آنکله مقاتله ایتک اوزره رخصت ایستدایسه ده
رسول اکرم یا ابابکر بیلر میسین که سن بنم کورر کوزم
وایشیر قولاغیم منزله سنده سین دیهرک رخصت ویرمدی
ویانندن آیرمدی

ایکی طرف ایلر و بوریمکه و یکدیگره یاقلا شمه باشلادی
او قلا ایسه ایکی طرفدن علی التوالی ایشلر ایدی
خزرج قبیله سندن حارث بن سراقه نام نوجوان که
کیروده طور و بدایلرودکی شجاعانک مقاتله سنی تماشا ایدنلر
ایچنده ایدی . دشمن طرفندن آتیلوبده اوکده کی
صف حربک اوزرندن پکن براوق اکا طوقوندی
ویچارینی شهید ایدی . ایشه انصاردن ابتدا شهید
اولان بودر

ابتدای اوق جنکنده ایلرودکی صف حربده بولان

غزات اسلامك اوزرندن آشوب كيدن براوقك كيروده
 حارثه يه طوقونمسي جله يه موجب عبرت اولدي
 اجل او قلرينك او كده كيلرله ارقده كيلري فرق ايتديكي
 وایلروده كيلرك تهلكه سي كيروده كيلرك تهلكه سندن
 زياده اولديغي آكلاشلدی

مؤخرًا حارثه نك والديسي اولان ربيع حضور نبوي يه
 كلوب يار رسول الله اوغلم جنتده ايسه كنديعه تسليت
 و يروب صبر ايديم دكل ايسه نه يابه يم ديوسؤال ايتدكده
 رسول اكرم جنت بردكل متعدددر سنك اوغلك جنة
 الفردوسده در ديو بيور مشدر . بزينه صدده كلدم
 رسول اكرم يار غاري ايله برلكده خيمده يعنى سعد بن
 معاذك يايدير مش اولديغي كواكه لكده بولنوب (يارب
 بكاوعد ايتديكك نصرتي وير) ديوكال سوزو كداز ايله
 دعا رنياز ايلركن كندوسنه بر خفيفجه اويقوكلدی . و همان
 تبسم ايدرك اوياندي (مرده يا ابو بكر ايشته ملائكة
 كرام ايله جبرائيل عليه السلام امداده كلدي) ديو
 يوردي

بعده رسول اكرم زرهني كيوب (سيهزم الجمع و يولون
 الدبر) آيت كريمه سني تلاوت ايدرك خيمه دن طيشار و
 چيقدی

معناسي (يقينه اوجعيت بوز يلوب ارقه دونديزرلر

دیکدر) واوست طرفنده کی آیت کریمه (ام یقولون
نحن جبع منتصر) اولوبانک معناسی دخی (یوخسه
مشرکین فریش بزطو پلو ویکوچودبر جماعتی دیرلر)
دیک اولور

یوقاروده بیان ابتدیکمزوجهله فی الواقع ابوجهل اشوبوم
بدرده (بزیکوچودبر جماعت منتصره یز بوکون محمد دن
واصحابندن انتقام آله جفن) دیشیدی

بوآیت کریمه ایسه مقدما مکه ده ایکن نازل اوله رق کله جکدن
خبرویرن آیات دن ونبوت محمدیه نک دلیل علنسی اولان
معجزاتند

حتی حضرت عمر دن مرویدر که بوآیت کریمه نازل اولدوقده
عجبا قنغی جمعیت بوزیله جق دیدم بوم بدرده رسول اکرم
زرهنی کیوبده سیهزم الجمع و یولون الدبر دیدیکی وقت
مراد نه اولدیغنی اکلاوم دیوبور مشدر

مرویدر که مقدمه مدینه جوارینه قدر کاوبده مدینه
اهالیسنک حیوانلرینی سوروب کوتورمش اولان کربن
جابر فهر بنک بادیه نشین اولان طوائف قریش ایله بوکره
قریش مکه اردوسنه امداد ایچون کله جکی اول کون
ایشیدلدی

حالبو که قریش اردوسنک قوتی ذاتا اهل اسلامه نسبتله
قاتل زباده ایکن بادیه نشین اولان گروه عربان دخی

کلو بدنه انلره قاتيله جق اولورسه قوتلری فوق العاده
اولور دیو اهل اسلام تلاش و اندیشه یه دوچار اولدی
آنک اوزرینه طرف باریدن مله کله ايله اهل اسلامه امداد
اولنه جخی تبشیر بیورادی

و کر زبن جابر فی الواقع قریش مکّه اردوسنه امداد ایتمک
نیتده بولمیش ایسه ده بوجه آتی قریش اردوسنه
بوزلدیغنی خبر آلدیغنی کبی امداد دن صرف نظر
ایلشد

و مریویدر که اول اثناده مثلی کورلماش غایت شدت لو
بر روزگار چیقوب کوز کوزی کورمن اولمش بوا یسه
مکر ملائکه کرام ايله جبرائیل علیه السلام کاشی
ایمش که میدان حربه کیشلر . و ابلق آتله بنمش انسانلر
صورتنده کورنمشلر . و مشر کله قارشو صف باغلا یوب
طور مشلر

بودخی روایات مشهوره دندر که قریش ايله کینه ارمه سنده
وقتیه محاربه لر وقوع بولمش ایدو کندن بو کره کینه
قبیله سی فرصتی غنیمت اتخاذا ایدرک ارقه دن کلو بدنه
هجوم ایتمسونلر دیو قریش طائفه سی اندیشه ایدرکن
کینه شیخلرندن مشهور سراقه بن مالک مدجی برفرقه
سواری ايله قریش اردوسنه کلوب بنده سزکله برابر
دیه رک انلره جسارت و یرمش

حالبو که سراقه حارث بن هشام ایله الاله طوتشوب
کز لر ایکن او یله بر شدتلو بوره ایله ملکر کلچک
سراقه حارث بن آریلوب وعسکرینی آلوب صاووش
وآنک صاووشوب کیشی قریش طائفه سنی وهم وتلاشه
دوشورمش

حق ابو جهل آنک اوزر ینسه (سر سراقه یه باقی یکن
آنک محمد ایله کیزلوا اتفاقی واردر . حجر یلری بتورد کدن
صکره دونوبده قدید منزله وارد یغمزده بن اکا محمدک
طرفدارانی نه دیمک اولدیغنی او کردیرم همان سر
یورویکنز) دیو قومه جسارت ویرمش ایلی

و قریش ارموسی بوز یلوبده مکده وارد قلزنده عسکرک
انهر اینه سراقه سبب اولدی دیمش لر . سراقه ایسه
انی ایشتمکده (والله بن سرنک بدره عزیمتکرنی طویعدم
فقط هریمتکرنی ایشتم) دیمش

مکر سراقه صورتنده کورینن ابلیس و بنی مدجن
بر طاق آدم لک صورتنده کورینن ابلیسک عونیه سی اولان
شیطانلر ایمش

بر مدت صکره سراقه وسارلری اسلام ایله مشرف
اولد قده بوراسنی بیلر نده سویلشمش لر . و شیطان ایشی
اولدیغنی جزم ایلمش لر . بزینه صدد کلام

اول اثناده رسول اکرم بر آوج اوفه جق طاشلر آلوب

(شاهت الوجوه) یعنی یوزلی قبیح وقاره اولسون

دیهرک دشمنلرک اوزرینه آتدی

اول طاشلرک بردانه سی مشرکلرک کوزلرینه و برونلرینک

دایکلرینه اصابت ایله انلری سرسام ایتدی

بو کیفیت معجزات محمدیه دن و قریش اردوسنک بوزلمسی

موجب اولان اسباب معنویه دن در

بوئلوسیلردن طولایی قریش اردوسنه تزلزل کیش

اولدینی حالدیه حضرت پیغمبر حله و هجوم ایچون

امر و یردی

شوبله که (هرکیم بوکون دشمندن یوز چویره بوبده

ثبات ایلر و شهید اوفات ایلر ایسه جناب حق البته آنی

جنته قویه جقدر : بوکون شهید اوللر جنه الفردوس

حاضر و انلر رضوان منتظر در) یوللوه هم صحیح و همده

مؤثر سوزلر ایله اصحاب کرامنی تشویق ایدرک هایدی

شدتلر حله و هجوم ایدیکزدیو بیوردی

خزرج قبیله سندن عمر بن حام رضی الله عنه حضرتلری

خرمایرکن جنت مرده سنی ایشند کده (په جنته کیرمک

ایچون شوحر بفارک النده اولمکدن بشقه برشی لازم

دکلی بکایی) دیهرک النده کی خرما ری بره آتدی

وهمان سل سیف ایدوب شهادتک فضیلتنه دائر کوزل

و مؤثریتلر سویله رک دشمن اوزرینه هجوم ایتدی

وآرتق کپرو دونغوب نیجه مشرکینی قتل ایتد کدن
صبره نهایت کندوسی دخی شهید اوله برق جنة الفردوسه
کیتدی

ملت اسلامیه ده اوقدن بشقه سلاح ایله شهید اولنلرک
برنجیسی اشبو عمیر بن حامدر . رضی الله عنه
عفرا خاتونک بیوک اوغلی عوف دخی شهادت مرتبه سنه
نائل اولق ایچون اکامانع اوله بیله جک زرهنی صرتمدن
چیقاروب آندی . وهمان سل سیف ایدرک دشمن اوزرینه
هجوم ایتدی . مشرکیندن نیجه لرینی اولدردی
نهایت کندوسی دخی شهید اولوب مرادینه ایردی
رضی الله عنه

سائر اصحاب کرام دخی هپ دالقلیج اولوب ایلروسگر تدیله
وطرف طرف حله و هجوم ایله دشمنک صفلرینی
یرتدیله

علی الخصوص اللهک ارسلانی حضرت حمزه رضی الله
عنه هر قنخی قوله هجوم ایتسه دشمن فرقه لرینی یاروب
کچردی

حضرت علی رضی الله عنه دخی اکاپرو اوله برق اوکسه
کلان مشرکری قلیج ایله ایکی یه بیچردی
قریشک مشهور رئیس لرندن زمعة بن الاسود حضرت
حمزه ایله علینک اوغوزینه راست کلیمکه درحال انی

قتل و اعدام ایلدی لر . برادری عقیل بن الاسود دخی
بوصره ده قتل اولندی

بنی سهمك رؤسا سندن اولان عمرو بن العاص ابوسفیان ایله
برابر اولغله بو وقعه ده بولمندی

اما بنی سهمك اك بيوك رئیس لری اولان درت کشی
بومها جه ده قتل اولندی

شویله که منبه بن حجاج سهمی بی ابو یسر الانصاری
حضرت لری و برادری نبیه بن حجاجی حضرت حمزه ایله
حضرت سعد بن ابی وقاص و اوغلی عاص بن منبه
ابن حجاجی و برده ابو العاص بن قیس سهمی بی حضرت
علی قتل ایتدی لر

بولردن بشقه حضرت علی رؤسای قریشدن حضرت
طلحه بن عقیل عمرو بن عثمان بن عمر التیمی و حضرت
خدیجه الکبریا ک برادری نوفل بن خویلد ایله عیسده
ابن سعید بن العاص بن امیه بی دخی قتل ایتدی

بنی امیه نك رئیس ی اولان ابوسفیان عهود کاربان ایله
صا و وشوب کیمش اولدیغندن بوملحه کبراه بولمندی
فقط اوغلی حنظله بولوب اودخی بوصره ده قتل اولندی
* قریشك مشهور رؤسا سندن ابوالبختری بن هشام دخی
بولماده مجدر بن زیاد النده مقتول اولدی

اهل اسلامك بيوك دشمنی اولان ابو جهلی اولدرمك موجب

مباهات بر کیفیت اوله جفندن هپ اصحاب کرام آتی راست
کتورمک ایستلردی

حتی ابو جهل ظنیه حضرت حمزه رؤسای مشرکیندن
و بنی مخزومدن خالد بن الولیدک برادری اولان ابوقیس بن
الولیدی و حضرت علی بنه بنی مخزومدن عبدالله بن المنذر
قتل و اعدام ایلدیلر

بنه رؤسای قریشدن ام سلمه نك قرنداشی اولان مسعود بن
امیه المخزومی دخی حضرت حمزه نك قلیچندن یکدی
ابو سلمه نك برادری اولان اسود بن عبدالاسد دخی بو صروده
قتل و اعدام اولندی

ابو جهل ایستیش یا شنده پک کوزلی و قورقونج بوزلی عنود
و قتر دبر ملهون اولوب (انام بنی بو کون ایچون طوغور مشدر)
دیو اظهار جسارت ایدر . و همان عسکرینی جنکه
سورر ایدی

و کندی عشیرتی اولان بنی مخزوم یکیتلری انک اطرافنی
آلوب میخ چیقنی اولدقلرندن یانه واریله ماز ایدی
ایکی عسکر بر برینه قاووشه جخی اثناده عبدالرحمن بن عوف
رضی الله عنه حضرتلری صف حربده اولوب صاغنده
و صوانده بنی نجاردن برر نوجوان بولنش ایدی

بری عبدالرحمن بن عوفک یکندن چکوب کیز اوجه اکا

(عوجده سن ابو جهلی طا نورمیسین بکا کوستر سداک آ)

دیمش

وابن عوف نه یاپه جقسین دید کده (الله ایله عهد ایتدم
ابو جهلی کور دیکم کبی اوزرینه حمله ایدوب یا آنی
اولدیره جکم یاخود بواوغورد اوله جکم دیوجواب ورمش
* اول ایکی نوجواندن دیکری دخی کذلک ابو جهلی
صورمش وابن عوف نه یاپه جقسین دید کده اودخی
اوبرینک سو یلدیکی کبی سویلش

عبد الرحمن بن عوف بویله بر قور قوی وقتده روزکا رک
کرم و سر دینی کور ماش ایکی چوجق اره سنده قالدم
دیودوشونور کن آنلرک بوجسورانه سوزلندن تجب ایلش
* اول ایکی نوجوان ایسه مکر عفر ا خاتونک اوغلاری
معاذ و معوذ نام ایکی فدایی قرنداشلر ایمش

ایشته بوسره ده ابو جهل بن مخزوم یکتیلری ایله طوموز
طوی اولوب گلورلر کن ابن عوف انلره ایشته ارادیفکر
دیو ابو جهلی کوسترش

همان ایکبسی بردن فیلا یوب وچفته شاهین کبی سوز یلوب
ابو جهلک اوزرینه هجوم و حمله ایتشلر

حالبو کینه انصاردن معاذ بن عمرو بن جوح نام بر فدایی
دخی ابو جهلی کوزه درمش . بواشاده فرصت دوشورمش
وابو جهلک ایاغنه بر قلیج اورمش . فقط ابو جهلک اوغلی

عکرمه دخی قلیج ایله آنک قولنی یاره له مش بوسرده
عفرانک اوغلاری معاذ ایله مسعود دخی یتیشوب ابوجهلک
ایشنی تمام ایشلار

ابوجهل کندوسنی اشرف قبائل عرب اولان قریشک
رئیس بیلور . واهل مدینه بی چنچی دیوتحقیرایده
کلور ایکن انارک النده رملک پک کوخنه کیدوب حتی
بوکره معاذ حضرتتری کندوسنی قلیج ایله اوردقده
کاشکی بنی چنچیلر دن بشقه بر آدم اولدرسه
دیشیدی

اول ائنده رسول اکرم عجب ابوجهل نه یا پیور کیم کیدوبده
آیدن بزه بر خبر کتورر دید کده عبدالله بن مسعود رضی الله
عنه حضرتتری سکر تدی . و ابوجهلک یا نه کیتدی
کوردی که جان چکیشور . همان باشنی کسمک اوزره
صقالدن طوتدی . وایاغیله بوینده باصدی . و ابوجهل
کوزلرینی آچدقده یا اباجهل سمنین دیدی

ابوجهل ایسه صوک نفسه کلش اولدیغی حالده بی پروا بن
مسعوده (ای قبون چوبانی پک صرپ یره چیمش سین
بر بپوک کشی بی قوم و قبیله سی اولدرمک همان شمدی
اولش برایش دکل آ بو اوله غان شیدر فقط غلبه قنق
طرفه در) دیو صور دی

ابن مسعود دخی نصرت و غلبه اهل اسلامه یوز کوستردی

دیو جواب و بردی . و بویوزدن دخی ابو جهلی حات
یا سنده و شور دی

ابو جهل بویله هر جهندن مایوس اولیحق (محمد سویله که
شمیدی به قدر انک دشمنی ایدم شمدی دشمنلکم برقات دها
ارتدی) دیدی . ابن مسعود دخی همان باشی کسدی
* الحاصل ابو جهل صولک نفسه دخی ایمانه کلوب کفر
وضالته اصرار ایتدی . و هر یوزدن مایوس اوله رق
جانی جهنمه اصمار لوب کیتدی . لعنة الله علیه

ابن مسعود حضرتلرینک جئه سی نجف و کچوک و ابو جهلک
باشی بولک اولدیغی جهنمه انی یوکلوب کوتورمسی شایان
تماشا بر کیفیت اولدیغی حالده ایسته اللهک دشمنی ابو جهلک
باشی دهرک حضور نبوی به کتوردی
رسول اکرم دخی اللهک نصرته تشکر ایتدی . و بواتمک
فرعونی ایسته بودردیو یوردی

بو ائنده عفراتونک اوغلی معوذ نیجه ایشلر کوردکن
صکره برادری عوف کبی اودخی شهید اولدی رضی الله عنهما
* ابو جهلک برادری اولان عاص بن هشام دخی بوسره ده
قتل و اعدام اولندی

و قریشک مشهور رئیس لرندن طعیمه اهل اسلامدن برایکی
ذاتی شهید ایتدکن صکره اودخی حضرت حمزه نک
قلیچندن کچدی

و ابو جهلک اعدامندن صکره قریش اردو سنده طبایانه جق

کسبه قالیوب علی العموم بوزچو بر دیلر
آرتق فرار ایدنلر قور تولدی . فرار ایده مینلر دخی
اسارتی جائه منت بیلدی
قریشک برنجی درجه ده کی رئیسلرندن اولان امیه بن
حلف کدهم اختیار و هده ششمان ایدی . محاربته صوک
دورینه قدر طیانیدی . لکن نهایت اوغلی علی ایله
برابر کندوسنی عبدالرحمن بن عوف حضرتلرینه تسلیم
ایتکه مجبور اولدی

ابن عوف دخی معارفه قدیمیه مبنی انلری صاغ براقق
اوزره اسیر ایتکه قرار و یروب بوکا . اُرلاقردی ایدرلر کن
امیه بن خلف (کیمدر شونیمورلره بور یئوب صفلی برتان
بهادر) دیو صورمش

ابن عوف دخی عم رسول الله اولان حضرت حمزه بن عبد
المطلب دیو جواب و یرمش

امیه بن خلف (آه بزه بوایشلری ایدن و بزلری بو حاله
قویان هپ اودر) دیمش

انلر بوسوزده ایکن امیه بلال حبشی رضی الله عنه
حضرتلرینک کوزینه ایلشدی

حالبوکه مکده ایکن امیه حضرت بلاله پک چوق
اشکنجه ایتش اولدیغندن بلال آنی کوردیکی کبی
(یا نصار الله اشته کفره وفجرونک رئیس امیه بن خلف)

اور یکن اولدیر یکن) دیمکله عفران خانونک اوغلی معاذ ایله
انصاردن دیکر بعضیلری سکر دوبا امیه بن حلیق اولدر دنگاری
اشاده عمار بن یاسر حضرتلری دخی آنک اونلی علی بن
امیه بی قتل ایتدی

الحاصل قریش اردوسی پک فنا حالده بوزلدی . واهل
اسلام بیولک مظفر یتنائل اولدی

میدان محاربده دوشوب قالانلر ایله مجروح اولوبده
بعده وفات ایدن شهدانک مجموعی اون درت نفر اولوب
التیسی مهاجر بندن والتیسی خزرج قبيله سندن وایکیسی
اوس قبيله سندن ایدی

مشرک لک مقتوللری ایسه یتش نفر اولوب یگریمی دردی
قریشک اشراف ورؤساندن ایدی

اسیر اولان مشرکین دخی یتش نفر اولوب حضرت
پیغمبرک عمی عباس بن عبدالمطلب و عمنزاده لری عقیل
ابن ابوطالب ونوفل بن حارث بن عبدالمطلب و حضرت
زینبک زوجی ابوالعاصی بن الربیع اشبو اسیر لک اشرافندن
ایدیلر . برمدت صکره بونلر هپ اسلام ایله مشرف
اولمشلردر

مصعب بن عمیرک برادری ابو عزیز بن عمیر دخی بواسعرا آنک
اشرافندن اولدیخی حالده یوم بدرده اسلام ایله مشرف
اولمشدر

سهیل بن عمرو العامری و خالد بن هشام المخزومی و ابی
ابن حلفك او علی عبدالله و حضرت مسعودك برادری
عبد بن زعمه و ولید بن الولید و امیه بن حلفك از ادلوسی
اولان اسطاس دخی بواسر انك اشرافندن ایدی

رسول اکرم امر ایدی . مقتول اولان رؤسای قریشك
جسدلری بر قو بی ایچنه آتلدی . فقط امیه بن حلف
زرهی ایچنده ششمش اولدیغندن اولدیغی برده اوزرینه
طاش و طو پراق آتیه رقی اورتولدی . سائر افراد مقتولین
دخی شوراده بوراده دفن ایدلدی

رسول اکرم بو مظفر بتی مرده ایتمک اوزره زید بن حارثه
رضی الله عنه حضرت تلری مدینه یه کوندردی . اودخی
واروب اهل مدینه یه مرده و یردی

اول اثنا ده ایسه رسول اکرمک کریمه سی رقیه رضی الله
عنها حضرت تلری وفات ایتمکله حضرت زیدك مدینه یه
وصولنده هنوز دفن ایدلمش ایدو کندن مدینه ده بولانان
اهل اسلام حزن و ماتم ایچنده ایدی . بزینه اردوی
سعادتك وقوعاته کلام

اسیر قاجاماق ایچون عمر بن الخطاب رضی الله عنه
حضرت تلری انلری باغلامغه مأمور اولغله جله سنك
ادلوسی اولان عباسی پك سبق باغلامش اولدیغندن کیچه
ایکلردی

رسول اکرم ایسه اول کیجه عنک ایکلدیسنی ایشتمکه
مناثر اوله رق کوزینه او یقو کیرمدی

انصار کرام حضراتی رسول اکرمک اصلارا احتسزا ولما سنی
الترام ایدر اولدقلرندن کیجه او یقوسنر قالد یغنی
ایشتمک لری کبی به ضیلری کلوب عباسک باغلرینی چوز دیلر
و مجانا عفو و اطلاقنی استدعا ایتدیلر

حالبوکه اسیرلر حقنده نه درلومعامله اولنق لازم کله چکنه
دائر هنوز وحی الهی وارد اولدیغندن بونلر حقندن رأی ایله
معامله اولنق لازم کاوردی

رأی ایله اولان ایشلرده ایسه اصحاب کرام ایله مشاوره ایتک
فخر عالم حضرت تلبینک سنت سنیه لری ایدی

و مجلس مشورتده هر کس رأینی سر بست سوزیلردی
علی الخصوص عمر بن الخطاب رضی الله عنه حضرت تلبی
وحی الهی به امثالده نقدر سرعت و صلابت کوسنر ایسه
رأی ایله اوله حق ایشلرده دخی اصلا خاطرده و کواکله
باقیوب بلاتردد رأی قطعی و یرز • و سوزی کسیدیر
ایدی • و اکثریا رأینده مصیب اولوب نیجه دفعه رأینی
صکره دن نازل اولان وحی الهی به موافق دوشمشدر
* بناء علیه کندوسنه عمر الفاروق دینلشدر که حق ایله

باطلاک آره سنی کما لیله فرق و تمیز ایدیجی دیمکدر
بوکره اسرا حقنده دخی نه یاقق لازم کله چکنه دائر

حضرت پیغمبر اصحاب کرامیله استشاره بیوردی
 شویله که جناب حق سزی انلره غالب و ظفر یاب ایندی
 شمدی انلرک حقدننه یا عمق ایسترسکز دیو صورتی
 حضرت عمر الفاروقی یار رسول الله جله سنک بوینی
 اوردریدی . سعد بن معاذ رضی الله عنه حضرت تبری
 دخی بورآیده بولندی

رسول اکرمک رحم و شفقتی بو صورتیه مساعد اولمیدیندن
 اولکی سؤالنی تکرار ایندی
 حضرت عمر یار رسول الله انلر و سهای مشرکیندن درجله سنک
 بوینی اورملی دیوب کندی رأینده اصرار ایلدی ایسه ده
 رسول اکرم ینه قبول بنورمدی
 آنک اوزرینه حضرت ابو بکر الصدیق قالقوب اسراندن
 بدل انهرق عفو و اطلاق بیورلملرینی رأی و تنسیب
 ایلدی

رسول اکرم دخی آنک رأینی قبول ایدوب اسراندن
 دردریک درهم بدل انهرق صالیویرلملرینی امر ایندی
 * فقط مدینهیه کیدرکن اثنای راهده عقبه بن ابی
 معیط ایله نضر بن حارثی قتل اینتدردی

رسول اکرم بدرده اوج کجه قالدقدن صکره اردوی
 همایون ایله قالقوب مدینهیه عودت بیورمشیدی
 اسرا و اموال غنائم دخی برابر ایلدی . و بنی نجاردن
 عبدالله بن کعب اشبو اموال غنائم اوزرینه مأعور ایلدی

* کاربان قریشی نجسه مأمور اولان طلحه و سعید بن
زید رضی الله عنهما حضر تبری اطراف جستجو ایدرک
مدینه به عود تارنده رسول اکرمک جانب بدره تشریف
خبر آملریله آنلردخی او طرفه سکرتمشله . و بوکره رسول
اکرم دونو بده مدینه به کاورکن اثنای راهده بولوشوب
غزاسنی تبریک ایتشلردر

صفرا بوغازندن چیقلدقده رسول اکرم اموال غنائمی
مساوات اوزره اصحاب کرامه تقسیم ایتدی . واسرایی
کیروده براغوب مدینه به کیتدی

رسول اکرمک مدینه دن چیقمسيله بوکره مدینه به وصول
بولسی بیتمده اون طقوز کون هرور ایتشدر
برکون صکره اسرا دخی مدینه به کتورلیدی . و رسول
اکرم آنلری اصحاب کرامنه طاغندی . و آنلره کوزجه
باقکر دیوتنبیه ایتدی

بو جهتله هرکس کندی خانه سندکی اسیره کوزجه بقار
وما کولات و مشروبانه اهتم ایدر ایدی

رسول اکرمک عمی عباس بن عبدالمطلب خلیجه زنکین
برذات ایدی . مکدن چبقارکن ام الفضله یعنی
زوجه سنه کلیمو التون و یروب بن محاربیه کید یورم
شاید که بکابر حال اولور ایسه بوالتونلر سنکله اولادمکدر

دیمش فقط بوکا ایکیسندن بشقه کمسنه واقف دکل

ایمش

بوندن بشقه عباس عسکره صرف ایتک اوزره بانه دخی

خیلیجه التون آلمش لکن وقت حربه النیدن آلمش

رسول اکرم ایسه بوکره اکاکرک کندوسی ایچون

وکرک برادر زاده لری اولان عقیل ونوفل ایچون بدل

ویرمسی امرایتدکده محاربده النیدن آلمش اولان

التونلرک بو بدلره محسوب ایدلمسی طلب ورجایتدی

رسول اکرم دخی بزم علیهمزه صرف ایتک اوزره

طاشیدیغک التونی سکا براغه میز دیهرک آنک بورجاسنی

قبول ایتدی

عباس (یابنی آوچ آچدیرویده دیلندیره جکمیسین)

دیدی

آنک اوزرینه رسول اکرم (قنی ام الفضله براقدیغک

التونلر) دیو بیوردی

حالبوکه عباس اوالتونلری زوجه سنه ویررکن یاننده

کسنه یوق ایمش

بناء علیه (سکابونی کیم خبر ویردی) دیو صورمش

رسول اکرم (رحم خبر ویردی) دیو بیورمش

عباس دخی (بن شهادت ایدرم که سن صادق سین) دیمش

وکلک شهادت کتورمش

لکن بدلی عفو ایتدیره محبوب سائر اسیرلرکی بدل معینی

تدارك واعطا ايدرك مكديه عودت ايلدى
مكه دن بدل معينى جلب واعضا ايدن سارر رؤسادخى
پيدىرى عودته باشلادى

بدل و یرمكه اقتصادارى اوليو بده النده يازوسى اولان
اسرا دخى انصاردن اوزر چوجعه يازو اوكرتمك وبعده
بلامانع مكديه كيمك اوزره مدينه ده اليقونلدى

مكه اهالى سنده اوقور يازار چوق اولوب مدينه اهالى سى
ايسه صنعت كى تبتدن بى نصيب ايكن بووسيله ايله
مدينه ده دخى اوقدر يازار كى سنده چوغالدى

بو صرده رسول اكرمك كريمه سى زينب رضى الله عنها
حضرت تلى دخى زوجى ابوالعاص ابن الربيعك بدلى
اولق اوزره بوينده كى كردنلكى چيقاروب مدينه ده
كوندردى

بو كردنلكى ايسه ابوالعاصه تزويج اولنديغى وقت بوينده
والده سى سيدة النساء خديجة الكبرى رضى الله عنها
حضرت تلى طاقش ايدى

حضرت خديجة نك بيوك كريمه سنه بر كذارى اولان
كردنلكك دلال النده كزر صا تلىق مال كى بدلى اسارت
اوله رق ميدانه چيقيسى اصحاب كرامه تاثير ايتدى
رسول اكرمه دخى آنى كور بچك فوق العاده رقت كلدى

و (رأى وتنسب ايدرسه كز زينبك اسيرى صالو بر بكن

بدانی دخی کبرو چو بریکز (دیو بیوردی . اصحاب
گرام دخی ابوالعاصی صالیوردیلر و گردنلکی کبرو
چو یردیلر

بو صورتله ابوالعاصی بلابل اسارتدن قورتیلوب مکه یه
کیتیش و فقط کفر و شرک اوزره مصر اولدیغندن مؤخرا
زینب رضی الله عنها حضرتلری اندن آیر یلوب مدینه یه
هجرت ایتیش در

امیرادن ابو عزة الجمعی نام شاعر مشهور که شعرندن
بشقه سرمایه سی یوق ایدی . فیما بعد اهل اسلام
علیه السلام بولنماق شرطیله بلابل صالیورلدی
ینه اسرادن مطلب بن حنطب ایله صفی بن رفاعه دخی
بویله مجانا آزاد بیورلدی

رمضان شریفک اواخرنده صدقه فطره و یرمک
واجب اولدی . و عید فطرده بیرام نمازی قیلندی
زکات و یرمک دخی بوسنه فرض اولدی

بروجه بالا بدرده منهزم اولان قریش طائفه سنک یتیش
نفری مقتول و یتیش نفری اسیر اولوب بقیة السیوفی
تارمار اوله رق دوشه قالمه مکه یه کیتیشلر ایدی . ابوسفیان
ابن حارث بن عبدالمطلب دخی انلرله برابر مکه یه
واردی

وابو اهب ایله کورشدکده عباسک زوجده سی ام الفضل

و کوله سی اولوب اسلامنی کیزا و طوتان ابورافع دخی
حاضر بالچاس اولدقلری حالدہ ابولہب ابوسفیان
ابن حارثدن بدزوقعه سنی صورتی

اودخی (والله هیچ رشی دکل الابر محمدیلره ملاقی اولدیفمرده
آرقه لر حزی انلره تسایم ایتدک دیلدکلرینی قتل و دیلدکلرینی
اسیر ایتدیله . لیکن ناسی لوم و تعیب دخی ایلم زیرا
ابلق آتله بمنش برالای سواری واری ایدی انلره مقاومت
ممکن دکل ایدی) دیو جواب ویردی

ابورافع دخی (او کوردیککز سواری ملائکه ایدی)
دیجک ابولہب غضبه کلوب اکا برسله اوردی

ام الفضل ایسه غیرته کلوب (بیچاره کوله بی افندیسی
بوراده بوق دیو دو که یورسین) دیرک برچادر برکی ایله
ابولہبک باشنی یاردی

آنک اوزرینه ابولہب غم و کدردن آغر خسته اولدی
و برهفته صکره جانی جهنمه اصمارلیوب دار مجازاته
کیتدی

سائر قریش دخی مکده برآی قدر بدرده مقتول اولان
رؤسای یادیله ماتم ایتدی

رسول اکرم ایسه بدردن منصور و مظفر ایلره قی هوودت
ایتدکه دین اسلام یک زیاده قوت بولدی . وهپ
دشمنلرک کوزلری بیلدی

مدینه ده کی یهودیلر تور اتده مذکور اولان نبی اخر الزمان
بودر دیمکه باشلادی . وهنوز ایمان ایتمیلردن بعضیلری
ایمان ایلدی . بعضیلری دخی ظاهرا اسلامه کلدی
ایشته بوجهنله اهل اسلام ایچنده برخیلی منافقار پیدا
اولدی

هجرت نبویه دن صکره یهود طائفه سی رسول اکرم ایله
جنگ یتماک و آنک دشمنلرینی جنگه تشویق و تحریک
ایتماک اوزره معاهده ایتشلر ایلدی

و مدینه دیارنده کی یهودیلر اکرچه باشلوجه قریضه
و ضیمر نام ابکی قبیله یه منقسم ایلدی . انجق بونلردن
بشقه یهود دن بنی قینقاع دینلور برقبیله وار ایلدی که
مدینک عالیله دینلان ناحیه سی جوارنده جسر بطحان
نام محله ساکن اولوب قلعه لری متین و کندی لری جسارت
ایله معروف ایلدی . و خزرج قبیله سی آنلرک معاهد
و حامی سی ایلدی

اهل اسلام دن برینی قتل ایله نقض عهد ایلش اوله قلردن
رسول اکرم هجرتک اشبو ایکنجی سنه سی شوالک
اواسطنده انصار دن و اوس قبیله سی اشرافدن ابو ابابه
ابن عبد المنذر رضی الله عنه حضرت تهرینی مدینه ده
قائم مقام براغوب و اواء شریفی عمی حجره رضی الله عنه
حضرت تهرینک الله و یروب غزات اسلام ایله مدینه دن

چققدی . و کیدوب اون بش **ك** ون قدر بنی قینقاعی
محاصره ایتدی

نهایت غره ذی القعدة ده تسلیمه مجبور اولدیله . اشراف
خزرجدن رئیس المنافقین اولان عبدالله بن ابی ابن سلول دخی
آنلرک قتلدن عفو ینی استرحام و بو خصوصده زیاده
اصرار و ابرام ایتکله رسول اکرم آنلری قتل و اعدامدن
صرف نظر ایدرک شام طرفنه نفی و طرد ایتدی
و قلعه لرنده بولنان اسلحه و اموال ساثره ک خسنی بیت الماله
آلوب باقیسنی غزات مسلمین بيشده تقسیم ایلدی

ابوسفیان بن حرب بن امیه مغهود کاربان ایله مکه یه
واروب آرقه سندن بدرده منهزم اولان عسکر دخی بوزوق
دوزن مکه یه واصل اولدقلرنده قریشک برنجی درجه ده کی
رئیسلری کیمی تلف و کیمی اسیر اولدیغندن ابوسفیان
بالطبع قریشک رئیس مقامنده بولنه رق اهل اسلام
اوزینه بر سفر ایتدکجه قاریلرک یاننه وارماق و عطریات
سورنمک اوزره عین ایتشیدی

بناء علیه ایکیوز آتلو ایله مکه دن چیقوب جوار مدینه یه
کلد کده ایلرویه براز آتاو کوندرمش . انلردخی مدینه یه
برساعت قدر مسافه سی اولان بر محله کلوب اهل اسلام دن
برذاتی شهید ایتشلر

رسول اکرم انی ایشتدیکی کبی سکسان سواری و یوز یگرمی

پیاره ایله مدینه دن چیقوب اول طرفه عزیمت ایتدیله
 قریش طائفه سی ایسه هنوز بدر بوزغونلخی آجیسنی
 اونو تمامش اولدقلرندن همان فراره بوزطوتدیله
 وخفیفله مک ایچون یانلرنده کی زاد و ذخیره چواللرینی
 آتهرقی کمال سرعت ایله قاچوب کیروکتدیله
 بوجهتله اهل اسلام قریشه یتیشه مدیله فقط آرقه لرندن
 بوچواللری طویلایوب زحمتسزجه خیلی زاد و ذخیره یه
 نائل اولدیلر

بوسفرده رسول اکرم بش کجه خارج مدینه ده قالش
 و ذی الحجه نك طقوزنجی کونی مدینه یه واصل اولمش
 ایدی

فرداسی بیرام نمازی قیلدی . و قربان کسیدی . و اصحاب
 کرامه دخی قربان کسملری ایچون امر ایتدی
 وینه بوذی الحجه آینه رسول اکرم کریمه محترمه سی
 فاطمه الزهرا رضی الله عنها حضرت تلی بنی عزامه سی علی
 ابن ابوطالب رضی الله عنه حضرت تلی نه تزویج بیوردی
 * اولوقت حضرت فاطمه اون بش یاشنده و حضرت
 علی یکریمی بریاشنده ایدی

کبار اصحاب کرامدن عثمان بن مظعون رضی الله عنه
 حضرت تلی بوسنه دار بقایه رحلت ایتشد

وینه بوسنه رؤسای قریشدن امیه ابن الصلت دخی
دیادن کوچوب کیتشد

اشبو امیه کتب سماویه بی مطالعه ایله بعثت نبویه
مطلع اولمش فقط کندوسی بی آخر الزمان اولمق املنه
دوشمش ایکن محمد مصطفی صلی لله علیه وسلم حضرتلری
ظهور ایتکله حسدن ناشی کفر وضلالتده اصرار
ایلردی . بدر وقعه سنده شامده بولوب بعده مکه یه
کیدر ایکن بدر قریه سنده اوغراد قده کندوسنه بدر
وقعه سنده مقتول اولان رؤسای قریشک آتلمش اولدقلری
معهود قوی کوسرلمش . ودابی زاده نری اولان عتبه بن
ربیع ایله شعیبه بن ربیع نك دخی اوراده اولدقلری
خبر ویرلمش اولدیغندن اول قوی باشنه واروب آنلرک
مرثیه سی اوله رق براوزون قصیده سویلمش و متعاقبا
کندوسی دخی عزم جهنم ایلش در

بعده هجرت نبویه نك اوچجی سنه سی اولدی و بوسنه نك
ربع الاولنده یهود طائفه سندن ونضیر قبیله سی
رؤساسندن کعب ابن اشرفک اعدامی وقوع بوادی
شویله که کعب بن اشرف شاعر اولوب رسول اکرمی
هجوایدردی . و بو اثناده مکه یه کیدوب کلمش مکه ده ایکن
بدر وقعه سنده دارمرثیه لر سویلیرک قریشی اهل اسلام
علیهنه خلیجه تحریک ایتمش ایدی

انصار دین و اوس قبیله سندن محمد بن مسلمہ کندی قبیله سی
دلاور لزندن درت نفر رفیق قبیله واروب کعبک باشنی کسدیلر
وساثره عبرت کوستر دیلر

یهودیلر صبا حلین حضور نبوی به کلوب بوندن طولانی
شکایت ایتدیلر . رسول اکرم دخی کعبک نه درلو
ساعی بالفساد اولدیغنی بیان ایتکله یهودیلر برشی دیه میوب
کیتدیلر

بدر وقعه سندن صکره قریش ایچون اوتنه دنبرو کیدوب
کلیکده اولدقلری شام یولی مخاطره لو اولدیغندن عراق
یولایله طولاشه رق شامه کیدوب کلیکله باشلا دیلر
و بو اثناده عراق یولایله برقریش کاربانی حرکت ایدوب
صفوان بن امیه ایله خوبطب بن عبد العزی دخی
برابرایدی

رسول اکرم آندن خبردار اولدقده یوز سوارای ایله
زید بن حارثه رضی الله عنه حضرت تهرینی کوندردی
نجدده قرده نام صو باشنه واردیلر . واول کاربانی
اوردیلر . موجود اولان اموالی آلوب مدینه به کتوردیلر
و بیت المال ایچون خسنی چیقاردیلر که بوخسک قیمتی
یکرمی بیک درهمه بالغ اولدی

یوقاروده بیان اولندیغنی اوزره بدر وقعه سی اثناسنده
رسول اکرم کرمک کریمه سی و عثمان بن عفان رضی الله عنه

حضرت تالرینک زوجہ سی رقبہ رضی اللہ عنہا حضرت تری
وفات ایتشیدی . بعدہ عمر الفاروق رضی اللہ عنہ
حضرت تالرینک دامادی حنیس ابن خذافہ السہمی
وفات ایتکلہ کریمہ سی حفصہ رضی اللہ عنہا حضرت تری
طول قالدی

بناء علیہ حضرت عمر الفاروق کریمہ سی حفصہ بی
حضرت عثمانہ و یرمک ایستیوب حضرت عثمان دخی
بونیدہ بولنشیکن صکرہ دن وازیکمکلہ حضرت عمر الفاروق
مغیر الخاطر اولدی

رسول اکرم ایسہ بواثناده حضرت حفصہ بی تزواج الہ
حضرت عمری کندولرینک قاین پدرلکی شرفیله
دشاد بیوردی . وکندی کریمہ سی ام کلثوم رضی اللہ عنہا
حضرت تالرینی عثمان بن عفانہ و یردی . بناء علیہ اکا عثمان
ذی النورین دینلدی

غزوہ اُحُد

یوقاروده بیان اولندیغی اوزره بدر وقعه سی ائاسنده
ابوسفیان ابن حرب وعمر و بن عاص ساحل یولایله صاووشوب
بدر وقعه سنه سبب اولان معهود کاربانی مکده
اولا شد رمشلر ایدی

بوکار باندہ بیک دوه یوکی مال اولوب سرمایہ سی الی بیک
التون ایدی . و بوندہ اشراف قریشدن پک چوق
کیسه لرک حصہ سی اولوب حالبو که انلرک اکثری بدر
جنمکنده ایدیلر

بناء علیه کاربانک مکده وصولنده اموال موجوده سی
داراندوهیه وضع وتوقیف اولندی

و بدرده قریش اردوسی فناحالده پریشان و پراکنده
اوله رق مکده واردقده صفوان ابن امیه وعکرمه
ابن ابوجهل وعبید الله ابن ربیعہ کی پدرلری یاخود
برادرلری تلف اوللر ابوسفیانک یاننه طوپلاندیلر

و (محمد بزم بیوکارمرزی اولدردی . بزلی بی کس
براقدی . شوکاربانک کار و تمنغی ایله بزه احانه ایدیکز که
اندن انتقام آلهلم) دیدیلر

ابوسفیان در حال موافقت ابدوب سائر سرمایه صاحبزینی
دخی افتناع ایتدیلر • و کار باندہ کی اموالی صاندیلر
قریش طائفہ سی شام تجارتندن بربر کار ایدرلردی
بوکرہ دخی اول ماللری صاندیلر • سرمایہ سی اولان
الی بیک اتونی صاحبزینہ ویردیلر • الی بیک
التون قدر کارقالدی

ایشته بوکاردن یکر می بش بیک التون آییروب انکله
عرباندر عسکر طویلامق اوزره قرار ویرلدی
فقط بدرده مقتول اولان اشراف قریشی یاء ایلیرک
وآنلر ایچون مرثیلر سویلیه رک ناسی جنکه تشویق
وتحریرک ایتک اوزره برقاج ناطقه او ذاتک بوایشه همت
ایلمری ایجاب حالدن کورلدی

ایشته بونک ایچون عمرو ابن عاص وهبیره ابن ابی وهب
وابن الربیع وابوعزّه الجمحی انتخاب اولنده رق قبائل
ایچنه کوندردی

واکرچه ابوعزّه بدر وقعه سننده اسیر اولور فی بعد
اهل اسلام عایشه بولنماق شرطیله مجانا عفو واطلاق
اولنمش ایدو کندن بومأموریتی قبولده تردد ایلش ايسه ده
تبغ زبانیله قومنه امداد ایلسی ایچون صفوان ابن امیه
یک زیاده ابرام ایتکله آنک ابرامنه طیانہ میوب اهل اسلام

عالمه خلق تحريك ايلك وبويولده اشعار سويلك ايله
مشغول اولدى

بووجهله قريش طائفه سي بنى مصطلق و بنى هون
ابن خزيمه و بنى حرث ابن عبدمنات قبيله لرندن ايكي بيك قدر
عسكروطوپلاديلر . و اوچ بيك نفر دن مر ك ب براردوايله
مكه دن چيقديلر كه يدي يوزى زرهلو و ايك يوزى آتلايىدى
و اوچ بيك دوه لى وارايدى

بواردونك رئيسى و اميرى ابوسفيان اولوب زوجه سي
هند دخى برابر ايدى كه بدرده مقتول اولان يدري عتبه ايله
برادري و ايلك انتقامنى آلق ايچون عسكرى تشويق
و تحريك ايلردى

و عكرمه ابن ابو جهل زوجه سي و حارث ابن هشام
قيزى اولان ام حكيم و حارث ابن هشام زوجه سي
و و ايدين قيزينك قيزى فاطمه و صفوان ابن اميه بك
زوجه سي و مسعود ثقفينك قيزى برزه و عمرو ابن عاصم
زوجه سي و بن سهمينك قيزى ريطه قوجه لر ايله برلكده
اولد قلرى كي مصعب ابن عميرك برادري اولان ابو عزي
ابن عميرك و الدبسي خناس دخى اوغلى ابو عزي ايله
برارايدى

بونلر دن بشته ديكر قاريلر دخى وارايدى . و جموعى

اوزیش خاتون اولد قلری خالده دف چارلارلر . وعسکری
غیرته کتوره جک اشعار او قورلر ایدی
عباس ابن عبدالمطلب بدروقه سنده فلا کته او غرا دیقندن
بحکله اعتذار ایدرک کیر و قالد قدن بشقه قریشک بو حال
وحر کتته دأثر بر مکتوب یازدی . و اوچ کونده
مدینه اولاشدر مق اوزره بنی غفار دن اجر تله بر ساعی
طوتوب کوندردی

ساعی کلوب رسول اکرمی قباقریه سنده بوله رق مکتوبی
و بردی

رسول اکرم او مکتوبی ابی ابن کعب رضی الله عنه
حضرتلرینه اوقوتدی . و مکتوم طوتلمسنی تنبیه
ابتدی

بعده قباقریه سی اشرافندن و کبار انصار دن سعاد ابن
الربیع رضی الله عنه حضرتلرینک خانه سنه کیتدی
و محرمانه اوله رق انکله بو کیفیتی مذاکره ابتدی

و بعده مدینه منوره یه تشریف پیوردی . و قریش
اردوسنک احوالی نجس و تحقیق ایچون حباب ابن المنذر
رضی الله عنه حضرتلرینی کوندردی

اودخی چیقوب مدینه یه برقوناق مسافه سی اولان
عریض نام محمله قریش اردوسنی کوردی . و احوالی

تحقیق ایدرك مدینه تگوب کیفیت رسـول اکرمه
خبر و یردی

حباب ابن المنذر رضی الله عنه حضرت تهرینک تحقیقاتی
عباس ابن عبدالمطلبک تحریراته تمامیه موافق کلدی
* هجرت محمدیه نک او چنجه سنه سی شوالنک اوائلنده که
یوم چهارشنبه ایدی . قریش اردوسی مدینه منوره
حذاسنه کلدی

وجبل احد یاننده واقع عینین نام جبل یانسه قوندی
وینچشنبه وجعه کونلری اوراده قالدی

وجعه کیجه سی رسـول اکرم رؤیاسنده کورمش که
برطاقم صغرل بوغازلانیور . وذوالفقار نام قلیچنک
اوجی قیریلوب برکیدیک پیدا اولمش . و آرقه لرینه برمحکم
زره کیوب مبارک النی اول زرهک یاقه سنه صوقش

فرداسی رسـول اکرم بوروئیایی اصحاب کرامنه سویلدی
و (بوغازلانیان صغرل اصحابمدن قتل اولنه جق ذواته
وقلیچمک اوجنده کی کدیک اهل بیتدن برینک قتل
اولنسنه اشارتدر . ومحکم زره مدینه دیمکدر) دیوبتعبیر
ایلدی

و (شـو حاله نظرا مدینه ایچنده طوریکز دشمن ایچرو
هجوم ایدرسه تدافعی وتحفظی جنک ایدیکز) دیوبیوردی

اصحاب کرامدن بعضیلری دخی بوصولی مناسب
کوردی

رئیس المنافقین اولان عبدالله ابن ابی ابن ساول دخی
بورأیده بولندی و (یا رسول الله زمان جاهلیته دشمن
ظهورنده بز نه وقت طیشارو چیقارسه ق مغلوب
اولوردق ونه وقت مدینه ده قیانو بده مدافعه ایدرایسه ک
غالب کلوردک) دیدی

وفي الواقع اویله تدافعی حرکت موافق حال و مصیحت
ایدی . زیرا مدینه نك هر طرفی بنار و دیوارلر ایله
چورلش و کجیدرلری استحكاملر ایله سدايدلمش ایدو کندن
برقلعه حکمنده و رسول اکرمک روئیا سنده کوردیکی کبی
برزره قوی مثابه سنده ایدی

بناء علیه برمدنچک مدینه منوره ده صبر و ثبات اولسه
قریش طائفه سی اردوگاهلرنده طوروب اهل اسلامک
خروجنه منتظر اولدقلری تقدیرده عربانه فتور کلدرک
برخیلیسی صاوشوب کیدردی . و مدینه اوزرینه هجوم
ایتدکاری تقدیرده ایچرودن اوق آتیه رقی برچوخی تلف
ایدبله بیلوردی . و ایکی صورتده دخی قریش اردوسنه
ضعف کلوب اولخالده ایجابنه کوره طیشارو اوغرائیله رقی
اوزرینه هجوم ایله محاربده قازانمق قولای
اولوردی

فقط بدر غزاسنده بولمیان یکیتلر اوراده بولنان غاز یلرک
 نائل اولدیغی اجر و مثوباتی و شهدای بدرک واصل
 اولدیغی درجاتی رسول اکرم دن ایشتمکله اول غزاده
 بولمقدقلرینه آشوری مرتبه متأسف اولمیرله (یا رسول الله
 یا اللهدن بو کونی ایستردک بزلی طیشارو چیقار
 دشمنلریمز ایله کوکس کوکسه جنک ایدلم) دیدیلر

اصحاب کرامدن بعضیلری (ا کر طیشارو چیقماز ایسه ک
 دشمن بزم ضعیفه و قورققلغمزه حل ایدرک شمارر)
 دیو چیقوبده میدان جنکی ایتک صورتنی ترجیح ایتدیلر
 * حضرت حمزه ابن عبدالمطلب ایسه غایت شجاع
 و بهادر بر ذات اوله رق مدینه ده قیاقوب طور مدغه
 حوصله سی متحمل اوله مدیغی جهته همان چیقوبده
 دشمن اوزرینه هجوم ایتک ایستدی

آنک اوزرینه رسول اکرم دخی چاره سز طیشارو
 چیقوبده میدان جنکی ایتک اوزره قرار ویردی و صبر
 و ثبات ایدرسه کز بو کره دخی جناب حق سزه نصرت
 احسان ایدر دیو بیوردی

وجه خطبه سنده فضائل جهادی بیان ایتدی
 وایکند نمازینی جماعت ایله ادا ایتد کدن صکره شینین
 یعنی ابوبکر الصدیق و عمر الفاروق رضی الله عنهما
 حضرتلر ایله برابر حجره مطهره سنه کیتدی

ایکیسی برلکده رسول اکرمک عمامه سین دوزلتدیلر
والبسئ سفریه سین الباس ایتدیلر

رسول اکرم بربری اوزرینه ایکی زره کیدی . وقلجینی
قوشا نوب ینه انلرایله برابر حجره مطهره سندن طیشارو
چیقیدی

سائر اصحاب کرام هپ حاضر اولوب وعوالی قریه لری
اهالیسی کلوب کافه رسول اکرمک چیقمنده منتظر
ایدیلر

حالبو که عسکرلکک مک مهم وظیفه سی حرکات حر بیده
سر عسکر کیم اولور سه اولسون تمامبله آنک امر ینه
اطاعت ایدرک رأی وتدبیر ینه اصلا قارشما مقدر . شو حاله
نظراً فخر عالم حضر تلی تحفظی جنکی تنسیب ایتشیکن
بعض ناسک انی طیشارو چیقمنده مجبور ایتلری بر یوک
خطا ایدی

بناء علیه اوس قبيله سنک ریئسی وانصار کرامک او اوسی
اولان سعد ابن معاذ ایله اسید ابن حضیر (سز رسول
اللهی ایستیره ک چیقمنده مجبور ایتدیکمز ایشی ا کا
بر اقلیدیکزا کا وحی کلور . وایشک اقتضاسنی اوسزدن
اعلا بیلور) دیوانلره توییح ایلدیلر

انلردخی ایتدکلر ینه نادم اولدیلر . و بو کره رسول اکرم
حجره مطهره سندن چیققدقه (یار رسول الله بز سنک

امریکہ مخالفت ایتمیز دیل دیکی ایشله (دیدیلر
رسول اکرم ایسه انلرک ابرامی اوزرینه سلا حلا نوب
آنه بئک اوزره اولدیغندن (بر پیغمبره کوره سلا حلا ندقن
صکره جنک ایتمدن دونمک دخی یاقشماز) دیو بیوردیلر
وهمان آنه بنوب اردوی سعادت ایله خارج مدینه یه
چیقدیلر . وابن ام مکتومی مدینه ده قائم مقام بر اقدیلر
* سعد ابن معاذ ایله سعد ابن عبادہ رضی اللہ عنہما
زرہاو اولدقلری حالدہ رسول اکرمک اوکنده
بوررلردی

احد طاغنه طوغری عزیمت ایلدیلر . مدینه ایله احد
اره سنده کی مسافه بر ساعتدن آذر انجق اوکون
اورایه قدر وارمیوب یاری بولده شینین دنیلان موقعده
کیجه لدیلر

اسامه ابن زید و عبداللہ ابن عمرو زید ابن ثابت و ابوسعید
الخدری کی پکوک چوجقلری بورادن رسول اکرم
کیروچو بردی

واول کیجه محمد ابن مسلمة الانصاری رضی اللہ عنہ
حضر تلی الی نفر عسا کر اسلامیه ایله اردوی سعادتک
اطرافنی طولاشمق اوزره قره غوله چیقدی

مشرکین طرفندن دخی عکرمه ابن ابوجهل بر فرقہ ایله
قره غوله چیقوب طولاشمقده ایدی

ذکوان ابن عبد القیس رضی اللہ عنہ حضرت تری دخی
کیچہ اردو ایچندہ طولاشوب رسول اکرمک چادرینی
محافظہ ایتمکده ایدی

سحر وقتی رسول اکرم اردوی سعادت ایله اول موقعدن
قالقوب احد طاغنه طوغری حرکت یوردی • یاننده کی
عسکرك مجموعی بیک نفر مقداری ایدی

ایکن رئیس المنافقین اولان عبداللہ ابن ابی ابن ساول
کندویه تابع اولان اوچیوز قدر منافقین ایله کیر و
دوندی

آنلرك دونوب کیمسی خزر ج قبیله سندن بنی حارثه
طاغنه سنی واوس قبیله سندن بنی سلمه طاغنه سنی تره
دوشوردی

بوایسه مجرد وسوسه شیطانیه ایدی • جناب حقت
هدایتی ایرشدی • اول ایکی طاغنه منافقینه او یوب
اردوی سعادت ایله احد طاغی اتکنه واردیلر

اردوی هم ایونک مجموعی یدی یوز نفر دن عبارت قالدی
آنلرك دخی یالکن یوز نفری زرھلی ایدی

ویالکن رسول اکرم ایله ابو بردہ رضی اللہ عنہ حضرت تری بیک
برآتی اولوب سائر عساکر اسلامیہ هپ پیاده ایدی

اهل اسلام اردوسی احد طاغنه ارقه و یردی • ومدینه یه
قارشو صف اولوب طوردی

مشرک دخی اهل اسلامك قارشو سنده کی چوراق برده
صفا اولدیلر

قریش سنجاغی اوته دنیرو عبد الدار ابن قصی اوغلارنده
اولدیغی کبی بوکره دخی عبد الدار اوغلارندن طلحه
ابن ابی طلحه قریش اردوسنك سنجاقداری ایدی
بناء علیه رسول اکرم دخی مهاجرین سنجاغی بنه
عبد الدار اوغلارندن مصعب ابن عمیر رضی الله عنه
حضرتلر بنه ویردی

اوس قبیله سنك سنجاغی ایسه اسید ابن حضیر رضی الله
عنه حضرتلر ينك النده وخزرج قبیله سنك سنجاغی
حُباب ابن المنذر رضی الله عنه حضرت ينك النده
ایدی

قریش اردوسنك امیری ابوسفیان اولوب کما نکشلر ينك
سرداری عبد الله ابن ربیعہ وصماغ قول قوماندانی
خالد بن الولید وصول قول قوماندانی عکرمه
ابن ابوجهل ایدی • صفوان ابن امیه ایله عمرو ابن
عاص دخی برر فرقه قوماندانی ایدیلر

رسول اکرم دخی اردوی همایونك وسطنده اولوب
ابوعبیده ابن الجراح ایله سعد ابن ابی وقاص پیشدار
ومقداد ابن عمرومدار وعکاشه ابن محصن اسدی صاغ

قوله و ابو مسلمة ابن عبد الاسد صول قوله مأمور ايديلر
رضي الله عنهم

واردوی همایونک صول طرفنده کی عینین نام طاغده
بروادی اولوب اورادن دشمن سوار یسی هجوم ایتک
ملحوظ اولدیغندن رسول اکرم عبدالله ابن جبر رضی الله
عنه حضرتلرینی الی نفر کما نکش ابله سواری هجومی
منع ایچون اول وادینک اغزینه مأمور بیوردی

ودشمن کک غالب کلسون وکک مغلوب اولسون
بندن خبر کلدیجه سز بورادن آبرلیک ديوامر قطعی
ویردی

بعده رسول اکرم الله بر قلیج الدی که اوزرنده عربجه
(قورقافلقده عار وایلرو کیمکه شرف و عزت وارحالبو که
کشی قورقافلق ابله قدردن قوریله ماز) دیویارلشیدی
حقنی ایفا ایتک شرطیله بوقلیجی کیم آنور دیدی

اصحاب کرامدن بعضیلری بز آلورز دیدیلر ایسه ده
رسول اکرم التفات ایتوب ینه اولکی سوزینی تکرار
ایتدی

نهایت بهادران انصاردن ابودجانه رضی الله عنه
حضرتلری یار رسول الله بوقلیجک حتی ندر دیو
صوردی

رسول اکرم ذی آنک حتی اکیلوب بوکیله نجه دیک

دشمنك يوزينه اور مقدر ديو بيوردي
 ابودجانه رضى الله عنه اوشر طله بن آ اورم ديچك
 رسول اكرم اول قليجى اكا ووردى
 فى الاصل ابودجانه رضى الله عنه ميدان حربده بى پروا
 سكردوب طولاشان بهادرلردن اولديغى حالده بويله
 برالنفات مخصوصه مظهر اوليجق همان قليجى چكوب
 ايلرو يوريدى

بو ائشاده ايسه بر منافق ايله بر مر تد طرفدن حرب وقتاله
 مباشرت اولندى

شويله كه قزمان نامنده بر منافق اولوب بوكره رسول
 اكرم اردوى همايون ايله مدينه دن چيقد قدده او كيرو
 قالشيدى

مدينه ده كي خاتونلرك انى استهزا ايتسي ناموسنه
 طوقونغله در حال اردوى همايونه كمش واك ايلرو چكوب
 جنكه مهيا اولمش ايدى

واوس قبيله سندن ابو عامر راهب دينلوز بر شخص
 وار ايدى كه بعثتدن مقدم رسول اكرمك تشريفنى
 خبرو بر مشيكن ظهور محمد يده حسدنندن ناشى كفر
 وضلالت يولنه سلوك ايتمش . و رسول اكرم دن آير يلوب
 الى قدر اتباعى ايله مكه يه كيتمش ايدى

و (ميدان محاربه ده بن قوممه ملاقى اولور سم جله سى

بکا تابع اولور) دیو فریش ایچند او کونوردی
 حالو که رسول اکرم انی ابو عامر فاسق دیو تلقیب
 ایلش اولدیغندن دکل قومی کندی اوغلی بیله انی قبول
 ایتمک احتمالی یوق ایدی

بنه علیه بوکره ابو عامر اوس قبیله سنه مقابل اولان
 عربان ایچنه کلهرک بن ابو عامر م دیو ندا ایتدکه
 اوس قبیله سی بره فاسق حریف دیو آنی سب
 ایلدیلم

ابو عامر کندی قومندن بویله اوممادیغی برمعامله بی
 کور یجک بن قومک ایچندن چیقهل انلرک افکاری
 بوزلش دیهرک اوس قبیله سبله جنک وجداله باشلادی
 * قرمان ایسه قاریلردن اوتانمش و جنکه پک زیاده
 حرصلانمش اولدیغی جهتهله هر کسدن اول دشمنه اوق
 آتهرق کال شدت ایله حربه شروع ایلدی

اوس قبیله سی دلاورلی ایسه ابو عامری طاشه طوتدیلم
 و طاشلری و اوقلری یاغور کی یاغدردیلم
 ابو عامر فاسق فراره مجبور اولدقدن بشقه اوقولده
 بولانان هوازن قبیله سی اور کوب کبرو دوندیلم و نهایت
 کبروده کی صفه طیاندیلم

آنک اوزر بنه قریشک علمداری اولان طلحه ابن ابی طلحه
 میدان مبارزه به چیقوب اردیلدی

علی ابن ابوطالب رضی الله عنه حضرت تبری ا کا فارشو
چیقدی . و باشنه بر قلیچ اوروب کافری قتل و اعدام
ایتدی

آندن صکره قریشک سنجاغی عثمان ابن ابی طلحه طوتمشیدی
اللهک ارسلانی حزه ابن عبدالمطلب رضی الله عنه
حضرت تبری انک اوزرینه حمل ایدوب قلیچ ایله قوانی
بارهلدی

درحال سنجاغی ابوسعید ابن ابی طلحه آلدی . آنی دخی
سعد ابن ابی وقاص رضی الله عنه حضرت تبری اوق ایله
اوردی

همان سنجاغی نافع ابن طلحه طوتمدی . انی دخی عاصم
ابن ثابت ابن ابی افلح اوق ایله اوروب قتل ایتدی
و درحال سنجاغی حارث ابن طلحه طوتمدیه ده عاصم آنی
دخی براوق ایله اوروب دوشوردی

برادری کلاب ابن طلحه همان سنجاغی اننه آلدی ایسه ده
زبیر ابن العوام حله ایدرک آنی اولدردی

بعده برادری جلاس ابن طلحه سنجاغی آلدی . اودخی
طلحه ابن عبیدالله رضی الله عنه حضرت تبری نیک بدنده
مقتول اولدی

الحاصل عبد الدار اوغلارندن یدی نفر بابا و اوغل و برادر
و عموجه بوسنجاق التمه دوشوب قالدی . بعده

سَنجَاغِي يَنَه عَبد الدار نَسَلَنَدَن اَرَطَات اَبَن شَرَجِيل
آلَدِي

آنی دخی حضرت حزه قتل ایتکله سَنجَاغِي شَرَنج
اَبَن قَارِظ طوَتَدِي . آئِنِدَه اَصْحَاب کَرَامَدَن بَرِي قَتَل
اَبَدِي

آرَتَق عَبد الدار اوغُلار نَدَن سَنجَاغِي طوَتَه جَق کَسَنَه
بُولَمَدِيغَنَدَن يَنَه آنلَر کُولَه لَرِنَدَن صَوَاب نَام شَخْص
سَنجَاغِي آلَدِي . اودخی قَرِزْمَانک بِر حِلَه سَیْلَه تَلَف
اولدی

غَرِیْبِدِر کَه قَرِزْمَانک اَسْمی یَاَد اولنَدَقِجَه رَسول اَکَرَم
آنک حَقَنِدَه اَهْل جَهَنَمِدِر دِیر ایدِي

قَرِزْمَان اَیْسَه بُولُکَرَه اول قَدِر مَرِ دَانَه جَنک اَبَدِي کَه
مَشَر کِیْنَدَن یَدِیْسَنی بِرَه دوشورْدِي

وَنَهَايَت کِیْنَدوسِي دخی مَجْرُوح اوله رَق مَبْدَان مَحَارِبَه ده
دوشوب پَک چَوُق یَرِنَدَن قَان رَوَان اوله یورْدِي

اول حَالَه قَتَادَه اَبَن نَعْمَان رَضی اللّٰه عَنْه حَضَر تَلَرِي
آنی کورْمَش

و (شَهَادَت رَتَبَه سِي مَبَارک اولسُون قَرِزْمَان) دِیَه رَک
حَال وَخَاطِر یَنی صُورْمَش

قَرِزْمَان اَیْسَه (بَنِم اَمَلْم شَهَادَت دَکَلَدِر دِیْنک مَحَافِظَه سِي
خُصُوصِي دخی اَصْلَا خَاطِر مَدَن کَچَمَا مَشَدِر . فُقَط

قریش طائفه سَنَك مدینه خرما لقرینه ضرر وزیران
ایده ماعسی ایچون چالیشوب جبالادم (دیو جواب
ویرمش

ونهایت حیانتدن مایوس اولجق کندی قلیجیله قرنی
یاروب کندو کندوی اولدرمش در

بو محار به ده اك ابد اشهد اولان ابو جابر ابن عمرو ابن حرام
رضی الله عنه حضرت تلیدر

بعده قز قزنداشنك زوجی اولان عمرو ابن جوح
رضی الله عنه حضرت تلی که محار به ده کلورکن یارب
بنی کبرود و ندرمه دیرك جناب حقین رتبه شهادت
نیاز ایتشیدی . دعاسی مقبول اوله رق اوغلی خلاد
ابن عمرو ایله برابر شهدا زمره سَنَه خلق اولمشلردر
رضی الله عنهما

ابو عاصر فاسق اوغلی حنظله رضی الله عنه حضرت تلی که
عبدالله ابن ابی ابن سلولك قیز قزنداشی جیله بی تزوج
ایدوب هنوز برکیجه لك یکی کوکی ایدی . پدری
مرتد وقاین پدری رئیس المنافقین اولدیغی حالد
کندوسی دین اوغورنده جانی فدا ایدن یکتیلردن
اولغله همان کندوسنی دشمن صفته اوردی . و دشمنك
باش قوماندانی اولان ابوسفیانك اوزرینه واردی

لکن شداد ابن اوس نام مشرك یتیشوب اکاشربت

شهادتی ایچوردی . رضی الله عنه

ابودجانه رضی الله عنه حضرت تلیز بنه کلنجه رسول اگر مدن
شرط معلوم ایله اول قلیجی آلدق دن صکره باشنه بر قیرمزی
صارغی صاردی

واوکنه کلان مشرکری قلیج ایله اوروب جرح وتلف
ایدرك صف دشمنی یاردی

حتی اونه طرفه کچوب ابوسفیانک زوجه سی اولان
هندک یاننه واردی

هند ایسه سائر خاتونلرله برابر کیروده دف چالهرق
شیرکنی جنکه تشویق وتحریرک ایدرکن ابودجانه
دالقلیج اولهرق اوزرینه وار یجق نه یابه جغنی
شاشردی

وآنی قورتارمق ایچون کسنه یاننه واره مدی . ابودجانه
ایسه رسول الله قلیجی ایله بویله بیکس برقارینک
باشنه اوریق لائق دکلدر دیرک کیرودونیو یردی

اول کون ابودجانه دن ظهوره کلان شجاعت فوق العاده
هرکسه حیرت و یردی

بوصره ده حمزه ابن عبد المطلب رضی الله عنه حضرت تلیز
ارسلان کبی هر نه طرفه حمله وهجوم ایدر سه اوغورینه
کلان مشرک لر سور یسیله آنک اوکندن صاووشوب
قچارلردی

مشركلرک مطمع نظرلى ايسه اكاظفرياب اولمقدن
عبارت ايدى . لکن ياننه وارلماز برکو کره مش ارسلان
اولدیفندن آنی اوزاقدن اورو بده دوشورمنک چاره سنی
آرارلردی

حتی حضرت جرنک بدر غزاسنده قتل ایتش اولدیخی
طعمینک برادرزاده سی اولان جبیر ابن مطعمک وحشی
ناسنده بر حبشی کولده سی او اوب حبشستان اصولی اوزره
حر به اندازلقده پک ماهر اولمغله جبیرا کا (ا کر حزبی
اولدیرر ايسه ک ازاد اول) دیمش . وهند دخی
بونک ایچون وحشی به پک چوق مکافاتر وعده ایتش
ایدی

بناء علیه بو کره وحشی بر طاش ارقه سنده پوصو به کیروب
وبشفه کسنده به باقبوب همان حضرت حزه بی کوزه در
ایدی

حالبو که محار به پک زیاده شدت بولدی . وقریش
اردوسی فناحالد بوزلدی

حتی کبروده دف چالان هندایله مصاحبه لری اولان سائر
خاتونلر پاچه لری صیوایوب و او یلادیه رک طاعه طوغری
فرار ایندر اولدیار . وعسا کر اسلامیه غارت ویغمايه
قویولدیلر

کما نکشله بو حال کور یجک یولاسلر یمز غالب اولدی

دشمن بتون بتون بوزلدی • نه طوره یورس-کن غنیمت
ای جماعت غنیمت دیدیلر

عبدالله ابن جبیر رضی الله عنه حضرتلری (سمرسول للهک
امرینی اونوتدیکزمی) دیه رک یغما کرلکدن نهی
ایتدیسده دکلله میوب بزده براز مال غنیمت آلام دیه رک
طاغلدیلر

عبدالله ابن جبیر رضی الله عنه حضرتلری یدی سکر نفر
صادق ارقداش-لریله امر نبوی یه امثال ایدر رک
محافظد سندن مأمور اولدقلری موقعده ثبات ایدوب
قالدیلر

قریش اردوسنک صاغ قول قوماندانی اولان خالد ابن
ولید ایسه سواری عسکر یله اول موقعدن مرور ایدوبده
اردوی همایونک صول جناحنه هجوم ایتکی قاج کره
تصور ایتشیکن کما نکش-لردن صافینوب بونیتی اجرا
ایده مامشیدی

بو کره کما نکش رک طاغلدقلری کور بچک فرصتی غنیمت
بیلدی • و غنیمت ایچون طاغیلان کما نکش لر اوزرینه
برشدتلو هجوم ایتدی

و آنلری چکنه یه رک عبدالله ابن جبیرک یانه کلدی
ویانندی ارقداش-لریله برابرانی دخی شهید ایلدی
رضی الله عنهم

خالد ابن ولید اول موقعی ضبط ایتد کدن صکره اردوی
همایونک صول جناخندن طولاشوب ارقه طرفدن
هجوم الیه اهل اسلامی شاشردی . وایچلرینه بر عظیم
تفرقه دوشوردی

شویله که اهل اسلام غالب اولش- یکن ایش دفعه
برعکس اولوب بو غالبیت همان مغلوبیته منقلب اوایو بردی
* واول ائنده حضرت حمزه اوکنه کلان مشرکینی
اوروب طاغتمفده ایکن سباع ابن عبد العزی نام بهادر
اکا قارشو طوردی

حضرت حمزه آنی بر اورشده دوشوروب اولدر دکن
صکره دونوب دیگر طرفه پرتاب ایدرکن سالف الذکر
وحشی نام حبشی پوصودن چیقوب حربه سنی آندی
و حضرت حمزه بنی اوروب شهید ایتدی

سید الشهدا اولان حضرت حمزه بو کره سگزن نفر نامدار
مشرکی اوروب دوش- وردکن صکره کندوسی دخی
بووجهله وحش- ینک بر حربه سیله شهید اولدی .
رضی الله عنه وارضاء

همشیره زاده سی اولان مشهور عبدالله ابن حبش
رضی الله عنه حضرت تلرینی دخی بوصرده ابو الحکم
ابن الاخنس الثقفی شهید ایتشد

ینه مهاجریندن شماس ابن عثمان رضی الله عنه حضرت تری
دخی اول ائشاده شهید اولمشد

وحشی براراق حضرت جز نک یاننه واروب قرنی یاردی
وجکر بنی چیقاروب هنده کونوردی

هندفوق العاده شاد اولدی . وآشوری مرتبه حرص ايله
اول حضرتک جکر بنی اغزینه آلوب چکنه دی
واوئنده باشنده بولانان حلیاتی و یاننده موجود اولان
اموالی شکرانه اوله رق و وحشی یه ویردی

بولدن بشقه مکّه یه عودئنده شوقدر التون دها احسان
ایده جکئی وعد ایلدی . وصاغ اولدقچه وحشی یه
متشکرهاوله جفته دائر بیتلر سویلدی

حضرت جزه نک وفاتی اهل اسلام حقئنده بر بیک
مصیبت ایلدی . لیکن اول حالده کیمه نک آنی دوشونه جک
وقتی اولیوب هر کس کندی باشی قایسنه دوشمشیدی
* زیرا بالاده بیان ایتدی کمز وجهله خالد ابن ولیدک
کیرودن هجوم ایتسی اوزرینه اردوی همایون انهمزاه
وز طوتمشیدی

شویله که اول ائشاده ارقه کره بافکز ای جماعت دیو
برسس ایشیدلدی . آندن اردوی همایونه برقراریشخلق
واهل اسلامه شاشخلق کلدی

ایلر و سکرتمش اولملر تلاش ودهشت ايله کیرو دوندیلر

وارقه زنده کی اهل اسلام دشمن ظنیه اوزر زینه
هجوم ایندیله

وا کرچه اهل اسلام اثنای محاربه دبر بر بنی طایفی ایچون
اولیه ییله زنده امت امت یعنی اولدر اولدر تعبیری وضع
اولمشیدی . لکن شاشقنلق ایله آتی اونوتدیله
بوجهتله دوستی دشمندن فرق وتمیز ایده من اولدیله
وهمان بر بر بنی قیرمغه باشلا دیله

بوز یلوب طاعمش اولان مشرکین دخی طو پلانوب
وکبر و دونوب اهل اسلام اوزر زینه هجوم ایلدیله
ایشته بوقار غشه لقه انصاردن پک چوق ذاتله مجروح
وتلف اولدی . رضی الله عنهم

کبار اصحاب کرامدن خذیفه رضی الله عنه حضرت تارینک
پدری اولان یمان رضی الله عنه دخی بوصره ده شهید
اولمشدر

اشو یمان ایله ثابت ابن وقش رضی الله عنهما پیرفانی
اولوب حرب و ضربه یاره میه جقلری معلوم اولدیغی
جهتله رسول اکرم احد غزاسنه کلورکن انلری کبرو
چو یرمک ایسته مشیدی

لکن ایکسی دخی رتبه شهاده نائل اولقی ایچون
برایکده کلک آرزوسنده بولندقلری جهتله استعدا زینه

مساعده پورانشیدی . بوکره ابکیسی دخی بر مراد
اولدیلر

دشمنلر بووجهله فرجه بولدقدن صکره فخر عالم صلی الله
علیه وسلم حضرتلرینک اوزرینه هجوم ایتدیلر

ویانده کی جمعیت اسلا میه بی طاغتلر . واوزرینه
پک چوق اوقلر و طاشلر آتدیلر

سعد ابن ابی وقاص رضی الله عنه حضرتلرینک برادری

اولان ملعون عثبه ابن ابی وقاص حضرت پیغمبرک
دوداغنی یاردی . وردیشنی قیردی

وعبدالله ابن قحّه نام ملعون دخی مبارک بناغنک اوستنی

یاردی . وزرهنک ایکی خلقه سی قیریلوب قوپه زق
بو یاریلان یره باتوب ایچرو کیردی

رسول اکرم ایسه کندوسنک قانی ربوزینه طملایوبده

آندن طولایی قومنه عذاب نازل اولسون دیو یوزندن

آقازقانلری سیلرو (یارب قومم جاهلدرسن انلره هدایت

ایت) دیو دعاایلر ایدی

اول اشناده مشرکینک برفرقه سی رسول اکرم اوزرینه

هجوم ایتدکده حضرت علی رضی الله عنه وکرم الله

وجهه قارشو چیقوب آنلرک ربیسی اولان هشام ابن

امیه المخزومی بی قتل ایدیجک ارقداشلری فرار ایتدی

مؤخرادیکر برفرقه ایله عمرو ابن عبدالله جمعی هجوم

ایتد کده دخی حضرت علی رضی الله عنه آنی قتل
ایدیجک ارقد اشتری فراره یوز طودی
بعده دیکر بر فرقه نک هجومده حضرت علی کرم الله وجهه
آنلرک ربیسی اولان بشر ابن مالک عامری بی دخی قتل
ایتمکله آرتق سآری صاووشوب کیتدی

الحاصل حضرت علی اول کون دشمنلرک کوزینی
قور قوتدی . و عی حزه کبی اللهک برارسلانی اولدیغنی
اثبات ایتدی

اول اثناده ام عماره دیومعروف اولان نسایبه خاتون
دخی میدان چیقوب غایت مر دانه جنک ایدیوردی

اشبو نسایبه رضی الله عنها حضرتلری مازن ابن نجار
اولادندن اولان کعبک قیزی وانصار دندن ید ابن عاصمک
زوجه سیدر . وهجرتدن مقدم مکده کید و بده عقبه ده
رسول اکرمه بیعت ایدنلردندر

بوکره زوجی وایکی اوغلی ایله برلکده احد غزاسنده
بولوب بهادر لغنی یار و اغیاره بکندردی . و نیجه بهادر
ارلری اوتاندردی

حتی رسول اکرمک اوزرینه هجوم ایدن فدا بیلردن
برسوارینک ایاغنی قلیج ایله قلم واری آیردی . و آتندن
اشاغی دوشوروب اولدردی

و کندوسی بر قاج برندن یاره لنوب قانلری آقارکن

بی پروا قوجہ سنی و اوغلارینی جنکہ تشویق و تشجیع
ایلردی

و دشمن ہرنہ طرفدن رسول اکرمک اوزرینہ هجوم ایتسه
همان زوجی و اوغلاری ایله یتیشوب مدافعه ایلردی
بناء علی ذلک رسول اکرم (یارب بونلری بکا جتده
رفیق ایله) دیودعا ایتدی

واوصرہده ملعون ابن قثمہ (بکا محمدی کوستریکز
یاویان) دیهرک رسول اکرم اوزرینہ حمله و هجوم
ایتد کده نسبیہ خاتون رضی اللہ عنہا کا قارشو چیقدی
واوج کرہ قثمہ قلیج چالدی . لیکن ملعون بربری
اوزرینہ ایکی زره کیمش اولدیغندن کسدیره مدی
ابن قثمہ ایسه قلیج ایله حضرت نسبیہ نک اوموزینی
یارہلدی

و علمدار نبوی اولان مصعب ابن عمیر رضی اللہ عنہ حضرت تلی
زرہنی کید کده رسول اکرمه بکره دیکندن ابن قثمہ
انی رسول اکرم ظنیله اوروب شهید ایلدی
آنک اوزرینہ رسول اکرم لواء شریفی حضرت علی یه
و یردی . و اوزرینہ کلان دشمنلرک یوزلرینی کیرو
چو بردی

ابن قثمہ ایسه همان ابوسفیانک یانہ واردی . و محمدی
اولدرم دیو مرده و یردی

بوجهته كروه مشركين فوق العاده ممنون اولدى
و بوحوادث عسكر ايچنه يالدى . و طاغ اوزرندن
يوكسك سس ايله بى محمد قتل اولدى ديو باغردى
* ايسته بوحوادث اهل اسلامى بتون بتون شاشردى
وتعريف اولماز مرتبه ياس وحيره دوشوردى

كروه مشركين ايسه پيدى رسول اكرم اوزرينه
هجوم ايله يانده مى جمعيت اسلاميه بى طاغديلىر .
وهر طرفدن آنى احاطه ايتديلىر

حتى اولوقت جبرائيل وميكائيل عليهما السلام انسان
صورتنه كيروب ورسول اكرم يانده طوروب انى محافظه
ايتدكلرى . واول حالده رسول اكرم الله برچوق اوفه جق
طاغلا آوب دشمنلرك اوزرينه آتمغه صاوشوب كيتدكلرى
مرويدر

اهل اسلام ايسه رسول اكرمى كوره من اولدقلىر حالده
قتل اولديغى حوادثنى ايتدكلرى كى نه يابه جقلىرىنى
شاشردىلىر

وجهه سى پراكنده وپريشان ومدهوش وحيران اولدقلىر
حالده قضاو بلا اولقلىرىنه سينه لرىنى سپرايدرك انجامكاره
منتظار ايدىلىر

وايچلرندن بعضيلرى چونكه رسول اكرم قتل اولمش
زده باشمرك چاره سنه باقلى بزديرك برطافقى طاغيلوب

طغله استناد ایتدیلر • برازی دخی دونوب مدینه به
قدر کیتدیلر

اولوقت انس ابن مالک رضی الله عنه حضرت تلمینک
عموجه سی اولان انس ابن نضر رضی الله عنه حضرت تلمی

(ای جماعت مسلمین محمد قتل اولندیسه تکریمی باقیدر
دین مبین اوغورینه جنک ایدوبده شهید اوله رق
اکفار شتی ایستزمیسکن) دیرک سائره جسارت و یرمش
وشهید اولنجیه دک جنک ایتمش در • رضی الله عنه

رسول اکرم اول حالده قطب عالم کی ثابت قدم اوله رق
پرندن اصلا قیلامدی

کبار اصحاب کرامدن برازی دخی پروانه کی رسول اکرمک
اطرافنده طولاشور اولدقلری جهته در حال آنک باشی
اوچنه طوپلانیو یردیلر

بونلرمهاجر یندن ابوبکر وعمر وعلی وعبد الرحمن ابن
عوف وسعد ابن ابی وقاص وزبیر ابن العوام وطلحه
ابن عبید الله وابوعبیده ابن الجراح ابله مقداد وانصاردن
ابودجانه وحباب ابن منذر وعاصم ابن ثابت وحرث
ابن الصمة وسهل ابن حنیف وسعد ابن معاذ واسید ابن
حضیر ابله سعد ابن عبادہ ومحمد ابن مسلمة رضی الله عنهم
حضراتی ایدیلر

طوفان بلا ایچنده دومنسزکی کی طولاشان اصحاب کرامدن

کعب ابن مالک الحزرجی رضی الله عنه حضرت تلمی
فارشدن رسول اکرمی کوردی . واطرافنده کی اصحاب
کرامه خبر و یردی

همان برر ایکیشر طوپلانوب حضرت پیغمبرک یانه
کابلر . و او تو زفره بالغ اولدیلر . بعده سائر اهل اسلام
دخی کلوب طوپلانومه باشلادیلر

اول اثناده زیاده ابن السکین رضی الله عنه حضرت تلمی
دخی انصاردن اون درت نفر فدائی یکتیلر ایله کلوب
حضور نبویه اثبات وجود ایلدیلر

کروه مشرکین ایسه کا . رسول اکرمه اوق و طاش
آنارلر . و کا طاقم طاقم اوزرینه هجوم ایدرلر ایدی

ابودجانه رضی الله عنه حضرت تلمی دخی رسول اکرمک
اوزرینه قپانوب دشمنک اوقلرینه و طاشلرینه کندوسنی
سپر ایلردی . بوجهتله پک چوق یرندن مجروح
اولدی

حضرت طلحه رضی الله عنه دخی کندوسنی سپر ایدرک
رسول اکرمی محافظه ایدرکن برشدتلو ضربه ایله الی
یاره انوب چولاق قالدی

سهل ابن ابی وقاص رضی الله عنه حضرت تلمی دخی
حضور نبویه اوق جنکی ایدردی . شویله که رسول

اکرم اکادما ایدرک اوق و یروب اودخی آناردی
 اول کون سعد ابن ابی وقاص حضر تیر بنک دشمنه
 قارشو بیک اوق آتمش اولدیغی مرویدر
 بوصره ده مشرکینک برفرقه سی شدتلو هجوم ایندکده
 رسول اکرم بونلره کیم قارشو حقیقه جق دیو صوردی
 زیاد ابن السکن رضی الله عنه حضر تیری بن چیقارم
 یار رسول الله دیو جواب و یردی
 و کندوسنک فدای ارقداشاریلره برابر قارشو حقیقه
 جله سی شهید اولنجیه دک دوکشیدیلر . رضی الله عنهم
 * و زیاد ابن السکن قلیج ایله یاره انوب یره دوشدکده
 رسول اکرمک امر یله اصحاب کرامدن بعضیلری
 یتیشوب آنی قالدردیلر . و حضرت پیغمبرک یاننه
 کتوردیلر

رسول اکرم آنی قوجاغنه آلدی . و صوک نفسه
 رسول اکرمک مبارک یوزینه باقه رق جان و یروب جنت
 علیایه روان اولدی . رضی الله عنه
 منصب نبوتدن صکره شهادت رتبه سنک فوئنده بر مرتبه
 یوقدر فخرعالت قوجاغنده جان و یرمک ایسه پک بیوک
 بر مرز یتدر

وهب ابن قابوس مرزنی ایله برادر زاده سی حارث ابن عقب
 رضی الله عنهما وقعده دن بی خبر اولدقلری حالده

مجرد رسول اکرمی زیارت ایچون جبل مزینہ دن قالقوب
مدینہ بہ کلمش . و رسول اکرمک احد غزاسنه تشریفی
خبر آلمش

در حال مدینہ دن چیقوب اردوی همایونه کادیلر
اولوقت ایسه هنوز عسا کر اسلامیہ منہزم اولمش
ایدو کنندن همان میدانہ کیردیلر . و مر دانه جنکه کیرشدیلر
❖ ایشته اولوقت وهب رضی اللہ عنہ حاضر تلرندن
کوریلان مر دلاک و بهادرلق طوغریسی طرفینہ حیرت
و یردی

حتی ایکی دفعہ رسول اکرمک اوزرینہ هجوم ایدن
فرقه لره قارشو چیقوب دشمنلری کیرو چو یردی
بعده دیگر براو چنجی فرقه نک هجومنده رسول اکرم
یابونلره کیم قارشو چیقہ جق دیو صوردی
وهب ابن قابوس رضی اللہ عنہ حاضر تلری ینہ بن یار رسول اللہ
دیو جواب و یردی

فخر کائنات علیہ افضل الصلوات حاضر تلری وهبک
بوسوزندن ممنون اوله رقی یارهب قالیق و جنت ایله مبشر
اول دیو یوردی

وهبک اقصای املی ایسه حضور نبویده شہادت
رتبه سنی آلمندن عبارت اولسیله اول فرقه یه دخی قارشو
واردی

وآنیده اوروب کبر و چو یردی • فقط بو کره کندوسی
دخی شهید اوله رق می اینه ایردی • رضی الله عنه
بعده رسول اکرم و هبک جنازه سی یانه واردی • روحنه
سلام و دعا ایتدیکی صرده بن سندن خوشنودم دیو
بیوردی

انکچون عمر الفاروق رضی الله عنه حضرتلری قابوس
اوغلی کبی اولیکی جائمه منت بیلورم دیر ایدی
مدینه ده مخیر بقی نامنده هم اهل علم و فضیلت و همده
صاحب یسار و ثروت بر یهودی وار ایدی
رسول اکرم کتب سماویه ده مذکور اولان نبی آخر الزمان
اولدیغنه اینامش و قانمش ایدی
فقط بردن بره دیندا شلرندن آریلو بده اسلامی اظهار
ایده میوردی

غزوه احد کونی دیگر رؤسای یهودک یانته کیدوب
(کتب سماویه به نظرا بو کون احد ده جنگ و جهاد ایدن
ذات شریفک نبی آخر الزمان اولدیغنده شبهه یوقدر
اکا یاردم ایتک اوزر یمزه فرضدر) دیدکده انلردخی
(بو کون یوم سبتدر برایشه یاپیشه میز محار به به فصل
کیدهلم) دیمشله

مخیر بقی (آنک شریعتی یوم سبت رسمی نسخ ایتدی

قالقز کیدلم اولنی ذیشانہ یاردم ایدلم (دیمش ایسه ده
دکله مامشلم

اودخی آرتق طیانہ میوب اعلان اسلام ایدرک حضور
نبوی به کلدی

(یارسول الله اکربن شهید اولورسم جله اموالی امور
جهاده صرف ایت) دیو وصیت ایتدی

بعده کندوسنی اورته به آندی • ومرا د نه جنک ایدرک
شهید اولوب دارجسته کیتدی

ایشته آنک حقهده رسول اکرم (مخیریق ملت یهودک
اک خیرلوسیدر) دیمی • رضی الله عنه

بنه اول اثناده عثمان ابن مغيرة الخزومی رسول اکرمک
اوزینه آت سوردی

حالبو که ابو عامر فاسقک اهل اسلامی دوشورمک ایچون
قازمش اولدیغی برقوینی به دوشیوردی

درحال حارث ابن الصمه رضی الله عنه حضرتلری
یتشدی • وقلیج ایله اول لایقونی اوروب اولاردی

واسب واسلمه سنی آلوب کتوررکن عبید ابن عامری
کیهردن ایرشدی • وحارثک اوموزینی یاره لدی

لکن ابودجانه رضی الله عنه حضرتلری برودن صاعقه کبی
یتشدی • وعبیدی اوروب اعدام ایلدی

مشرکینک ماهر کما نکش لرندن حیّان ابن العرفه ایله مالک
ابن زهیر یقین یرده برطاش آرقه سنه صاقلانوب
اوق آتوق اصحاب کرامی ازجاج ایتکده ایدیلر
حتی رسول اکرمک آزادلوسی ام ایمن رضی الله عنها
حضرتلری غازیله صواواشد بر . و یاره لوره بقارایکن
حیان براوق آتوب آرقالدیکه بیچاره خانونی اولدیره
یازدی

آنک اوزرینه رسول اکرم سعد ابن ابی وقاصه براوق
و یردی آت یاسعد الله تعالی راست کنوره دیو بیوردی
* سعد ابن ابی وقاص حضرتلری دخی آندی . و اوق
اصابت ایتدی . حیّان یقیلوب درحال جان و یردی
* اول حالده مالک ابن زهیر اوق آتمق اوزره ییلان کبی
طاش آرقه سندن باشی چیقارر چیقارماز حضرت سعد
اکادخی براوق آندی . وانی دخی باشندن اوروب
اولدردی

الحاصل اعدا هر نه طرفدن هجوم ایتدیسده اهل اسلامدن
برطاقم فداییلر فوق العاده جسارت ایله قارشولدیلر
مشرکین دخی آرتق ایستکلری کبی قوه اسلامیه بی
بتون بتون محو ایدیه جکلرینی اکلا دیلر
بو صورته محاربه پازاری براز طاووسادی ایدیه اصحاب
کرام او یله آحق و مخاطره لو یرده طور مناسی

کور میوب رسول اکرم ایله برابر برمان وادی به کبر دیلر
و جبل احده آرقه و پردیلر

رؤسای قریشدن و دین اسلامک ال بیوک دشمنلرندن
اولان ابی ابن خلف که مکده ایکن رسول اکرمه
تصادف ایتمکده (یا محمد برآت بسایورم آنک اوستنده ایکن
سنی اوروب اولدیره جکم) دیوب رسول اکرم دخی (ان شاء لله
تعالی سن آنک اوزرنده ایکن بن سنی اولدیر یرم)
دیر ایش

و ابی ابن خلف بدرده اسیر اولوب بدل اعطاسیله
فور تولشیکن اوصلا تمیوب بنه اوسوزی تکرار ایدر ایش
* بناء علیه رسول اکرم بو کره ابی ابن خلفدن امین دکلم
شاید که آرقه دن هجوم ایده جک اولور سه بنی آگاه ایدیکز
دیو اصحاب کرامنه تنبیه ایتشیدی

ناگاه بو صرده ابی ابن خلف نعره اوروب (یاسن یابن)
دیه رک طولی دیزکین رسول اکرمک اوزرینه هجوم
ایدیکجک اصحاب کرامدن بعضیلری آنی قارشوله مق
ایستدی

رسول اکرم طوقونیکز دیو بوردی • والته برحر به
آلوب آندی • و آنی اوروب آنندن اشاغی دوشوردی
* ملعونک برا که کوی قیلدی • همان فریاد ایدرک
و محمد بنی اولدردی دیهرک قاچوب قومک یانه وردی

ابوسفیان باقوب کوردی که برده سی واری شده یارده سی یوق
قان آقور بهوده تلاش ایدور سین برشی یوقدر دیوتسلیت
و یردی

ابی ابن خلف ایسه (مقدما محمد بکا بن سنی اولدیر یرم
دیرایدی . فی الواقع اولدردی . زیرا بوضربه دن
بنم ایچون خلاص یوقدر) دیرایدی

فی الواقع دونوب مکه یه کیدر کن اوکوز کی باغیررق
ائشای راهده هلاک اولمشدر

جناب حق ابن قثمه بی خورو خاکسار ایتسون دیورسول اکرم
دعا ایش اولدیغندن ابن قثمه مکه یه عودت ایدوب
چند روز صکره طاعه کیتدیکنده اللهم امر یله اکابر بیان
کچبسی مسلط اولوب یوینوزل یله سوسه رک آنی پاره پاره
ایتمشدر

رسول اکرم عتبه ابن ابی وقاصه دخی یبانی تکمیل
ایتمسون دیوبدعا ایتش اولدیغندن اوده سنه سی ایچنده
مشرك اولدیغنی حالده هلاک اوله رق جانی جهنمه
اصمار ایوب کیتمشدر . لعنة الله علیهم

رسول اکرم اصحاب کرامیله وجه مشروح اوزره جبل
احدک اول وادیسنه کیدوب طو پلان دیلر
شوراده بوراده متفرق اولان اهل اسلام دخی اورایه
کلوب بارندیلر

بعده حضرت علی رسول اکرم صوکتوروب یوزینی
بیقادی . وابدست آلوب او یله نمازینی قیلدی

ومبارک یوزینه باتمش اولان ایکی خلقه بی ابو عبیده ابن
الجراح رضی الله عنه حضرت تیری اوک دیشلر یله طوتوب
چیقاردی . وچیقار رکن کندوسنک ایکی دیشی
دوشدی

واول خلقه لر چیققدن صکره برلزدن قان بوشاندی
آنک اوزرینه ابوسعید الخدرینک پدری مالک ابن سنان
الخدری آقان قانلری امدی . رضی الله عنهما
هند ایله یولداشلری اولان سائر نساء قریش میدانی
خالی بولیحق کلوب شهیدانک برونلرینی وقولاقلرینی
کسدیلر . وآنلردن بیله زکلو وکردنلکلر یایدیلر

ابوسفیان جبل احدک اول وادیسنده برجعیت اسلامیه
پیدا اولدیغنی کور یجک انلری طاغیدوب نحوایتمک
اوزره برفرقه مشرکین ایله بشقه یولدن آنلرک اوست
طرفنه چیققیق ایستدی

رسول اکرم (یارب آرتق اورایه چیققه مسونلر) دیو
دعایتدی . ودعاسی مستجاب اولدی

ابوسفیان هر نقدر چالیشوب جبالا دیسه ده یوقارو چیققه مدی
ورسول اکرمک تأثیر دعاسیله آرتق طوفان حرب
وفته یه سکونت کلدی

فقط رسول اکرم صاغ اولوب اولدیغنده ابوسفیانک
شبهه سی اولدیغندن آنی حل ایتک ایستردی
بناء علیه اول جمعیت اسلامییه خطا با اوچ کره (ایچکرده
محمد واری) دیو صوردی

رسول اکرم اصحاب کرامند (صوصکن جواب و یرمیکن)
دیو پوردی

ابوسفیان ینه اوچ کره (یا ایچکرده ابو بکر واری) دیو
چاغردی

ینه سس چیمدیغندن اوچ کره دخی (عمر ابن الخطاب
واری) دیو باغردی

آندن دخی برسس چیمدیغنی کی ابوسفیان آرتق دیگر
اصحاب کرامی صورمدی

چونکه دین اسلام قیامی انجق انلرله اولدیغنی مجزومی
اولدیغندن بشقه لرینی ارا یوب صورغه لزوم کورمدی
* وهمان دونوب کندی قومنه (اکر صاغ اولسه لر
البته جواب و یرلردی . بونلرک اوچیده وفات ایتمش
و آرتق ایش بتمش) دیدی

حضرت عمر الفاروق آرتق طیانه میوب (اللهک دشمنی
یلان سو یلدهک . صایدیفک ذاتلر هپ صاغدر سنک
حقکدن کله جکر باقیدر) دیدی

ابوسفیان (محاربه نوبته در بو کون بدر کونه بددر)
دیدى

حضرت عمر (اوت اما برابر دکلز زیر ایزم مقتول لریمز
جنتده وسزك مقتول لر یكز جهنمده در) دیدى

ابوسفیان (عالی اول هبل عزیز اول هبل) دیهرك
هبل نام بته دعا وشكر ایتدی

چونكه هبل كعبه ده برچوك بت ایدی . ابوسفیان
بوكره سفر ایدجك اولدقده آنك یاننه كیتش و كیده یمى
كیتیه یمى دیو قرعه آتمش . واوت دیو چیقش
اولدیغندن بوغلبه سنی هبلدن ببله رك اكا اشكر ایتش
ایدى

آنك اوزینه رسول اكرمك امر یله حضرت عمر دخی
(الله اعلى واجل) دیدى

ابوسفیان (بزم عزامز وار سزك عزاکز یوق) دیهرك
عزى دیدكلری بت ایله مباهاات ایلدی

حضرت عمر دخی (الله بزم مولا مز در سزك مولا كز
یوقدر) دیدى

ابوسفیان بروكل یا عمر دیدى . حضرت عمر دخی
رسول اكرم دن اذن آلوب براز ایلر و واردی

ابوسفیان (یا عمر الله ایچون طوغری سویله بزمحمدى
قتل ایتدكى) دیو صوردی

حضرت عمر (یوقی واللہ رسول اکرم شمعی سنک
سویلد یکک سوزلری ایشید یور) دیوجواب و یردی
بونک اوزرینه ابوسفیان دخی بن سکا ابن قثمہ دن دهازباده
اینانورم دیدی

آندن صکره ابوسفیان دونوب کیده جک اولدقده (کله جک
سنه سزکله بدرده بولوشلم) دیدی
حضرت عمر دخی رسول اکرمک امر و تعلیمی ایله
(ان شاء الله) دیدی

مشرکار بومر تبه غالب کلشیکن جناب حق آنلرک قبلرینه
قورقو و یردی همان محاربه دن بتون بتون فراغت ایتدیلر
ومکه یولانی طوتوب کیر و کیتدیلر

اولوقت رسول اکرم (عجباً سعد ابن الربیع نه حالده در
شهدا اره سنده میدر یوخسه یاره لیلر ایچنده میدر اکا
طوغری اون ایکی قارغی ایله هجوم اولندیغنی کوردیم)
دیوبوردی

وآنی ارایوب بولوق ایچون محمد ابن مسلمه رضی الله عنه
حضرت لرینی کوندردی

اودخی شهداک اولدیغنی محله واردی . و برقاج کره
یاسعد ابن الربیع دیوجاغردی
برسس چیقیمیوب (تا که رسول الله بنی سکا کوندردی

ياسعد (ديجك برضيف سس ايله (بن اولولر ايچنده يم)

ديوجواب و پردی

محمد ابن مسلمه آنی شهيدا ارسنده بولوب کوردی که
بك چوق قلیج وقارغی و اوق یاره لر یله جسمی دلیک
دشیک اولمش و حالت نزعہ کلمش

اول حالده سعد ابن الر بیع کوزینی آچدی . و محمد ابن
مسلمه یه خطابا (رسول الله بنم سلامی تبلیغ ايله و سویله که
بن جنتك قوقوسنی طویله یورم . قوم که ده بدن سلام ايله
و سویله که کبر پکلیک یکنز قیلدا دقجه پیغمبر یکنز اخلاص
خصوصنده عند الله معذور اوله مازسکنز) دیدی
و در عقب تسلیم روح ایلدی

اشبوسعد ابن الر بیع عقبه ده رسول اکرمه بیعت ایدن
کبار اصحاب گرامدن اولوب اسعد ابن زراره دن صکره
انصارك اولوسی اوایدی . رضی الله عنه وارضاه

محمد ابن مسلمه حضور نبوی به کلوب سعدك سلام
و کلامی تبلیغ ایتد کده رسول اکرم (یارب سن سعد ابن
الر بیعدن راضی اول) دیودعا ایتدی

بعده رسول اکرم شهیدلری معاینه یوردی . و حضرت
حزنبی کوردی که بورنی وقولاقلری کسلمش قرنی
یارلمش جسمی پاره پاره ایدلمش

آندن رسول اکرم اوقدر محزون و مکدر اولدی که هیچ

بر وقتده اول مرتبه متأثر اولدیغی کورلما مشدر
اولوقت جبریل امین نازل اولدی . وحضرت حمزه
کو کوردن الله ارسلانی ورسول الله ارسلانی دیو
یازلمش اولدیغی خبر ویردی

غریبدر که اول کون صباحلین عبدالله ابن جحش ایله
سعد ابن ابی وقاص رضی الله عنهما برکناره چکیلوب
جناب حقده دعا ایتمش سعد ابن ابی وقاص (یارب بر بیوک
دشمنه راست کلوب جنک ایدرک اکا غالب ومظفر اولهیم)
دعش . عبدالله ابن جحش اکا آمین دید کدن صکره
(بنده بر بیوک دشمنه راست کلوب جنک ایدهیم ونهایت
شهید اولهیم بورنم وقولا قلم کلسون یارین روز جزاده
الله تعالی حضرت تیری بکابورنک وقولا قلم نزهده کسلدی
دیجک یارب سنک ورسولکک یوانده کسلدی دیهیم)
دیو دعا ایتمش بوکره شهدانک معاینه سنده سعد ابن
ابی وقاص آتی اول حالده کور یجک تعجب ایلمشدر

حضرت حمزه رسول اکرمدن ایکی یاش بیوک ابدی
عبدالله ابن جحش دخی اولوقت قرق یاشنی مجاوز
ایدی

انصار کرامدن ابوجابر رضی الله عنه حضرت تیری دخی
او قدر پاره پاره ایدلمشیدی که کیم اولدیغی کوچ حال ایله
پارمقلمدن بیانه بیلمدی

الحاصل قریش طائفه سنك شهدا حقهده اصلا انسانیده
یاقشیمه جتی صورتده وحشیانه معامله لر اجرا ایلمش
اولدقلری کورلدی

رسول اکرم شهدایی اول حالده دفن ایتدزدی
شوبله که بر حیات ایکن بینلرنده انس والفت اولان شهیدلر
ایکیشر اوچر بریره دفن اولندیلر

از جمله حضرت حمزه ایله همشیره زاده سی عبد الله ابن
جحش ایکیسی برقبره وابوجار ایله قیزقرداشنك قوجه سی
اولان عمرو ابن جوح وخارجه ابن زید اوچی برقبره
قونلدیلر

بومحاربه ده مشرکینك تلفاتی یکریمی ایله اوتوز نفراره سننده
اولدیغی حالده شهدانك مقداری یتیمش نفر ایدی

بوندن بشقه اهل اسلامك برخیلی مجروحلری دخی
وار ایدی . وبویتمش نفرش-هیدك یالکز بش التیمی
مهاجریندن اولوب باقیسی هپانصاردن ایدی

بوهمیت اهل اسلام حقهده بریبوك بلا ومصیبت
اولدیغی حالده عساكر اسلامیه به من طرف الله برتربیه
معنویه ایدی

زیرا افراد عسکریه به کوره هیچ برسر عسکرک ایشنه
قارشمق جائز دکل ایکن عساكر اسلامیه رسول اکرمک
رأی وتدبیرینه مداخله ایتدیلر

و رسول اکرم مدینه منوره ده طور و بده تدافعی جنگ
ایمک نیتده ایکن آنی میدان محاربه سی ایتمکه مجبور ایلدیلر
❁ هر نه ایسه بو خطاری عفو اولنه رقی رسول اکرم
دشمنه قارشو واردی . واحد طاغنه آرقه و یردی

و دشمنک سوار یسنه مقابل سوار یسی یوق ایکن عساکر
اسلامیه بی بر صورتده تعبیه ایتدی که سواری هجوم
ایده بیله جنگ یا امکز صول جنا حنده بر موقع قالوب آنی دخی
کما نکشلا ایله قیاتدی

واهل اسلامه نسبتله دشمنک قوتی قات قات زیاده ایکن
دشمن اردوسنی منهزم و پریشان ایتدی

چه فائده که کما نکشلاک اکثری یغما کرلک سودا سبیله
محافظه سنه مأمور اولدقلری موقعی براغوب طاغلدیلر
و بویله بر بیوک بوزغونلغنه سبب اولدیلر

عساکرلک آمرک امرینه اطاعتدن عبارت اولوب
کندی افکارینه او یان افراد عسکر بهنک بویله بیوک
فناقلره سبب اوله کلنگری مجرب و مسلمدر

ایشته وقت محاربه ده ترک موقع ایمک نه بیوک جنایت
اولدینی بوندن رعنا معلوم اولور

رسول اکرم شهدایی دفن ایند کدن صکره مبارک یوزی
مجروح و قلبی محزون اوله رقی اصحاب کرامیله برابر احدثدن
قالقوب مدینه کلدی

شهدانك اولاد و عيال واقربارى اغلاد قجه گروه منافقين
 بمنون اولوردى . اهل اسلامك بومغلو بيتى اوزر ينه
 يهود طائفه سى دخى شماردى
 الحاصل دين اسلامك دوست و دشمنى آبرلدى و صحيح
 مسلمان اولانلر سچالدى

قريش اردوسى عودت ايدوب كيدر كن عكرمه ابن ابو
 جهل سائر رؤسا به خطابا (نه ايش كورد يكن بوقدر
 غلبه به مظهر اولمش يكن محمد يلى بتون بتون بتور مدين
 كبر و دونديكن چوق كچم يوب انلر ينه طوپلانورلر واخذ
 انتقام ايچون اوزر يمه گلورلر كارعاقل بودر كه دونوب
 مدينه به كيدلم . و آنلرى كوكن محو ايدلم) ديمش
 * صفوان ابن اميه دخى (شايد كه اوس و خزرج
 قيله لى بوقدر آدم لرينك تلف اولمسندن طولابى
 قيزوبده جنكه چيقماش اولنلرى دخى اخذ انتقامه
 قيام ايدرك كافه حركت ايدرلر ايسه ايش برعكس
 اولور حاضر مظفر اولمش يكن آغز يمرنك داديله مكه به
 واردلم) ديهرك عكرمه نك رآينى جرح اينش

ابوسفيان ايسه بوايكي رآى بيشنده متردد اولديغى حالده
 بووجهله بحث و مجادله ايدرك روحا مر حله سنه وار مشلر
 واوراده كبر و دونوبده مدينه اوزر ينه كلمكه قرار
 و بر مشلر

حالبو که آنرا ثنای راهده اول وجهله مباحثه و مجادله
ایدوب کی در لر ایکن عبدالله ابن عمرو المزنی یانلرنده
بولنه رقی آنلرک سوزلرینی ایشتمش و فرداسی صباح نمازی
وقتندن اول مدینه یه کلوب ایشدیکنی رسول اکرمه
افاده ایلش

رسول اکرم ابو بکر الصدیق و عمر الفاروق رضی الله عنهما
حضر تلرینی چاغردی . و مزنینک سوبلدیکنی آنلره
افاده ایلله استشاره بیوردی

آنلردخی دونکی محاربه دن طولای اهل اسلامک ضعیف
دوشمدیکنی کوسه ترمک و دشمنه برکوز طاغی و یرمک
اوزره چبقوبده آرقه لرینه دوشمک صورتینی مناسب
کوردیلر

بناء علی ذلک رسول اکرم صباح نمازینی جماعت ایلله
مسجد شریفده قیلدقدن صکره اصحاب کرامنی دعوت
ایتمک اوزره بلال حبشی رضی الله عنه حضر تلرینه
امرایتدی

اودخی مأمور اولدیغی وجهله دونکی کون اخذ جنککنده
بولانلر حاضر اولوب کلسونلردشمنک آرقه سنه دوشوله جکدر
دیوندا ایلدی

جمله اصحاب کرام حاضر اولدیلر . حتی مجروح اولنلر
دخی یاره و بره لرینی صاروب کلدیلر

رسول اکرم همان ابن ام مکتوم رضی الله عنه حضرت تلبی بنی
مدینه قائم مقام بنده تعیین بیوردی . ولواء شریفی علی
ابن ابوطالب رضی الله عنه حضرت تلبی بنه و بردی
و کندوسی دخی مجروح اولدیغی حالده آتیه بندی
والتبوز اوتوز قدر احد غازیلر یله مدینه دن چیقوب
جرء الاسد نام موقعه واردی

جرء الاسد مدینه نك سكر میل مسافه بعدنده و مدینه دن
ذوالحلیفه نام محله کیدر کن یولک صول طرفنده بریرک
اسمیدر که رسول اکرم بو کره اورایه واروب اردو قوردی
* ابو معبد خزاعینک اوغلی معبد لمصلحه مککه یه
کیدر کن اورایه اوغرادی . و رسول اکرمک یاننه کلوب
دونکی کون اصحاب کرانک مصاب اولسندن طولایی
تعزیت ایتدی . و بعده قالقوب کیتدی
معبد روحانن کچر کن ابوسفیان ایله کورشد کده ابوسفیان
اکا کپروده نه وار دیو صورمش

اودخی (محمد بر یوک اردو ایله چیتمش که عمر مده او یله
جمعیت کورمدم دونکی کون محار به دن کپرو قالمش اولنلر
دخی خیمه دقلرینه پشین اوله رقی بو کون جله سی
طو پلانمشلر سزک ایچون دیش بیله یوب کلبورلر) دیو
جواب ویرمش

ابوسفیان (سن نه سوبلیوزسین انلرده حرکت مجال

قالیعی (دید که معبد (انلر حراء الاسده کلدیلر
ظن ایدرم که سز بورادن هنوز قالقمدن آنلرک آتلیرنک
آینلرینی کوره جکسکنز) دیمش

صفوان ابن امیه (کوردیکزمی ایشته بنم دیدیکم جبئدی
هایدی بر بلایه اوغرامدن صاووشوب کیدهلم) دیدی
ابوسفیانک قلبنه دخی قورقو دوشدی . همان
اردولرینی قالدیروب کوچ ایتدیلر . وطوغری مکده
کیتدیلر

معبد اولوقت هنوز اسلام ایله مشرف اولماشیدی
فقط اهل اسلامک طرفداری ایدی . بناء علیه قریش
طائفه سنی بووجهله قورقوتدی . و صاووشوب
کیتدکلرینی دخی بر آدم ارسالیله رسول اکرمه اخبار
واشعار ایتدی

قریش اردوسندن کیرویه قالمش اولان ایکی کشی بوکره
اهل اسلامک الله دوشدی

بری بنی امیه دن معاویه ابن مغیره و دیگرى بدرده اسیر
اولوبده فیما بعد اهل اسلام علیه نه بولنماق شرطیله
مجانا عفو و اطلاق اولنش ایکن بوکره بوقاروده
بیان ایتدیکمز وجهله عربانی جنکه تشویق ایدن شاعر
مشهور ابو عزه در

ابوعزه بودفعه دخی فصیحانه و بلیغانه سوزلر سوبلیه رک

اهل اسلامك پنجه سندن بقیه بی قورتار مقی ایستدی
 لکن مفید اولیوب ایکسی دخی قتل و اعدام ایلدی
 * رسول اکرم چند روز اردوی همایون ایله خارجه
 قالدی . بعده دونوب مدینه کلدی

عبدالله ابن جحش رضی الله عنه حضرت تارینک زوجہ سی
 زینب بنت خزیمه ابن حارث که دائماً فقرایی اطعام ایدر
 اولدیغندن کندوسته ام الماسکین دینلوردی . بوکره
 طول فالدیغندن رسول اکرمه تزویج اولندی . لکن
 راییکی آی صکره جه وفات اینشدر . رضی الله عنها
 وینه اول ائاده علی ابن ابوطالب کرم الله وجهه
 ورضی الله عنه حضرت تلریله سیده النساء فطمة زهرا رضی الله
 عنها حضرت تارندن حسن رضی الله عنه حضرت تلری
 طوغدی

وینه اول اوآنده خراجچک وقر اوینامق حرام
 اولدی

بر معونه و تمه پسی

بنی عامر دن و مشایخ نجددن ابو براء عامر ابن مالک
ابن جعفر هجرت محمدیه نک دردنجی سنه سی اوائلنده
مدینه منوریه کلدی

ورسول اکرم ایله کور بشوب (یا محمد اکراهل نجده
اصحابکدن براز کیسه لر کوندرسه ک او مارم که اسلام ایله
مشرف اولورلر) دیدی

رسول اکرم اهل نجده امنیت ایده میوب (قورقارم که
اصحابمه غدر ایدرلر) دیو بیوردی

ابو براء (انلر نجده کلدکلرنده بنم عهد و امانم آنته
کیرمش اولور انلره کسنه برشی یاپه ماز) دیو تاهینات و یردی
* آنک اوزرینه رسول اکرم دخی ابو برانک برادر زاده سی
اولان عامر ابن طفیل ابن مالککه بر مکتوب یازدی

واهل نجده تعلیم قرآن ایچون خلال صفرده انصارک
اولولندرن اولان منذر ابن عمرو رضی الله عنه حضر تلریله
یتش نفر قراء کوندردی

حضرت ابو بکر الصدیقک آزادلوسی اولان عامر ابن
فهیبر رضی الله عنه حضر تلری انلره برابر ایدی قلاغوزلری
دخی مطلب سلیمی ایدی

منذر ابن عمرو حضرت تری اشبو جماعت قرا ایلہ چبقوب
مدینہ منورہ یدرت قوناق مسافہ سی اولان بئر معونه
نام محله واردی

واوردن انس ابن مالکک دایسی اولان ملخان اوغلی
حرام رضی اللہ عنہ ایلہ رسول اکرمک مکنو بنی عامر ابن
طفیلہ کوندردی

ملعون عامر ابن طفیل ایسه مکتوب همایونی او قومدن
حرام ابن ملخانی اوروب اولدردی

بعده اول جماعت قرا اوزرینه هجوم ایچون کندوقوی
اولان بنی عامری دعوت ایلدی

آنلرایسه بز ابورائک عهد وامانی ایاق آلتنه آله میر دیو
امتاع ایلدیلر

آنک اوزرینه عامر ابن طفیل بنی سلیمان عصیه ورغل
و ذکوان قبیلہ لرینی طو پلایوب بئر معونه کیندی
وبغته اول جماعت قرا اوزرینه هجوم ایلہ جلد سنی
شہید ایتدی

یا لکز بنی نجاردن کعب ابن زید رضی اللہ عنہ حضرت تری
فوت اولدی طفیلہ شہدا آره سنده براقش اولدفلرندن
اوصاغ قالمش . و برارالق اورادن صاووشوب مدینہ
منورہ یدر کلمش در

ورده عمرو ابن امية الضمری ايله انصار دن منذر ابن محمد ابن عقبه رضی الله عنهما بر طرفده دوه لری رعی ایتکده اولدقلری جهنله بومقاتلده بولیموب متعاقبا موقع محاربه یه ورود ايله واقف حال اولدقلرنده منذر ابن محمد ارقداشی عمرو نه یاپهلم دیورائی صورمش عمرو دخی همان دونوب مدینه یه کیدلم و کیفیتی رسول اکرمه افاده ایدلم دیو جواب و یریش

منذر ابن محمد ایسه بن منذر ابن عمروک شهید اولدیغی بردن آیر یلوبده یالکرچه صاغ دونمکی ایستم دیودشمن ايله مقاتله ایدهرک نهایت اودخی شهید و عمرو اسیر اولمش در

انجق عمرو کندوسنک بنی مضر دن اولدیغی خبر و یروب عامر یلر دخی مضر نسلندن بولندقلری جهنله عامر ابن طفیل آنی آزاد ایتمش و بوجهنله اودخی سالما مدینه منوره یه کلش دز

رسول اکرم بووقعه دن خبر آلدقده فوق العایه محزون اولدی و (بو کیفیت ابو برانک ایشیدر بن بونی انجق آنک ابراهیمه ایستمیه رک یامشیدم) دیو یوردی ابو برادخی رسول اکرمک بوسوز بنی ایشمکله فوق العاده مناسف و متأثر اوله رق کدرندن خسته لنوب فوت

اولدی

فقط عهد و امانت اول وجهله پامال اولسندن عادت
عرب اوزره کندهی خاندانی اوزرنده برلکه قالدی
حتی اوغلی ر بهه ابن ابو براء بولکه بی عزاده سی اولان
عامر ابن طفیلک قابله ییقامق اوزره آنک اعدا منسه
قصدا ایتشیدی

رسول اکرم ایسه اکاباخالصه بدعا ایتدکن بشقه برای
قدر هر صباخ عصیه ورعل و ذکوان قبیله لرینه بدعا
ایتدی

بناء علیه چوق کچم یوب عامر ابن طفیل بریومر وجه
چیقاردی . و در حال جانی جهنمه اصهار لیوب
کیتدی

عصیه ورعل و ذکوان قبیله لرینی دخی و با وحی و فقط
و خلا استیلا ایتکلله از وقت ظرفنده ایچلرندن یدی یوز
آدم تلف اولدی

❖ غزوہ بنی نضیر ❖

بنی نضیر یہود ملتدن وھارون علیہ السلام نسلندن
بر بیوک قبیلہ در

مدینہ یدہ ایکی میل مسافہ سی اولان بر ناحیہ یدہ ساکن
اولوب محکم حصار لری و مکمل سلاح لری واریذی
اہل اسلام علیہندہ بولنماق اوزرہ رسول اکرم الیہ
معاہدہ ایٹشلر . و رسول اکرم ک بدردہ مظفر یئندن صکرہ
کتب سماو یدہ موعود اولان نبی آخر الزمان بودر دیمکہ
باشلامشلر ایکن قریش مکہ و منافقین مدینہ الیہ مخا بردن
خالی دکلار ایدی

علی الخصوص احد وقعہ سندن صکرہ فکر و طور لری
بتون بتون د کشد رمشلر . و بر کون رسول اکرم بش اون قدر
اصحاب کرام الیہ آنلرک ناحیہ سنہ کیتد کدہ برد سیسہ الیہ
آنلری اعدام ایتمکہ قرار و یرمشلر

ایچلرندن سلام ابن مشکم (آنلرہ سز بوافکاردن
واز کچیکز واللہ بوسزک سوء قصدیکز اکا طرف الہیدن
خبر و یریلور . بوقصدیکز ایسہ انکلہ بیئزده کی عہدی
نقض دیمکدز) دیو نصیحت ایٹش ایسندہ قولاق
آصمامشلر

حالبو که جبریل علیه السلام کلوب بنی نضیرک سوء قصدینی
رسول اکرمه خبر و بردی

رسول اکرم دخی (اون کون ایچنده بودیاردن چیقوب
کیتسونلر) دیو محمد ابن مسلمه ایله بنی نضیره خبر
کوندردی

بونک اوزرینه بنی نضیر دخی ترک وطن ایدوب کیتکه
حاضر لایمقده ایکن رئیس المنافقین اولان عبدالله ابن
ابی ابن سلول آنلره (یریکزده ثبات ایدیکن بزسزه یاردم ایلرز
یهود بنی قریضه ایله معاهد و متفقکن اولان قبیله
غطفان دخی امداد ایدرلر) دیو کیزلوجه خبر کوندرمش
اولدیغندن بنی نضیر اولکی نیتلرندن واز کچک رک
(بزوطمنزدن چیقیمز الکدن کانی کبرو قویمه) دیو
رسول اکرمه خبر کوندردیلر

آنک اوزرینه رسول اکرم هجرتک اشبو دردنجی سنه سی
ربیع الاولنده اصحاب کرامی طو بلادی . و مسجد
شریفده امامت ایتک اوزره ابن ام مکتومی مأمور
ایلدی

ولواء شریفی حضرت علی به و یروب اردوی سعادت ایله
خارج مدینه به چیقدی . و بنی نضیری محاصره
ایندی

ابن سلول علنا معاونه جسارت ایذه مدی . بنی قریضه ایله

غطفان قبيله سندن دخی امداد کلدی
 بناء عليه بنی نضیر الی کون محاصره و اوق و طاش
 آتیه رقی تضییق اولند قدن صکره آمان دیلدیلر
 شویله که اسلحه دن ماعدا اولان ماللرندن دوه لرینه
 یوکلده یولدکاری قدر شی آلهرق چیقوب کتک اوزره
 مساعده استدعا ایلدیلر

رسول اکرم دخی بوصورته مساعده بیور مقبله الی یوز
 دوه به یوکلده یولدکاری قدر اموال و اشیا آلوب کیمی
 خیره و کیمی دیار شامه کیتدیلر . منافقلر دخی کیرلوجه
 ماتم ابتدیلر

بنی نضیرک سائر ماللری رسول اکرمه قالدی . والی
 زره ایلله الی تیموز طاس و اوچ یوز قرق قلیج بد اسلامه
 کچدی

انصار کرام حضراتی مهاجرینک امر تعیشلرینی
 اوزلرینه آلوب آنلری کندی ماللرینه پیاغی حصه دار
 ایلدکلرندن مهاجرینک امر اداره لری انصار اوزرینه
 ایچجه بریوک ایدی

ایشته آنلرک یو بو کنی تخفیف ایچون رسول اکرم
 بنی نضیردن آنان اموال غنائمی یالکز مهاجرینه
 تقسیم ایتک ایستدی

و انصاره (اگر ایسترایسه کن کما فی السابق مهاجرینی

اموال کز حصه دار اینک اوزره بو اموال غنائمی جمله کزه
تقسیم ایدیم یوق اکر ایستر ایسه کز کندی اموال کز
منحصرا سزله اولوق اوزره بو اموال غنائمی مهاجرینه
ویرهیم) دیدی

انصار کرام حضراتی ایسه (یا رسول الله بو اموالی
مهاجرینه تقسیم یور یکر بزم ماللر یزدن دخی ایستدیکر
قدرینی آلوب آنلره ویریکر) دیدیلر

اولوقت ابوبکر الصدیق رضی الله عنه حضرتلری
قالقوب انصار کراعه علما عرض تشکر ایلمشدر

واولوقت انصارله مدح و ثنای حقهده (و یؤثرون
علی انفسهم ولو کان بهم خصاصة) آیت کریمه سی

نازل اولمشدر که احتیاجلری اولسه بيله نفسلری اوزرینه
مهاجرینی تقدیم و ترجیح ایدرلر دیمکدر

بناء علی ذلک بوکره بنی نضیردن قالان اموال غنائم یالکز
مهاجرینه تقسیم ایدلادی

فقط رؤسای بنی نضیردن ابن حقیق مشهور قلیچی
سعد ابن معاذ رضی الله عنه حضرتلرینه احسان

یورلدی
وینه انصاردن ابودجانه ایله سهل ابن حنیف رضی الله

عنهما حضرتلرینک فقر و احتیاجلری اولدیغندن آنلره دخی
بر مقدارشی ویرلدی

مؤخرًا قبائل نجددن غطفان قبيله سنك مدينه منوره
 هجوم ايتك اوزره عسكر طوپلادقلى ايشيدىلكله
 رسول اكرم داماد مكرملرى عثمان ذى النورين رضى الله
 عنه حضرتلرينى مدينهده قائم مقام براغوب اردوى
 همايون ايله ديار نجاهده سفر ايتدى . واراضى غطفاندىن
 مدينهده ايكي قوناق مسافهسى اولان شدخ نام محله قدر
 كيتدى . ليكن اهالىسى قارشو طور ميوب طاغله
 طاغلىش و بوجهتله محارب و قوع بولمىسزىن عودت
 بيورلمش در

اشبور دىجى سنه هجرىه نك شعبانده سيده النساء
 فاطمة الزهرا رضى الله عنها حضرتلردن حضرت حسين
 ابن على رضى الله عنهما تولد ايلشدر
 بنى مخزومدن اميه ابن مغيرة نك قيزى اولان ام سلمه
 رضى الله عنها حضرتلرى كه قرق درت ياشنده
 برطول خاتون ايدى . رسول اكرم بواثناده آنى تزوج
 بيورمشدر

بدرده هر سنه ذى القعدة آينده بر پناير اولوردى
 وهر طرفدن اورايه تجارت ايچون برچوق خلق كلوردى
 * و يوقاروده بيان ايتديكمز وجهله يوسفيان احدثن
 دنوب كيدير كن سز كله كله جك سنه بدرده بولشهلم
 ديوب عمر الفاروق رضى الله عنه حضرتلرى دخی


رسول اکرمؐ امر یله ان شاء الله دیمشیدی
بناء علی ذلک رسول اکرمؐ عبدالله ابن رواحه یی مدینه
فانمقامی نصب و تعیین بیوردی • ولواء شریفی
حضرت علی به وردی

و بیک بشیوز نفر اهل اسلام ایله مدینه دن چیقوب
غره ذی القعدة ده بدره واردی • ایچلرنده اون نفر آتلو
دخی وار ایدی

ابوسفیان دخی قریش اردوسيله مکه دن چیقمش ایکن
رسول اکرمؐ اوله جمعیت کثیره ایله مدینه دن چیقمش
اولدیغنی ایشتکاء قورقوب کیر و دوندی

بوجهتله انظار قبائلده قریش مکه نك اعتباری قیرلدی
اهل اسلام ایسه پک چوق شان و شرف بولدی

و پنارده کوزل آتش و یرش اولوب آندن اهل اسلام
پک زیاده کار ایتدیلم • و کمال فرح و ممنونیت ایله دونوب
مدینه به کادیلر



هجر تکب: شنبی سیلی

هجرة نبویه نك بشنبی سندسی ربیع الاولنده رسول
اکرم دومة الجندل بلده سنه سفر ایتدی

بو بلده نك مدینه منوره ایله آره سی اون بش کونلك و دمشق
ایله آره سی بش کونلك مسافه در

اوراده بر طاقم اشعیا اولوب یولجیلره تعرض ایلد کیری
جهتله آنلری تأدیب ایتک و همده اهل اسلامک
دیار شام ایله تجارتنی تأمین ایلک اوزره رسول اکرم
خلال ربیع الاولده بیک نفر عساکر اسلامیه ایله مدینه دن
چیقوب دومة الجندله یاقلاشد قدّه اول بلده اهالیسنک
حیوان سور یلرینه راست کلدی . و چو بالر فرار ایتکله
حیوانلر میدانده قالدی . بعده دومة الجندل بلده سنه
وارلدی

اهالیسی هپ طاغیلوب فرار ایتش اولد قلزندن یالکز
ایچلرندن بر آدم اله کچور یله بیلدی . و رسول اکرم
اکادین اسلامی تکلیف ایتد کده اسلام ایله مشرف
اولدی

رسول اکرم اوراده چند روز اقامت ایله اطرافه
قول قول عسکر چیقاردی . هیچ کیمسه به تصادف
اولنه مدینه دن بلانحار به مدینه به عودت بیوردی

غزوهٔ مرتفع

مرتفع خزاغه دیارنده وقید ناحیه سنده برصویک
 اسمیدر که فرعه برکونلک مسافه سی وارذر . فرخ دخی
 مدینه به اوتوزاییکی ساعت مسافه ده واقع بر بردر
 خزاغه قبیله سندن بنی مصطلق اویمغنگ ریسی اولان
 حرث ابن ابی ضرار اهل اسلام ایله جنک ایتک اوزره
 کرک آندی عشیرتندن وکرک جوارنده کی عشار
 سارندن عسکر طویلامقده اولدیغی خبر آندی
 وهمان رسول اکرم بیک نفر عساکر اسلامیه ایله شعبان
 آینه عجماله مدینه دن چیقدی
 ایچلرنده اون نفر آتلو وارایدی : عایشه وام سلمه
 رضی الله عنهما حضرتلری دخی برابرایدی
 بواردوی همایونده منافق چوق ایدی . هیچ بروقتده
 اردوی اسلام ایله بوقدر منافق چیقدیغی یوق
 ایدی
 رسول اکرمک مدینه دن چیقدیغی خزاغه ایچنده
 ایشیدلیدی . حرث ابن ابی ضرارک باشنده کی جمعیه
 عظیم فورقو عارض اولدی . ویاننده مجتمع اولان عربان
 طاغلدی

و آنلر پراکنده اوله رق مریسبع نام صودن حیوان
 صولارکن بغته اردوی همایون کلوب چاندی
 و رسول اکرم آنلره لاله الا الله دیکر که جان و مال کردن
 امین اوله سر دیو دین اسلامی تکلیف ایتدی
 آنلر دگله میوب باشی بوزوق طرزنده مقاومته قانعشدیلر
 و همان اوق جنکنه کیرشدیلر

رسول اکرم ایسه عسا کر اسلامییه بی صف ایتدی . و آنلری
 هیئت مجموعهلریله دشمن اوزرینه یوروتدی
 بنی مصطلق طائفه سی بوهجومه طیانیه مایوب درحال
 پریشان اوله رق اون نفری تلف و ساری اسیر اولدی
 و بش بیک قیون ابله اون بیک دوه لری اله کچورلدی
 اسیرلک مقداری یدی یوزدن زیاده اولوب آنلردن بریسی
 دخی حرث ابن ابی ضرارک قیزی جویره ایدی که
 ثابت ابن قیسک حصه سنه دوشمش و اودخی آنی بدله کسمش
 ایدی

فخر عالم صلی الله علیه وسلم حضرتلری آنک بدانی و یردی
 و کندوسنه تزویج بیوردی
 اصحاب کرام آنی کوریمچک رسول الله اکبر باسی
 نصل اسیر او اوز دهرک هپ اللرنده کی اسیرلری آزاد
 ایلدیلر

جویره نه بختیار قیز ایمش که برکونده اسیر ایکن

هم زوجیت نبویه سعادتنی بوالدی . و همده قومنگ
اسارتدن قورتلسمه سبب اولدی

آندن عودت ايله مدینه کورکن اثنای راهده
مهاجریندن بری انصاردن بریله منازعه و مجادله ایتد کده
رئیس المنافقین اولان عبدالله ابن ابی ابن سلول یاننده کی
آدملرینه (هله شو و مهاجرینه باق کز که بزم اعانه مزله
یکینورلر کن بزلری تحقیر ایتک ایستیورلر . آرتق آنلره
برشی و یرمیکز که طاغیلوب کیتسونلر . هله مدینه به
واردلم . ده از یاده عزت و غلبه سی اولان البته ده اذایل
اولانی اورادن چیقارلر) دیمش و مدینه به وارلدقده
اورادن اهل اسلامی چیقاریرم معناسنی قصدایتش

حاجبو که آنک بوسوزینی زید ابن ارقم رضی الله عنه
حضرتلری ایشتمکله کلوب رسول اکرمه افاده ایتد کده
عمر الفاروق رضی الله عنه حضرتلری مجلس سعادتده
بولمغه (یارسول الله اذن و یر واروب اول منافقک بوینی
اوریم) دیمش ایسه ده رسول اکرم اذن و یرماشدیر
* بوغزالک مدتی بکرمی سکر کون سوردی . وغره

رمضانده اردوی همایون مدینه به کیردی

سلمان فارسی رضی الله عنه حضرتلری که رسول اکرمک
خواص خدامندن و کبار اصحاب کرامندن در فی الاصل
فارس یعنی ایران اهالیسندن و محوس طائفه سندن ایکن

بر اراق نصاری دینه کیروب دیار شامه کیتش . واوراده
تحصیل علوم دینه ایتد کسن صکره نینوا و آموریه
طرفلرینه واروب رسول اکرمک ظهور بنی ایشتمش
و بنی کلبدن برکروه نصارا ایله یولداش اوله رق جانب
مدینه منوره یه عزیمت ایتش

یولداش لری اولان نصارا ایسه غدر ایدرک آتی بر یهودی یه
صائمشار آندن دیکر بر یهودی صامتون آلوب آتی مدینه یه
کتوردی

سلمان بر اراق حضور نبوی یه کلوب حالنی بیان ایتدی
و کندوسنی کتباته کسدردی . یعنی بدله ربط ایتدردی
و بو اثناده رسول اکرم آنک بدلنی تأدیه بیوردی
ایشته بو صورتله سلمان فارسی رضی الله عنه حضرت لری
دخی بوشنه رسول اکرمک آزادلولری صره سنه
چکمشدر

غزوه خندق

یوقاروده بیان ایتدیگن وجهله یهود طائفه سندن
بنی قینقاع ایله بنی نضیر مدینه دیارندن طرد ونفی
اولمشیدی

حیی ابن اخطب وکنانه ابن ابی الریبع و سلام ابن
ابی الحقیق و امثالی رؤسای یهود مکه یه کیدوب
رسول اکرم ایله جنگ ایتن اوزره قریش طائفه سیله
اتفاق ایتدگن صکره دیار نیجه کیشلر . و غطفان
و بنی سلیم قبیله لریله دیگر بعض قبائلی دخی بو اتفاقه
ادخال ایشلر

آنک اوزرینه رؤسای قریش دار الندوه ده طو پلانوب
رسول اکرم ایله جنگه قرار ویرمشلر . و درت یک
عسکر طو پلامشلر که اوچوزی آتلا اولوب یک بشوز
دولری دخی واریدی . و رئیسای ابوسفیان و سبعاقدار لری
ابوطالحه نک اوغلی عثمان ایدی

ابوسفیان بواردو ایله مکده چیقوب حر الظهران نام
محلّه کادکده نجد طرفندن غطفان عساکری کلوب
قاتلدی که باش قوماندانلری فزازه قبیله سی شیخی اولان
مشهور عینه ابن حصن اولوب بنی مره قبیله سی شیخی

اولان حارث ابن عوف دخی آنلرک خاطری صایلمور
رئیس لرندن ایدی

ینه اوراده قبائل نجددن بنی سلیم و بنی اسد و اشجع
قبیله لری دخی کلوب قریش اردوسنه ملحق اولدی
* الحاصل ابوسفیانک اردوسی کیتدیکجه بیودی
واون بیک نفر دن زیاده اولان بر قوی اردو ایله مدینه
منوره یه طوغری یوریدی

رسول اکرم ایسه قریشک بوتشباشانی ایشتدیگی کبی
اصحاب کزینی جمع ایله استشاره ایتدی

سلمان فارسی رضی الله عنه حضرتلری (یارسول الله بزم
ولایت مزده بر شهر اوزرینه دشمن هجوم ایده جک اولدقده
اطرافنه خندق قازیق عادتدر) دیدی

عربده خندق قازیق عادت اولماش ایسه ده سلیمانک
بو اخطاری اوزرینه مدینه منوره نیک اطرافنه خندق
قازیق رقی تحفظ و تحصن اولمق صورتی مناسب
کورلدی

و همان مدینه ده نقدر قازمه و کولنک امثال آلات وادیرات
حفریه وار ایسه طوپلانیدی

رسول اکرم ایله یهود بنی قریضه بیتمده مصالحه و معاهده
اولدیغی جهتله آنلردن دخی اگر قی اوله رق بر خیلی قازمه
وسائر آلات حفریه آنلیدی

وهمان رسول اکرم ايله اهل اسلام كافة خارج شهره
چيقوب خندق حفرينه باشلاندى

رسول اکرم اهل اسلامي تشويق ايچون بالذات طوپراق
طاشور و مبارك اللریله خندق حفرينه چالیشور
ایدى

وجهته على العموم اهل اسلام آشوری مرتبه اهتمام ايله
خندق ایشنه چالیشوب جبالاردی

سلطان فارسی رضی الله عنه حضرت تری ایسه هم بدنا
قوتلی و همده بو مثل او ایشره ایشق اولدیغدن اون کشینک
ایشنی کورردی

منافق لر دخی بو ایشده بولنورلردی • لیکن ایستیمه رک
ایش کورلر و پک آغر طاوورانورلر ایدی

اولوجهله خندق قازیلورکن فخر عالم صلی الله علیه وسلم
حضرت یمندن آزیك ايله چوق آدم طویورق کبی
غریب معجزه لر ظاهر اولمشدر

از جمله انصار دن بشیر ابن سعدک قیزی که نعمان ابن
بشیرک قیز قزنداشیدر والدوسی آنکله پدری بشیره

ودایسی عبدالله ابن رواحه یه براز خرما کوندرمشیدی
رضی الله عنهم • اول قیز جفن پکرکن رسول اکرم

آنی چاغردی • و شوخرماری کتوردیو بیوردی *
اودخی خرمارلی رسول اکرمک ایکی آووجنه قویدی

آووجلری طولیدی . خالبو کداول فخر عالم بر بزرگسورتدی
 وخرماری اول بزرگ اوزرینه یایدی . واصحاب کرامدن
 برینه امر ایتدی . خندقدہ ایشلیانلری چاغرتدی .
 طاقم طاقم کلدیلر هپ طویونجه یدیلر . آنلر یدکجه
 خرما زیاده لشوب اول دوشد منک اطرافندن طاشاردی
 * وینه انصاردن جابر رضی الله عنه حضرت تلمینک
 برضه قیونی وارایدی . برکون خندقد حفرینه کیدرکن
 اول قیونی پیشورمک و برازده ارپه امکی یامق اوزره
 زوجه سنه امر ایتشیدی . اخشام اوستی خانه سنه
 عودت ایدرکن رسول اکرمی اخشام طعمانه دعوت ایتدی
 رسول اکرم دخی (بو اخشام رسول الله ایلہ برلکده
 طعام ایتک اوزره جابرک خانه سنه پیور بکر) دیو دلال
 چاغرتدی . جابر ایسه یالکز رسول اکرمی دعوت ایتش
 اولوب بویله برارد و خلق ایچون هیچ حاضر لغی اولمیدقندن
 نه بابه جغنی شاشردی . آرتق نه یاپسون چاره بوق همان
 خانه سنه کلدی . و بر مقدار ارپه امکی ایلہ اول قیونی
 حضور نبوی په کتوردی . فخر عالم اکا برکت ایلہ
 دعا ایتدی . و بسم الله دیوب یدی . بعده هپ خندقدہ
 ایشلیان خلق کلدیلر . و طاقم طاقم اوتوروب طویونجه
 یدیلر و رقیونی بتوره مدیلر
 وینه اول ائشاده ظهوره کلان معجزات محمدیه دن بری دخی

بودر که خندق بر پرندہ بر بیوک قیاحیقدی . کوانکلر
ایستلزل اولدی . اصحاب کرامدن بعضیاری کلوب
رسول اکرمه خبر و یردی

رسول الله اورایه واردی . ومبارک الله کوانکی آلدی
وبسم الله دیوب اوردی . اول قیانتک اوچده برینی
یرندن قوپاردی

همان (الله اکبر بکاشامک انا خدارلری و یرلدی . والله
بن شو ساعتده شامک قبرمزی کوشکلرینی کوره یورم)
دیو بیوردی

بعده ینه بسم الله دیوب کوانک ایلہ اوردی و اول قیانتک
دیگر اوچده برینی دها قوپاردی

وهمان (الله اکبر فارس اقلیمک انا خدارلری و یرلدی
والله بن شوانده مدائن کسرانک بیاض کوشکلرینی
کوره یورم) دیو بیوردی

آندن صکره اوچنجی دفعه اوله رق بند بسم الله دیوب کوانک
ایلہ اوردی . و اول قیانتک بقیه سنی دخی یرندن
قوپاردی

وینه (الله اکبر یمک انا خدارلری و یرلدی . والله بن شمدی
صنعانک قپولرینی کوره یورم) دیو بیوردی

ایکی هفته ایچنده خندق تمام اولدی . بعده مشرکینک
بالاده بیان اولتان بیوک اردوسی کلدی

شویله که ابوسفیان ایله قریش و کنانه عساکری مدینه
منوره نك کون باتیسی طرفدن کلوب کورندیلر
عینه ابن حصن و حارث ابن عوف ایله قبائل نجد دخی
کون طوغیسی طرفدن کلوب احد طاعی جهته
قوندیلر

رسول الله دخی عساکر اسلامیه ایله خارج شهره
چیقوب سلع نام طاعه آرقه و یردیله . و دشمنده قارشو
صف اولوب طوردیله

عساکر اسلامیه اوچ بیک نفرایدی . و او تون الی آتلی
وارایدی

مهاجرینک سنجاغی زید ابن حارثه حضرتلرینک الله
وانصارک سنجاغی سعد ابن عبادہ حضرتلرینک الله
ایدی

کروه مشرکین برحله ده اهل اسلامی بتورمک اوزره
مدینه منوره اوزرینه یوریدی . خلقی خوف و دهشت
یوریدی

حالبو که مشرکله او یله دهشته هجوم ایدوب کاورلرکن
اوکلرینه خندق چیقدیغی کبی طوره قالدیلر
و بویله خاطرلرینه کلدک برنقش غریب کوردکلری کبی
باقوب حیران اولدیله

اوتیه برویه طولاشدیلر کچه جک بر ارادیلر بوله مدیلر
وهرنه طرفه سکر تدیلر ایسه برو طرفدن اوق و طاش ایله
مدافعه اولندیغندن چار دسز انلردخی اوق و طاش جنککنده
قرار قیلدیلر

بوصرده بنی قریضه نك نقض عهد ایتدکاری واهل
اسلام خندق محافظه سیله مشغول ایکن آنلر کجه این
کلوب مدینه شهر بنی باصه جقلری حوادثی شایع
بولدی

بنی قریضه یهود ملتندن بریو ک قبیله اولوب مدینه
منوره خارجند کائن بر ناحیه ده ساکن ایدیلر . واوراده
متین حصارلری وار ایدی . رئیس لری اولان کعب ابن
اسد ایله رسول اکرم پیشده مقدا معاهده یاپلش
اولدیغندن اهل اسلام اول طرفدن امین ایکن نقض
عهد ایتدکاری حوادثی موجب اندیشه اولدی

و بنی قریضه ناحیه سنه آدم کوند ریلوب تحقیق
کیفیت اولندقدن فی الواقع بنی نضیرک رئیس لری اولان حبی
ابن اخطب کلوب کعب ابن اسدی قاندرمش و بنی قریضه یه
نقض عهد ایتد رمش اولدیغی اکلاشلدی

بنی قریضه ایسه اوس قبیله سنک عهد و امانی آلتنده
بولندیقندن سعد ابن معاذ و سعد ابن عباد و عبد الله
ابن رواحه و خوات ابن جمیر رضی الله عنهم حضراتی

بنی قریضه نك حصار بنه كیتدیله . و نقض عهدك شأمتی
بیان ایله نصیحت ایتدیله ایه ده قولاق آصیبوب نقض
عهد ایلدکار بنی اعلان ایلدیله . و رسول اکرم حقنه
فنا سوزل سو یلدیله

بومعامله دن سعد ابن معاذك پك زیاده جائی صیقیلوب
حتی بنی قریضه ایله جنك ایتدیجه الله جانمی آلسون
دیودما ایتشدی

الحاصل سعد ابن معاذ رضی الله عنه یهودك نصیحت
قبول ایتلرندن مأیوس اولغله خوشمدی دیهرك ارقداشلیله
برابر دونوب حضور نبوی به کادیله . و کیفیتی اولدیفی
کیجه افاده ایلدیله

رسول اکرم حسبنا الله ونعم الوکیل دیدی . و مرده
سزه ای جماعت مسلمین که بوایشك صوکی خیبردر دیو
بیوردی

بونکه برابر هپ نسوان و صبیان درون شهرده اولدقلرندن
بنی قریضه نك نقض عهد ایدیشی اهل اسلامی تلاشه
دوشوردی

بناء علیه رسول اکرم کیجه لری مدینه شهر بنی محافظه یچون
اوچیوز نفرله زید ابن حارثه حضرت تله بنی وایکیوز نفرله
سلمه ابن اسلم حضرت تله بنی کوندردی

کندوسی دخی باقی عسا کر اسلامیه ایله صبا حدك خندق
خطنی محافظه ایلردی

وخندقك برمحلی صورت مطاوبه ده قازيله مامش اولدیغندن
کیچک این دشمنك اورادن کچه بیلسی ملحوظ اولسیله
رسول اکرم اوراسنی بالذات بکلردی
کروه منافقین ایسه اولاد وعیالری یالکز براغوبده
بوراده سفالت ایله بکلمك عاقل ایشی دکادر دهرک
برطامق بینی خفیف واعتقادی ضعیف اولنلره وهم ووسوسه
ویرلردی

بناء علی ذلک خارج شهرده خانه سی اولنلردن بعضیلری
حضور نبوی به کلوب بزم خانه لریمز مستحکم دکادر
دهرک خانه لرینه استحکام و یرمک واولاد وعیال لرینی
محافظه اینک بهانه سیله صاووشوب کیمک اوزره رخصت
ایستدیلر ایدی

وبرده مدت محاصره اوز بیش کون قدر سوردی عسا کر
اسلامیه به فتور گادی . وقط و غلا ایله مضایق لری
کوندن کونه زیاده اولدی . بوجه تله پک زیاده جانلری
صیقلدی

منافقلر بو حال لری فرصت اتخا ایلدیلر و (محمد بن قیصر
وکسرا نك خزینلرینی وعد ایدیور بزر ایسه بو کون

خندق ایچنده محبوس اولوب برآدیم یه کیده میوز (دیمکه باشلادیلر

حالبو که طوائف عرب بویله محاصره ایشلرینه آیشق دکلر ایدی . آنلرک محارب به لری چار پیدشوب اور شمشق وغالب ومغلوب هر نه اولور ایسه اولسون جنکه بر نتیجه ویزوب صاوشمشق ایدی

بنه علیه بویله عربستانده عادت اولیان بر خندق اطرافنده هفتد لرحه طولاشمقدن طیشار وده کی دشمن دخی اوصانوب صیقلمش ایدی

علی الخصوص قیش موسمی اولدیغندن ککندولری اوشویوب دتره مکده و حیوانلری ییه جک علف بوله میوب تلف اولمده ایدو کندن شاشوب قالمش ایدی

الحاصل آرده خندق اولدیغندن ایکی اردو بر بویله چار پیشه میوب همان اوق آتشمده ایدیلر

فقط عامر ابن اوی نسلدن عمرو ابن عبدود نام جندی بنام و بنی مخزومدن عکرمه ابن ابو جهل وهیره ابن ابی وهب ونوفل ابن عبدالله ابن مغیره ایله حضرت عمرک برادری اولان ضرار ابن الخطاب ومرداث ابن محارب نام جندیلر آتلرینی زورایوب خندق بر طار محندن برو طرفه آتلادیلر

ابوسفیان ایله خالد ابن الواید دخی آنلر آرقه اولق

اوزره بر ورقه مشرکین الیه خندق کناریند قدر کلدیلر
فقط خندق کچم میوب اوته طرفده سیرجی کبی طور دیلر
* عمرو ابن عبدود ارقداشلرندن آریلوب وایلر و آت
سوار دیلدی

اشبو عمرو ایسه پک چوق وقعده لر کوروب کچورمش
اعداسنه غلبه ایتش و بالکن باشنه نیجه جمعیتلری
اوروب طاغتمش افرانی یوق بر بهادر و سلحشور لقمه
ماهر بر سواری ایدی . جله قبائل عرب آتی بر بلوک
سواری به مقابل طوتارلردی

آنکله دو کشمک ارسلان الیه پنجه لشمک کبی اولوب
بوکا ایسه فوق العاده جسارت و جرأت کرک ایدی
بناء علیه کیمسه اکا قارشو وارمغه رغبت ایتدی .
ورسول الله ارسلانی حضرت علی اکا قارشون چیقارم
یارسول الله دیدکده رسول اکرم (سن اوتور یاعلی کلان
عمرو در) دیویوردی

عمرو تکرار اهل اسلامه میدان اوقودی و (ایچکرده
میدان مبارزده چیقه جق ار یوقیدر قنی سزک او اولر کره
تعین ایتدی ککر جنت زده) دیدی
حضرت علی تکرار چیققی ایستدی رسول اکرمینه
رخصت و برمدی

عمرو ایسه بتون بتون شماردی . وارمیدانه چیقه جق کیمسه
یوقی دیه رک اوست پرده دن باغردی

آنک اوزرینه حضرت علی (عمروده اولسه چیقارم

یا رسول الله (دهرک یزندن قالندده رسول اکرم کندی
زرنی اکا کیدردی • وذوالفقار نام فایجنی آنک بلنه
قوشاندی

و (یارب عجم عبیده بدرده وعجم حمزه احدده شهید
اولدیلمر یا محمد بر برادر زادهم علی قالدی سن آئی محافظه ایله
بنی یالکز براقه) دیو دما ابتد

حضرت علی پیاده اوله رق میدان چیقوب عمروه طوغری
واردی ایکی اردو خلقی تماشا یه طور دی

علی رضی الله عنه ابتدا عمروی دین حقّه دعوت ایلدی
* عمرو قهقهه ایله کوله رک (بو آغزله بر کیمسه نک
قارشومه چیقه جفی خاطریمه کلردی سن کیمین هله سویله
باقیم) دیو صورتی

اودخی علی ابن ابوطالبم دیو جواب و یردی
عمرو (سنک عوجه رک ایچنده میدان چیق جق باشلی
باشلی بری یوقی آبرادر زادهم سنک اغزک حالاسوت فوقار
بن سنک پدرکله پک چوقی وقت قرنداش کبی کورشدم
شمی سنک قانکی دویمک بکا کوچ کلور) دیدی

حضرت علی (اوت اما بن سنک قانکی دویمکله محظوظ
اولورم • فقط سسنده آتکدن اینوبده بنم کبی پیاده

اولمیسین) دیدی

بوسوز عروك حيت جاهليه سنه طوقوندى . يك زياده
اوفكەلەندى . و همان آتەدن ايندى

وصاعقه كى حضرت عاينك اوزرينه هجوم ايندى
اودى قاقاننى قارشو طوتدى

عرو او يله حدت و شدت ايله بر قليج اوردى كه حضرت
عاينك قاقاننى ايكي پاره ايندى . و باشنيله برازيارەلدى
* نوبت حضرت على يە كليچك ذوالفقار ايله بر اورشده
عروى قتل و اعدام ايندى

بعده نوفل مخزومي ميدان مبارزديه آت سوردى زبير ابن
العوام رضى الله عنه حضرت تلى دى اكا قارشو واردى
و قليج ايله او يله اوردى كه نوفلى يوقارودن اشاغە ايكي
شق ايدرك التندە ي اكرى كەلدى

بونك ايچون حضرت زبيره (سنك قليچك كى قليج
كورمهك ديدكەرنده آنى ياپان قليج دكلدر بيلەكدر)
دېمش اولديغى مرويدر

بعده حضرت عمر الفاروق رضى الله عنه حضرت تلى
قرند شى ضرار اوزرينه هجوم ايندكده حضرت على
وز بېر رضى الله عنهما شى عكرمه و هبيرة و مر دات اوزرلر
هجوم ايدىچك دردى بردن كېرو دوندىلر و كلكەلرى
بردن چيقوب كيتدىلر

وعكرمه جان قورقوسيله قاچوب كيدركن مزاراغنى

دوشورمش اولدیغندن حضرت حسان رضی الله عنه
 آنی تعیب ایدرک بیتلر سويلمشدر
 عمرو ابن عبدودك اول وجهله میدان مبارزه ده دوشوب
 قالسی مسلمینی فوق العاده ممنون و مشرکینی پک زیاده
 دختون ایتدی . و اوسقیان بوکون بزم ایچون برخیلو
 ایش یوق دیهرک خندق باشندن چکیلوب اردوگاهنه
 کیتدی

فرداسی بالجهله مشرکین یهود بنی قریضه ایله برائکه
 هر طرفدن اهل اسلامی احاطه ایتدیلر . و اخشامه قدر
 اهل اسلامه کوز آچدر میوب پیدر پی اوق آتدیلر
 قحط و غلا ایله اهل اسلام پک زیاده ضعیف و بی مجال
 دوشمش اولدقلری حالده گروه اعدا بو یله قره بلوت کبی
 هر طرفدن احاطه و تضییق ایدیچک حاللری پک یمان
 اولدی

هله اخشام اولوب دشمن چکلدی . اهل اسلام دخی
 بر مقدار نفس آلدی

لکن اعدایارینی ینه بو یله هر طرفدن شدتلو هجوم
 و تضییق ایدرسه حالز نه اولور دیهرک هر کس تلاش
 و اندیشه اوزره ایدی . جناب حق ایسه آنلرک خلاصی
 ایچون لازم اولان اسبابی حاضرله میشدی

شویله که نعیم ابن مسعود غطفانی اول ائشاده ایمانه کلوب
انجق هنوز اسلامی اظهار ایتماشیدی
خندق کنارینه کلوب قره غولارک اذینله بروطرفه
پکیدی . همان حضور نبوی به کیریدی . و کلمه شهادت
کنوردی

و (قبائل عرب هنوز بنم اسلامی بیلزل امر ایدرسه کز
شو حالده دین اسلامه برخدمت ایله بیلورم) دیدی
رسول اکرم (محاربه برنوع خدعه وحیله در سنده
بزم ایچون برحیله ایدیور) دیوبوردی
نعیم ایسه اشجع قبیله سی اشراغندن هر ایشه یارار
جن فکرلو برمدیر آدم ایدی
همان قانقوب بنی قریضه ناحیه سنه کتیدی . و کعب ابن
اسد ایله ملاقات ایتدی

کعبک یاننده معتبران یهوددن برقاچ کیمسه اولدینگی حالده
نعیم آلره (ای اشراف بنی قریضه سزنی نقدر سودیکمی
بیلورسکز مجرد خلوص و محبتیم حسبیله قاچ کوندرسزک
حالکزی دوش-و نیورم) دیچک یهودیلر (بزم سکا
هر وجهله امنیتز واردر سویله باقهلم) دیمشالر

آنک اوزرینه نعیم (بن شوراسنی دوشو نیورم که قبائل
قریش و غطفان بورابه کلدیلر محمدیلری بتورمک اوزره
غیرت ایدیورلر لکن آنلرده مقاومت و مدافعه دن هیچ

کیو طور مہورز . بوقبائل آرتق اوصانغہ باشلادی
 یک صیقہ لورل ایسہ سزی یالکز براغوب کیدرل
 سز محمدیلرک پنچہ سنہ دوشرسکز نقض عہد ایلہ متہم
 اولدیغکز جہتلہ آرتق یقہ کزی آنلرک الندن قورنارہ مازسکز
 بکا قاورسہ سز قریش و غطفانک اشرافندن برطاقم
 آدملری رهن آلمیس۔ کز کہ آنلر دخی ایشی بتور مد کجہ
 صاووشوب کیدر میدلر) دیجک یهودیلر آنک سوزینی
 تصدیق ایتشلر

نعیم اورادز قالقوب ابوسفیانک مجلسنہ وارمش (خبرکز
 وارمی یهود طائفہ سی محمدک عہدینی بوزدقلرینہ پشیان
 اولشلر . وآنکلہ کیز لوجہ اتفاق ایتشلر . و صوچلرینی
 عفو ایتدرمک اوزرہ قریش و غطفانک اشرافندن رهن
 صورتیلہ برطاقم ذواتی آلودہ اکا ویرمکی وعدہ ایتشلر
 شاید کہ سزلردن رهن ایستلر ایسہ صاقین ویرمیکز
 زیرا برطاقم اشرافکزہ یازق اولور) دیہرک رؤسای
 قریشی شبہہ یہ دوشورمش

ابوسفیان دخی بنی قریضہ نک افکارینی بوقلامق اوزرہ
 (بزبورایہ سزک رؤسانکزک تشویقیلہ کلدک سز شمعی
 آخر طاورا نیورسکز . بوراسی ایسہ بزہ کورہ اوزون
 اوزادی یہ اوتوریلہ جق یردکلدر . آچلقدن عسکریمز
 شکایت ایدبور . حیوانلریمز تلف اولوب کیدبور . باری

یارین هپ برلکده برشد تلو هجوم ایدلم . و همار ایشه
برفهايت ویرلم) دیو آنلره خبر کوند رمش

بنی قریضه (یارین جمعه ایرتسیدر بزهیج برایشه
یاییشه میز او برکون جنگ ایده بیلورز . فقط او شرطله که
بزه اشراف کزدن یتش کشی بی رهن ایتملیس کز که آناری
حصاریمزده توقیف ایدلم وسزدن امین اولهلم) دیو
جواب ویرمشلر

رؤسای قریش و غطفان بونی ایشتکرلی کبی (نعیمک
دیدیکی صحیح ایمش) دیمشلر و (بزسزه نه رهن و بریرز
ونده سزدن امداد ایسترز جانکز ایسترایسه چیقوب
بزمه برابر جنگ ایدرسکز ایتمسه کز و بالی بوینکزه بزملکتمزه
کیمدهرز سر محمد یارک پنجه سینه کرفتار اولورسکز
و بلا کزی بولورسکز) دیو بنی قریضه خبر
کوند رمشلر

بنی قریضه دخی (نعیمک دیدیکی صحیح ایمش) دیه رک
رسول اکرم ایله اولان معاهده لر بی نقض ایتدکلرینه
صحیحاً پشیمان اولمشلر . و همار حصارلرینه قیایوب
محاربه دن کبرو طورمشلر

بوسبدن ناشی قبائل عرب ایله طائفه یهود ارسنه
اختلاف دوشدی . و ایشک رنکی دکشدی

واکرچه آندن صکره بر قاج کون دها محاصره ممتدا ولد یسه ده

محاربه ده اولکی شدت قالمدی

نهایت بر کون رسول اکرم اویله ایله ایکنندی اره سنده

جناب حقه دعا و نیاز ایدرکن یوزنده آثار بشاشت

کورلدی

مگر که جبریل علیه السلام کلوب الله تعالی حضرت تبری

طرفندن روزکار و ملائکه ایله امداد اولنه جفنی خبر

و یرمش اولدیغندن رسول اکرم دخی اصحاب کرانه

مرده ایلدی

وایکنندی ایله اخشام اره سنده بر یوک فورتنه ظهور

ایلدی . روزکار هم صوغوق و همده ایلی کورلدک

صورتمده شدتلو اسمکه باشلادی

روزکارک یردن قالدردیغنی توز و طوپراق مشرکارک

یوزلرینه و کوزلرینه اوروب کوز کوزی کورمن

اولدی

اخشام طعانی پیشورمک ایچون آتش اوزرینه قویمش

اولدقلری چوملکلی باش اشاغی دورلدی

چادرلری چوجقلرک اوچوردقلری یلقوان کی هواده

اوچغه باشلادی

منعاقبا اخشام اولدی قراکلی باصدی اورتانی برمرتبه

دها و هم و دهشت قاپلادی

بوفورتنه دشمن اردوسنه مخصوص اولوب خارجه
برشی یوق ایدی . فقط عسا کر اسلامیه نك دخی
کیمی صوغورقدن و کیمی آچلقدن طاغیلوب رسول اکرمک
یاننده اوچبوز قدر آدم قالمشیدی

دشمنک حالندن برخبر آ او بده کتوزمک اوزره رسول
اکرم اصحاب کزیندن حذیفه ابن یمان رضی الله عنه
حضرتلرینی کوندردی

اودخی واروب قریش اردوسنک ایچنه ککیردی
کوردی که دشمن کندوی شاشیروب نه یاپه جغنی
بیلور

وابوسفیان یأس وفتور کتوزوب (ای جماعت بوراسی
اوتوروب اکلنه جک بردکلدر حالبو که بنی قریضه ایله
دخی ازه مزه اختلاف دوشدی . ایشته بن کیدیورم
سرزده کوچ ایدیکنز) دیوردی

مر ویدر که اولوقت دشمنه دهشت ویرمک اوزره
کو کدن بیک ملک اینشیدی . حتی دشمن اردوسنک
اطرافنده تکبرصداری وسلاح شیقردیاری ایشیدیلوردی
* وحذیفه رضی الله عنه حضرتلری دونوب کاورکن
اشنای راهده کوزینه یکریمی قدر سواری کورینوب
اکادیمشلر که (دوستکه خبر ویر الله تمالی حضرتلری
آنک دشمنلرینی طاغندی)

حضرت حذیفه کلوب حضور نبوی به کبردی . وقوعاتی
اولدینی کی خبر و یردی . رسول اکرم طاتلی طاتلی
تدسم ایتدی

الحاصل ابوسفیان دوه سنه بنوب کیتدی . سائر طوائف
قریش دخی آنک آرقه سندن حرکت ایتدی

فقط عمرو بن عاص ایله خالد ابن الولید ایکوز نفر
سواری ایله دمدار نصب اولند قلرندن قریش اردوسنک
آرقه سنی آنجه ده دنه آنلر کیروده قالوب ثبات ایتدیلر
* قبائل غطفان قریش اردوسنک کو چدیکنی
کور دکلرنده آنلر دخی قانقوب دیار نجه کیتدیلر

طوائف مشرکین او یله کیجه لین قانقوب کیدر کن خبیلی
ذخیره و اشیای سائر لرینی اردو یرنده براقش اولد قلرندن
فرداسی اهل اسلام آنلری طو پلایوب اردوی همایونه
کتوردیلر

آندن بشقه یکر می یوکللی دوه دخی اله کچوردیلر که
ابوسفیان آنلری رؤساء یهوددن حی نام شخصه کوندرمش
اودخی خرما و ذخائر سائر یوکلدوب کیر و چو یرمش ایدی
عسا کر اسلامیه اول دوه لرک چوغنی کسوب پیشوردیلر
خرمای دخی بول بول یوب قرنلرینی طو یردیلر

بو صورتله عسا کر اسلامیه قحط و غلابلا سندن قورتولدی
واردوی همایونده دفعه بولوق پیدا اولدی

رسول اکرم اصحاب کرامنه خطابا (آرتق نوبت سزه
کادی . بوندن صکره قریش سزک اوزر یکره کله جک
دکلدر) دیوبوردی

بومحار به ده مشرکارک تلفاتی درت نغردن عبارت ایدی
اهل اسلامدن دخی بش نفر شهید اولدی که ایکسی
اوس قبیله سندن واوچی خزر ج قبیله سندن ایدی
وبرده انصارک اک اولوسی اولان سعد ابن معاذ رضی الله
عنه حضرت تبری محار به نک صوک دورنده اوق ايله قولندن
آغزجه یاره لشمیدی

الحاصل شدتلو روزکار و کوزه کورنغز مسکر ايله دشمن
اردوسی بوزلدی . واهل اسلام مظفر اولدی
وزی الحجد آینه برهفته قاله رسول اکرم خندق غزاسندن
عودت ايله خانه سعادتنه کلوب سلاحرینی چیقاردی
* در عقب جبریل علیه السلام کلوب بنی قریضه
اوزرینه کیمک ایچون طرف الهیدن امر کتوردی

رسول اکرم تکرار سلاخلاندی . و بلال حبشی
رضی الله عنه حضرت تبری نه امر ایدوب (اللهمک امرینه
مطیع اوللو ایکندی نماز بنی بنی قریضه ناحیه سنده
قیلسون) دیوندا ایتدردی

ولواء شری بنی حضرت علی به و یروب آنی ایلرو کوندردی
کندوسی دخی بنوب کیرودن عزیمت یوردی

ابتدا حضرت علی کرم الله وجهه لواء شریف ایل
بنی قریضه حصارى اوکنه واردى
یهودیلر آنی کور یجک حد تلنوب فنا سوزلر سـ و یلکه
وحتی رسول اکرمی سب ایلکه باشلادیلر . و همان
مدافعه یه قیام ایلدیلر

بعده رسول اکرم اورایه واروب برصو یاشنه ایندی
عسا کر اسلامیه دخی فوج فوج آقوب کیدرک اخشامه قدر
جمله سی طو پلاندی

عسا کر اسلامیه نک مجموعی اوچ بیک قدر اولوب اوتوز
النسی آتلوایدی . بـ و صورته بنی قریضه حصارى
یک شدتلو محاصره التنه آندی

یهودیلر او وقت نه یه اوغراد قلر بنی اکلادیلر . و حق سر
اوله رقی نقض عهد ایلدکلرینه یک زیاده پشیمان
اولدیلر

رئیس لری اولان کعب برجه کونی آنلری طو پلادی
و عقد مجلس مشورت ایلدی

و (کتابلر یمزده مذکور اولان نبی آخر الزمان بو ذات
اولدیغی اکلا شلدی . ایسترایسه کن مسلمان اولدم
و بوبلادن قورقوله لم) دیدی

یهودیلر مسلمانلغه هیچ یه شمدیلر کعب دخی او یله ایسه
(اولاد و عیالمزى اولدیرلم کیروده بردوشـ و نه جکمز

قالسون آندن صكره سل سيف ايدرك چيقوب محمد يلك
اوزرينه هجوم ايله لم كورلم حق نه كوسترر)
ديدى

يهوديلر (اولاد وعيالز كيتد كدن صكره بزه يشامق
نه لازم) دهر ك بورأبي دخي قبول ايتديلر
كعب (اويله ايسه بشقه بر تدبير آرايه لم بو كچه جهه
ايرتسي كچه سي اولق حسييله محمد يلك بزدن اميندر
چندان احتياطه رعابت ايتزلر بغنه چيقوب اوزرلرينه
هجوم ايدلم احتمالكه ظفرياب اولورز) ديدى
يهوديلر (بزجه ايرتسي كونك حرمتنه خلل كستوره مينر)
دهر ك بوتديري دخي رد ايلديلر

و بنى نصير كى دوهل ينك طاشيه بيله چكى قدر اشيا
بوكلدوب كيمك شرطيله چيتمق اوزره رسول اكرم ايله
مخبريه باشلاديلر

بو استدعاري طرف نبويدن رد ايدلدى . حالبوكه
مدت محاصره يكرمي كوندن زياده ممتد اولدى
و يهوديلر ك آچلقدن تاب و طاقتلري كسلدى . وجهه سنه
كركى كبي ياس وفتوركلدى

ايشته اول حالده اللهك ارسلانى على ابن ابوطالب
رضي الله عنه حضرتلري زبير ابن العوام رضي الله عنه
حضرتلريله برلكده ايلروايوب (يابن عم حمزه نك

ایچدیکی شربتدن ایچره و بو طاتلی جاندن کچرم و یا خود
بو حصارک ایچنه طالارم (دهرک بنی قریضه حصارینه
هجوم ایتک اوزره حاضرلاندی

حالبو که یورو بش ایله حصاره کیراسه بونجه نسوان
و صبیان ایاقلر آتدند قالور . و نایجا ایشلر ظهوره کله یلور
ایدی

یهودیله ده ایسه اصلا مقاومته مجال قالدیفندن بلا عهد
و شرط تسلیمه مجبور اولدیلر

مجموعی طقوز یوز قدر نفوس ایدی . ایچلرنده حرب
و ضربه قادر اولنلری درت یوز قدر اولمغله آنلرک الیری
آرقه لرینه باغلاندی

بنی قینقاع طائفه سی خزر ج قبیله سنک عهد و اماننده
بولندقلری کبی اشبو بنی قریضه دخی اوس قبیله سنک
عهد و اماننده اولدقلری حالد اهل اسلامک علیه نه ده
بولنماق اوزره رسول اکرم ایله عهد و پیمان ایتشار
ایدی

حالبو که اهل اسلامک پک برطار وقتنده نقض عهد
ایلدیلر . و بو کره اوزر لرینه وارلد قدر رسول اللهی سب
ایتک کبی پک چرکین سوزلر سوزلدیلر

بناء علیه اهل اسلامک اکثری آنلرک اعدای رأینده ایدی
فقط مقدا بنی قینقاع دخی بو وجهله اله کیرمشیکن

خزرج قبیله سی اشرا فندن عبدالله ابن ابی ابن سلولک
نیاز و ابراهمی ایله آزاد ایدلمش اولدقلرینه قیاسا بو کره
بنی قر یضه نك دخی آزاد اولملری اوس قبیله سی طرفندن
استدعا و شفاعت اولندی

آنك اوزرینه رسول اکرم سعد ابن معاذ رضی الله عنه
حضر تلی بنی حکم نصب ایلدی . سعد ایسه خندق
غزاسنده مجروح اولقله یتاقده ایدی . همان آتی بر حیوانه
بندر دیلر . و حضور نبوی یه کتوردیلر

اوسیلر (یاسعد رسول الله سنی بنی قر یضه حقنده حکم
نصب ایلدی . حقوق قدیمه بی اونومه آنلره مرحت ایله)
دیو یالواردیلر

سعد ابن معاذ ایسه بنی قر یضه نك بلاموجب نقض عهد
ایلدکلرندن و کیدوب کیندولرینه نصیحت ایتدکه
بد معامله ایتدکلرندن طولانی پک زیاده کوجمش
و آنلردن انتقام آلمق ایچون فرصت کوز تمکده بولنش
ایدی

همان (بن حکم ایدرم که بنی قر یضه نك حرب و ضربه
یارایان نفوس ذکور بنی قتل و اعدام و اولاد و عیالارینی
اسیر و ماللارینی تقسیم ایده سز) دیدی . و دیدیکی کبی
اجرا قیلندی

بیک بشیوز قلیج و اوچ یوز زره و بیک مزرناق و بشیوز
قالقان و برچوق دوه و حیوانات سائر اله کچورلدی
بالجمله اموال غنائمک بیت المال ایچون خسی چیقارلدی
و باقیسی غزات مسلمینه تقسیم ایدلدی
و بنی قریضه اراضیسی انصار کرامک رضا و موافقتی ایله
دین اوغورنده دار و دیار لرندن مهجور اولان مهاجرینه
احسان بیورلدی

و رسول اکرم کندوری ایچون اسیرلر ایچندن ریحانه نام
قیزی انتخاب ایله تزوج ایتدی

بعده سعد ابن معاذ رضی الله عنه حضرتلرینک یاردهسی
فنا لا شوب شهید ا فوت اوله رق دار جنته کیتدی

مهاجرینک افضلی حضرت ابو بکر الصدیق اولدییخی کبی
انصارک افضلی دخی اشبو سعد ابن معاذ ایدی . و طور

و اخلاقجه حضرت عمر الفاروقه بکزدی

وفاتی اهل اسلامه پک زیاده حزن و کدر و یردی
و رسول اکرم (سعد ابن معاذک و قاتیله عرش اعلا

دتره دی . و جنازه سنه یتش بیک ملک حاضر اولدی)

دیو بیوردی . رضی الله عنه و ارضاه

بوائنده بلال حزنی کئندی قبیله سندن درتیوز کشتی ایله
مدینه منوریه کلدیلر . و اسلام ایله مشرف اولدیلر

رضی الله عنهم

ہجرت مکہ التجی سیلی

ہجرت نبویہ مکہ اشبو التجی سنہ سی محرمندہ انصار دن
محمد ابن مسلمہ رضی اللہ عنہ حضرت تری اوتوز نفر
سواری ایلہ دیار نجدہ کیندی

واورادہ برعشیرت اوردی یوز الی دوه ایلہ برخیلی قیون
آلہ کچوردی • و بنی حنیفہ مکہ اشرافندن ثمامہ ابن اثال
نام ذاتی اسیر ایندی

اشبو ثمامہ مدینہ منورہ کتورلد کدہ رسول اکرم آنی
مجانا آزاد ایلدی • متعاقبا اودخی ایمانہ کلدی و کبار
اصحاب کرامدن اولدی • رضی اللہ عنہ

خلال ربیع الاولہ ابوذر رضی اللہ عنہ مدینہ منورہ یہ
اویچ ساعت مسافہ سی اولان برمرعانہ اوغلی ایلہ برلکدہ

رسول اکرم مکہ دوه لرینی کودرکن عینہ ابن حصن الفزاری
فرق آتلو ایلہ کلوب ابو ذرک اوغلی اولدرمش و دوه لر
آلوب کتورمش اولدیغی خبر و برلککہ رسول اکرم
درحال مقداد ابن اسودک انہ برسبحاق و یردی • و آنی
سواری ایلہ ایلرو کوندردی کندولری دخی بشبوز قدر
عسا کر اسلامیه ایلہ بنوب نجد الکاسندہ واقع دیار غطفانہ
عزیمت بیوردی

خیبر یولندہ مدینہ یہ ایکی کونلاک مسافہ سی اولان

ذوقرد نام محله دشنلره ایریشادی . و بر قاجی
اولدیرلدی . و دوه لرکیرو آلدی . و بعده مدینه یه

عودت بیورلدی

اول ائشاده قریشک بر کاربانی شامدن چیتوب مکّه یه
طوغری کیمکده اولدیغی ایشیدلدی . آنک اوزرینه
رسول اکرم خلال جهادی الاولاده زید ابن حارثه
رضی الله عنه حضرتلرینی یتش نفر عساکر اسلامیه ایله
مدینه دن چیقاردی

زید دخی کیدوب مدینه یه درت میل مسافه سی اولان
عیص نام محله قریش کارباننه راست کلدی . و کاربانی
اوروب موجود اولان اموالی آلدی . بوا موال ایچنده
صفوان ابن امیه نك کیتلو کومشی وارایدی

بوندن بشقه برخیلی اسیرل دخی آلدی که رسول اکرمک
کریمه سی زینب رضی الله عنها حضرتلرینک زوجی
اولان ابوالعاص ابن الربیع دخی بواسرا ایچنده بولنوب
مدینه منوره یه کلدکده حضرت زینبه التجا ایلدی
اودخی جایه ایتکله رسول اکرم آنی مجانا آزاد ایتدی
اندن صکره ابوالعاص دخی اسلام ایله مشرف اولغله رسول
اکرم ینه زینبی اکا ویردی

خلال شعبانده رسول اکرم عبد الرحمن ابن عوف
رضی الله عنه حضرتلرینی بر مقدار عسکرله بنی کلب

قبيله سنی دینه دعوت ایتک اوزره دومه الجندل نام
بلده یه کوندردی . اودخی واروب انلری اوچ کون
دینه دعوت ایتدی . رئیس لری اصبع ابن عمرو که نصارا
دینده ایدی . اسلام ایله مشرف اولیجق قبيله سی
خلقنک چوغی ایمانه کلدی . ایمان ایتیمانلردخی جزیه
و یرمک اوزره اوراده قالدی . وابن عوف رضی الله عنه
اصبعنک قیزی تماضری تزوج ایتدی . و آنی آلوب مدینه
منوریه کتوردی

ینه خلال شهبانده بنی سعد ابن بکر قبيله سی یهود
خبر ایله اهل اسلام علیهنه اتفاق ایتک اوزره طوپلانقده
اولدقلری ایشیدیلکه حضرت علی رضی الله عنه بر مقدر
عسکرله اول طرفه کیتدی . و بنی سعد راست کله میوب
انجق غمچ نام محله انلرک حیوانلرینه تصادف ایتدی
و بشوزدوه ایله ایکی بیک قیون آلوب مدینه منوریه
کتوردی رسول اکرم دخی انلرک خسنی بیت المال ایچون
چیقاردی و باقیسنی غزات مسلمینه تقسیم بیوردی
الحاصل خندق غزا سنده طوائف کفار پراکنده و تارمار
اوله رق صاووشوب کیتلریله اهل اسلام آرتق میدان
آلدی . و هر طرفه بی پروا فرقه لر کوندریلور اولدی
و دین اسلام کوندن کونه قوت و شرف بولدی

✻ ۱۳۷۶ ✻

سید
۱۳۹۱



﴿ جزء ثالث ﴾

﴿ قصص انبیا و تواریح خلفا ﴾



﴿ اثر خامہ احمد جودت ﴾

زمان جاه‌ایسته عربلر ناحق یره قان دوکک و ففرو فاقه
بهانه سیله قیر اولادلرینی دیری دیری طو پراغه کومک کبی
انسانیتنه یاقشیمان فنا خو یلردن صاقمنازلر و سرف
وزنا کبی چیرکین ایشلردن چکنزلر ایدی

شریعت اجدیده ده بومثلاو مذموم خو یلر و چیرکین ایشلر
بساغ اولدی . وناسه اخلاق حیدره و اعمال صالحه ایلر
امر و نصیحت یورلادی

عقل و انصافی اولانلر حضرت پیغمبرک معجزاتی و دین
اسلامک محسناتی کوردیلر . ایمان کتوردیلر

قبائل و عشائرک اکثر وجود و اشرافی بلغادن اولق حسبیلر
قرآن کریمک نهایت مرتبه ده اولان بلاغته باقوب
انسان کلامی اولدیغنی اکلا دیلر

لکن قوم و قبیللرینه ریاست ایتیمکه آلمش اولد قلرندن
ریاستلرینی الدن چیقارماق ایچون خلقی اسکی عقاید
باطله ده طوتمق اوزره اصرار ایلدیلر

علی الخصوص قریش قومک رؤسای کندی ایچلرنده
یتیشوب بیومش اولان نبی ذیشانه آحاد ناس ایلر برابر
اوله رق تابع اولمقدن عار ایدرلر دی

حتی بعضیلری معجزات باهره دن اولان بلاغت قرآنییه
دیه چک برسوز بوله میوب (بو قرآن اشراف مکّه دن
ولید ابن المغیره و طائف بلده سنک امیری اولان عروه

ابن مسعود الثقفی کبی بر یوک آدمه نازل اولیدی
دیدیلر

باق شوباطل خویالاره که کندو بینرنده مال واعتبارجه
بیوک بیلدکاری کسانا حقیقت حالده بیوک صاورل
ومنصب نبوتی آنلردن بکندکارینه توجیه ایتدرمک
ایستزل ایدی

حالبو که بیوک بلاله دکاری آدملردن ولید ابن المغیره کبی
بعضیلری چوق کچمبوب مکهده فوت اولدی . بر چوغی
دخی بدرده تلف ایدلدی . بوجمبتله ریاست مکه
ابوسفیانده قرار قیلدی

عروه ابن مسعود الثقفی اکرحه هنوز بر حیات اولوب
طائفده ریاست و حکومت ایتمکده ایدی . لکن برادرزاده سی
اولان مغیره ابن شعبه الثقفی بنی مالکدن لات نام بتخاننه
خدمه سی اولان اون اوچ کشی بی اولدرمش و بوندن
طولایی بنی مالک ابله مغیره نك قبیله سی آره سنه عظیم
عداوت کیرمش ایدی

عروه مدبر و مرعی الخاطر بر آدم اولوب یواون اوچ
اکشینک دیتلرینی و بردی . وایکی فرقه بی بر بر یله
بارشدردی

مغیره ایسد خندق غزاسندن صکره مدینه منوره به کادی
واسلام ایله مشرف اولدی

اشبو مغیر غایت حاضر جواب و جن فکر او و عمو جہ سی کبی
شان و شهرت صاحبی بر آدم ایدی . بناء علیہ انک ایمانہ
کلمسی اهل اسلامی بمنون ایتدی . و مشرک لک کو چنہ
کیتدی

روئسای قریشدن فوت و تلف اولنلک برلرینه کچن
عکرمه ابن ابو جهل و صفوان ابن امیه کبی یکی رئیس لر دخی
پدرلرینک یولنده اصرار ایتکده ایستلرده پکده او قدر
افکار عامیه قارشو طوره میورلردی

فقط رسول اکرم ایله محارب اولد قلندن آنلره تابع اولان
آحاد ناسک اکثری اهل اسلام ایله الفت و اختلاط
ایده مدکاری جهتله دین اسلامک محسناتی بیلہ میورلردی
* قبائل و عشائر سائرہ دخی قریش ایله اهل اسلام
آره سند کی محارب باتک نتیجه سنه منتظر اوله میورلردی

مع مافیہ برتقریبیلہ دین اسلامک محسناتی او کورنلر
و علی الخصوص رسول اکرمک مبارک یوزینی کورنلر دخی
پدر پی ایمانہ کلبورلردی

چونکدا اول فخر عالم صلی الله ته الی علیه وسلم حاضر تلیرینک
هر کس دن زیاده صورتی کوزل و سیرتی مکمل ایدی
شویله که هپ اعضایی تام و متناسب و مستثنا بر حالده
و جیع اوصافی حد اعتدالده ایدی

یوزنده نور و ملاحت سوزنده سلاست و لطافت اسانده

طلاقت و فصاحت بیانده فوق العاده بلاغت
واریدی

و بیهوده سوز سويلوب هر کلامی حکمت و نصیحت ایدی
و هر کسک عقل و ادراک کنه کوره سوز سويلر ایدی
کولر بوزلی و طاتلی سوزلی اولوب اهل بیتنه و خدامنه
و اصحاب کرامنه حسن معامله ایتدیکی کبی سارنانه
دخی رفق و لطف ایله معامله ایلر ایدی

حلیم و متواضع و جله کلمات انسانیدینی جامع ایدی
بونکله برابر کمال و قار و مهابتی و اریدی

مجلس سعادتنه داخل اولئر فائده مند و فرحیاب اولوردی
و آتی بیلمیان بر کیمسه بغفته کورسه کندوسنی مهابت
آوردی

الحاصل کانه اخلاق حمیده و اوصاف پسندیده نک
کمالی آنده موجود ایدی. مثلی یارادلماش بر وجود مبارک
و مسعود ایدی

شو حاله نظرا قریش ایله بر مصالحه یا پیلو بده ایکی طرف
خالقی بر بر ایله سر بسنچ، کوریشور اولسه لر هپ شرکالر
دین اسلامک محسناتی و رسول اکرمک مہجراتی کوروب
او کر نه بیلورلردی

بو صورتده ایسه هر طرفده دین اسلامه بر میل عجمی
حاصل اوله جفی و از وقت ظرفنده دین اسلام طرف طرف

شروع و انتشار بوله جنی در کار ایدی
الحاصل دین اسلام ک عمر بستانده قولایقله انتشاری ایچون
بر مصالحه به احتیاج و ارایدی

مصاحبه

رسول اکرم صلی الله تعالی علیه وسلم حضرت نوری التنبی سنه
هجریه ۱۰ غره ذی القعدة سنه ۱۰ بیک بشبوز قدر اصحاب
کرام یله مدینه دن چیقوب مکه به عزیمت بیوردی
زوجه محترمه لری ام سلمه رضی الله عنها حضرت نوری دخی
برابر کوتوردی

نیت شریفه لری محارب به اولیوب مجرد عمره یعنی سعی
وطوف ایله کعبه معظمه بی زیارتدن عبارت اولدیغنه
دلیل اولوق اوزره مکمل آلات و ادوات حربیه کوتور میوب
فقط اصحاب کرام نه یولجی سلاحی اولان برر قلیج
طاقدردی

واهل مدینه نک میقاتی اولان ذوالحلیفه نام محله وارد قدده
احرامه کیردی . ویتمش قدر قربانلق دوهله نشان
اوردی

فقط شاید که قریش طائفه سی ممانعت و محاربه به
 قال قیشور لر دیو غفار و مزینه وجهینه کی مدینه اطرافنده
 بولسان بدوی قبیله لری دخی برلکده حج اینک اوزره
 دعوت بیوردی

اشبو قبائل عربان ایسه پیغمبر مقدّمجه کندوسنی مدینه ده
 محاصره ایدن قریش طائفه سی ایچنه کیدبور. کندوسنی
 تهلمکده القا ایدبور. آرتق کبروکلک احتمالی بو قدر
 دیو برلکده کیمکدن امتناع ایلدیلر. وک و یا خاتله لری
 امورینه باقمه حق کمسنه لری اولماق بهانه سیله عذر
 دیلدیلر

رسول اکرم قریشک احوالی نجسس ایچون جانب مکّه به
 جاسوس کوندرمشیدی. عسفان نام محله وارلقدّه
 اول جاسوس دونوب کلدی. قریش طائفه سی
 رسول اکرمک مدینه دن چیقدیغنی خبر آلدقلى کی
 طوپلانتش و بعض قبائل عربانی جمع ایله جنکه
 حاضر لانتش اولدقلى وایکیوز آتلو ایله خالدان وایدی
 ایلرو به کوندرمش اوللر بیله آنک دخی غیم نام موقعده
 بکلمکده اولدیغنی خبرینی کتوردی

بناء علیه عسفان دن ایلرو حرکت اولندقدّه اول فخر عالم
 حضرت لری صاغ طرفی طرفه تکر دیو بیوردی

بوجه تله اردوی همایون یولک صاع طرفنه میل ایله
برصرب یوقشه اوردی

خالد ابن الولید آنی اوزاقدن کور یجک در حال دونوب
قریشک یاننه واردی • و کیفیتی خبر و یردی
اردوی همایون ابدیه برته په واردی که اندن آشادیغی کبی
قریشک خارج مکده حیدیه نام محله اردو قورزقلری
موقعه اینلوردی

بحکمة الله تعالی اوزاده رسول اکرمک قصوا نام بنک
دوه سی چو کیو یردی • اصحاب کرام هایدیلر قالمدی
حرون حیوان کبی عناد ایدوب طور دی

قصوا طور دی دیدیلر رسول اکرم (خبر طور مدی
و بوبله طور مق خوبی یوقدر فقط فیلی مکده کیرمکدن
منع ایدن آنی دخی طور دردی) یعنی الله تعالی حضر تلی
اصحاب فیلی مکده کیرمکدن منع ایتدیکی کبی بزه دخی
بو حال و هیئت ایله کیرمکه رخصت و یرمدی دیو یوردی
* چونکه طوغری قریش اوزرینه وارلسه بهر حال
محاربه اولنق لازم کلوردی

حالبو که مدینه اطرافنده کی قبائل برار کلدیکندن حجاج
مسلمینک مجموعی بیک بشوز قدر اولدقلری حالد حج نیتله
کلیش اولدقلری جه تله تدارکات حر بیدلری مکمل دکل

قریش مکہ ایسہ آنلرہ نسبتلہ زیادہ اولدقلری حالده
جوار مکہ ده بولان قبائلی طو پلایو بر مشلر ایدی
حتی بالاده ذکری کچن عروه ابن مسعود الثقی و عربان
الحجیدہ جنکارلکله معروف اولان قبیلہ احابیش شبنی
حلیس دخی برابر ایدی

واکرچه اهل اسلام یکدل و یکجهت وانضباط تام تحتده
برهیئت اولدیفندن اردوی همایونه نسبتلہ قریش
اردوسی باشی بوزوق طرزنده بر جمعیت ایدی

شو حاله نظرا اهل اسلام عون و عنایت باری ایلہ
مظفر بنی مأمول ایسده بوصورتده طرفیندن برچوق
تلفات وقوعیلہ مکہ مکرمهیه حربا کبیریلرک حرم
شریفه چاره سز برنوع حرمتسزلک ایدلمش اولوردی
بوایسہ اراده الهیهیه مغایر ایدی

و برده مکہ مکرمه ده اسلامی اظهار ایدمه میوبده جانی کبی
ایمانی دخی دروننده کیرلو اولان برچوق ضمه فای مسلمین
وار ایدی . بوغار غشه لقمه آنلردخی بیلمیه رک پایمال
اولوب کیدردی

قالدیکه هنوز ایمانه کلامش اولان اشراف قریشدن
نیجه ذاتلر قریب العهدده ایمانه کلوبده دین اسلامه
بیوک بیوک خدمتلر ایتلری و نیجه خیر او اولاد یتسدرملری
مقدرایدی

ایسته دونهك اویله خلاف عادت اوله رق من طرف الله
 چو کیو برسی بو مثلاًو دقیقه لره رمز و اشارت ایدی
 بناء علیه اصحاب کرام دوه بی فال دیروب یورتمک ایستد کلرنده
 یزندن فیملد انعامش ایکن بعده رسول اکرم بالذات سوق
 ایدیجک فالقوب یور بیوردی
 فقط طرغری یول ایله کیتیب بر طرف صباه رق حدیبیه نك
 نهایتده صوبی چکلمش بر قوی باشنه ایندی . خلق
 دخی کلوب اطرافنه قوندی
 اصحاب کرام اوراده صوسزلقدن شکایت ایتمکله
 رسول اکرم ترکشدن براوق چیقاردی . و آنی اول
 قوی ایچنه بر اقدردی
 قویدن او قدر صوقینادی که بتون اردو خاکی طوبیجه
 ایچدی آبدست آلدی حیوانلر بی صواردی
 رسول اکرم محاربه نیتده اولمادیغنی بیلدرمک ایچون
 خراش ابن امیه الخزاعی بی قریشه کوندردی
 قریش ایسه خراشی اولدرمک ایچون اوزرینه هجوم
 ایتمشله عربان آحایش آرهیه کیروب آنی قورتر مشلر
 اودخی همان کلوب کیفیتی رسول اکرمه بیلدردی
 رسول اکرم محاربه نیتده اولمادیغنی رؤسای قریشه
 کوزلجه اکلاتمق اوزره عمر الفاروق رضی الله عنه حضرتلرینی
 کوندرمک ایستدی

حضرت عمر (رؤسای قریش بنم آنلر حفته نه مرتبه
غیظ و غلاظتم اولدیغنی بیلورلر قورقارم بکاس و قصد
ایدلرلر درون مکده عشیرتمده یوق که بنی حایه ایتسونلر
فقط عثمان ابن عفان کیتسه مناسب اولور . زیرا آنک
نفس مکده عشیرت واقرباسی چوقدر . نفسنج قورقوسی
یوقدر) دیدی

فی الواقع رئیس قریش مکه اولان ابوسفیانک پدری
حرب ابن امیه بن عبد شمس ابن عبد مناف ایدی . عثمان
ذی النور بن رضی الله تعالی عنه حضرتلرینک پدری اولان
عفانک پدری دخی ابوالعاص ابن امیه ابن عبد شمس
اولغله اشراف مکه دن اولان بنی امیه هپ کندوسنک
عزاده لری ایدی

بناء علیه رسول اکرم ابوسفیان و سایر رؤسای قریش الیه
کوریشو بده مقصد پیغمبری مجرد طواف زیارت بیت الله
اولدیغنی آنلره بیلدرمک و قریش مکه ایچنده کیرلر مسلمان
اوللر الیه کوریشو بده آنلره دخی تسلیت و یرمک اوزره
حضرت عثمانی کوندردی

رؤسای قریش آنی ممنونیت الیه قارشوله مشار و کعبه بی
طواف ایت دیوتکلیف ابشار

حضرت عثمان ایسه رسول اکرم طواف ایتدیکجه بن ابده

دیکله رؤسای قریش دلیکیر اولمشلر و آنی توقیف ایله
کوز حبسنه آلمشلر ایدی

اول ائنده خزاعه قبیله سی رئیس اولان بدیل ابن ورقا
کندی قومندن برطاقم آدم لر ایله اردوی همایونه
کلدی

خزاعه قبیله سی تهامه قبائلندن اولوب زمان جاهلیته
برخصوصدن طولابی بنی هاشم ایله عقد اتفاق
ایتمش لر ایدی . ظهور اسلامدن صکره دخی بوعه دی
اونو تمایلر . و رسول اکرمه طرفدارلقدن کیر و
طورمدیلر

بناء علیه خزاعه قبیله سی هنوز اسلام ایله مشرف
اولما مشلر ایکر رسول اکرم ایله قریشک احوالنه دأر کیرلو
مخاره ایدر لدی

بوکره بدیلک کلشی دخی خیر خواهلق بولنده اوله رق
حضور نبوی به کیردی . و (قریش طائفه سنی کوردم
حدیده نک صولی برلینه قونمشلر و تدارکلی بولمشلر
کیر و دونهک نیتنه دکلمر سزه ممانعت ایتسه لر کر کدر)
دیو خبر و بردی

رسول اکرم اکادخی (بزکیمه ایله جنک ایچون کلمدک
انجق عمره یعنی سعی و طواف ایچون کلمدک . و قریش
طائفه سی مقدمکی محاربه لر ایله ضعیف دوشدی

حرب و ضرب به مجالری قالدی . فقط ایسترل ایسه
آنلرله برمتار که ایدرم صکره بنم شریعتک ظهور وانتشارنده
ایسترل ایسه آنلردخی سائرلی کبی تابع اولورلر . یوق
اگر امتناع ایدرلر ایسه شو حالده بن آنلرله یالکره الهجه یه دك
جنگ ایدرم . آرتق جناب حق امری نه ایسه یرینه
کتورر) دیو یوردی

بدیل (او یله ایسه بن واردهم بونی قریشه خبر و یریم)
دیهرک رخصت آلوب قریش اردوسنه واردی
روشای قریش ایل کوریشوب (بن اوزاتک یانندن
کلیورم ایشتدم برسوز سویلیورایدی . ایستر ایسه کز
سزه عرض ایدیم) دید کده عکرمه ابن ابوجهم و حکم
ابن عاص کبی بعض سفها (سنک و یره جکک خبره احتیاجز
یوق) دیمش

عروه ابن مسعود الثقی ایسه (بدیلک سوزینی دکه یکر
الویرر ایسه طوتکن الویرمز ایسه آنکز) دیو نصیحت
ایلمش

آنک اوزرینه حارث ابن هشام ایل صفوان ابن امیه
بدیل سویله باقلهلم دیمش اودخی رسول اکرم دن
ایشتدیکنی سویلمش

عروه قالقوب روشای قریشه خطابا بکا امنیکز واری
دید کده اوت سندن هروجهله امیز دیمش

اودخی (بو آدم سزه مصلحانه ومنصفانه بر یول کو سترش
براغکز بنی بر کره آنک یانه واریم) دیمش . آنردخی
کیت باقلم دیمش

بنه علیه عروه ابن مسعود اردوی همایونه کلدی . رسول
اکرم ایله کورشدی . وسوزه کیرشدی

(یا محمد قریشک وجوه و اشراقی تدارکات کلیه ایله
چیفدیله . وسنی مکّه به قویماق اوزره بیلرندمه معااهده
ابتدیله . سنک یاننده کی عسکر ایسه بردرنی غلبه لکدن
عبارتدر . یارین جله سی قاچوب سنی میدانده یالکز
براغیو پرلر) دیدی

عروه نک بو سوزندن ابو بکر الصدیق رضی الله تعالی عنه
حضر تلم بنک جانی صیقیاوب قاشلرینی چاتدی و (بزی
طاغیاو بده حضرت پیغمبری یالکز براغه جفن) دهرک
عروه یی تعذیر و تکدیر ابتدی

بعده عروه عادت عرب اوزره رسول اکرمک صفائی طوتوب
او خشامق ایستدی

بوایسه نعطیه منافی بر کیفیت اولدیغی حالده رسول اکرم
عروه یه لطف و نزاکت ایله معامله ایدردی

لکن مغیره ابن شعبه الثقفی که رسول اکرمک بانی اوجنده
طوره یوردی همان عروه نک النی ابتدی . وچک الکی
ذهرک عوجه سنه عنف ایله معامله ایتدی

عروه یو کیم دیو باقوب کوردی که برادر زاده سی مغیره در
(بره غدار بن سنک دو کدیک قان لکه سنی هنوز تیز نلدم
شمدی بو طور و معامله ک ندر) دیدی

عروه بو وجهله مغیره بی تکدیر ایلدی . مغیره دخی
اکا قارشواق اوله رق سرت سوزلر سو یلدی
بو وجهله سوزی اوزاتدیلر . و حضور نبوده خیلجه
مجادله ایتدیلر

بعده نبی محترم مجرد طواف ایچون کادیکنی وعقد متار که
ایده یله جکنی و قدیش اگر مخالفت ایدرسه صوک
درجه یه قدر مقاله ایده جکنی افاده ایلدی . الحاصل
بد یله نه سو یل دیسه عروه یه دخی سو یلدی

عروه (یا محمد طوته لم که سن غالب کلدک عر بده سندن
اول اصلانی تلف ایدوب بتورمش کیمسه واری)
دیدی

عروه یو مکالمه ل ائنا سنده اصحاب کرامک حضور نبوده
طور و معامله لینه دقت ایدوب کورردی که اصحاب
کرام پروانه کبی اول فخر عالمک باشی اوچنده طولاشورلر
وهرنه امر ایته کمال سرعت ایله اجرا سنه چالیشورلر
و یوزینه حدت ایله باقیوب حضورنده کمال تعظیم ایله
والحق سس ایله سوزه کیریشورلر . و آبدست آلورکن
دو کیلان قطره لری آلوده یوزلینه و کوزلینه سورمک

ایچون باشنه اوشرلر . و برقیلی بره دوشه جک اولسه
آلوب وصافلا بوبده حرزجان ایتمک اوزره قایدشورلر
صانکه عروه نك دیدیکی کبی اول فخر عالمی براغوبده
طاغیله جق برجعت اولمدقلرینی لسان حال ایله
بیلدیرلر ایدی

عروه عودت ایدوبده قریش اردوسنه واردقده
(ای جماعت بن قیصر و کسری و نجاشی دیوانلرینی
کوردن نیجه حکمداران ایله کورشدم . والله برینک
قومنده محمد اصحابنک ایندیکی حرمت و اطاعتی کورمدم
قولایلقله طاغیله جق برجعت دکلدر) دبه رک مصالحه یی
ترویج ایتمش

آنک اوزرینه عربان احابیشک رئیس اولان حلیم
هله بنده برکره کیدوب کورهیم دبه رک قالقوب اردوی
همایونه کلش کورمش که کعبه یه قربان ایدمک اوزره
برچوق دوهلر علامتلمش اصحاب کرام لبیک دیو چاغریشور
همان دونوب قریشک یانته کیده رک (بویله زیارت
بیت الله ایچون کلش اولان جماعت نصل منع اولنه بیلور
زواقعا سزکله متفق . لیکن زوار بیت اللهی منع ایتمک
اوزره متعهد دکلز) دیویرمش

بناء علیه رؤسای قریش دخی چاره سز مصالحه یه
رضا کوستمش لر و عقد صلح ایچون فصیحای عربدن

مشهور سهیل ابن عمروی کوند رملر

سهیل ابن عمرو اردوی همایونه کلوب رسول اکرم ایله
کورشدی . و همان شروط مصالحه مذاکره سنه
کیرشدی

شروط مصالحه نك مذاکره سنده پك چوق مباحثه لر
واقع اولدی

نهایت اون سنه مدت ایله عقد مصالحه اولنه رق بومدت
ظرفنده طرفیندن یکدیگره تعرض اولنماسنه قرار
ویرادی

و طرف نبویدن همان اهل اسلامك مكه یه کیروبده کعبه بی
طواف ایتملی شرطی میدانه قونلادی

سهیل ایسه (بوشمندی اوله ماز زیرا مکه یه جبرا کیرلش
حوادثی طوائف عرب ایچنه یاییلور . و بوجهتله قریشك
شان و اعتبارینه خلل کالور . فقط کله جك سنده
اوله بیلور) دیمکله سعی و طوافك کله جك سنده تأخیری
طرف نبویدن دخی قبول بیورادی

بعده سهیل پك آغر بر شرط درمیان ابتدی شویله که
سزدن بری بزه کاورسه ردایتملم . اما بزدن سزه برآدم
کیدرسه مسلم اولسه ییله ردایده سزدیدی

اصحاب کرام بوسه و زدن حد تنذیلر هیچ بو اولور شیئی

بزه بر مسلم کلدیکی حالده آنی مشر کلرک الله فصل تسلیم
ایدهلم (دیدیلر

سهیل ایسه بوشرطه موافقت اولمخدجه مصالحه به
قرار و یربله میه جگنی قطعیا بیان ایتمکله رسول اکرم
چاره سز بوشرطی دخی قبول ایتدی
اصحاب کرام بوکا تعجب ایدهرک یار رسول الله بوشرطی دخی
یازدیزه چقمیسین دیدیلر

رسول اکرم (اوت بزدن آنلره کیدنلری الله بزدن ایراغ
ایتسون آنلردن بزه کلنلرایچون دخی جناب حق البته
برچاره یارادر) دیویوردی

چونکه مدینه اطرافنده کی قبائل دخی حج وطواف نیتله
کلش اولسه-یدیلر اردوی همایونده قریشک کوزینی
ییلدیره جق مرتبه غلبه لک پیدا اولوردی . لکن
آنلر قورقوب برلکده کلدرکدن عساکر اسلامیه
عددجه آزو حج نیتله چقمش اولدقلرندن اسباب سفر به جده
دخی تدارک سز ایدیلر

قریش ایسه یرنده قوتلو وادوات حربیه لری مکمل
اولدیغی حالده جوار مکه ده بولنان قبائلی جمع ایدیو یرمش
اولدقلرندن اهل اسلامه نیتله قوتلری قات قات
زیاده ایدی

شو حالده اهل اسلامک تاشهر مکنک کنارینه قدر

کبد و بدنه قریشی هیچ صایملری فوق العاده بر شجاعت
و فقط او یله بر قوی دشمنه قارشو اوراده اوزون اوزادی به
طور مق دخی مخاطره او بر کیفیت ایدی
بناء علی ذلک اهل اسلامه کوره هر نصل اولور سه اولسون
قریش ايله بر مصالحه یا عمق مقتضای عقل و حکمت
ایدی

قالدیکه مکده سوز رؤسای قریشده اولغله ایام محاربه
متد اولدجه آحاد ناس دخی سور یسبله آنلره تابع اوله رق
جنک وجدال ايله مشغول اولور . و بو جهته دین
اسلامک نشری ایچون طرفیندن پک چوق قان دو کلک
لازم کلور ایدی

امام مصالحه وقوعنده طرفین بر بر یله سر بستجه کور یثوب
رسول اکرمک معجزاتی و حسن اطوار و عاداتی
و دین اسلامک محسناتی ایشیدرک و افراد مسلمینک مظهر
اولدیغی حربتی کوره رک آحاد مشرکینک کیمی مسلمان
اوله جق و کیمی دین اسلامه میل ايله اهل اسلام حقنده
اولان عداوتلری ازاله جق و اول حالد رؤسای قریش
یا سکز قاله جق ایدی

قبائل سائر ايسه قریشه باقمده اولد قلرندن رؤسای
قریشک قوتلرینه او صورتله ضعیف کلد کده آنلر دخی
طرف اسلامیانه میل ایده جکاری جهته دین اسلام

از وقت ظرفنده طبعیه بتون عربستانه یایله حق

ایدی

الحاصل آحاد مشرکینک اهل اسلام ایله سر بستجه
اختلاطی دین اسلامک از وقت ظرفنده انتشارینه سبب
اوله حق ایدی

هر وقت عقد مصالحه ده ارا نیله حق شی ایسه کله جکده
حاصل اوله حق فوائددن عبارتدر

لکن اصحاب کرام بورالرینی کرکی کبی دوشونه مد کلرندن
اویله آغر شرطارک قبولی پک کوجلرینه کیتدی
قالدیکه رسول اکرم مدینه ده ایکن روئاسنده اصحاب
کرام ایله برلکده مکه یه واروب حج ایتد کلرینی کورمش
و عینیه ظهور ایده جکنی خبر و یرمش ایدی . اصحاب
کرام دخی روئا همان بوسنه چیقده حق دیوظن ایتشلر
ایدی . بناء علیه بو کره مکه یه کیرو بده کعبه پی
طواف ایده جکلرنده هیچ شبهه ایتمزلر ایکن اویله آغر
شرطلر ایله بر مصالحه یاپا و بده طواف کعبه دن دخی
محروم اوله رق کیرو دونمک کیندولرینه غایت کران کلدی
و آزالدیکه بز چوغنی دآره اطاعتدن چیقده یازدی

حتی حضرت عمر حضور نبویه سن اللهک رسولی
دکلیسین و بزم دینز حق دکلی نیچون بو ذلت و حقارتی
قبول ایدبورز دیدی

رسول اکرم دخی بن اللهک رسول یم لکن اکاعصی اولهم
واو بنم یارد مجید در دیو جواب و یردی

بعده حضرت عمر یاسن بیت اللهه وارو بدنه طواف
ایده جکسکز دیمدکی دید کده رسول اکرم اوت دیم
اما بوسنه دیمدم بنه دیورم که مکینه کبروب سخی وطواف
ایده جکسکز دیو بیوردی

الحاصل بالاده بیان اولندیغی اوزره مواد مصالحه به قرار
و یرلدی . و حضرت علی صلحنامه دینی باز مغه مأمور
اولدی

رسول اکرم ابتدا بسم الله الرحمن الرحیم یاز دید کده
سهیل بو عبارته بی طانیم اوته دنبرو یاز یله کلدیکی وجهله
باسمک اللهم یاز دیدی

اصحاب کرام بو کا مخالفت آیتک ایستدیلر ایسه ده برزاع
لفظی اولوب معناه ایکی کلام بیتده فرق اولدیغندن
رسول اکرم باسمک اللهم یاز دیو بیوردی . و بعده
صلحنامه نك عنواننه محمد رسول الله دیو یاز دردی

سهیل اگر بر سنک رسول الله اولدیغکی تصدیق اینسیدک
سنکله محاربه و مجاهده اینزایدک . آنک یر بنه بابا کاک
اسمنی یاز دیدی

رسول اکرم سمرتکذیب ایسه کزده بن اللهک رسول یم

اما باس یوق یا علی آئی بوزده ابن عبد الله یاز دیو امر
ابتدی

حضرت علی بن رسول الله لفظنی بوزه مم دیمکله رسول اکرم
آئی کندی الیه بوزدی . و محمد ابن عبد الله دیو یازلدی
* بعده اون سنه مدت ایله عقد مصالحه اولندیغی تحریر
اولندقدن صکره بوسنه اهل اسلام کعبه بی طواف
ایتمکسزین کبرو دونک وکله جک سنه کله رک مکه به کبروب
طواف ایتمک . فقط اوچ کوندن زیاده طور ماقی واولوقت
قریش طائفه سی مکهدن طیشار وچیققی شرطلری
یازلدی . و بعده طرف اسلامیه کللرک ردی ماده سی
درج ایلدی . فقط بوماده قریشه تخصیص اولنوب
قبائل ساره مستثنا طولدی

شویله که قریشدن ماعدا اولان قبائل ایستزل ایسه
عهد و امان محمدی به وایستزل ایسه قریشک عهد و امانه
داخل اولیق اوزره مخیر براغلدیلر

حالبو که بوراسی تصدیق اولندیغی کبی همان خراعه
قبیله سی قالقوب عهد و امان محمدی به داخل اولدقلرینی
اعلان ایلدیلر . بنی بکردخی قریشک عهدینه داخل
اولدیلر

صلحنامه برمنوال مشروح تمام اولدقدن صکره ذیلنه
اشراف مهاجرین و انصاردن و رؤسای مشرکیندن

شاهد اولان کیمه لک اسملری تحریر و علاوه ایدلدی
 و اوصرفده پک آجی بروقه ظهوره کلدی
 شویله که سهیلک اوغلی ابوجندل اسلام ایله مشرف
 اولدیغندن پدری آنی باغلابوب حبس ایشیددی . نصلسه
 بواشاده قورتیلوب فرار ایله زنجیرینی سورویه رک
 و تکبیر کتوره رک اردوی همایونه چقه کلدی
 سهیل آنی کور یجک ایشته صلحنامه اقتضاسیجه ابتدا
 سزدن زدینی ایستیه حکم بودر دیدی
 برو طرفدن هنوز شمدی مصالحه به قرار ویرلدی . بوآرده
 قاچوب قورتیلان مستثنا اولق لازم کلدور . بوندن صکره
 کله جکر رد اولنور ذینلدی ایسه ده . سهیل اگر اوغلی
 کندوسنه زد و تسلیم اولماز ایسه صلحنامه بی کآن لم یکن
 حکمنده عد ایده جکنی قطعیا بیان ایتکله نقض عهددن
 اجتنابا اوغلی ابوجندل کندوسنه ویرلدی
 و ابوجندله صبر آیت قریبا جناب حق سنی بوبلیه دن
 خلاص ایدر دیوتسلایت بیورلدی
 ینه بواشاده حضرت عثمانک عودتی بکیمش اولدیغی
 حالده قتل اولمش دیو برسوز ایشیدلکله رسول اکرم
 آرتق محاربه ایتدیکجه کیرو دونه میزد دیدی . ایشته
 اولوقت بیعت رضوان وقوع بولدی
 شویله که رسول اکرم براغاج آلتنده اوتوردی

هپ اصحاب کرام کلوب اولنجیه دک صبر وثبات ایله
اصلا فرار ایتماک اوزره عقد بیعت ایلدیلر . یالکز
جدان قیس دوه سنک آرقه سنه صافلاندى . وکلوب بیعت
ایتدی . ورسول اکرم ایکی النی بربرینه باغلا یوب
حضرت عثمان طرفندن دخی غائبانه اجرای رسم بیعت
ایلدی

اهل اسلامک بو بیعتی قریشه خوف ودهشت ویردی
همان حضرت عثمانی اردوی همایونه کوندردیلر
برو طرفدن دخی سهیل کیتدی . و مصالحه بی اعلان
ایتدی . دیدی قودی دخی بتدی

و رسول اکرم قر بانلق دوه سنی کسدى . وباشنی تراش ایتدی
آنک اوزرینه اصحاب کرام دخی قر بانلرین کسدیلر
وکیمی باخلرین تراش ایتدیلر . وکیمی صاچلرین کسدیلر
* واکرچه درون مکه یه کبر و بده سعی و طواف
ایده مدکاری ایچون محزون اولدیلر . انجق اول ائشاده
برروز کاراسوب آنلرک صاچلرینی حرم شریفه کونورمکله
متسلی و ممنون اولدیلر

هجرتدن مقدم فرس دولتی رومه دوانته غایه ایدرک
انطاکیه و شام و قدس شریف طرفلرنده دین نصاری
قالدیرو بده مشرکارک برنوعی اولان مجوس آیینی یورتمکله
تشیب ایتشیدی . روم طائفه سی ایسه نصارا دینده اولوب

نصارا دخی اهل کتاب اولیٰ حبشیله اهل اسلامه یسین
 اولدیغندن مشرکین قریش فرسک رومه غلبه سنی
 ایشدکلی کی ممنون اوله رق اهل اسلامه (بزم اخوانمز
 سزک اخوانکزه غلبه ایتمش البته بزده سزه غالب کاورز)
 دیملریله اهل اسلام مکدر اولمشیدی . آنک اوزرینه
 (الم غلبت الروم) سوریه نازل اوله رق اون سنه یه
 وارمدن رومک فرسه غلبه ایده جکی تبشیر یورملقه
 ابو بکر الصدیق رضی الله تعالی عنه حضرتلری اولوقت
 مشرکین قریشه اوقدر سو ینمیکن اون سنه یه وارماز
 روم فرسه غلبه ایده جکدر دیدکده ابی ابن حلف
 آتی تکذیب ایدرک کل سنکله بحث ایدلم دیوب حضرت
 ابو بکر دخی موافقت ایتمکله طقوز سنه ظرفنده روم
 غلبه ایدر ایسه ابی بن حلف اکا یوزدوه ویرمک و غلبه
 ایتمز ایسه حضرت ابو بکر اکا یوزدوه ویرمک اوزره بحث
 ایملشرایدی

اشبو حدیده سفری اثناسنده رومک فرسه کرکی کی
 غلبه سی شایع اولدی . ابی ابن حلف ایسه احد
 غزاسنده رسول اکرمک برضربه سیله بره ثوب تلف اولمش
 ایدو کندن حضرت ابو بکر اولدوه لری ابی ابن حلفک
 ورثه سندن ایستدی . آنلردخی ویردی . و حضرت
 ابو بکر دوه لری آلوب رسول اکرمه کتوردی . اودخی

آنلری فقرایه تصدق ایله دیو یوردی
 بناء علی ذلک حضرت صدیق بویوز ذویه تصدق
 ایدرک فقرای مسلمینی طویوردی . وبوصره ده رومک
 فرسه غلبه سی حوادشک شیوعی جله مؤینه فرح
 ویدی

رسول اکرمک خدیبه ده اقامتی بکرمی کون قدر اولوب
 یوقاروده بیان ایتدیگمز وجهله قربانلری کسد کدن صکره
 اصحاب کرامیله برابر مدینه یه عودت بیوردیلر
 واکرچه کعبه بی طواف اتمکسزین کبرو دوند کلرندن
 طولابی مکدر ایدیلر . انجق اثناء راهده قریبا بیوک
 فتوحاته مظهر اوله جقلرینه دأر سوره فتح نازل اولغله
 ممنون اولدیلر . وائی تلاوت ایدرک سلامت ایله مدینه یه
 وصول بولدیلر

آره دن چوقوق کچمادی ابوبصیر ثقفی نام ذات مکده
 اسلام ایله مشرف اولدی . وهمان قریشک ایچندن
 صاووشوب مدینه منوره یه کلدی
 آرقه سندن اوچ کون صکره آنی ایستک اوزره قریشک
 طرفندن ایکی مأمور کلوب معاهده مقتضاسجه آنی رسول
 اکرمدن ایستدیلر : رسول اکرم دخی ویرمکه مجبور
 اولدی

ابوبصیر هر قدر بن کندی می هنوز چرکاب شرکدن

تطهير ايتشيكن مشركبك ايچنه فصل واره بيلورم ديو
فر ياد ايلدي ايسه ده و يرلسه نقض عهد ايدلك
لازم كله جكندن رسول اكرم يا ابو بصير بزعهد مزي
بوزه ميز آرتق سنده براز صبر و ثبات ايت جناب حق البته
سكا و سنك كي مشركين ايچنده قالان اهل اسلامه بر طريقي
نجات كوسترر دهر ك چاره سز آني اول مأمور له تسليم
ايلدي

مدينه منوره دن چيقوب ذوالخليفه نام محله وارد قلنده
او توروب خرما يرلر ايكن ابو بصير آنلردن برينك قليچنه
باقه يم نصلدر دهر ك قينندن چيقارمش و همان آني اوروب
اولدرمش

ديكر ارقداشي قاچوب قورجه رقي مدينه منوره يه كلوب
رسول اكرمه ابو بصيردن شكايات ايندي
متعاقبا ابو بصير دخي كلوب حضور نبوي يه كيردي
يار رسول الله سن بني آنلره تسليم ايله عهد كي ايضا ايتمش
اولدك اما شمدى بني جناب حق خلاص ايلدي دهر ك
مدينه منوره قالمق ايستدي

حالبو كه هر نه وقت قریش طرفندن طلب اولنسه معااهده
اقتضا سنجه و يرلك لازم كله جكندن رسول اكرم آني
مدينه منوره آليقو يه مدي . و چيق ايستديكك بره كيت ديو
كندوسنه رخصت و يرلدي

ابو بصیر دخی مدیندن چیقوب ساحل دریا طرفنه
 کئیدی . و مکهدن شامه کیدن بول اوزرنده عیص
 نام موقعی طوندی

دائما مکهدن شامه کیدن مشرکینه تعرض ایلردی
 مکهده مخفی اولان اهل اسلام آتی ایشدکری کبی همان
 طاقم طاقم چیقوب ابو بصیرک یاننه طو پلان دیلر . و از وقت
 ظرفنده یتش نفره بالغ اولدیلر . و قریش طائفه سنک
 شام بولانی کس دیلر

مکهدن هر نه وقت یولجی چیقسه ایریش-وب طونارلر
 و مالی یغما ایلرلر ایدی . و ابو بصیر معینده کی جماعته
 امام اولوب نماز قیلارلردی

فقط ابو جندل ابن سهیل دخی بارالاق پدرینک قید
 و بنددن قورتلوب فرار ایلله ابو بصیرک یاننه کلدی
 و آندز صکره اول جماعته ابو جندل امامت ایلر اولدی
 * و ابو جندلک خروجی اطرافده ایشیدلیدی کی غفار
 و اسلم وجهینه قبیله لرندن و قبائل سائر دن اسلام ایلله مشرف
 اولان برچوق کیمسه لر آنک یاننه کلوب اول جماعته
 قاتل دیلر . و از وقت ظرفنده اوچوز نفره بالغ اولدیلر
 و مکهنک شام یوللرینی بتون بتون کس دیلر . قریش ایلله
 تجارت ایلله کچینور بر طائفه اولدیغندن پک زیاده
 صیقلدیلر

وهمان رسول اکرمه ایلمچی کوندروب اول جماعتی
 مدینه به جلب ایتک اوزره قریشدن مدینه به وارانلرک
 ردینه دائر اولان شرطک مصالحه نامه دن طی اولمسی
 و بوندن صکره قریشدن هرکیم مدینه به کبدرسه
 رد اولنامه سی خصوصنی رجا ایتدیلر
 آنک اوزرینه رسول اکرم دخی ابو بصیر ایله بولداشلرینی
 دعوت ایچون ابو بصیره مکتوب کوندردی
 ابو بصیر اول ائاده آغریخته اولوب مکتوب همایونک
 کندوسنه و صولنده صوک نفسه کلشیدی . مکتوبی
 الله آلوب یوزینه کوزینه سوزهرک تسلیم روح ایلدی
 رضی الله تعالی عنه
 ابو جندل آنی اوراده دفن ایتد کدن صکره اول جماعتی
 آلوب مدینه به کلدی . و آندن صکره هر طرفدن اسلام ایله
 مشرفی اولوب کلنلر چوغالیدی

فتح خیبر

خیبر مدینه نك شام جهنده و مدینه به ذرت قوناق مسافه
محمده ربیوك شهر ایدی . و اطرافنده متعدد قلعه لر

و پك چوق خرما قلعه و مزرعه لر و ارایدی
یوقاروده بیان ایتدیگمز وجهله جوار مدینه ده متوطن
اولان یهودیلر كیمی نفی واجلا و کیمی قتل و اعدام اولمغله
بقیه سنك چوغی خیبرده اجتماع ایتشلر ایدی

حتی بنی نضیرك رئیس اولان حبی ابن اخطب آل حقیقك
ذی قیمت اشیاسنی كتوروب خیبرده برکیزنی برده دفن
ایتشدی

عربك آك بیوك تجارنی شام ایله اولدیغی حالده شام بولی
اوزرنده یهودیلر او ایله طو پلانوبده قوت پیدا ایتلری
اهل اسلام حقنده مضر ایدی

لیکن اهل اسلامك قریش مکه طرفندن داغما شبهه
و وسوسه سی اولدیغی جهته شام طرفنی دوشونمکه
و قتلر مساعدد کل ایدی . مؤخر ا حدیثیه ده قریش ایله
عقد مصاحله اولمغله آرتق شام جهتنی دوشونمکه فرصت
الو بردی

بناء علیه رسول اکرم خدییه دن عودت ایله یکرهی کون
قدر مدینه ده اقامدن صکره هجرتك یدنجی سنه سی

محرمی خلانده پیک در تیز پیاده و ایکبوز سواری ایله
مدینه دن چیقوب خیبر طرفنه عزیمت بیوردی
و برکون صباحلین ابرکنندن خیبره واردی قلعه لر بنی
محاصره ابتدی . و مدت محاصره اون کوندن زیاده
سوردی

دوس قبیله سی رئیس اولان طفیل ابن عمرو دوسی
رضی الله تعالی عنه حضرت تبری که هجرتدن مقدم مکه یه
واروب اسلام ایله مشرف اولمش و او وقتدنبر و قبیله سی خلقنی
ایمانه کتور مکه چالیشوب جبالا مقدمه بولمش ایدی . بو کره
در تیز آدمی ایله مدینه یه کلوب رسول اکرمک خیبر غزاسنده
چیقدیغنی خبر آلیجق اردوی همایونه کلدی . و بوشانلو
محاربده بولندی

ینه بواشاده اش-بو دوس قبیله سندن مشهور ابوهریره
رضی الله تعالی عنه حضرت تبری دخی کلوب اصحاب صفه یه
ملحق اولدی

و آندن صکره فخر عالم حضرت تبری نک یانندن آبرایوب
قوه حافظه سی دخی متین اولدیغندن پک چوق حدیث
شریف روایت ایتشدر

کندوسسندن هر ویدر که (بندن زیاده حدیث یلمن
بالکرم عبد الله ابن عمر در او ایشندیکنی یازاردی بن یازمازدم)
دیر ایش بزینه صدد کلام

اش. و خیر محاربه لرنده اهل اسلامدن اوزبش نفری
شهید اواندی . یهودیلردن ایسه طقسان اوچ نفری
قتل اولندی

و بو محاربه ده حضرت علیدن فوق العاده آثار قوت
و شجاعت کورادی . حتی بر قلعه قیوسنی قوپاروب
قالقان کبی قولالندی . ونهایت خیر قلعه لری بر بر
آلندی

بك چوق اموال و اشیا اله کچورادی . و آل حقیقك
بالاده مذکور اولان دفينه سی بولندی . و یالکز
بود فینه ده چیقان آوانی و حلیاتك قیمتی اون بك النون
نخمین قیلندی

اول ائشاده خیر یهودیلری طرفدن رسول اکرمه
برقیزارلش قیون اهدا و تقدیم اولند قده بعض اصحاب
کرام ایله آتی بیک اوزره سفره یه اوتوردی . و بر پارچه سنی
براز چکنده دکن صکره آغزندن چیقاروب آندی . و آل
چکیکز که بوقیون زهرلی اولدیغنی بکا خبر و بر بور دیو
بیورزدی . لکن برآه ابن معرورك اوغلی بشر برلقمه
بوتمشیدی

رسول اکرم اول زهرلی آتی برآز آغزند . چکنده مکله مبارک
وجودینه بر مقدار تأثیری اولمشیدی . در عقب مداوا ته
قیام ایله کتفینی اره سنیدن حجامت ایندردی . و زهرک

تأثرتی صاوشدی . اما بشر پک آغر خسته دوشدی
 * اول قبونی تسمیم ایدن سلام ابن مشکک زوجه سی
 زینب بنت الحارث اولمغله حضور نبوی به کتورلدی
 و بوخیاته فصل جرأت ایتدک دیو صورلدی
 زینب دخی (اگر حق پیغمبر ایه ک کارایتز واکریلانیجی
 ایه ک الکن قورتمش اولورز دیو بواشه جسارت ایتدم
 و شمدی حق پیغمبر اولدیغی اکلادم و سکا ایمان ایلدم)
 دیو جواب و یردی : رسول اکرم دخی آنی
 صالیو یردی

لکن متعاقبا بشر وفات ایدیجک آنک وارثلری معرفتیه
 زینب دخی قصاصا قتل و اعدام ایلدی
 خیر اراضیسی بیت المال ایچون ضبط اولندی . و نسوان
 و صبیانی اسیر ایلدی . باقی اهالیسی دخی یاربجیلقله
 برلنده براغلدیلر
 و عمر الفاروق رضی الله تعالی عنه حضرتلرینک ایام
 خلافتده عمو مایهودیلاول حوالیدن نفی واجلا اولندقلری
 و فته قدر خیبرده قالدیله

مدینه ایکی قوناق مسافه سی اولان فذک نام قریه
 اهالیسی خیبرک فتح اولندیغنی ایشتمدکاری کی خوف
 و خسته دوشده رک اراضیلری رسول اکرمک اولوق

اوزره یار یجیله یارلرند ابقا اولملمزینی استندعا ایلدکلرندن
اولوجهله آنلردخی وطنلرنده ابقا بیورلایلر

خیبراسیلری ایچنده حی ابن اخطبک قیزی صفیه دخی
وارایدی که رؤساء یهوددن ربیع ابن حنفیهک اوغلی کانه
هنوز آنی تزوج ایش اولدیغی حالده بو کره خیبرده مقتول
اولمغه صفیه یکی کلین اولدیغی حالده طول قالمشیدی

صفیه ایسه فوق العاده کوزل اولدیغندن اسیرلک تقسیمده
هرکیم حصه سنه دوشسه دیکرلرینک کوکلی قاله جق
ایدی

بناء علیه رسول اکرم هیچ کیمسه نك خاطری قالماق
اوزره صفیه بی کندوسی بچون معیوب آیردی

ایکن جاریه اولدیغی حالده می قولالایله جق بوخسه
امهات مؤمنین اولان زوجات مطهرات صره سنه می
قوبله جق بوراسی صحاب کرامک معلومی اولدیغندن
حجاب و پرده ارقه سنه آله جقمی دیو منظر اولدیئر

چونکه حضرت پیغمبرک زوجهلرینی اصحاب کرام هپ
کندی اناری مقامنده طوتارلردی . وقاریلرک بیانیجی
ارککله کورنملری مقداحرام قیلیمش ایسه ده بو کیفیت
حره اولان خانولره مخصوص ایدی . جاریه لره کوره

تسترواجب اولیوب آنلر آچق کزیرلردی

معاقب رسول اکرم صفیه بی حجاب و پرده ارقه سنه آلیجق

امہات مؤمنین صرہ سنہ کچہ جکی اکلاشلدی . وچوق
 کچمہوب رسول اکرم آنی تزوج بیوردی
 رسول اکرم خیبردن عودت ابتد کدہ وادی القری
 ناحیہ سنہ کبتدی . واورادہ کی یہودیہ لری دینہ دعوت
 ابتد

یہودیہ ایمانہ کلیوب قارشو طور دیار . وایچارندن بری
 طیشارو اوغراہوب اردیلدی . زبیر رضی اللہ تعالیٰ عنہ
 حضرت لری آنی قتل ابتد کدن صکرہ دیگر بری چیقدی
 حضرت زبیر آنی دخی اعدام ایلدی
 بعدہ پیدر پی مبارزہ چیقان یہودیہ لری برینی حضرت
 علی کرم اللہ وجہہ وایکسنی ابودجانہ رضی اللہ تعالیٰ عنہ
 حضرت لری اولدردی . بوسورتلہ یہودیہ لری اون برنفری
 اعدام قیلندی

بعدہ یوروش ایلہ وادی القری ضبط ایلہ ایچندہ بولنان
 اموال وایشا غزاتہ تقسیم واهالیسی خیبرایر کی چقچی
 اولق اوزرہ یلرلندہ بقا اولندی
 بونک اوزرینہ مدینہ منورہ ییدی سکن قوناق مسافدہ
 و مدینہ ایلہ شام آرسندہ بولنان تیمار بلدہ سی اہالیسی
 دخی جزبہ و یرمک اوزرہ اطاعت ایلدی
 الحاصل اطراف و جوارہ بولنان قبائل و عشائر
 سطوت اسلامہ دن اور کوب برر بر عرض انقیادہ باشلادی

و مدینه منوره به عودت پیوراد قدن صکره اره صره اطرافه
فرقه لر کوند ریلور : و هر طرفه سطوت اسلامیه
کوستریلور اولدی

بناء علیه از وقت ظرفنده ملت اسلامیه پک بیوک قوت
قازانوپ بوندن ایکی سنه صکره قولایقله مکهنک فتحنه
مقتدر اولمشدر

بوقتوحات ایسه هپ حدیده مصالحه سنک محساندند
زیرا اگر قریش ایله مصالحه اولنماش و او طرفدن
اهل اسلام امین و مطمئن بولنماش اولیدی برو طرفک
ایشلرینه بویله سر بستجه باقیله مازدی

بوسبدن ناشی او مصالحه نک شروطنی مضر کور ویده
اعتراض ایدنلر صکره پشیمان اوله رق توبه واستغفار
ایتمشلردر

وینه بوسنه دیار یمنده متوطن اولان اشعری قبیله سندن
برجوق کیمسه لر ابو موسی الاشعری ایله برلکده مدینه منوره به
کابلر و اسلام ایله مشرف اولدیلر

سفر اچین

حدیدیه دن عودت نیورلد قدن صکره گاهه افس و جنه
مبعوث اولان خاتم لا بدیا حاضر تتری طرفندن دین اسلامه
دعوت ایچون ملوک اطرافه کوندلک اوزره یدی سنه
هجر به سی محرمنده الی قطعه نامه همايون یارلدی
وعند الملوک مهره اعتبار اولنه کلمه کوشیدن بر مهر
یادیرلدی . و اوزرینه (محمد رسول الله) دیو حک
ایتدیرلدی . و اول نامه له باصلدی . و هر نامه بی
کونورمک ایچون بر ایلچی تعیین وارسال یورلدی
شویله که نجاشی یعنی سلطان حبش اولان اصحمه ابن بحره
عمرو ابن امیه الضمری . و مصر حکمداری اولان مقوقسه
خاطب ابن بلته و قیصر روم اولان هرقله دحیه ابن خایفه
و بلقا ملکی اولان حارث ابن ابی شمر غسانی به شجاع
ابن وهب اسدی . و دیار نجدده بنی حنیفه دن بماءه ملکی
اولان هوذه ابن علی به سابط ابن عمرو عامری و کسرای
عجم اولان خسرو پرویزه عبدالله ابن خذافه سهمی
کوندیرلدی

حبشستانده کی مهاجر بن اسلامی ایستک وام حبیه

رضی الله تعالی عنها حضرت تهرینی رسول اکرمه نکاح یلک
 دخی عمرو ابن امیه نک ما موریتی اقتضاسندن ایدی
 چونکه ام حبیبه رضی الله تعالی عنها رئیس قریش اولان
 ابوسفیانک قیزی اولوب مقدمازوجی عیدالله ابن جحش
 ایله برابر مکهدن حبشه هجرت ایلاش اولدیغی حالده
 مؤخرأ عیدالله نصارادیننه کیروب ام حبیبه ایسه دینقده
 ثبات ایدرک آندن آیرلمش وعرب خاتونلری کفونی بولمده
 ازدواجی قبول ایتموب بویله بر اصلزاده خاتونک اویله
 زیار غریبده دینداشلردن کفونی بولمق دخی مشکل
 اولدیغندن بیچاره ام حبیبه پک کوچ برحاله قالمش ایدی
 بویله دین مبین اوغورنده وطنندن دور واقربا وتعلقاتندن
 مهجور اولهرق بی کس قالان بر اصلزاده خاتونک
 تلطفی ایسه الزم اولدیغندن رسول اکرم آتی زوجه طالب
 وراغب اولمش ایدی

نجاشی عمرو ابن امیه رضی الله تعالی عنه حضرت تهرینه
 لایقی وجهله اکرام واحترام ایتمش ومهاجرینندن
 رسول اکرمک عزاده سی اولان جعفر ابن ابوطالب رضی الله
 تعالی عنه حضرت تهرینک حضورنده اسلام ایله مشرف
 اولمش وام حبیبه بی رسول اکرمه نکاح ایتدیرمش
 وانرا ایله برابر سائر مهاجرین اسلامی ایکی کی په بندیروب
 عربستان طرفه کوندیرمش ایدی

رسول اکرم خیر غزاسنده ایکن آنلر مدینه به کادیلر
 ورسول اکرم خیردن عودتنده آنلرله کوریشوب
 فوق العاده ممنون اولدی . حتی (بیلم بوا یکی شیئت
 قنغیسیله فرحلمیم قنغ خیرله می یوخسه قدوم جعفرله می)
 دیو یوردی

بوصورتله ام حبیبه سارامهات مؤمنین صره سنده کدی
 ورسول اکرم ایله رئیس اعداسی اولان ابوسفیان یئنده
 قرابت صهر به پیدا اولدی
 مقوقس دخی خاطب ابن بلتعه رضی الله تعالی عنه
 حضر تله اکر ام واحترام ایتمش ورسول اکرمه هدیه اولق
 اوزره درت جابه و دل دل دیو معروف و مشهور اولان یاض
 بر استرایله یعفور ناصنده بر حار کوندر مش ایدی
 اول جابه لردن بری مار به رضی الله تعالی عنه ادر کدر رسول
 اکرمک آنسن ابراهیم ناصنده براوغلی دنیا به کادی
 قبصر روم دخی نامه همایونی تعظیم ایله الله آلوب
 یوزینه سور مش ودحیه یه پک زیاده احترام ایدوب بر چوق
 هدیه ل دخی ویر مش در

چونکه قبصر روم ایله کسری یئنده بر مدتدنبرو محاربات
 شدیده وقوعه کلوب مقدا کسری غلبه ایدرک سور به
 قطع سنی ضبط ایتمش و بتون عر بستانی بنسه مش ایدی
 اهل فرس ایسه مشرک اوادیقندن علی العموم اهل کتابک

دشمنی ایدی وروم طائفه سی اهل کاب اولان نصارا دینده
اولوب اهل اسلامه آن یقین ملت ایسه نصارا طائفه سی
ایدی . بناء علی ذلک یوقاروده بیان ایتدی کمن وجهله
اهل فرسک روملره غلبه سندن طولانی مشرکین قریش
منون واهل اسلام محزون اولمشیدی . مؤخرا روملرک
اهل فرسه غلبه سی خبری حدیده ده ایکن ابشیدلدی کی
اهل اسلام فرح بولمشیدی . بوشامه ایسه قیصر روم
قدس شریفه کلوب اول طرفک اصلاح احوالیه مشغول
اوله رق اول حوالی اهل ایسه نی تلطف و تألیف ایتک
ایستردی . ایشته بوصره ده دحیه کیدوب کندوسنه
نامه هما یونی تسلیم ایلش اولدیغندن پک زیاده التفات
واحترام قیصری به مظهر اولمشدر

ملوک غسان فی الاصل یمندن بو طرفلره مهاجرت ایدن
طوائف عربدن اولوب پک چوق و قتلردنربو وحوایده
حکومت ایده کلشلردر . فقط بونلر قیصر رومه تابع اوله رق
آنک طرفندن شام جهته کی عربان اوزرینه مأمور
ایدیلر

شو حاله نظرا حارث ابن ابی شمر غسانی قیصرک
بروالیسی حکمنده ایدی . حالبوکه شجاع اسدی
رضی الله تعالی عنه حضر تلری کیدوب کا رسول اکرمک
نامه سنی ویردکده اوقویوب یره آتمش . وایشته بن آنک

اوزرینه وارپورم دبه رك بدمعامله ایتش . و قیصره مکتوب
کوندروب عسکر یله مدینه به هجوم ایتك اوزره استیدان
ایلمش ایسه ده قیصر اكا رخصت ویرماش ایدی

شجاع اسدی مدینه منوره به کلوب حارثك او یله
بدمعامله سنی افاده ایتدکه رسول اکرم حارثه ملکی
زائل اواسون دیو بدعا ایتدی . چوق کچمیوب حارث
کفر اوزره وفات ایدرك جانی جهنمه اصمارلیوب کیتدی
* بمامه ملکی هوذه دخی نصارا دینده اولدیغی حالده

سلط عاصری رضی الله تعالی عنه حضرتلری واروب
اكارسول اکرمك نامه سنی ویردکه اکربنی کندوسنه
ولی عهد ایدرسه مسلمان اوورم واکا یاردم ایدرم
والا انکله جنك ایلرم دیمش اولدیغدن رسول اکرم یارب
سن آنت حقندن کل دیو بیوردی . اردسی چوق کچمیوب
هوذه دخی کافر اولدیغی حالده وفات ایلمشدر

وهوذه طرفندن مدینه به کوندرلمش اولان رحال نام کسنه
مسلمان اولوب ایچه قرآن کریم دخی تعلم ایلمش ایکن
بمامه به عودتنده مرتد اولهرق کویا رسول اکرم
مسئله الکذابی نبوته کندوسنه شریك ایتدی دیو
نامعقول بریلان سولمشدر

عبدالله ابن حذافه رضی الله تعالی عنه حضرتلری دخی

پایتخت کسرایه واروب رسول اکرم نامه سنی تسلیم ایتد کده
خسرو پرویز حدتانه رک نامه همايونی يرتوب پاره پاره
ايلش اولديغندن رسول اکرم (الله آتک ملک ودولتی
پاره لسون) دیو پرویزه بددعا ایلدی

و پرویز کندو طرفندن یئنده ولی بولنان وآل سا ساندن
اولان باذانه خبر کوندروب شو حجاز طرفنده دعواي
نبوت ایدن آدمی بکا کوندردیو امر ایلش اولدیغندن
باذان دخی رسول اکرمه همان کسرانک یانه وارده سین دیو
مکتوب یازوب ایکی مأمور الیه مدینه یه کوندرمکله مأمورلر
کلوب حضور نبوی یه کیردیلر و باذانک مکتوبی ویردیلر
و همان کسرانک یانه کیدر ایسک باذان دخی سنک ایچون
کسرایه شفاعت نامه بازار . و اگر ابا ایدر ایسک سنی تلف
ایدردیدیلر . رسول اکرم دخی یارین جواب ویریرم دیو
آنلری حضورندن چیقاردی

متعاقبا رسول اکرمه وحی الهی کلدی . طرف الهیدن
پرویزه اوغلی شیرویه مسلط اوله رق اول کیجه آنی اولدرمش
اولد یغنی خبر ویرلدی . رسول اکرم دخی اول مأمورلری
چاغردی ک یفیتی آنلره خبر ویردی . و بنم شریعتم
یقینده دوات کسرانک ایرشدیکی برله ایریشه جکدر
باذانه سويلیک ایمانه کلسون دیو بیوردی

اول مأمورلر دونوب صنعایه وارمشلر . و کیفیتی باذانه

خبر و پرمشله . چند روز می وزنده شبرویه طرفندن پدرینك
اعدام اولندیغنه دارو حضرت پیغمبره تعرض اولنماستی
مشعر باذانه فرماننامه کلچك حساب ایتدیله . کوردیلر که
پرویزك قنلی رسول اکرمك خبر و یردیکی کونك کجه سینه
تصادف ایدیور بوهججه بی کور یچك كرك باذان و كرك
اهل فارسدن آنك معینده بولان کسان هپ ایمانه
کلدیله

رسول اکرم دخی باذانی صنعا والیسی نصب ایدی
ایشته حضرت پیغمبرك ابتدا نصب ایدیکی والی اودر
وملوك محمدن ابتدا ایمانه کلان دخی اودر

مزمعه پنجمه

اشبویدنچی سنه هجریه ذی القعدة سنك اواننده عمره
یعنی سعی و طواف کعبه نیتله رسول اکرم مدینه منورددن
چیقیدی . وقر بانلق التمش دوه کوتوردی . ویدکه
بوزآت واریدی

وصبیان ونسوندن بشقه اولهرق ایکی بیک نفر اصحاب
کرام دخی برابری
مکه به یافلاشد قلرنده قریش طائفه سی مکه دن چیقوب
اوزاندن رسول اکرمك قدومنی تماشا ایلدیله

رسول اکرم دوه اوزرنده اولوب اصحاب کرامی اطرافنی
احاطه ایتمش اولدقلری حالده عبدالله ابن رواحه رضی الله
تعالی عنه رسول اکرمک اوکنده یورر . والهی طرزنده
کوزل اشعار او قور ایدی

عبدالله ابن رواحه حضرتلری خزیج قبیله سندن وعقبه ده
بیعت ایدوب بدر غزاسنده بولتان انصار کرامدن وشعرا
بنامدن اولوب دائماً کفارک دین باطللرینی ذم وقدح بوانده
اشعار سهو یاردی بو کره دخی رسول اکرمک اوکنده
اودراو اشعار سهو یایوب کیدردی

بو صورتله مکه مکرمه یه کیردیلر . همان رسول اکرم
بیت الاهی طواف وصفنا و مرره پیشده سهی ایدی
اصحاب کرام دخی کذلک طواف وسعی ایدیلر . و زیارت
کعبه معظمه احکامنی یرینه کتوردیلر

رسول اکرمک حدیده وقعه سندن واجله کورمش
اولدخی رؤیا ایشته بو کره عذیله چیقدی
وعمی عباس بوکره کند و زوجه سی ام الفضلک
قیز قزنداشی اولار میونه بنت حارثی رسول اکرمه نکاح
ایدردی

رسول اکرم اوچ کون مکه مکرمه ده اقامتدن صکره چیقوب
اصحاب کرامیله برابر مدینه یه عودت یوردی

هجر تک پکرنجی پنہ سی

خالد ابن الولید و عثمان ابن ابی طلحہ و عمرو ابن العاص
اشبوسکرنجی سنہ ہجریہ تک صفرندہ مدینہ منورہ بہ
کلوب اسلام ایلہ مشرف اولدیلر

خالد ابن الولید بنی مخزومک اشرافدن اولوب قریشک
سواری باشبوغی مقامندہ ایدی . وفن حرب کندوسنہ
دادحق برکیفیت ایدی . احدغزاسنده قریش طائفہ سی
مغالوب اولمشیکن غالب کللرینہ اوسبب اولمشیدی
اسلام ایلہ مشرف اولدقدن صکرہ دین اسلامہ یک بیوک
خدمتار ایتسدر

عثمان ابن ابی طلحہ دخی عبد الدار اوغللرندن اولوب
کعبہ معظمہ تک پرده داری ایدی . ومفتاح کعبہ انلرک
الندہ ایدی

عمرو ابن العاص بنی سہمک اشرافدن ودهات عربدن
یعنی عربک جن فکر اولرندن برعاقل وحکیم ذات اولوب
مشکل ایشلرک حل وئسویہ سنده مانندی بوق ایدی

اشراف قریشدن بویله اوچ بیوک ذاتک برلکد، کلوبده
ایمان ایتیری اهل اسلامہ باعث ممنونیت اولدی

بو اووانده دخی مدینہ منورہ دن طاقم طاقم عساکر اسلامیہ
چیقه رق اطرافده راست کلدکاری ککروه مشرکینی

اوروب غارت ایتمکده وگاه غالب وگاه مغلوب اولوب مع
ماقیه اره صره مدینه یه اموال غنائم کتورلمکده ایدی

❖ محاربه موتہ ❖

موتہ شام دیارنده کرک بلده سنک جانب قلیسندہ بلقایه
تابع بروردن

سکرنجی سنه هجریه نک جادی الاولاسنده اوراده
بر یوک محاربه وقوع بولمشد

اهل اسلامک عساکر روم ایله اک اول وقوعه کلان
محاربه سی بووقعه در

سبی بودر که رسول اکرم حارث ابن عجم ازدی رضی الله
تعالی عنه حضر تلرینی نامه همایون ایله بصری والیسنه
کوندرمشیدی

حارث رضی الله تعالی عنه موتیه واصل اولدقده قیصر
زومک امر اسندن شرحیل ابن عمرو الغسانی آنی رسول
اکرمک ایلیچییسی اولدیغنی او کرشم اولدیغنی حالده قتل
ایتشدی . وآندن بشقه رسول اکرمک هییح بر ایلیچییسی
قتل اولنممشیدی

رسول اکرم ایلیچ بسنک قیل او اندیغنه مطلع اولدوقده
بک زیاده متأثر اولدی

و همان کندی از ادلوسی اولان زید ابن حارثه رضی الله
تعالی عنه حضرت تلرینی امیر الجیش یعنی سر عسکر نصب
ایدرك لواء شریفی الله و بردی و اوج بک عساکر اسلامیه ايله
آنی مدینه دن چیقاردی

و بالذات اول فخر عالم حضرت تلری خارج مدینه ده ثنیة الوداع
نام محله قدر چیقوب آنلری کچوردی

وزید ابن حارثه شهید اولور سه یرینه جعفر ابن ابی طالب
و اودخی شهید اولور سه عبدالله ابن رواحه کچسون
اودخی شهید اولور ایسه اهل اسلام ایچلرندن برینی
انتخاب ایتسون دیو بیوردی

شرحیل اره وی اسلامک حرکتی ایشندیکی کبی برادری
سدوس ابن عمرو ايله ایلرویه بر مقداری سواری سوق
ایتمکله برابر کایتلو عسکر جعفرنه تشبث ایتش و جانب
قیصریدن دخی استمداد ایلش ایدی

بناء علیه اهل اسلامه قارشو کلک اوزره دیار شامده بولانان
روم عسکر یله قیصره تابع اولان عربلردن هر کب غایت
جسیم براردو تشکیل اولمشیدی

سدوس ابن عمرو زیاده سرعت ايله حرکت ایدرك
وادی القراده عساکر اسلامیه به قارشو کلدی . لیکن

جنگه کیرشد کده عسکری بوزلدی . و کندوسی مقنول
اولدی

عساكر اسلامیه آندن خالقوب معانه وارد قلنده بوز بیک
نفر دن زیاده بر مکمل قیصر اردوسنک حرکت ایلش
اولدیغی ایشیدلدی . و روسای عسکره طور غونلاق
کلدی

ایکی کون معانده اقامت ایتدیلر . و کیفیتی رسول اگر مه
بازه لمده کله جک جوابه منتظر اولهلم دیدیلر
ایکین عبدالله ابن رواحه رضی الله عنه حضرت تلی دیگر لرینی
تشجیع و تشویق ایتمکله همان متوکلا علی الله ایلرو
بور دیدیلر

موته نام محله واصل اولد قلنده دشمن عسکری کلوب
کوزندی . کرك عددجه و كرك آلات و ادوات حریبه جه
او قدر جسم و مکمل برارد و ایدی که اوچ بیک عسکرله
اکا غارشو وارمق ممکن دکل ایدی . ایکن کیر و چکیلوبده
یقه بی قور تارمق دخی مشکل ایدی

همان زید ابن حارثه رضی الله تعالی عنه حضرت تلی سنجاغی
اننه آلوب میدان حریبه کیردی . اهل اسلام دخی
آنک اطرافنده صف باغلابوب طور دی

زید رضی الله عنه مزراق ایلله اور یلوب شهید اولیحق سنجاغی
جعفر ابن ابی طالب رضی الله تعالی عنه حضرت تلی طوندی

اودخی پک چوق برندن یاره لندی . لیکن اصلا فتور
کتور میوب برنده ثبات ابتدی

حتی صاغ الی کسلدی . همان سنجاغی صول الله آلدی
صول الی دخی کسلدی . همان سنجاغه صارادی
ونهایت شهید اولدی

همان عبدالله ابن رواحه رضی الله تعالی عنه حضرت تری
سکرتدی و سنجاغی آلوب حرب به قیام ابتدی
اودخی شهید اولیحق اردوی اسلام باشوغسز قالدی
و بوضرعه دها اون قدر اهل اسلام شهید اولدی
بوجهنله عساکر اسلامیه بوز یلوب طاعمدی

فقط سنجاق یره دوشمسون دیوا بویسر الانصاری
رضی الله تعالی عنه حضرت تری آلدی . و اهل اسلام
طرفندن امارته هرکیم انتخاب اولنه جق ایسه اکا تسلیم
ایتمک اوزره ثابت ابن آفرم عجلانی رضی الله تعالی عنه
حضرت تری نه و بردی

عساکر اسلامیه منهزم اوله رق کیرودونوب کیدرکن
خالد ابن الولید رضی الله تعالی عنه حضرت تری اوکلرینه
کچوب آنلری آلیقووق ایستدیسده مفید اولدی . لیکن
کندوسی بر موقع انتخاب ایله طیانوب طوردی
بعده قطبه ابن عامر رضی الله تعالی عنه حضرت تری
عسکرک اوکنه کچوب ای جماعت مسلمین (فرار ایدرکن

اولمکدن ایسه پنجه پنجه مر دانه جنک ایدرک جان
ویرمک خیراودر) دهرک حیت اسلامیه بی تحریک ایده جنک

سوزلرله بوزغون عسکری کبرو چو یردی
جمله سی کلوب خالبدن وایدک باتنه طوپلاندیلر
ثابت ابن افرم دخی لواء شریفی کتوروب اکا و یردی
* حضرت خالد قبول ایتموب (سن اکا بندن دها زباده
مستحق سین زیرابندن یاش-لیسین وهمده بدرغی اسنه
حاضر اولان کبار اصحاب کرامدن سین) دیدی
ثابت ابن افرم دخی اکا (سن فن حربی دها اعلاییلورسین
و بن سنجاغی انجق سکا ویرمک ایچون آلدیم) دیدکدن
صکره (ای جماعت مسلمین خالده امارتنه راضیمسکن)
دیدکده هرکس اوت دیدیلر و همان آنک امری آلتنه
کیردیلر

حضرت خالد دخی سنجاغی انه آلدی . وعسکری
کوزلجه ترتیب ایله هر دانه مدافعهیه کیرشدی . نهایت
اخشام ایرشدی . وایکی عسکر بر بندن آیرلدی
اول کون خالده محاربته مس-لم اولان مهارتی قدر
آثار شجاعتی دخی کورلدی . حتی الله طغوز قلیج
قیرلدی

دشمنک کثرت و قوتنه نس-بتله اردوی اسلامک قوتی
بک آز اولدیغی حالده عساکر اسلامیه نک میدان محاربته ده

بویله مر دانه وفداکارانه طاورانشنه دشمن عسکری
جبرت نظریله باقوب متعجب اولدی . و بیاغی کوزلی
یلمدی

بونکله برابر اهل اسلامه نسبتله فوق العاده کثرتلی
اولدیغندن فرداسی همان عساکر اسلامیه بی هر طرفدن
احاطه ایدوب بتورمک نیتده ایدیلر

حضرت خالد ایسه علی الصباح عساکر اسلامی تنظیم
و تعصیه ایتدیکی صروده وضعی دکشدردی

شویله که پیشداری دمدار و دمداری پیشدار ایتدی
وصاغ جناحده کی عسکری صول جناحه وصول
جناحده کی عسکری صاغ جناحه پکوردی

دشمنک هر فرقه سی کندی اوکنده دون کورمش
اولدیغی عسکر دن بشقه عسکر کورمکله اهل اسلامه
امداد ایچون تازه عسکر گلش دیوب طوررکن خالد آنلرک
اوزرینه بغنه برشدتلو هجوم ایدیجک دشمن بوزلدی
ومیدان محاربده برچوق اسلحه وساره براغوب کبرو
چکلدی

لکن دشمنک کبروسی چوق ایدی . مصلحت انجاق
عساکر اسلامی بودریای فلاکتدن چیقاروب قورتارمق
ایدی

بنه علیه حضرت خالد دشمنک بوانهرامنی فرصت

و بوفرستی غنیمت بیلەرك همان کبرو چکلدی
 و عسکرک هیئت مجموعە سەنە خلل کتورمیه رك یواش
 یواش دونوب سالما مدینە منوریه کلدی . و طوغریسی
 بو خصوصەدە فن حاربجە پک زیاده مهارت کوستردی
 * مۆتەدە اولوجھلە محاربە اولورکن رسول اکرم
 اول محاربە بی کوزی اوکنده تماشایدرکی نه اولدیغنی
 بیلوردی

حتی مۆتەدە محاربە اولندیغنی کون رسول اکرم مدینەدە کی
 مسجد شریفده اصحاب کرامیلە اوتورور و بصیرت
 کوزیلە عالم معنایە متوجە اولوب طورر ایکن زید ابن
 حارثەنک شەھید اولدیغنی سویلد کدن صکرە بر مقدار
 سکوت اوزره طوردی . و مبارک کوزلرندن یاش آقەرق
 ابن رواحەنک دخی شەھید اولدیغنی خبر ویردی . بعدە
 اللہک قلیجیلرندن بریسی اولان خالد سنجاغی آلدی
 و ایش آنک یوزندن قتح اولدی دیو یوردی

آندن صکرە خالد ابن ولیدە سیف اللہ تعبیری لقب اولدی
 وفی الواقع اهل اسلامک انندە اللہک بر کسکین قلیجی ایدی
 آندن صکرە دخی یوزندن پک چوق فتوحات ظهوره
 کلدی

وینە اولوقت رسول اکرم جعفرک کسیلان ایکی النہ
 بدل جناب حق اکا ایکی قناد ویردی کوردم کہ ملککرایلە

بر لیکه اوچو یوردی دیو یوردی • بوسیدن ناشی
جعفر ابن ابی طالب دخی آندن صکره جعفر طیار دیو شهرت
بولدی

بعض وقایع حربیه

قُضاعه طوائفندن بلی وعُذْره قبیله لرینک مدینه منوره
حیواناتی غارت ایتک اوزره وادی القری ارقه سنده
تجمع ایتکده اولدیغی خبر آندی
عمرو ابن عاص رضی الله تعالی عنه حضرت لرینک پدری
اولان عاص ابن وائلک والده سی ایسه بلی قبیله سندن
اولسبله رسول اکرم عمروان عاصی امیر الجیش یعنی
باشبوغ نصب ایدرک اشبوسگر نجی سنه هجریه نک
جمادی الآخره سنده مهاجرین وانصاردن اوچیز
نفر ایله اول طرفه کوندردی • بونلرک اوتوز نفری آتلو
ایدی

عمرو ابن العاص اول طائفه به یافلاشد قدّه کثرت اوزره
اولدقلر بنی خبر آملغه رافع ابن مکیش رضی الله تعالی عنهی
رسول اکرمه کوندروب امداد ایستدی
رسول اکرم دخی اکا امداد ایچون ابو عبیده ابن الجراح

رضی الله تعالی عنه حضرت تری بی ایکوز نفر ایله اورایه
کوندردی . واختلاف اینمیکز متفقانه حرکت ایدیکز

دیو بیوردی

ابوبکر الصدیق وعمر الفاروق رضی الله تعالی عنهما

حضرت تری دخی بو ایکوز کشتی ایچنده ایدیلر

ابوعبیده عمرو ابن عاصک یانه وارد قده عسکره امام

اولق ایستدی . عمرو ایسه (سن بکا امداد ایچون کلدک

اصل امیر الجیش بنم) دیدی . ابوعبیده ملایم برذات

اولدیغندن (رسول اکرم اختلاف اینمیکز دیو امر ابدی

سن بکا اویماز ایسک بن سکا او یارم) دیمکله عمرو ابن

العاص جماعت مسلمینه امام اولوب نماز قیلدردی

بو جهنله اصحاب کرامک اولوسی اولان ابو بکر الصدیق ایله

عمر الفاروق رضی الله تعالی عنهما حضرت تری عمرو ابن

عاصک ریاستی آلتیه کیرمش اولدی

عمرو ابن عاص حکیم ومدیر بر آدم اولوب اهل اسلامک

درجه اطاعت وانضباطنی کور یچک همان حربجه لازم

کلان تدابیرک کمال شدت ایله اجر اسنه باشلادی

حتی کیجه اردوده آتش یانمستی صیقی یساغ ایدرک هر کیم

آتش یاقار ایسه آنی اول آتش ایچنه اتارم دیو اعلان

ایلدی

هوا ایسه یک صوغوق اولدیغندن عسکر کلوب

ابو بکر الصديق ايله عمر الفاروقه شكایت ایتدکده
 حضرت عمر نه ديمك بو آدم عسکری صوغوقدن
 قيره جقمی دیو عموک یساغنی قالدرمق ایستدی ایسه ده
 حضرت ابو بکر طوقونمه یا عمر حضرت پیغمبر آنی مجرد
 احوال حربه وقوفی ایچون باشبوغ نصب ایتدی
 مادامکه بوساعتده باشبوغدر . آنک ایشنه قارشمق
 جائد کلدردیمکله حضرت عمر دخی سکوت ایتدی
 عمرو ابن عاصک بویساغنی ایسه نفس الامر ده برکوزل
 تدبیر ایدی . زیرا اردوده آتشلر یانسه عساکر اسلامک
 نه قدر اولدیغنی قارشودن تخمین اوانه بیلوردی
 دشمن ایسه کثرت اوزره اولدیغدن عساکر اسلامک
 بشیوز نفردن عبارت اولدیغنی ییلسه تلاش ایتمه رک
 طیا یوب طور ردی

عمرو ابن عاص ایسه قوردیغنی ترتیبی گسنه به آچمیوب
 همان علی الصباح دشمن اوزرینه بقتة برشدتلو هجوم
 ایتدی

دشمن دخی اهل اسلامک نه مقدار اولدیغنی بیلدیکی جهنله
 بردن بره اورکوب بوزلادی . و برچوق حیواناتنی ترک ايله
 نارمار اوله رق فراره یوز طوتدی
 هیچ بروقنده برسر عسکرک ایشنه قارشمق جائز اولوبوب

عسکرک برنجی وظیفه سی آمرینه اطاعتدن عبارت
اولدیفنه بوقعه دلیل واضحدر.

عمر و ابن عاص هنوز اسلام ایله مشرف اولمش یکن
بویله کبار اصحاب کرامدن مرکب برفرقه عسکریه یه
امیر اولوبده مظفرا مدینه یه عودتنده فوق العاده
سوینبوب بایلدی

ورسول اکرم عندنده بنم سائره فضل ورجحانم اولسه
بویله ائک سوکیلو اصحاب کرامنی بنم معینه ویرمزدی
بوللوریاکلاش فکره ذاهب اولدی

آنک بوکره مهاجرین وانصاردن اوچیوز قدر اصحاب
کرامه باشوغ نصب اولمنسی ایسه مجرد حکیم ومدبر
واعمال عسکره مقتدر ذواتدن اولمسیله برابر بیوکوالده سی
قضاعه نسلندن بولندیغه مبنی ایدی

ابوعبیده نک اکاتبهیتی دخی مجرد میانه ده برکونه اختلاف
حادث اولماق ایچون مماشات قیلندن ایدی

حالبو که برکیمسه نک برخصوصده ممتاز اولوبده اوجهتله
برطائفه فائق ورئیس اولسندن طولایی هرخصوصده
فائق اولسی لازم کلز

بناء علی ذلک عمرو ابن عاص مدینه منوره یه عودت
ایتد کدن صکره حضور نبویه یارسول الله ائک زیاده
سودیکک کیمدر دیووردی . رسول اکرم دخی

عایشه در دیو جواب و پردی
 بعده عمرو ابن عاص نسواندن دکل ارککلر ایچنده
 ائک زیاده سه و دیکک کیم در دیدکده رسول اکرم دخی
 عایشه نك پدری ابو بکر در دیو بیوردی
 آنک اوزرینه عمرو ابن عاص یا آندن صکره ائک زیاده
 کیمی سورسین دیدکده عمری سورم دیدی
 و عمرو ده صکره کیمی سورسین دیو صور دجده رسول اکرم
 دخی صره سیله سائر اصحاب کرامی سویلدی
 بو وجهله خیلی اصحاب کرامک اسملری یاد اولوب
 هنوز کندوسنه نوبت کلمه یکنندن عمرو ابن عاص سکوت
 ایلدی

عمرو ابن عاصدن مرویدر که بویله رسول اکرم ایله
 واقع اولان محاوره سنی حکایه ایندکدن صکره (ائک صوکه
 قالورم دیو خوفدن ناشی سیمی کسوب صوصدم)
 دیر ایش

وفی الواقع عمرو ابن عاص رضی الله تعالی عنه کبار اصحاب
 کرامدن ایسه ده اولوقت اصحاب کرام ایچنده اکا نسبتله
 عند الله و عند رسول الله دهاسو کیلو ودها افضل پک چوق
 ذاتلر و آنک طبقه سنک اوست طرفنده خیلی طبقه لر
 وار ایدی . ایشنه اول طبقه لرده بولنان کبار اصحاب
 کزین صایلدقدن صکره عمرو ابن عاصه نوبت کلمه جگنی

کندوسی دخی درك ایتکله سوزی اوزا تمیوب قیصه
کشمشدر

اپتراو

اصحاب کرامک برنجی طبقه سی اول باول ایمان ایدن
خدیجه الکبری و ابو بکر ابن ابی قحافه وزید ابن حارثه ایله
عثمان ابن عفان و عبید الرحمن ابن عوف و سعید ابن
ابی وقاص وزیر ابن العوام و طلحه ابن عبیدالله و بعده
ابو عبیده ابن الجراح و سعید ابن زید و عثمان ابن مظعون
و ارقم و عمار ابن یاسر و بلال حبشی ایله عمر ابن الخطاب
اسلامندن مقدم ایمانه کلان سائر صحابه کزیندر که
اوتوز طقوز نفره بالغ اولدقلری حالدیه حضرت ارقم
صفا اوزرنده اولان خانه سنده طویلانوب رسول اکرم ایله
کیرلو مصاحبت ایدرلردی

حضرت عمر دخی اول خانه ده ایمانه کلدی . و آنکله اهل
اسلامک عددی قرقه بالغ اولدی . و آنک اوزرینه
دین اسلام اعلان ایدلدی
آنلردن اون کشی بی حال حیاتلرنده ایکن رسول اکرم
جنت ایله مرده لدی

ایشسته آنلره عشره مبشره دنیلور که ابو بکر الصدیق
وعمر الفاروق و عثمان ابن عفان و علی ابن ابوطالب و طلحه
ابن عبید الله و زبیر ابن العوام و سعد ابن ابی وقاص
و سعد ابن زید و عبد الرحمن ابن عوف و ابو عبیده ابن الجراح
حضر ائیدر (رضی الله عنهم و رضوا عنه)

فخر عالم صلی الله تعالی علیه و سلم حضرت تبری بر محمد
اوتور سه صاغنده ابو بکر و صوانده عمر اوتور ردی
وقارش و سنده عثمان اوتور و ب سر کنابن ایدردی
علی دخی رسول اکرمک سر کاتبی و محرم اسرار ی
ایدی رضی الله عنهم

و اول فخر عالم حضرت تبری ابو بکرک قزی عایشه بی
و عمرک قیزی حفصه بی تزوج ایدوب ایکیسینه دخی داماد
اولمشیدی

و عثمانه بر کریمه سنی و آنک وفاتنده دیگر کریمه سنی
و یردیککی کبی علی به دخی اک سوکیلو کریمه سی اولان
فاطمه الزهرا رضی الله تعالی عنها حضرت تبری و یروب
ایکیسینی دخی کند و سینه داماد ایتمشیدی

بودردی خلفای راشدین در که جله اصحاب کزینک
افضلیدرلر

و یو فاروده بیان ایتدی کمر وجهله حضرت ابو بکر زمان
جاهلیده پیومش ایکن اصلا بتلره طایفامشیدی

حضرت علی ایسده خانه سعادته بیویوب صبی ایکن
اسلام ایله مشرف اولمشیدی
بناء علیه اصحاب کزین ایچنده هیچ بتله سجده ایتماش
اولق بوا یکینه مخصوص برشرف و مزیتدر (کرم الله
وجهها)

حضرت طلحه زید ابن حارثه دن صکره اول باول ایمانه
کلان بش کشینک بریسیدر . واحد غزاسنده کماردن
بری رسول اکرم اوزرینه قلیج حواله ایتدکده طلحه اول
حله بی ایله دفع ایدوب بوضربه دن الی چولاق
قالمشیدی

حضرت زبیر حضرت خدیجة الکبریاک برادر زاده سی
و حضرت ابوبکرک دامادیدر . والده سی دخی رسول
اکرمک خاله سیدر . هپ غزالده رسول اکرم ایله برلکده
بولمشدر

حضرت سعد ابن ابی وقاص دخی اول باول ایمان ایدنلردندر
و ابتدا فی سبیل الله اوق آنان و دین او غورنده قان دوکن
اودر . احد جنکنده ثبات ایدنلردن بریدر که رسول
اکرمک یانندن آیرلیوب اول کون بیک اوق آتمشیدی
حضرت سعید ابن زید حضرت عمرک عزاده سیدر
و آنک فرزنداشنی تزوج ایتمشدر . زوجه سیله برلکده
حضرت عمرک اسلامنه سبب اولمشیدی

حضرت عبد الرحمن ابن عوف بنی زهره دن و رسول
اکرمک والده سی آمنه خاتونک اقرباسندندر . احد
جنکنده یکر می بریرندن یاره لشمش و یاره نک ری ایاغنده
اولغله طو پال اولمش ایدی

حضرت ابو عبیده ابن الجراح دخی احد جنکنده رسول
اکرمک بوزینه باتان خلقه لری دیشلریله طوتوب
چیقاررکن ایکی اولک دیشلری چیقوب دوشمشیدی
اصحاب کرامک ایکنجی طبقه سی حضرت عمرک اسلامندن
صکره اسلام ایله مشرف اولنلردر

اوچنجی طبقه سی عقبه ده ابتدا بیعت ایدن انصار
گرامدر

دردنچی طبقه سی ایکنجی دفعه عقبه ده بیعت ایدن
انصاردر که شمش بوقدر ذوات ایدی

بشنجی طبقه سی رسول اکرمک مکدن هجرتنده هنوز
قباده ایکن کلویده اگا واصل اولان مهاجریندر

النجی طبقه سی بدرغز اسنده بولتان مهاجرین و انصاردر که
آنلره اصحاب بدر دینلور

یذنجی طبقه سی بدرغز اسیلله حدیبیه سفری آره سنده
هجرت ایدنلردر

سکزنجی طبقه سی حدیبیه ده شجره رضوان آلتنده عقد
بیعت ایدن اصحاب کرامدر

طقوزنجی طبقه سی مصالحه حدیده دن صکره
هجرت ایدنلدر که عمرو ابن عاص آنلک اشرافنددر
بزینه صده کاهلم

❖ بعض وقایع عسکریه ❖

خلال رجیده ابو عبیده ابن الجراح رضی الله تعالی عنه
حضرتلری باشوغ اوله رق اوچیوز عساکر اسلامیه ایله
سواحل طرفنه کوندرلیدی
عمر الفاروق رضی الله تعالی عنه حضرتلری دخی آنک
معیتمده ایدی

بوندن مقصد جهینه قبیله سندن برطائفه بی تأدیب
وتریه ایدی . لکن محاربه وقوع بولمق سزین عودت
ایدلیدی

وخلال شعبانده ابوقناده ابن ربیع رضی الله تعالی عنه
حضرتلری اوز بش نفر اهل اسلام جانب نجده واردی
بره شیرتی اوردی ایکیوز دوه وایکی بیک قیونلرینی
سوروب کتوردی

فتح مکہ مکرمہ

یوقاروده بیان ایتدی که من وجهله حدیبیه ده عقده مصاحه اولدیغی کی خزاعه قبیله سی رسول اکرمک عهد و امانته و بنی بکر قبیله سی قریش مکه نك عهد و امانته داخل اولمشلر ایدی

حالبو که خزاعه ایله بنی بکر بینده عداوت قدیمه اولدیغندن اشبو سکرنجی سنه هجریه خلانده بنی بکر بفته خزاعه اوزرینه هجوم ایدوب رؤسای قریشدن صفوان ابن امیه و عکرمه ابن ابوجهل و سهیل ابن عمرو و خو یطرب ابن عبدالعزی و مکرز ابن حفص دخی بر مقدار قریشلر ایله بنی بکره یاردم ایدرک خزاعه دن یگر می اوچ کشی قتل ایتشلر

آنک اوزرینه خزاعه قبیله سی طرفندن عمرو ابن سالم خزاعی فرق نفر ایله بینوب مدینه منوره به گلدی و رسول اکرمه عرض حال ایتدی

اولوجهله قریش طائفه سی بنی بکر ایله برابر خزاعه به تعرض ایتدکلرندن طولانی حدیبیه مصاحه سنی بوزمش اولدیلر و بوجهته رسول اکرم دخی خزاعه به ما موللرندن زیاده یاردم ایده جکنه سوزو بردی

و قریش طائفه سینه با خزا عهده دن مقتول اولان آدمارک
دبتلرینی و یریکز یا خود بنی بکری حایه دن وازیکرکز
دبوخبر کوندردی

قریش طائفه سی ایکی صورتی دخی قبول اینمیلر ایستده
کندولری نقض عهد ایلش اولدقلرینی دوشوندکجه
تلاشه دوشمشلر

حتی حارث ابن هشام و عبدالله ابن ابی ربیعہ صفوان ایله
ارقداشلرینه واروب سزک صنع وحرکتکن محمد ایله
بنیزده اولان عهدی نقض دیمکدر . دهرک آنلری
تعیب و تقبیح ایلشلر

الحاصل رؤسای قریش بربرینه دوشوب نهایت
رسول اکرم ایله مصالحه بنی تجدید وتمدید ایلک اوزره
ابوسفیان مدینه یه یوللامشلر

ابوسفیان مدینه منوره یه کلدی . کریمه سی ام حبشیه
رضی الله عنها حضرت تهریله کورشدی . بعده رسول اکرم
ایله بولاشدی . و تجدید مصالحه خصوصتی استدعا ایتدی
لکن بر جوابه نائل اوله مدی

بعده ابوبکر الصدیق و عثمان ذی النورین و علی ابن ابوطالب
و انصارک اولوسی اولان سعد ابن عبادہ رضی الله تعالی
عنهم حضراتی کبی کبار اصحاب کراءک حایه سینه
مراجعت ایتدکده بزر کندولکمزدن کمسنه یه عهد و امان

ویره میز رسول اکرم هر کیمی حایه ایدر سه بزنه آئی
حایه اینکه مجبور زیوللو بر سوز سویلر یله هیچ برندن
بر جواب شافی آله مدی

اما عمر الفاروق رضی الله تعالی عنه حضرت تلیینه واروب
شفاعت ایستد کده حضرت عمر بنی شفاعت ایده جکم
حالمده بکابر ارقداش اولیو بده یالکیز پر خرده قرنجده بولسم
آئی کنیدی رفیق ایدرک سزکله جنک وجهاد ایلردم
دیو آچقدن آچغه لسان شدت ایله جواب زد
ویرمیشدی

ابوسفیان هر طرفدن مابوس اولیحق رسول اکرمک
اگ سوکیلو کریمه سی اولان فاطمه الزهرا رضی الله تعالی
عنها حضرت تلیینک یاننه واردی که اوغلی و رسول اکرمک
نوز هینی حضرت حسن رضی الله تعالی عنه ایاق اوزرنده
کرزدی

ابوسفیان (ای کریمه محترمه محمد باری سن بنی حایه
ایله ک اولامی) دیو یالواردی

فاطمه رضی الله تعالی عنها حضرت تلی (بن برخاؤنم
کیسه بنی حایه ایده مم) دیو جواب ویردی

ابوسفیان (شو اوغلکه امر ایت که مجمع ناسه چیقوب
بنی حایه ایندیکنی اعلان اینسون بکایتیشور اودخی

دنياك صوك دورينه قدر بتون عربك اولوسى اولور)

ديهرك حضرت حسنى كوستردى

حضرت فاطمه (اوغلم كچوك كدر هنوز كيمسه يى

حايه ايده جك و كسنديه عهد و امان و يره جك سنه بالغ

اولدى) ديهرك اعتذار بيوردى

ابوسفیان شاشردى . وينه حضرت عليك ياننه واردى

(يا علي بن ايشك صار په صارديغنى اكلام نه يابه يم

بكابر نصيحت ايت و ايشمه يارايه جق برتديبر او كرت)

ديهرك حضرت علي يى خيلىجه صيقشدردى

حضرت علي ناچار قالوب (سن قر يشك اولوسى سين

چيق ناس ايچنده برعموى حايه اعلان ايت بعده چيق

كيت) ديهرك آنى باشندن صاومق ايستدى

ابوسفیان (بوتديبر كافى اولورمى نه دير سين) ديدكده

حضرت علي (اوراسنى ييله مم فقط بشقه تدبير دخی

بوله مم) ديدى

آنك اوزرينه ابوسفیان همان مسجد نبوى په كلوب

عامه ناسه خطابا (اى ناس بن ايكي طرفى دخی عهد

واماتم آله ادم والله كيمسه بنم عهديمى قبرمازظن ايدرم)

ديدى . و كندوسنى تصديق ايدن كيمسه اولمديغى

حالده همان دوه سنه بنوب كيندى . اصحاب كرام دخی

بونه ديهرك آنك آرقه سندن بربرينه باقوب كولشديبر

حالبو که ابوسفیان مدینه ده زیاده که اکلند یکنند
 قریش طائفه سی غالباً اودخی طرف محمدی به میل ابله
 کبر لوجه اکتابع اولدی دهرک آنی اتهام ایشلرایدی
 ابوسفیان کجه این مکّه به وارمش خانه سنه کبرمش
 قومنک کندوسنی اولوجهله اتهام ایلدیکنی زوجه سی
 هند اکا بیلدرمش و (سن نه یاپدک) دیو صورمش
 اودخی برشی یاپه مدیغنی خبرو یرمش هند ایسه حد تلنه رک
 آنک کوکسنه بردمه اورمش

ابوسفیان قومنک کندوسنی اتهام ایشندن وقار یسنک
 بد معامله سندن طولانی دنیا به کوسمش وتبرئه ذمت ایچون
 صباحلین صفا و مروه کی اساف و نائله نام بتلرک یانه
 واروب آنلر ایچون قربان کسمش واولجیه دک سزک
 عبادتکردن آیرلم دیو آنلره عهد و پیمان و یرمش
 واشراف قریش ابوسفیانک یانه کلوب (محمد دن
 نه خبروار انکله تجدید مصالحه ایتدگی) دیو صورمشلر
 * ابوسفیان (والله محمد دن مصالحه ایتدم بکا بر جواب
 و برمدی ابوبکرک یانه کیتدم ایدن دخی بر خیر کوردم عمر ابن
 خطاب به مراجهت ایتدم بزه آک یوک دشمن آنی بوادم سائر
 اصحاب محمدی طولاشدم هربری برسوز ابله بنی باشندن
 صاودی برندن معاونت کوره مدم حکمدار لرینه بومر تبه
 اطاعت ایدر بر قوم کوردم بوجهله تجدید مصالحه ایتدم

نهایت علینک اخطار یله کند و لکمدن بر مصالحه
 عرویه اعلان ایتدم (دیوجواب و یرمش
) به محمد سنک بو اعلانی تصدیق ایتدیمی (دیو
 مورد قلزنده دخی ابوسفیان) خیر او تصدیق ایتدی
 اما بشقه چارده بوله مدم (دیمش

آنلردخی) او یله ایسه سن هیچ برشی یا پاماش سین سنک
 کندی کندیکه اعلان ایتدیکک عهد و صلح نه حکمی
 وار علی سنکله عارتا آکلش سن بزه مصالحه خبری
 کتورمدک که امین و مطمئن اولهلم محاربه خبری
 کتورمدک که هماقیندم و جنکه حاضر لانهلم (دیو آنی اوم
 و تو بیخ ایتشلر

رسول اکرم ایسه ابوسفیانک عودتندن صکره صبقی صبقی به
 تدارکات سفر به به باشلادی

و برکون حجره سعادتندن چیقوب قیوسی اوکنده
 اوتوردی . و ابو بکری چاغریکز دیواصر ایلدی

ابو بکر الصدیق رضی الله تعالی عنه حضرت تبری کلوب
 رسول اکرمک اوکنده اوتوردی . خیلجه کیزلولاقردی

ایتد کدن صکره رسول اکرم آنی صاغ طرفنه کچوردی
 و عمر الفاروق رضی الله تعالی عنه حضرت تبری چاغردی

* حضرت عمر دخی کلوب حضور نبویه اوتوردی
 و براز محرمانه مصاحبندن صکره اوست پرده دن سوز

کیریشوب (یا رسول الله آنلر کفرک باشیدر سکا ساحر کاهن
دیین آنلردر مفتی یلانجی دیین آنلردر) دیه رک فوق
العامه غضب و حدت کو ستردی .

رسول اکرم امر ایتمکجه اصحاب گرام آنک یانسه
وارمدقلری جهنله قارشودن بو حالی عماشایدرلدی
و بحث نه اوزرینه اولدیغنی بیلیوب یالکز حضرت عمرک
غضوبانه لاقردیلرینی ایشتمکله عجباً عمرینه نه طارلدی
دیهرک باقیشوب طوررلدی

بعده رسول اکرم حضرت عمری صول طرفنه کچوردی
وسائر اصحاب کرامی چاغردی

کلدیله حضور نبویده دیزلدیله رسول اکرم (سزه
بوابکی ارقداشکزک برر مثالی سو یلیه بمی) دیو بیوردی
و آنلر (بیور یکز یا رسول الله) دیملریله مبارک یوزینی
حضرت ابو بکر دن یکا چو یردی (الله یولنده ابراهیم
یاغدن دهاملایم ایدی) دیو بیوردی

بعده حضرت عمره باقوب (الله یولنده نوح طاشیدن قاتی
ایدی . لکن ایش عمرک دیدیکیدر همان سفره حاضر اولک)
دیو اصحاب کرامه تدارک کورملری ایچون امر و یردی
* اصحاب کرام ایسه مسئله نه ایدی نه اوزرینه قراز و یرلدی
آنی بیلدکلری حالد رسول اکرم دن صوره مدیلر
حضرت عمرک زیاده مشهور و غضبناک اولدیغندن

آنک دخی یاننه واره مدیلر . فقط مجلس طاغلدقدن
صکره حضرت ابوبکرک یاننه واردیلر . وکیفیک
تفصیلاتنی آدن صور دیلر

حضرت ابوبکر دخی (رسول اکرم قریش اوزرینه
سفر ایتمک خصوصنده رأیی صورتدی . بنده یار رسول الله
آنلر سنک قومکدر نهایت الامر سکا طبع اوله جقلری
معلومکدر دیدم صکره عمری چاغردی آدن دخی صورتدی
عمر ایسه کفرک باشی آنلردر سکا شویله بویله دین آنلردر
دیه رک مشرکینک رسول اکرم حقنده سو یلدکاری
سو زلی برر صایدی . واقعا قریش طاغده سی
بیون اگد کجه قبائل ساره بیون اکز ایشته رسول الله دخی
مکد سفرینه حاضر اولمکز ایچون امر و بردی) دیو
مسئله بی شرح و ابضاح ایلدی . اصحاب کرام دخی
تدارکات سفریه یه باشلادی

مدینه منوره ده بووجهله تدارکاته تشبث اولمقله برابر
حضرت پیغمبر (خدایه وروز جزایه ایمان ایدنلر
رمضان شریفک اوئانده مدینه یه کلسونلر دیو غفار
واسلم و سلیم و اشجع و مزینه و جهینه قبیله لرینه خبر
کوندردی

همان رمضان شریفک ابتداسنده مدینه منوره جوارنده
بولنان قبیله لر طایق طایق کلکه باشلادی

حضرت حسان رضی الله تعالی عنه اول اناده خزاعه
قبيله سنك انتقامی آلفی اوزره اهل اسلامی جنكه تشجیع
وتشویق ایده جك سوزل سویلردی
رسول اکرم ایسه قریش طائفه سنی حاضر لائمه میدان
و یرمه رك باصمق ایستردی . انکچون تدار کاتی آنلردن
کیزلردی

حتی کندوسنی نجد طرفیله مشغول کوسه سترک ایچون
غره رمضانده ابوقناده رضی الله تعالی عنه حضرت تارینی
برفرقه عسکریه ایله وادی اضم طرفنه کوندردی
و برده مکه یوللارینی طومتق اوزره خزاعه قبيله سینه
امیر ایلیشیدی . آنلردخی طاقم طاقم طاغدییار . و یوللاری
و بوغازلاری طوتوب برطرفدن دیگر طرفنه قوش
اوچورماز اولدیلر

حالبو که بنی هاشمک ازاد اولردن ساره نام خاتون که
رؤسای قریشه و علی الخصوص ابن اخطله خواند، لك
ایدر . و بعضا رسول اکرم حقنده سویلنان هجویه لری
تغنی ایله او قویوب آنلاری اکلندیرر . و بو وجهله
کندوسی دخی کچنوب کیدر اییدی . بو ائشاده مدینه
منوره یه کلوب بدر غزاسندن صکره قریش طائفه سی
دوچار اولدقلری حزن و ماتم اوزرینه اولکی کچی
خواننده لره اعتبار ایتمز اولدقلری جهنمه مکه ده مدار تعیش

بوله مدیغندن بحاله صدقه ایستش و رسول اکرم دخی
اکا بردوه یوکی ذخیره احسان ایلیش ایدی . بودقه
دونوب مکده کیدر کن خاطب ابن بلته رسول اکرم
تدارکات سفریه ایله مشغول اولدیغنه دأر بعض رؤسای
قریشه خطابا بر مکتوب یازوب انکله کوندرمشیدی

یو کیفیت طرف الهیندن رسول اکرمه وحی ایله بیلدیرلش
اولدیغندن علی وزیر و مقداد رضی الله تعالی عنهم حضراتی
چاغردی (فلان محله وار یکنز اوراده دوه ایله کیدر
بر یولجی قاری بولورسکن آنک یاننده بر مکتوب واردر
آنی آلوب کتور یکنز) دیو یوردی

آنلردخی اورایه وار دیلر ساره بی بولدیلر مکتوبی ایستدیلر
بنده مکتوب یوقدر دیدکده (رسول الله یلان سویلر
همان مکتوبی چیقار یو خسه سنی صویوب ارامقه
مجبورز) دیدیلر ساره ناچار صاحلری ایچندن مکتوبی
چیقاروب وردی

و آنلردخی مکتوبی آلوب رسول اکرمه کتوردیلر
آچلدی . خاطب ابن بلته طرفندن اولدیغنی کورلدی
فوق العاده حیرت و تعجبی موجب اولدی

زیرا حرکات حریسه به دأر دشمنه معلومات ویرمک
پک بیوک بر صوچدر . خاطب ابن بلته ایسه بدرغزاسنده
بولسان اصحاب کزیندن ایدی . اصحاب بدرک قدر

وحیثیتری دخی پک بیوک اولوب آنلر اصحاب کرام ایچنده
ممتاز و مستثنا ایدیلر

رسول اکرم نیچون بواشی ایشلک دیو خاطبه خطاب
و عتاب ایتدکده (یارسول الله والله بن مؤمن ایمانه
اصلاخل کلامشدر . فقط قریش ایچنده اهل و عیالم
وار آنلری اوراده حایه ایده جک عشرتم بوق بووسيله ايله
قریش ایچنده ال پیدا ایتک ایستدم) دیوعذر دیلدی
• حضرت عمر الفاروقی قاقوب رخصت ویر یارسول الله
شومنافقک بو یفنی اورهم دیدی

رسول اکرم (یاعمر خطب بدرغز اسنده بولندی نه یلور سین
بلکه جناب حق اصحاب بدره هر نه یاپسه کز بن سزی عفو
ایتمشدر دیمش اوله) دیو بیوردی
آنک اوزرینه حضرت عمر الله ورسولی اعلمدر دیوب
کبرو طوردی

مقدما اهل اسلام علیهنده بولنان پک چوق عشائر و قبائل
حدیده مصالحه سندن صکره رسول اکرمه تابع اولد قلرندن
بوکره بروجیه بالا طرف نبویدن واقع اولان دعوت سنیه
اوزرینه اطراف وجوارده بولنان قبائل عرب اوائل
رمضان شریفه پیدر بی مدینه منوره یه کلکه باشلا دیلر
اصحاب کرام دخی حاضر اولدیلر

بو جهنله رسول اکرم دخی همان اشبوسکزنجی سنه هجریه

رمضانندن اون کون هرور ايتد کدن صکره اون بيک
نفر عساکر اسلاميه ايله مدينه منوره دن چيقدی
اولجه برنمايش ايشون ديارنجده کوندرلش اولان ابوقناده
حضرتلری دونوب يولده رسول اکرمه يتشدی . بعض
قبائل دخی کلوب کذلک اثنای راهده رسول اکرمه
ايرشدی . بوضورتله اردوی همايونک موجودی
اون ايکی بيک نفره بالغ اولدی

حديديه سنه سی مدينه دن حرکت ايدن اردوی اسلام
بيک بشيوز نفر راده سنده ايکن ايکی سنه صکره مکه اوزرينه
چيقار يلان اردونک اون ايکی بيک نفره بالغ اولسی حديديه
مصالحه سنک ثمره سيدر

بناء عليه اولوقت مصالحه به اعتراض اينمش اولانلر
صلحک بويله آثار حسنه سنی کوردجه پشيمان ومحجوب
اولمده ايديلر

رسول اکرمک غمی عباس رضی الله تعالى عنه مقدمه
ايمان ايلمش ايسده اسلامنی کبرلر ومکده اقامت ايله
سقايت زمزم خدمت شريفه سنی ايفاليلرايدی . بوکره
اسلامنی اعلان ايدرك اهل وعيالی ايله برلکده چيقوب
مدينه به کلورکن اردوی همايونه راست کلدی
واغرافنی مدينه به کوندروب کندوسی رسول اکرم ايله
برلکده مکه به عازم اولدی

رسول اکرم آندن پک زیاده ممنون اولوب یا عباس
سن مهاجرینک خاتمه سی اولدک دیو بیوردی
حضرت پیغمبرک عمراده سی ابوسفیان ابن حارث ابن عبد
المطلب و اوغلی جعفر ابن ابی سلفیان و خاله سی اولان
عاتکه بنت عبد المطلبک اوغلی عبدالله ابن ابی امیه دخی
ابواء نام محمله رسول اکرمه فارشو کلوب عذر دیلدیلر
لکن رسول اکرم آنلرک یوزلرینه باقدی

چونکه اشبو ابوسفیان ابن حارث بعثدن مقدم رسول
اکرم ایله غایت طاتلی کوریشوب الفت ایندرکن بعثدن
صکره رسول اکرمه پک زیاده عداوت ایندرک حقنده
هجو یلر سو یلر . و حسان دخی اکا بیواب و یراییدی
عبدالله ابن ابی امیه دخی کذلک رسول اکرمه اذا ایندردی
* بناء علیه رسول اکرم آنلری قبول ایندی . لکن
صکره زوجات مطهراتدن ام سلمه رضی الله تعالی عنها
حضرتلری شفاعت اینمکله رسول اکرم آنلری عفو ایندی
آنلر دخی اسلام ایله مشرف اولدیلر

یوقاروده بیان ایندی کمن وجهله خزاعه قبله سی یوللری
طوتمش اولدقلرینه مبنی مدینه دن مککه به کیدوب
کلان اولدیغی جهنله قریش طائفه سی اولجه رسول
اکرمک بویله تدارکات جسمیه سفندن خبر آله میوب غفلت

اویقوسنده اولدقلری حالدہ اردوی همایون مر الظهران
 نام وادی به واردی
 رسول اکرم کیجہ اورادہ اون پیک آتش یا قدردی
 وتشریفنی اویله بر پوک آتش دو نتماسیله قریشہ بیلدردی
 * روشای قریش آندن خبردار اولدقلری کی حیرت
 وتلاشه دوشدیلر . وینه رئیسلمی اولان ابوسفیانک
 باشنه اوشدیلر

اودخی حکیم ابن حزام و بدیل ابن ورقاء خزاعی ایله
 بر اکلده کلوب مر الظهرانک اوزرنده کی تپه به چبقدیلر
 و بو قدر آتش یاقان اردو عجبا کیلر اوله دیو دوشونوب
 طولاشورنر ایکن اردوی همایوندن چبقارلمش اولان
 سواری قره غولنه اسیر دوشدیلر

برو طرفدن رسول اکرمک عمی عباس رضی الله تعالی عنه
 حضرتلری دخی یارین قریش طائفه سی غافل ایکن
 بو غلبه لک ایله بغته مکه به کبریه جک اولورسه بر پوک
 فناق اولاق ملحوظدر باری چیقهم بر آدم بولو بده قریشہ
 کوندریم کلو بده امان دیلسونلر دیهرک رسول اکرمک
 استرینه بنوب اردودن طیشارو چیقمشیدی . اوزاقدن
 ابوسفیانک سنی ایشتد کده ابوسفیانمیسین دیو صوروب
 اودخی اوت دیوجواب و یروب بیلشدیلر و کورشدیلر
 حضرت عباس ابوسفیانی ارقه سنه آکوب حضور نبوی به

کنور رکن هر کيلرك يانندن کچمه لر بويله کچمه اين
اردوايچنده کرن کيمدرديو باشلرين قالدروب رسول اکرمک
اسـتری اوزرنده حضرت عباسی کور بچک بر برينه عم
رسول عم رسول ديه رک باشلرين اوکلرينه اکرلردی
* عمر الفاروق رضی الله تعالی عنه حضرت تارینک
حذا سـنه کلدکلرنده حضرت عمر ابوسـفيانی کوروب
طانیفله سکر تدی . حضور نبوی به کوروب یار رسول الله
ابوسفيان کلبور رخصت وبر همان بوینی اوریم دبرکن
حضرت عباس کمال سرعت ايله يتيشوب ابوسـفيانک
عفو واطلاقی نیاز ابتدی

حضرت عمرک الی قلیچک قبضه سنده و حضرت عباسک
دبلی عفو وهي حت اسـند عـسنده یکدیگره معارض
اولم ليله رسول اکرم حضرت عباسه هله سن آتی بو کچمه
توقیف ایت دیو بیوردی

اودخی ابوسـفيانی آلوب اول کچمه کندی یاننده حبس
وتوقیف ايله فرداسی علی الصبح رسول اکرمک چادرینه
کنوردی

رسول اکرم (یا ابا سـفيان هنوز لاله الا الله ديه جکک
وقت ایر شمدیمی) دیو صوردی
ابوسفيان اکر الله دن بشقه اله یعنی طایه جفی بوقی دیسم
بوقدن بتلری نه یاپه یم لات وعزادن نصل کچیم دیو براز

دوشونوب طور دی . نهایت لاله الا الله دیووردی
 بعده رسول اکرم (یا محمد رسول الله دیه جکک وقت
 دها ایرشمیدی) دیو پیوردی
 ابوسفیان (یا محمد بونک ایچون بکاراز مهلت و برزیرا
 بوندن طولای ذهمده هنوز ایلیشک وار) دیو جواب
 ویردی

حضرت عمر ایسه طیشاروده طولاشوب کزینوردی
 آه ابوسفیان سن طیشاروده اولسهک بویله هز یان ایدمهز دک
 دیو کندو کندویه سویلنوردی

حضرت عباس دخی (نه یایورسین ابوسفیان عقیلی
 باشنه دوشر عمر طیشاروده قلیج ایله بکلیور سنک باشکی
 کسمک ایچون فرصت کوزه دیور) دیو اکا نصیحت
 ایلردی

آنک اوزرینه ابوسفیان همان محمد رسول الله دیه رک عمرک
 پنجه سندن یقه سنی قورتاردی

ینه اول مجلسده حکیم ابن حزام ایله بدیل ابن ورقاه دخی
 شرف اسلام ایله مشرف اولدیلر

رسول اکرم حضرت عباسه ابوسفیانی آلدیه اردونک
 کچه جکی بوغازه کونور که اللهم عسا کرینی تماشا ایتسون
 دیو پیوردی

حضرت عباس یار رسول الله ابوسفیان فخر و مباهااتی

صور بر زاندر اکامدار افتخار اوله جق بر امتیاز و پر سه کن
دید

رسول اکرم دخی (کیم که ابوسفیانک خانه سنه کیر ایه
امیندر کیم که مسجد شریفه کیر ایه امیندر کیم که
خانه سنه قیانور سه امیندر کیم که ترک صلاح ایدر سه
امیندر کیم که حکیم ابن حزامک خانه سه کیر سه امیندر)

دیو بیوردی

آنک اوزرینه حضرت عباس ابوسفیانی آلوب اردوی
همایونک بچه جکی بوغازک اغزینه کوتوردی
عسکر فوج فوج کچد کچه ابوسفیان صورار حضرت عباس
دخی کچکر اوله قلمینی تعریف ایلر ایدی

شویله که ابتدا سیف الله خالد ابن ولید رضی الله تعالی عنه
حضرت تلمی بیک نفر بنی سلیم قبیله سی دلاور لایله
ابوسفیانک حذا سنه کلد کلرنده جله سی بر آغزدن
تکبیر آلدیلر

ابوسفیان بو کیم دیدی . و حضرت عباس خالد ابن الواید
دیجک شو بزم ولیدک اوغلی خالد می دیو صورتی
اوت دیو جواب و یردی

بعده زبیر ابن العوام رضی الله تعالی عنه حضرت تلمی
مهاجر بن سنجاعنی چکه رک در تبوز نفر زرهلو یکتلرایله
کذلک تکبیر آله رف کلوب کچر کن ابوسفیان بو کیم

دیو صوردی . حضرت عباس دخی زیر ابن العوام
دیو جواب و یردی . ابوسفیان (ها هم شیر زاده کرهی)
دید

بعده ابوذر غفاری رضی الله تعالی عنه حضرت تری
اوچوز نفر سبکبار و چابک رفتار اولان بنی غفار یکیتار یله
چکر کن ابوسفیان بونلر کیم دیدی . و حضرت عباس
بنی غفار قبیله سی دید کده آنلرله بیمنزده برشی یوق
دید

آندن صکره خزاعه قبیله سنک بر شعبة سی اولان بنی کعبدن
بشیوز نفر سواری و بعده سکر یوز نفر مزینه قبیله سی
تیراندازلی . و در تیوز نفر بنی لیث ایله بنی ضمره ارسلانلری
کلوب کچدی لر

بعده اوچوز نفر شجهمان عرب ایله اشجع قبیله سی چکر کن
ابوسفیان قتی قبیله اولدیغی صوردی . حضرت عباس
اشجع قبیله سی دیو جواب و یردی

ابوسفیان سبحان الله محمدك اك بيوك دشمنی آنلر ایدی
شمدی نه عجب اکام طبع و منقاد اولشلر دیدی
حضرت عباس دخی نور اسلام آنلرک قلبی منور ایتیش
بوده اللهک بر فضل و عیانتیدر دیدی

بعده سکر یوز نفر جهینه دلاورلی و دیگر بعض قبائل
وغشائر فوج فوج کلوب کچدی کجه ابوسفیانک کوزی طولدی

واذ وقت ایچنده بوقدر قبيله لری طو پلا بوب وجهه سنی
یکو جود ایلو بده خبر سزجه مکه به قدر سوق ایدو بر مک
نه بولک اقتدار در دیو درین افکاره طالیدی

ابوسفیان بوراسنی دوشونور کن پرده اوزاقدن اصل
موکب نبوی کورندی که بشبیک قدر کزیده عسکر ایدی
وآتلورک وزر هالورک ائک کزیده لری برابر ایدی

رسول اکرم قصوی نام دوه سنه بنوب اوکنده انصارک
سبحاغیله ابن عباد و صاغنده ابو بکر الصدیق وصولنده
اسید ابن حضیر و اطرافنده سائر اصحاب کزین رضی الله
تعالی عنهم حضراتی تیمور لره مستغرق اولد قلمری حالده
بشبیک کشی تکبیر آله رف کلور لردی

ابوسفیان آنی کور یحک یا عباس قرن داشک اوغلنک ملک
وسلطنتی نه چوق بیومش دید کده اودخی صوص او ملک
وسلطنت دکل نبوتدر دیکله ابوسفیان دخی اوت نبوت
دید

بتون عسا کر اسلامیه اول بوغازی کچد کدن صکره حضرت
عباس رضی الله تعالی عنه ابوسفیانی صالیو یردی
ابوسفیان همان حکیم ابن حزام ایله برلکده مکه به
واردی و حرم شریفه کیدوب قریشه خطابا (ای ناس
ایشته کلان محمد در سزک فارش و طوره میه جفک ز برقوت ایله
کلور) دیو کیفیتی آنلره بیلدردی

و محمد نه دیدی دیو صورت قلزنده (ابوسفیانك خانه سنه
کیرن امیندر مسجد کیرن امیندر اوده اوتور و بده
قموسنی قپایان امیندر دیدی) دیو جواب و یردی
بده ای جماعت قریش (مسلم اولك سلامت بوله سکن)
دیو سوزی کسدردی

ابوسفیانك قاریسی معهود هند همان قوجه منك
اوزرینه هجوم ایتدی . و صفالندن طوتدی (ای آل غالب
شو معنوه حریفی اولدیرکن) دیو حایقردی
ابوسفیان دخی (صفالمی برافى والله مسلمان اولماز ایسهك
سنگده بوینك اور یلور هاییدی اویکه کیت سسکی چیقارمه)
دیدى . وقاریسنی اسکات ایتدی . اودخی صاووشوب
خانه سنه کیتدی

آنك اوزرینه مکه ایچنه بر عظیم غلغله دوشدی . خلق
نه یابه جفنی شاشردی
کیمی ابوسفیانك خانه سنه و کیمی حرم شریفه سکر در
و کیمی کندی خانه سنه قپانور و کیمی بر برده طوره میوب
ز قافلرده طولاشور . کیمی سلاخلانور و کیمی سلاحنی
آتار . گاه طویلانور لر گاه طاغیلور لر ایدی
رئیس قوم اولان ابوسفیانك ایمانه کلسبله قریشك اکثری
اسلامه میل ایتدی

فقط سهیل ابن عمرو ایله عکرمه ابن ابوجهل و صفوان

ابن امیه بنی بکر و بنی حارث و هذیل و احابیش قبیله لرندن
بر مقدار عسکر طو پلایوب مکہ نك الت طرفنده خندمه
نام محله جنکه حاضر اولدیلر

رسول اکرم ایسه مکہ نك اوست طرفنده کداه نام
طاغ یولایله مکہ به کیرمک اوزره ز بیر رضی الله تعالی عنه
حضرتلرینی و دیگر طرفدن کیرمک اوزره سعد ابن عبادہ
رضی الله تعالی عنه حضرتلرینی برر فرقه ایله مأمور
ایتدیکی کبی مکہ نك الت طرفندن خندمه یولایله حرکت
ایتمک اوزره خالد ابن ولید رضی الله تعالی عنه حضرتلرینی
دخی بر فرقه به باشبوغ نصب و تعیین بیوردی

فضاعه و سلیم و اسلم و غفار و مزیننه و جهینه قبیله لری
هپ حضرت خالد ایله برابر ایدی
خاتم الانبیا حضرتلری قریش طرفندن تعرض اولندجه
حر به کیرشمیکز دیوجله سنه ثنیه بیوردی
بناه علیه عساکر اسلامیه کسنه به تعرض ایتمه رک کمال
تعظیم و آداب ایله مکہ مکر مه به کیرمک اوزره قول قول اوله رق
یوریدیلر

اهالی طرفندن دخی تعرض اولندی . فقط خندمه ده
سهیل و عکر مه و صفوانک جمع ایلدیکی عساکر خالد
ابن ولیدک فرقه سنه سدره اولقی ایستدیلر . و حضرت
خالد آناره نصیحت ایتدیسه ده دکلدیلر . و همان محاربه به

باشلادیلر حتی کرز ابن جابر فہری ایله حبیش ابن الاشہری
شہید ایلدیلر

آرتق حضرت خالد دخی جنکہ مجبور اولدی . وآنلرک
اوزرینہ او یلہ شدتاو بر هجوم ایتدی کدر حال اون اوج
نفر مشرکینی اعدام ایتدی . و باقی سنی طاغندی

اشو کرز ابن جابر فہری بدر غزاسہندن مقدمہ مدینہ
منورہ نک حیواناتی غارت ایدن کیمسہ در کہ صکرہ اسلام ایله
مشرف اولہرق اصحاب کزیندن اولوب حتی بردفہ
رسول اکرم طرفندن برفرقہ یہ سرکرده نصب اولنمشیدی
بوکرہ حبیش ایله برابر مکہ نک فتنہ قربان اولدی
رضی اللہ تعالیٰ عنہما

رسول اکرم حضرت خالدک محاربہ سنی ایشیدوب
بن محاربہ اولنسون دیوتنبیہ ایتدیمی دیدکده خالدہ
تعرض اولندی . اودخی چارہ سز جنک ایتدی . دیو
جواب ویرلدی

بشقہ طرفدہ اصلا محاربہ وقوعہ کلمہ کسزین عساکر
اسلامیہ طاقم طاقم مکہ مکرمہ یہ کیردیلر
ایشتہ اول خالدہ خاتم الانبیاء علیہ افضل التحایا حضرت تبری
باشندہ سیاه عمامہ اولدینغی خالدہ مکہ مشرقیہ داخل
اولدی . وہمان کعبہ معظمہ یہ عزیمت ایلدی

کعبه معظمه کورند کده اول خاتم الانبیا حضرت تلی تکبیر
 آلیحق جله اصحاب کرام تکبیر الدیلر
 او قدر یک آدمک تکبیر لر بله طاغیر ایگانی . صمانکه
 طاغیردن خوش کلدیکن صداری کلوردی
 اول کون یوم جمعه ایدی . وعید فطره اون کون قالمیشدی
 اهل اسلام حقنده مسعود بر کون ایدی
 خاتم الانبیا حضرت تلی حرم شریفه واردی . بیت
 شریفک قپوسنده طوردی
 (ای جماعت قریش بدن نه او مار سکن حقکرده نه معامله
 ایده حکم ظن ایدرسکن) دیو صورتدی
 حاضر اولان اشراف قریش (خیر او مارز کرم صاحبی
 برادر و کرم صاحبی برادرزاده) دیو جواب و بردی
 آنک اوزرینه اول فخر عالم حضرت تلی دخی (کیدیکر هپ
 آزاد سکن) دیو پیوردی

رسول اکرم اول وجهله قریش طائفه سی حقنده عفو
 عمومی اعلان ابتدیه ده ایچلرندن بعض کسانى تعداد
 واستثنا ایدوب آنلرک دملرینی هدر قیلدی
 از جمله عکرمه ابن ابوجهل وصفوان ابن امیه و عبدالله
 ابن سعد ابن ابوسرح عامری و عبدالله ابن الزبیری
 السهمی و عبدالعزی ابن خطل و حویرث ابن نقید و عقیس

ابن صباه و حضرت حمزه نك قاتلی اولان مهود و وحشی
 ایله طائفه نسادن ابوسفیانك زوجته سی اولان هند
 و ابن خطاك ایکی خواننده جاریدلی و بنی هاشمك
 نام ادا اولندن ساره نك دملری هدر ایدلمشیدی
 عكرمه رسول اكرمه عداوتده باباسنه بگزیدی . صفوان
 دخی دین اسلامك بیوك دشمنانندن ایدی
 عبدالله ابن سعد ابن ابوسرح ایسه هجرتدن مقدم کاتب
 وحی اولمشیکن صكره مرتد اولمشیدی
 عبدالله ابن الزبیری ایله حویرث ابن نقید دخی مکه نك
 مشهور شاعرلندن اولوب رسول اكرمی هجوایلر
 و حقنده پك فنا سوزلر سویلر ایدی
 ابن خطل مقدا ایمانه كلشیکن صكره مرتد اولمشیدی
 و سالف الذکر ایکی خواننده جاریدله رسول اكرمك
 هجو ، تغنی ایله اوقوتدیرر ایدی
 ساره دخی بره شهوره خواننده اولوب اودخی رسول اكرمك
 هجو یه لرینی ابن خطاك قارشوسنده اوقیوب آتی اکلندیرر
 ایدی . و بوقاروده ذکر ایندیگیز وجهله فتح مکه دن
 مقدمجه مدینه نوره کاهرك مسلمان اولوب رسول اكرمدن
 حسان و صدقه آلمش . و به عده خاطب ابن بلتعنه نك
 مکتوبنی مکه یه کورتورر ایکن طوتلمش و مکه یه عودتنده
 مرتد اولمش ایدی

مقیس ابن صُبابه مقدما ایمانه کلمش یکن انصاردن بری
خطا آنک فرنداشنی اولدر مکه اودخی اول انصاری بی
قتل ابدرک مرتد اولوب مدینه دن فرار ایله مکه
مشرک لرینه قارشمش اییدی

وحشی ایله هندک احد غزاسنده سید الشهدا اولان
حضرت حمزه حقه ده معامله لری معلوم اولغله بشقه تفصیلاته
حاجت کورلر

ایشنه بونلرک هپ دملری هدر قیلندی . آنلردخی
مستحق اعدام اولدقلرینی بیلدکلرندن اش-بو قح مکه
کونی هر بری بر طرفه صاووشوب صاقلانندی

فقط سعید ابن حرث المخزومی ایله ابوبرزة الاسلمی
رضی الله تعالی عنهما ابن خطله تصادف ایتملریله آنی قتل
ایتدیلر . ایکی خواننده جاریه لرندن بریسی دخی
بوصرده قتل اولندی

علی ابن ابی طالب رضی الله تعالی عنه حضرت لری دخی
حویرث ابن نفیع ایله ساره به راست کلوب ایکسینی دخی
قتل ایتندی

وخندمه ده مشرک لر منهزم اولبحق مقیس ابن صُبابه
بر طاقم بارانیه بریره کیرلنوب شراب ایچورلردی بمبله ابن
عبدالله الکلبی رضی الله تعالی عنه آندن خبردار اولهرق

اوراہہ واردی مقبسی قلیج ایلہ اوردی اولدردی
 دیگر دمی ہدر قیلانلر ہپ فرارده ایدی . وآنلرک اسملری
 معلوم اولدیغندن سائر ناس ہپ امنیت اوزہ کرزدی
 حتی اشراف فریشتن خویطب ابن عبدالعزی قاجوب
 بر محلدہ کیزلنمشیدی . ابوذر رضی اللہ تعالیٰ عنہ
 حضرتلری آنی کورمکله کلوب رسول اکرمہ خبر و بردکده
 بزقنلنی امر ایتدی کمر اشخاصدن بشقہ سنہ امان و یرمدکی
 دیو یوردی . ابوذر دخی واروب خویطبه خبر و بردی
 اودخی حضور نبوی یر کلوب اسلام ایلہ مشرف
 اولدی

بو وجهلہ عامہ یر امان و یرلد کدن صکرہ حضرت پیغمبر
 یدی کرہ بیت الہی طواف ایتدی
 اول فخر عالم حضرتلری طواف ایدرکن اصحاب کرامی
 دخی آنک ایزینہ باصوب کیدرلردی
 ابوسفیان بر بردہ طوروب تماشایدرکن (آہ براردو
 طوپلاسم وشوآدملہ ینہ جنکہ باشلاسم نصل اولور) دیو
 دوشونورمش

رسول اکرم دخی اول وقت آنک یانندن کچرکن (اوآدم
 سنی ینہ رذیل و ذلیل ایدر) دیجک ابوسفیان توبہ
 واستغفار ایتدی و (شمدی ییلم کہ حق پیغمبر سین واقعا

ذهنده اوبله بر قورونتی وار ایدی (دیو اعتراف ایلدی

فضاله ابن عمیر ابن الملوح اللبثی دخی رسول اکرمی طواف ایدرکن اوروب اعدام ایلک نیتله یواش یواش یانه باقلاشد قد رسول اکرم الکافضاله یسین دیو صورده اودخی اوت دیو جواب و بردی . و رسول اکرم نه دوشونو بورسین دیوب اودخی هیچ برشی دوشوندیکم یوق همان ذکر الله ايله مشغولم دیدکده رسول اکرم کولدی و (ذهنده قور دینک شیدن توبه واستغفارایت) دیو بوردی . و مبارك الی آنک کو کسنه قوبدی . در حال فضاله نک ذهنده کی قورونتی زائل اولمش و آنک اوزرینه ایمانی رسوخ وقوت بولمش ایدوکنی صکره دن کندوسی حکایه ایلشد

کعبه ده اوچیوز الشمس بت وار ایدی . اول کون جله سی قیر یلوب آتلدی . و بیت الله آنلردن تطهیر ایلدی و هبل نام بیوک بت قیر یلوب یقیلورایکن زبیر ابن العوام رضی الله تعالی عنه حضرت تبری ابوسفیان (سنک احد وقعه سنده وجود یله اقتحار ایتدی کک هبل کوره بوره یسین) دیدکده ابوسفیان (آرقق تو بیخی براق یاز بیر کوره بورم که محمدک الهندن بشقه اله اولسیدی ایشلر بشقه در او اولوردی)

یدی

و رسول اکرم کعبه معظمه نک قموسنده طوروب (ای ناس
حاجبلاک یعنی کعبه خدمتی ایله سقايت زمزم مأموریتندن
بشقه اسکیدن قاله نقدر دعوا وداعیه ورسوم عادیه
وار ایسه جمله سنی الغاوا بطلال ایندم) دیو یوردی

سقايت زمزم منصبی عبدالمطلب اولادینه مشروط اولوب
اولوقت بومأموریت شریفه حضرت عباسک عهده سنده
اولدیغی کبی حاجبلاک خدمت شریفه سی دخی ابوطلمحه
ابن عبد الدار اولادینه مشروط اوله رق اولوقت کعبه
معظمه نک اناخذاری عثمان ابن طلحه ابن ابوطلمحه ده
ایدی

رسول اکرم آدن بومفتاح سعادتق ایستدی . اودخی
خانه سندن مفتاح سعادتق کتوردی . وآل امانتی دیهرک
رسول اکرمه و بردی

ابوطلمحه اوغلاری کندولرذن بشقه برکیسه کعبه بی آچاماز
ظن ایدرلردی

رسول اکرم ایسه مفتاح سعادتق آلواب بالذات کعبه بی
آچووردی . وایچروکیددی . برچوقی صورتلر کوردی
جمله سنی قالدردی

حضرت عباس رضی الله تعالی عنه حاجبلاک سقايت
زمزم خدمته علاوه سیله بنی عبدالمطلبه تخصیص
یورلمسنی استدعا ایندی

حضرت علی رضی الله تعالی عنه دخی یار رسول الله
حاجبک خدمت شریفه سی اهل بیتکه تخصیص
بیورملیسین دیدی

عثمان ابن طلحه ایسه ابا واجدادینه مخصوص اولان
بر خدمت شریفه نک الدن چقمسی سوزلرینی ایشندیکجه
بک زیاده متأثر و متألم اوله یوردی

اول حالد جبریل امین کلدی . و حاجبکک بینه ابو طلحه
نسئلده براغلمسی امرینی کتوردی

آنک اوزرینه همان رسول اکرم (ای بنی ابو طلحه امانه
اللهی مؤبداه عهدده کرده قالمق اوزره آلکز دهرک کعبه
اناخدار بنی عثمان ابن طلحه به ویردی

عثمان ابن طلحه نک وفاتنده مفتاح سعادت آنک عزاده سی
اولان شیه ابن عثمان ابن ابی طلحه به یکدی . آندن دخی
اولاد و احفادینه قالدی . الحاله هده بو حاجبک خدمت
شریفه سی بنی شیه ده در

حضرت ابو بکرک والد سی سلمی رضی الله تعالی عنها
حضرت لری اول باول ایمان ایدن لر دن ایدی . اما پدری
ابو قحافه پیرفانی اولد یغنی حالد هوز ایمانه کلامشیدی
بو کره حضرت پیغمبر مسجد حرامه داخل اولد قده
حضرت ابو بکر الصدیق پدری ابو قحافه نک الدن طو توب

حضور نبوی به کنوردی . اودخی اسلام ایله مشرف
اولدی

بعده فخر عالم صلی الله تعالی علیه وسلم حضرت تبری صفا
اوزره چیتوب اوتوردی . حضرت عمر الفاروق دخی
الت طرفنده طوردی . وناس کلوب برز بر بیت ایلمکه
باشلادی

ابتدا ار ککرا اسلام اوزرینه بیت ایلدیلر . رسول
اکرم دخی الله ورسوله اطاعت ایتک اوزره آنلرک
یعنی قبول ایلدی

ار ککراک بیعتی تمام اولدقده نوبت قادینلره کلدی
حضرت علیک همشیره سی ام هانی بنت ابوطالب و عاص
ابن امیه نک قیزی ام حبیبه و عتاب ابن اسیدک خالهری اروی
وعاتکه و حارث ابن هشامک قیزی و عکرمه ابن ابوجهلاک
زوجه سی اولان ام حکیم و خالد ابن ولیدک قیز قزنداشی
فاخته کی قریش ایچنده شانلو و اعتبارلو خاتونلر طائفه
نسانک اولکرینه دوشوب حضور نبوی به کلدیلر

عصبه نک قیزی و ابوسفیانک زوجه سی اولان هند دخی
تبدیل قیافت ایدرک آنلرک ایچنه قاریشوب کلدیلر
رسول اکرم آنلره شرک و سرق و زنادن اجتناب ایتک
اولاد لرینی اولدر مامک و کسنه به بهتان و امر حقه عصیان

ایتمامک اوزره بیعت ایتمارینی تکلیف ایتدی
 حالبو که ابتدا شرکدن اجتناب ایتمک شرطنی تکلیف
 ایتد کده هند میدانہ چقبوب (واللہ سن ارککارہ تکلیف
 ایتمدیکک شرطی بزه تکلیف ایدبورسین هر نه ایسه بزه
 آنی برینه کتوره جکیز) دیدی

بعده سرقت بخشنه کلد کده هند (واللہ اگر حرسزاق
 ایتمد بیدم ابوسفیانک مالندن نیجه شیلر چار پاردم)
 دیدی

ابوسفیان اوراده حاضر ایدی (کچمشی وار ایسه سکا
 حلال اولسون کله جکه باقه لم) دیدی
 فخر عالم حضرت تلری اولوقت هندی طانیدی . وهنده پسین
 دیووردی

اودخی (بن هندم کچمشی عفوایت اللهده سنی عفوایتسون)
 دیوجواب ویردی

بعده رسول اکرم زنا ایتمامک شرطنی تکلیف ایتد کده
 هند (حره اولان خاتون هیچ زنا ایدرمی) دیدی
 وبعده رسول اکرم اولادرینی اولدر مامک بخشنه کلد کده
 هند (بزآنلری کچوک ایکن بیوتدک و بیوک ایکن آنلری
 سن بدرده اولدردک آرتق نه اولد یسه اوراسنی سن وآنلر
 دها ای بیلورسکن) دیدی

حضرت عمر ك فوق العاده تمكین ووقاری وارا یكن هندك
بوسوزینه طیانہ میوب کولدی

بعده رسول اکرم خاتونلرك بهتاندن صاقملرینی تکلیف
ایتدکده هند (والله بهتان چرکین شیدرسن بزه حسن
اخلاق ایلہ امرایدیورسین) دیدی

ونهایت عصیان ایتمک تکلیفته کلکده دخی هند
(بزبودیوان عالی یه صکره عصیان ایتمک نیتله کلکده)
دیو سوزی کسدردی

آنک اوزرینه رسول اکرم بووجهله قادیبازدن بیعت آلق
اوزره حضرت عمره امر ایتدی . اودخی ال ویردی
وبالوکاله قادیبازدن بیعت آلدی

هندك مقدمجه دمی هدر قیلیمش ایکن بووجهله مظهر
عفو وامن اولدی . وخالوص قلب ایلہ ایمانه کلدی
حتی خانه سنه واروب نقدر بتلر وارایسه بو قدر وقت
سنه آلدانمشز دیهرك برر بر قیروب پارلدی . وجهله سنی
مخو ایلدی

فخر عالم صفا اوزرنده جنساب حقه جد وئنا ایدرکن
انصاردن بعضیلری فکر ومطالعه یه واروب (حضرت
پیغمبر وطنه قاوشدی . عشیرتله کورشدی . هیچ بوندن
صکره دونوبده بزم بلده مزه کیدرمی) دیو نأسف
واندیشه ایدرلرمش

همان حضرت جبریل علیه السلام کلوب رسول اکرمه
وحی کتوردی . وانصارك بواندیشه رینی بیلدردی
رسول اکرم صفا و زنده دعاسنی تمام ایتدکن صکره
بو کیفیت انصاردن صورتی
آنردخی اوت یارسون الله دهنمه اویله برخاطره کلدی
دیدیلر

اول خاتم الانبیاء حضرت تهری دخی (ای جماعت انصار بن
اللهم قولى ورسولى یم سرك بلده كره هجرت ایتدم
حیات و ماتم سرك یانکرده در) دیو بیوردی
انصار کرام حضراتی رسول اکرمك بوالنفا تنذن
فوق العاده سویندیلر . و سونجه یلرندن آغلاشدیلر
اویله وقتی کلدکه حضرت بلال رضی الله تعالی عنه
کعبه اوستنه چیقوب اذان او قودی
نه بیوک انقلابات حسنه در که کعبه اوزرنده صباحین
قوجه هبل نام بت طورر کن آن واحدده خاك ایله یکسان
اولوب اویله وقتی اذان محمدی اوفونوبور . و حرم شریفده
بونجه بتلر وار ایکن جله سی بردن محو ایدیلوب کعبه
مشرفه نك اطرافنده بوقدر بیک اغزدن تکبیر آلیوز
ولات و عزایه پرستش اولنور کن یالکر واجب الوجود تعالی
حضرتلر نه عبادت اولنه بور ایدی
قریش طائفه سی طاغیله رفی کیمی بر طرفه قاجوب کبر لشمش

و کیمی مکہ نك اطرافنده کی طاغله و بایرله چیقوب اوزاقدن
تماشا ایتمکده بولنمش ایدی

بر طاقی دخی ابوسفیان ایله برلکده کعبه حوالیستده طور و ب
بویله بغنه ظهوره کلان تبدلات عظیمه به نظر حیرت
و تعجب ایله بقارلردی

ایشته اولوقت ابوجهلک قیزی جویریّه (الله بابامه
لطف و احسان ایتمش که وقتیه وفات ایدوبده بلالک
کعبه اوزرنده باغردیغنی کورمدی) دیمش
حارث ابن هشام دخی (کاشکی اولجه فوت اولوبده
بوکونی کورمیدم) دیمش

آنلرله برلکده بولنان دیکر اشراف قریش دخی بوسیاقده
برز سوز سویلمش

فقط ابوسفیان (بن محمدک حقنده برشی س-ویلم زیرا
اکا کوکدن خبر ویریلیور) دیمش

درعقب رس-ول اکرم آنلرک یانه واردی . و بینلرنده
کیزاوجه نه سو یلشدکلرینی برر کندولرینه خبر
ویردی

حارث همان بن شهادت ایدرم که سن حق پیغمبرسین
زیرا بزم بوس-وزلیمزه کسنه مطلع اولمدی دهرک کلمه
شهادت کتوردی

كلام شمدى بز مقدا دملرى هدر قيلمش اولان بالاده
مذكور فرار يلك احوالنه

هنگامه مظهر عفو و امان اولمى سار فرار يله جسارت
ويردى . و ابن خطاك خواننده جاريه لرندن برى كه
قاچوب كيزلشمىدى . مسلمان اوله رقى حضور نبوى به
كلوب عفو و امان ديلدى . رسول اكرم دخی آنی عفو
ايلدى

عبدالله ابن سعد ابن ابوسرح دخی عثمان ذی النورین
رضی الله تعالی عنه حضرتلرینك سوت قرنداشی اولمغه
اكا النجا ايلمش . و اودخی آنی كيزله مش ایدی . عامه به
امنت و اطمینان كاد كدن صكره حضرت عثمان آنی میدانه
چبقاردی . حضور نبوی به كئوردی . عفو ایتدردی
* آندن صكره بوذات قوی مسلمان اولوب يك چوق
محاربه لرده بولمیش و حضرت عثمانك خلافتده مصر
والیمی نصب اولمیش در

عكرمه ابن ابو جهل كه خنده ده منهزم اولدقدن صكره
بمن طرفه فرار ایتشمىدى . زوجه سی ام حكیم مسلمان
اولوب رسول اكرم دن آنك ایچون امن و امان آلدی
و آرقه سندن كیدوب آنی بمن ساحلنده بولدی (ناسك
اكك زباده حلیم و كرمی اولان ذات طرفدن سكارای
وامان ايله كلام) دهرلك آنی كیر و چو یردی . و حضور

نبوی به کتوردی . عکرمه دخی اسلام ایله مشرف
اولدی

صفوان ابن امیه دخی جدیه فرار ایتشیدی . عمیر ابن
وهب جحی حضور نبوی به کلوب (یار رسول الله صفوان
بنم قومک اولوسیدر . سندن قورقوب قاچدی اکا
رأی وامان ویر) دیدی . رسول اکرم دخی امان
ویردی

آنک اوزرینه عمیر جحی جدیه واردی . صفوان ایله
کورشدی . و رسول اکرمک فصل حلیم و کریم و اقر باسنه
نه مرتبه وفادار اولدیغنی بیان ایتدی . و اوسسنگ
عمراده کدر آنک عز و شرفی سنک عز و شرفکدر دیدی
و آنی کبرو چویردی . و مکّه مشرفه به کتوردی
و حضور نبوی به چبقاردی

صفوان حضور نبویه عمیره اشارت ایدرک (بو آدم دیور که
سن بکا امان و یرمش سین طوغریمی) دیو صورتی
رسول اکرم دخی طوغریدر . دیو جواب ویردی
صفوان (او یله ایه مسلمان اولق ایچون بکا ایکی آی
مهلت ویر) دیدی

رسول اکرم درت آی مخیر سین دیو بیوردی
بنه علیه صفوان ابن امیه برمدت مشرک اولدیغنی حالده
امن وامان اوزره قالدی

عبدالله ابن الزبیری حضرت علی بنک همشیره سی ام هانی
حضرت تلری بنک زوجی اولان همیره ابن ابی وهب مخزومی ایله
برابر نجرانه کیندی . وهیره اوراده مشرک اولدیغی حالده
وفات ایلدی

ابن الزبیری ایسه دونوب مکه یه کادی . وعذر دیلدی
رسول اکرم دخی آنی عفو ایلدی . و آندن صکره
اودخی اعتذار وادیسنده نیجه شعرل ورسول اکرمه
مدحیهل سوبلدی

حضرت حمزه بنک قاتلی اولان وحشی برمدت اطراف
واکنافده طولاشدی . لکن صیغه جق یر بوله میوب
نهایت رسول اکرمه دخیل دوشدی . رسول اکرم
آن دخی عفو ایلدی . فقط کوزیمه کورنمه دیو بیوردی
بناه علیه وحشی سر بست کزردی . لکن رسول اکرمه
اصلا کورنمزدی

ساحل بحر اوزرنده مُسَلَّل نام طاغ که اورادن قَدید نام
محل مشهوره اینیلور . ایشته اول طاغ اوزرنده اوس
وخزرج قبیله لر بنک منات نامنده بر بنی واریدی . عید
فطره اتی کون قاله سعد ابن زید ابن اشهل رضی الله تعالی
عنه حضرت تلری آنی هدم ایتکه مأمور اولغله واروب
هدم ایلدی

ومكديه برقونانی مسافده واقع نخله نام محله قريشك
عزى نامنده بر بتي وارابدى كه هندلنده بتلك اگ بيوى
ايدى . عید فطره بش كوز قاله آنی كسر وهدم ايچون
دخی خالد ابن الوليد رضی الله تعالی عنه حضر تلری
مأمور اوله رق بر مقدار سواری ايله واروب آنی پاره لدی
* مكديه اوج ميل مسافده هذیل قبيله سنك دخی سواع
نامنده بر بتي وارابدى . اول ائشاده عمرو ابن العاص
رضی الله تعالی عنه حضر تلری دخی واروب آنی اوردی
قیردی خاك ايله يكسان ایلدی

وقته خذیمه

فتح مكه دن صكره رسول اكرم قبائلی دینه دعوت ايچون
هر طرفه مأمور لر كوندركله خالد ابن الوليد دخی
نخله دن عودتدن صكره مهاجرین وانصار ايله بنی سليم
قبيله سندن مرڪب برفرقه ايله خذیمه قبيله سنه
كوندردی
حالبو كه زمان جاهلیته خذیمه قبيله سی عبد الرحمن
ابن عوفك پدر بنی و خالد ابن الوليدك عموجه سنی اولدرمش
اولدفلرندن خالد آنلردن اخذ انتقام ايچون فرصت
اراردی

بنام علیه شوال آینده مکيه برقوانی مسافه سی اولان
 یلم ناحیه سنه واردی . بنی خذیمه مسلح اوله رف
 فارسو چیقدقلرنده سلاخلر کزی براغکز زبرا خلق
 مسلمان اولدی دیدی . آنلردخی اطاعت ایدرک سلاخلرینی
 براقدیله

شو حالده آنلره تعرض اولمق اصلا جائز دکل ایکن خالد
 آنلرک اللربنی باغلانیدی . وکندولرینی عسکره توزیع
 ایدرک هر کس کندی اسیرینی اولدرسون دیوامی
 ایتدی

بنی سلیم قبیله سی کندی یانلرنده اولان اسیرلری اولدردیله
 امامهاجر بن وانصار اویله برچرکین ایشی ایشلمکدن
 ابا ایدرک یانلرنده کی اسیرلری صالیویردیله

وفی الواقع خالدک بوحرکتی پک چرکین برایش اولدی
 حتی صوچنی باصدمق ایچون اکابر اصحاب کرامدن
 اولان عبدالرحمن ابن عوف حضرتلرینه سنک پدریکک
 انتقامی آلدیم دیدکده ابن عوف حضرتلری اویله دکل
 سن عموجه کک انتقامی المی ایچون عصر اسلامده
 زمان جاهلیت ایشی ایشلدک دیوانی تکیه یاربیلدی

ورسول اکرم اولوقعه فی ایشلدکده یارب بن خالدک
 ایشلدیکی ایشدن بری یم دیو بیوردی . و برچوق مال ایلله
 حضرت علی بی بنی خذیمه یه کوندردی

حضرت علی بنی خذیمه به وارذی تلف اولان آدم لر بنک
دینلرینی ویردی . دها برحقکز قالدیمی دیو صوردی
خیر قالدی دیدیلر . حضرت علی بیلدیکن دها ضایعات
وار ایسه اکا قارشواق دهرک یاننده فضله قالان ماللری
دخی آنلره ویردی

بعده حضرت علی دونوب کلدی . کیفیتی حضرت
پیغمبره خبر ویردی . حضرت پیغمبر دخی آنک بواجرا آننی
نحسین بیوردی

﴿ خزوه حنین ﴾

مکه مکرمه فتح اواندینگی کپی قریش قومنک اکثری مسلمان
اولدی . ایمان اینیلر پک آز قالدی . بوجهته دین اسلام
برمرتبه دها میدان آلدی

ومقدما قریش قومنک طرفداری اولان قبائل وعشائر
بالطبع طرف اسلامیه مائل ومنوجه اولدی . ودین اسلام
هر طرفه شان وشهرت بولدی

فقط عربک اک بیلر قبیله لرندن بری اولان هوازن
قبیله سی رسول اکرم ایله محاربه ایتمک اوزره یینلرند
اتفاق ایلدیلر . وطائف ایله مکه ارسند حنین نام وادیده
طوبلانغه باشلادیلر

قارب ابن اسود ابن مسعود ثقیفی ثقیف قبیله سیله اورایه
کلدی . رسول اکرمک پچوک ایکن سوت امدیکی بنی
سعد ابن بکر قبیله سیله بنی چشم کبی دیگر بعض قبائل
دخی کلوی آنلره قاتلدی

بو جهته هوازن اردوسنک موجودی بکرمی بیک نفر دن
زیاده اولدی

رسول اکرم کندی علیهنده او یله بر بوک اردونک
طوپلاندیغنی ایشتدی . وهمان تدارکات کلیده تشبث
ایتدی

حتی صفوان ابن امیه دن اکرئی اسلحه ایستدی . صفوان
(غصبگی یا محمد) دیو یوردی

رسول اکرم (خیر غصبا دکل بلکه مسکارد واعاده
اولنجیه دک تلف اولورسه اودنک شرطیله عاریت
اوله رق ایسترم) دیو یوردی

صفوان دخی او یله ایسه باس بوق دیدی . وعاریت
اوله رق اوچبوز زره و بردی

نوفل ابن حارث ابن عبد المطلب دخی بو وجهله اوچبوز
هزارق اعاره ایتدی

الحاصل رسول اکرم تدارکات حربیه سنی اتمام ایلدی
وقح مکه دن صکره اسلام ایله مشرف اولان اشراف
قریشدن عتاب ابن اسید رضی الله تعالی عنه حضرت نلرینی

مکه ده قائم مقام براقدی . اولوقت عتاک سنی بکرمی
را ده سنده ایدی

واهل مکه به تعلیم احکام دین ایچون رسول اکرم معاذ ابن
جبل رضی الله تعالی عنه حضرت تلبی عتاب ایله برابر
براقدی

بعده شوالک بدنجی کونی رسول اکرم دلدل نام استرینه
سوار اولورق اون ایکی بیک عسکرله مکه دن چیقوب
جانب حنینه عزیمت ایدی

بو عسکرک بیک نفری مهاجرین و دوت بیک نفری انصار
و بشیک نفری جهینه و مزینه و بنی سلیم و اسلم و غفار
و اشجع قبیله لری . و ایکی بیک نفری اهل مکه ایدی
و برلکده سکسان نفر مشرک اولوب آنلردن بری دخی
صفوان ابن امیه ایدی

و بنی سلیم قبیله سیله مکه عسکری مقدمه الجیش یعنی
چرخه جی اولوب رئیس لری اولوقت اگ زیاده بهادر
و ماهر سواری قوماندانی اولان خالد ابن الولید حضرت تلبی
ایدی

ایشته بویله بر مکمل اردو ایله رسول اکرم شوالک اون برنده
وادی حنینه واصل اولدی

اهل اسلام دن بعضی لری اردوی همایونک کثرت و قوتنه

باقوب بوعسکر هیچ بروفته آزلقدن طولای مغلوب
اولماز دیدی

بوايسه بر ياكش سوزايدى . زيرا كثر وقوت اگر چه
اسباب غلبه دن ايسه ده نصرتى و برن جناب حقدر
كشى اسباب لازمه يى حاضر ايتليدر . لكن نصرتى
جناب حقدر بيليدر

بوخسه كندىنى بيكنن صكره اوتانور . و كندى قوته
كووهن دأما آلدانور

حق تعالى حضرتلى دخی حبیبی غالب و مظفر ابدن انجق
كندوسى اولديغنى بيلدرمك ايچون بوغزاده ابتدا
عساكر اسلاميه به رهزيمت صورتى كوستردى . بده
محضا عنايت الهيه سى اولق اوزره بريوك مظفر يت
احسان بيوردى

شويله كه دشمن اردوسـنك باش قوماندانى وهوازن
قبيله سنك شينجى اولان مالك ابن عوف نصرى عسكرىنى
غيرته كتورمك و آنلره فداكارانه جنك ايتدرمك اوزره
يا لاله نسوان و صبيان ايله حيواناتنى موقع حربه سوردى
و (جله كز يكوچود اوله رق بردن به هجوم ايدى كز)
ديوعسكرينه امروردى

وخالد ابن الوليد حضرتلى وادى حنينده لا ابا ليه
سكردوب كيدر كن پوصولده كيزلنمش اولان هوازن

عسکری بقتہ چیقوب بر شدت لو هجوم ایدینجک بنی سلیم
قبیلہ سی بوزلدی • مکہ عسکری دخی آنلرہ پیرو اولدی
وآنلرک بوہز یعنی سائر عساکر اسلامیه سرایت ایدرک
بتون اردوی اسلام بوز یلوب طاغلدی

حضرت پیغمبرک یاننده بالکرمعی عباس وعمرزاده سی ابوسفیان
ابن حارث ایله ابو بکر وعمر وعلی واسامه ابن زید کبی پک آاز
اصحاب کرام قالدی

بو بوز غونلق اوزرینه ایمانی ضعیف اولان تازه مسلمانلردن
برچوغنک افکاری بوزلدی

حتی اهل مکہ دن بعضیلری بر بریلہ سـ و یلشورلر ایکن
ابوسفیان ابن حرب (بوہز یمتک دکره قدر ارقه سی آلتاز)
دیمش

وصفوان ابن امیه نک انا بر فرنداشی اولان کلدہ (بو کون
سحر بوزلدی) دیوب صفوان ایسه هنوز مسلمان
اولماشیکن (صوص الله اغزیکی بر تسون بکا هوازندن
بری حاکم اولقدن ایسه قریشدن بری حاکم اولق یکدر)
دیوکلده یی تکدیر ایتمش

رسول اکرم ایسه ثبات وشجاعنده جله ناسه فائق ابدی
اک طار ومخاطره لو وقتلرده دخی تلاش وعجله ایتزدی
حضرت علیدن مرویدر که (محاربه شدت بولوبده

باشم صیغتی به کلدیکی وقت بزهپ رسول الله صیغ نور دنی
دیر ایش

ایشته بود فقه دخی اول فخر عالم حضرتلری جمله ناسک
اشجعی اولد بقی کو ستردی

شویله که بوجه بالا اردو بوز یل و بده اول فخر عالم یالکز
قالد فقه اصلافتور کتور میوب و هیچ تلاش کو ستر میوب
دللی دشمنه قارشو سورردی . حضرت عباس ایسه
ایلرو کیتسون دیو دلداک دیزکننی طوتاردی

واوا وقت فخر عالم حضرتلری یاننده کی اصحاب کزینی ایله
صاغ طرفه چکیلوب طوردی (ای ناس کلیک زین رسول الله
محمد ابن عبد الله) دیوندا بیوردی

حضرت عباس دخی کور سسلی بر ذات اولوب صوت
جهیر ایله (ای عقبه ده بیعت ایدن انصار ای شجره رضوان
التنه کیرودونماک اوزره سوز و یرن اصحاب) دیو
چاغردی

ایشیدن اصحاب گرام اییک لیک دیهرک دوندیلر . و همان
کلوب رسول اکرمک اطرافنه طو پلانیدیلر

هله اسید ابن حضیر رضی الله تعالی عنه حضرتلری
(یا اوس) و سعد ابن عباد رضی الله تعالی عنه حضرتلری
(یا خزرج) دیو چاغردقلرنده فصل که آر یلر بکلر ینک
باشنه اوشوب طو پلانورلر ایسه اوس و خزرج قبیله لری دخی

سکر دُوب قوششیدیلر . و آنلرک باشنه اوشیدیلر
ایشته بوصورتله بوزغون عسکر هر طرفدن قوشوب
رسول اکرمک یاننه کلیدیلر . و کال شدت ایله جنکه
گیرشیدیلر

وهوازن عسکری کال شدت ایله هجوم ایدوب کاورکن
حضرت علی رضی الله تعالی عنه قارشو واروب آنلرک
بیراقدارینی اولدردی

اول ائنده رسول اکرم (شمدی فرون فیزدی) دیو
بیوردی . و یردن برآوج طو پراق آلوب دشمنلرک یوزلرینه
قارشو آندی . و کوکدن ملکار اینوب رسول اکرمه
یاردم ایدی . بوجهته دشمنلر همان فراهه یوزطوتدی
* عساکر اسلامیه دخی آنلرک ارقه لرینه دوشوب
دیلدکلرینی قتل و دیدکلرینی اسیر ایتدیلر

یا لکن انصاردن و خزرج قبيله سندن ابوطالحه رضی الله
تعالی عنه حضرتلری اولوقت مشرکلردن بکرمی نفرینی
قتل ایتشیدی

بوجهته مشرکلرک یتیمش بوقدری تلف و برچوغی اسیر
و باقیسی منهزم و پریشان اولدی . و کافه اموال
و عیاللری عساکر اسلامیه انده کچدی . اهل اسلامک

شهیدلری ایسه درت نفردن عبارت ایدی
ابتدا عساکر اسلامیه نک بوزلدیغی خبری اهل مککه به

واصل اولاد قده بعضیلری محمد اولمش و محمد یلر طاعلمش
بوندن صکره عرب قومی دخی بابالری نیک دینه دوزلر دهرک
اظهار ممنونیت ایلمش

مکه قائم مقامی اولان عتاب ابن اسید رضی الله تعالی عنه
حضر تلری دخی محمد اولور ایسه شریعتی باقیدر نکر بعی
دیریدر دیمش

معاذ اهل اسلامک منصور و مظفر اولدیغی خبری
مکه به واصل اولیجی عتاب ایله معاذ ابن جبل رضی الله
تعالی عنهما یکیدن دنیایه کلمه شجیه سنه ممنون اولمشلردر

﴿ غریبه ﴾

بوقاروده بیان اولندیغی اوزره رسول اکرم مدینه دن
حرکت بیورمدن اولجه ابوقناده رضی الله تعالی عنه
حضر تلری بر مقدار عسکرله جانب نجده کوندرمشیدی

اضم نام محله وارد قنرنده عامر ابن اضبطه تصادف
ایتمشله . عامر آنلره سلام و یرمش و کندوسنک مسلمان
اولدیغی بیلدرمش ایکن ابوقناده نک معینده کی عساگردن
محلم ابن جثممه براسکی ماجرادن طولایی عامری اولدرمش
ودوه سبله اشیا سنی مال غنیمت دیو آلمش

بعده ابو قتاده عسکر یله عودت ایدوب رسول اکرم ایسه
اردوی همایون ایله مکه اوزرینه حرکت ایلش اولدیغندن
ابو قتاده دخی ارقداشلار یله برلکده مکه یه متوجه اوله رق
اثنای راهده رسول اکرمه یتشمشله . ومکه قیچنده
بولندقدن صکره حنین غزاسنه دخی چیقمشله ایدی

رسول اکرم وادی حنینده اوله نمازینی ادا ایتد کدن
صکره براغاج کولکه سنده اوتوردی . اصحاب کرامی دخی
اطرافنده صف اولوب طوردی

اولوقت غطفاندن فزازه قبیله سنک رئیس اولان عینه
ابن حصن قالقوب عامر ابن اضبطک قانی دعوی
ایلدی

بنی تمیم قبیله سی شیخی اولان افرع ابن حابس دخی
محلم ابن جشامه بی حمایه ایدرک مدافعه یه قالقشدی

حضور نبویه اوزون اوزادی به محاکمه دن صکره ورثه نک
موافقتیله دیته قرار ویردیلر . ومحلم کلسونده رسول اکرم
آنک ایچون استغفار ایتسون دیدیلر

محلم کلدی حضور نبویه اوتوردی
رسول اکرم آدک ندر دیو صورتی
محلم ابن جشامه دیو جواب ویردی

رسول اکرم (عامر ابن اضبط اسلامنی اظهار ایتمشکن
سن آنی قتل ایتدکی) دیو یوردی

محلم (آنک اسلامى اقرار ایتى انجق اولومدن قورتلق
ایچون ایدی) دیدی

رسول اکرم (یاسن آنک قلبی یاردگی که طوغری می بلانی
بیله سین) دیدی

محلم (انک قلبی برات پارچه سیدر یارلسه نه اکلاشیلور)
دیدی

رسول اکرم (قلبی بیلر سین لسانه دخی اینانماز سین
نه یا علی) دیدی

محلم بشقه دیه جک شی بوله میوب یا رسول الله بنم ایچون
استغفار ایت دیدی

رسول اکرم الله سنی عفو ایتسون دیجک محلم کوزلردن
یاش آفه رقی قالقوب کیتدی . و کدرندن برهفته ظرفنده

وفات ایتدی

ودفن اولندقدده یرآنی قبول ایتسوب طیشار و آندی
تکرار دفن اولندقدده یرآنی ینه آندی

قومی کلوب رسول اکرمه خبر و یردی . رسول اکرم
(بو یرآندن ده ا فتالرینی قبول ایدر لکن جناب حق سزه

وعظ ایتک ایستر) دیوبوردی

آندن صکره محلی قومی تکرار دفن ایتدیلر . و اوزرینه
بیوک طاشلر قویوب کیتدیلر

﴿ وقته اوطاس ﴾

وادی حنینده هوازن اردوسی منهنزم و پریشان اولدقدن
صکره فراریلردن برطاقی هوازن دیارنده اوطاس نام
وادیده طویلاندی

ابوعامر رضی الله تعالی عنه حضرتلری بفرقه عسکریه ایله
اورایه واروب حربیه کیر شد کده شهید اولیحق پرینه
ابوموسی الاشعری رضی الله تعالی عنه حضرتلری کچوب
جنکی قازاندی . و برچوق اسیرل ایله نیجه اموال غنائم
آلوب کیرودوندی

بو اسیرل ایچنده بنی سعد قبیله سندن حارث قیزی شیما
دخی وارایدی . رسول اکرمک سسوت قیزقنداشی
اولدیغنی خبر وردی

و حضور نبوی به کتوراد کده رسول اکرم آنی طایبوب
متأثر اولدی . حتی مبارکک و زلزلدن یاش کلدی
و خرقه سنی یه دوشه بوب شیمایی آنک اوزرینه اوتورتدی
و پک چوق حرمت و رعایت ایندی . واکا برکوله و جاریه
وابکی دوه و بر مقدار قیون و پردی . و قوم و قبیله سی
یانه کوندردی

محصره طائف

بروجه بالا قبائل متفقہ اردولری منہزم و پریشان اولیچون
آرتق قبائل عربدہ اہل اسلامہ فارشوکلد جک ناب و طاقت

قالدی

فقط ثقیف قبیلہ سی و طنلری اولان طائف بلدہ سنہ
کتدیلر • وقلعہ بہ کیروب نخصن ابتدیلر
ہوازن قبیلہ سنک رئیس اولان مالک ابن عوف دخی آنلرہ
برابر واروب طائف قاعہ سنہ قماندی

آنک اوزرینہ حضرت پیغمبر اسرا الہ اموال غنائمک
مکہ بہ اون بوقدر میل مسافہ سی اولان جمرانہ نام
موقعہ جمع ایدلسنی امرایندی • و محافظہ لری ایچون
اورادہ بر مقدار عسکر آلفودی • باقی عسکرلہ طائفہ کندی
واہل طائفی صبیح محاصرہ و تضییق ابتدی • حتی سلمان
فارسی رضی اللہ تعالیٰ عنہ حضرت تارینک معرفیلہ مجتبی
دخی قوللاندی

ثقیف قبیلہ سنک رئیس اولان عروہ ابن مسعود الہ
خیلان ابن سلمہ مکہ تک فتحندن صکرہ رسول اکرمک
طائف اوزرینہ یورویہ جکئی اولجہ در خاطر ابدرک
مجتبی صنفنی او کرنگ ایچون جرش طرفہ کیمش
اولد فلندن حنین وقعہ سنہ بولند قلمری کی بوکرہ

طائفك محاصره سنده دخی بولنه مدیلر
 لیکن ثقیف قبیلہ سبلہ طائفده بولنان سائر محصورین
 قلعه دن شدتلو مدافعه ایتدیلر . وېك چوق اوق و سائر
 آتدیلر

شوبله که آتدی قلمری او قلمر چکر که آلابی کی هواده اوچار
 و بر برینه طر قوشه رق اهل اسلام اوزرینه دوشر
 ایدی

بو جهتله اهل اسلامدن اون ابکی کشی شهید و برچوق
 کیمسه لر مجروح اولدی

بوصرده طائفدن برچوق کولر قاچوب اردوی همایونه
 کلدیلر رسول اکرم جله سنی آزاد ایتدی

خالد ابن ولید رضی الله تعالی عنه حضرتلری بر قایچ دفعه
 میدان مبارزه چقبوب اردیلدی

رؤسای مشرکیندن عبدالل نام شخص (درون قلعه ده
 سه کافارشو چقه جق کسه نه یوقدر زل ذخیره من تمام

اولجه به دك طیانوب طور ورز . و ذخیره من بترا یسه
 اولوقت طویمز بدن طیشار و اوغرا یوب اولجه به دك

اوغرا شورز) دورد جواب ایلدی

بوصورتله مدت محاصره اون سکن کون قدر ممتد اولدی
 طائفك فتحی ایسه هنوز مبسر و مقدر دکل ایدی

بناء علیه رسول اکرم آتدن واز یکدی . واردوی

همایون ایله طاعتدن فالقوب جعرا نه به کاسی که اسرا
واموال غنائم هپ اوراده اییدی
اسرائلک ذکور و اناث مجوعی الی بک نفوس و اموال غنائم
یکرمی درت بک دوه و فرق بکدن زیاده قیون وک چوق
نقود اییدی

❦ تقسیم غنائم ❦

رسول اکرم چند روز اسرا و اموال غنائمی تقسیم بچون
جعرا نه ده مکث و توقف پیوردی
وقیح مکه دن صکره بکی مسلمان اولنلردن هنوز قلیلر نه
ایمانلری قوت بولماش اولنلر که مؤلفه القلوب دنیاور
رسول اکرم آنلره اموال غنائمدن زیاده حصه
چیقاردی

شویله که یوسفیان و اوغلاری یزید ابن ابوسفیان و معاویه
ابن ابوسفیان و حویطب ابن عبدالعزی و ابو جهلک اوغلی
عکره و برادری حارث ابن هشام و سهیل ابن عمرو کی
برنجی درجه ده اشراف قریشدن اولار مؤلفه القلوب به
بوزر دوه و بررمقدار کومش و ایکنجی درجه ده اشرافدن
اولان مؤلفه القلوب به قرقر دوه و اکا کوره بررمقدار کومش
و بردی

بولنر اولوفت و فقه القلوبدن ايكن صكره هب قوی مسلمان
اولمشلردر . علی الخصوص ابوسفیان ایله اوغلاری
یزید و معاویه و حو یطرب ابن عبد العزی مؤخر رسول
اکرک خدمت کتابلنده بولمشلردر

رسول اکرم نه مرتبه جود و کرم صاحبی اولدیغنی
بوکره دخی یار و اغیاره بیلدردی

حتی امول غنائم اولوجهله تقسیم اولنورکن پروادیده
اگ اعلای جنسدن اولهرق یوزقدر دوه طویلانشیدی
صفوان ابن امیه آنلری کوروب نه اعلایه لر دید کده
رسول اکرم او یله ایسه سنک اولسون دیو یوردی
و همان دوه لری اکا و یردی

صفوان دخی مقدا مسلمان اولق ایچون درت آی مهلت
آلمشیکر آراق اکا باقیوب بومرتبه لطف و سخا انجق
خصلت انبیار دیهرک همان اسلام ایله مشرف اولو یردی
* روشای نجددن عینه ابن حصن فزاری ایله فرع
ابن حابس نیمی به دخی یوزر دوه و یربله رک اشراف
قریش ربجی درجه سنه معادل طوتلدیلر

بوکره انصاره اموال غنائمدن سائرله و یرلدیکی قدر
حصه و یرلدیکندن بهضیلرینک جانلری صیبیلوب
بیلرند سوبلنمشلر

فخر عالم حضرت تری آنری حضور سعادته چاغری
(بن رطقم ضعیف الاعتقاد اولان یکی مسلماننک جلب
و تأیید قلوبی ایچون اموال غنائمن آنلره زیاده جه
حصه و یردم آنلر مالی آلوب مملکتلرینه کیده جکار
سزده رسول اللهی آلوب کندی دیار کره کنور مکه راضی
دکلیسکر) دیو یوردی

جمله سی راضی و خوشنودزد دیدیلر . و بوالنفات پیغمبریدن
ممنون و متأثر اولوب اغلاشیدیلر

اول فخر عالم حضرت تری دخی اللربنی قالدیروب خاصه
انصاره و آنلرک اولاد و احفادینه خیر ایلده دعائندی
اول شاده هوازن قبیله سنک اشراقی جهرانه کلدیلر
و اسلام ایلده مشرف اولدیلر . اولاد و عیالربنک رد
و اعانه سینی نیاز ایلدیلر . و حضور نبویه غایت مؤثر
سوزلر سو یلدیلر

رسول اکرم بنی هاشمک حصه سنه اصابت ایدن اسرا هپ
سزکدر دیدی

سائر مهاجرین و انصار دخی بزم حصه لرمن . اصابت ایدن
اسرا هپ رسول الله کدر دیدیلر . دیگر قبیله لر ایستر
ایستر آنلره تبعیت ایتدیلر

بو صورته رکونده اتی یک اسیر آزاد ایددی . و جمله سنه
طاف نبو بدن اکراما بر رفات روبه کید برادی

منعاقبا هو اذن قبيله سنك رئيسى اولان مالك ابن عوف
كلى . واسلام اليه مشرف اولدى . اكادخى طرف
نبودن بوز دوه احسان بورلدى

✽ رسول اگر كك كه يه واندين مدينه مواتى ✽
✽ اثناسند ظهوره كلان بعض قايغ ✽

خانم لا بيا عليه افضل التحايا حضرتلى اوسط
ذى القعدة ده جهرانه دن قالقوب مكه يه كيتدى
ويت اللهى زيارت ايندى

وعنار ابن اسيد رضى الله تعالى عنه حضرتلى بنى امير مكه
يعنى مكه واليسى نصب ايلدى

ناسه احكام شرعيه نى يلدرك ايچون معاذ ابن جبل
رضى الله تعالى عنه حضرتلى بنى دخی مكه ده رافدى

و كندوسى اصحاب كراميله برلكده مكه دن چيقدى
واوخر ذى القعدة مدينه يه واصل اولدى

عنا رضى الله تعالى عنه بوسنه ناس ايله عربك اسكى
عادنى اوزره حج ايندى

اشوعنا حضرت عثمان ذى النورينك عمارده سى واسيد
ابن ابى اسه ابن اميه نك اوغلى ايدى . ايلر حقنده

شفقتلو كونلر حقنده شدتلو عادل و صالح و نبي اميه

ایچنده سوزی نافذ و ضبط و ربط مملکتہ مقدر برنوجوان
ایدی

ضمیمای ناس آنک امارتدن ممنون و عدالتدن خوشنود
قالدی

اما اوتہ دنبرو مکده رباسنه آشمش اولان کبارقریش
اوبله نورسیده بذاتک امارتدن خوشنود اولدیله
علی الخصوص جله سنک ربیسی اولان ابوسفیانہ کوره
اوبله برنوجوانک حکومتی آتنه کبرمک کوچ ایدی
فقط ابوسفیان ابله فتح مکده یکی مسلمان اولان دیگر
کبارقریشدن نیجه لی بعد الفتح مکدن مدینه یه کوچ
ایتدیله

وابوسفیان نجران والیسی نصب و تعیین پیورادی
اوغلی معاویه دخی گاتب وحی اولدی

مکده ابو محذوره دینور اون الی یاشنده غایت کوزل سسلی
برچر جق وارا ایدی . فتح مکده رسول اکرم اکانعالم
اذان ایدوب آتی مکده برافدی . اودخی هجرت
الی طقوز سنه سنه قدر مکده مؤذ لک ابتد . بعده
فوت اولدی . ابشہ پیغمبرمزلک مؤذنلری ایچنده حضرت
بلادن صکره اک مشهوری بودر . رضی الله تعالی عنهما
• رسول اکرم جمرانه دن عودت ایتدیکی اثناده بحرین
حکمداری مندر ابن ساوی به خطابا برنامه یازدرمش

وَعَلَا ابْنُ الْحَضَرَمِيِّ رَضِيَ اللَّهُ تَعَالَى عَنْهُ حَضَرَ تَلْرِيلَهُ
کوند رملش ایدی

علا حضرت تلمری بحرینده واردی . نامه هما یونی مندره
ووردی . مندر ایمانه کلمه بحرینده کی عربلردخی ایمان
کتوردی

امکن اوراده بولنان یهود و مجوس طائفه لری ایمانه کلمه
اسکی دین و آیدنلرنده اصرار ایتدکلرندن مندر ابن صادی
حضرت پیغمبره بر قطعه عربیضه یازوب آنلر حقننده یاهیم
دیووردی

رسول اکرم دخی مندره جوابا بر امر نامه یازدیروب
ارمقوله ره جزیه باغله دیو پیوردی

ینه اول ائشاده طرف نبویدن کاتب حضرت پیغمبری
ابی ابن کعب الانصاری رَضِيَ اللَّهُ تَعَالَى عَنْهُ حَضَرَ تَلْرِيلَهُ
قَلْبُهُ عَمَّا نَ حَکْمَدَارِی اُولَا نَ جَلَنَدِی اَوْغَلَارِی جِیْفَرِ ایلَه
عَبْدَه نامه هما یون یازلمش و عمرو ابن عاص رَضِيَ اللَّهُ تَعَالَى
عَنْهُ حَضَرَ تَلْرِيلَهُ کوند رملش ایدی

عمرو ابن عاص عثمانه واردی . نامه هما یونی جیفر ایلَه
برادری عبده ووردی . جیفر براز ترددن صکره
عبدایله برار ایمان کتوردی

بعده عمرو ابن عاص عثمان اطرافند کی عربلرک اغنیاسنک

زکاتنی طو پلادی . و فقیرلرینه تقسیم ایلدی . درون
 بلده ده بولنان مجوس طائفه سنه دخی جزیه باغلادی
 وینه اول ائشاده ملوک غساندن بلقا والیسی اولان حمله
 ابن ابیه برقطعه نامه همایون یازلادی . و دین اسلامه
 دعوت یورلدی
 جمله دخی اطاعت کوستردی . و رسول اکرمه برقطعه
 جوابنامه ایله بعض هدایا کوندردی
 شام طرفنده متوطن اولان قبائل عربدن جذام قبیله سی
 ربیسی فروه ابن عمرو الجذامی که قبصر روم طرفندن
 معان بلده سی منصرفی واول جواریده بولنان طوائف
 عربک امیری ایدی . بواشاده رسول اکرم آنی دخی
 دین اسلامه دعوت ایتدی . اودخی اطاعت ایدوب
 ایمانه کلدی

رومه اولر ایسه فروه نک مسلمان اولدیفنی ایشتدکاری کی
 آنی جلب حبس و اعدام ایلدیلر . رضی الله تعالی عنه
 خلال ذی الحجه ده رسول اکرمک ماریه نام حاربه سندن
 ابراهیم نام اوغلی دنیابه کلدی
 و رسول اکرمک بیوک کریمه سی زیب رضی الله تعالی
 عنها حضرت نبری دخی بوسنده دار فنادن کو چرب دار
 بقایه کیتدی

نه بوسنه مدینه منوره ده ماکولات بهایه جیفه خانی

ایستدی که رسول اکرم زخ ویره . رسول اکرم دخی
بیوردی که زخ ویر بجی انجی اللهم

هز تک طغوز بنی سوسی

زنک بئرک زکاتنی طوپلا بوبده فقیرله تقسیم اینک اوزره
طرف نیویدن قبائله مأمورلر کوندرلدی
وخزاعه قبیله سی زکاتلرین ویرمک اوزره ایکن بنی تمیم
قبیله سی بوقدر اموالی نیچون الدن چبقارلی دیهرک
ممانعت صد دنده اولدقلری ایشیدلدی

آنک اوزرینه رسول اکرم عینه ابن حصن فراری بی
بومقدار عربان اتلوسیله بنی تمیم اوزرینه کوندردی
عینه دخی خلال محرمده مدینه منوره دن چیتوب صفرا
طرفنه طوغری کیدرک سقیانام محله واردی . اوراده
بغته بنی تمیمی اوردی . ویرخیلی اسیر و اموال غنائم آتوب
کتوردی

بنی تمیمت وجوه و اشرفی اسیرلر بنی قورنارمق اوزره
مدینه منوره به کلیدیلر . واک فصیح و بلیغ آدمیر بنی
برابر کتوردیلر

وباب سمادته کلوب (بمحمد چقی سنکله مشاعره ایدلم
وفغزیه سوبلشم) دیوباغردیلر

رسول اکرم چاقوب (بن شعر ابله مبعوث اولدم فخریه یله
دخی مأمور دگم فقط سو یاییکن بافه بم) دیو یوردی
بنی نمیک اگن فصیح و بلاغ خطیبی اولان عطار د ابن حاجب
قالقوب کندی قومک مدح و ثنای حقه غایت
فصیحانه و بلاغانه بر خطبه او قودی

رسول اکرم اگاجواب و یرمک اوزره بلاغای اسلامدن
و کبار انصار کرامدن ثابت ابن شماس رضی الله تعالی عنه
حضرتلرینه امر ایلدی

ثابت ابن قیس دخی قالقوب و جناب حنک عظمتنه
ورسول اکرمک کیفیت بعثتنه دأر پک کوزل بر خطبه
او قویوب عطارده غالب کلدی

بعده بنی نمیک شاعر مشهوری اولان افرع ابن حاس
قالقوب فخریه بوانده بر قصیده او قودی

حضرت پیغمبر اگاجواب و یرمک اوزره حسان ابن ثابت
الانصاری رضی الله تعالی عنه حضرتلرینه امر ایلدی

حضرت حسان دخی دین اسلامک شرف و شانده دأر
بالبداهه بر کوزل قصیده سویلدی

افرع ابن حاس انصاف ایدوب و ذلک خطیبی بزم
خطیرک و شعری بزم شاعر هنرک فوفنده و آلرک سلسری
بزم سلسه مرک اوستیده در دیدی . وارقد اشهر یله برابر
ایمانه کلدی

دیار یمنده متوطن اولان قبائل حَبَر بکای طرفلندن
دخی بواننده مدینه منوره یه ایلیچیلر کلوب رسول اکرم ایله
ملاقات ایتدیلر . و شروط اسلامی او کرنوب کیتدیلر
* بنی تمیم قبیله سی مبعوثلرینک من اجلری غایظ اولوب
آنره نسیبله یمن ایلیچیلری پک نازک و ظریف آدملر
اولدقلندن حضرت پیغمبرک مدح و ثناء سنه مظهر
اولدیلر

ینه اول ائناده عذره قبیله سندن اون ایکی کشتی کلدی
جیره ابن نعمان دخی آنلرک ایچنده ایدی . قبیله لرینک
زکاتر بنی کتوروب و یردیلر . وجهله سی ایمان کتوردیلر
(یار رسول الله بزم تجارت مز شام ایله در . اول طرفده ایسه
روم قیصری هرقل وار آنک حقیقده سکا برشی وحی
اولندی) دیو سوردیلر

رسول اکرم (مرده مسره که یقینه شام فتح اولنه جقدر
و هر قل بو حوالیدن صاووشوب کیده جکدر) دیو
پوردی

فصحاً و بلاغای عرب قرآن کریمه نظیره سویلکدن عاجز
قاروب بوجهله چوغنی مسلمان اولدیمده برطانی دین
باطلارنده اصرار ایدرک سلاح ایله غلبه سسوداسنه
دوشدیلر

لکن سلاح ایله مقاومتدن دخی عاجز قالجیق بنی تمیم کی

بعضی بنده اسان قلیچنه مراجعت ایدرک خطبه وشعر
ایله جنکشمکه قافشدیلر

خطبا وشعراء اسلام ایسه وادی بلاغنده آنلره غالب
کلیدیلر . نهایت آنلردخی عجزلرینی اعترافه مجبور
اولدیلر

وخطبای اسلام ایچینده ثابت ابن قیس رضی الله تعالی عنه
ساره فائق اولدیی کی شهرده دخی حسان ابن ثابت ایله
کعب ابن مالک الانصاری رضی الله تعالی عنهما حضرتلری
فائق الافران ایدیلر

بعده کعب ابن زهیر دخی کلوب آنلره قاتلدی . ورسول
اکرمک مدح وثناسیله مشغول اولدی

شویله که باغای عربدن مشهور زهیر ابن ابی سلمی
نام شاعرک بجزر کعب نامنده ایکی اوغلی اولوب ایکیسی
دخی آنک کی شاعر ماهر ایدیلر

هله کعب دخی العامه آتش زبان رشاعر اولوب پدرینک
وفاتندر صکره شهرتی اکامیراث قالدی

بوکره رسول اکرم مکهدن مدینهیه عودت ابتد کده
یحیی ابن زهیر مدینه منورهیه کلدی . واسلام بله مشرف
اولدی

کعب ابن زهیر آتی ایشند کده جانی صیقلدی . و برادرینه
نیچون باباک . بندن دوندک دیو نویخن وتکدر بوللو

بر قصیده . با یوب کوند زدی

بجبر اول قصیده بی حضور نبویه او قودی . رسول
اکرم دلگیر اولدی (هر کیم کعب ابن زهیر . راست
کلورسه اولد رسوندمی هدر در) دیو بیوری

بجبر دخی برادرینه نصیحتنامه قلقلو بر منظومه با یوب
کوندردی . و چو که تهلکه ده اولد یغنی کندوسنه بیلدردی
* کعب نصل مخاطره لی بر حانده اولد یغنی اکلا دی
و بک زباده تلاش ایلدی . و همان مدینه منوره به کلوب
ابو بکر الصدیق رضی الله تعالی عنه حضرت ترینک یاننه
واردی

حضرت صدیق دخی آنی آلوب مسجد شریفه کتوردی
و یارسول الله بر آدم بیعت ایده چک دیهرک حضور نبوی به
چیقاردی

آنک اوزرینه کعب دخی رسول اکرمک النی طوئدی
بیعت ایتدی . و دیز چو کوب اوتوردی

و (کعب ابن زهیر تائب و مسلم اوله رفی استیمان ایچون
حضور سعادتمند کلمت ایستیر قبول ایدر میسکن) دیو
صوردی . رسول اکرم دخی اوت دیو جواب و یردی
* در حال کعب (یارسول الله کعب ابن زهیر بنم) دیچک
انصاردن بری قاقوب (رخصت و یر یارسول الله شونک
بو یغنی اورا یم) دید کده رسول اکرم (آندن واز کچ زبرا

دین اسلامه میل ایله توبه ایدوب کلمشدر (دیوب پوردی
 * اولوقت کهب دخی رسول اکرمه مدحیه ایلای اوزره
 نظم ایندیکی (بابت سعاد) قصیده سنی اوقومغه
 باشلادی

بومد حبه به قصیده برد، دنیاور * برده ایسه عی بجه
 خرقه دیمکر * اول وجهله نسیمه سنه سبب بودر که
 کهب آتی اوقورکن رسول اکرم غایت محظوظ اوله رفی
 صرندن خرقه شریفه سنی چیقاروب کهبه کیدردی
 کهب دخی آتی آلوب عمری اولدقچه اول برکنار
 سعادت ایله افتخار ایلدی

حتی صکره معاویه ابن ابی سفیان اون بیک درهم ویروب
 آتی آلی ایستدکه حضرت کهب (بن رسول الله
 خرقه سنی کیم ایچون کیم سنه نی نسیمه ترجیح ایدم)
 دیورد اینشیدی * لکن کهب وفاتنده معاویه آن ورته سنه
 یکرمی بیک درهم کوندروب اول خرقه سعادتق المشر
 * ایسته آدن صکره ملوک و سلاطین بیننده خلفا عن سلف
 تداول ایدن خرقه شریفه اشبو برده لطیفه در
 پزینه صدد کاهلم

طبی قبیله سنک اولوسی اولان و عالمده فوق العاده جود
 و سخا ایله شهرت بولان خام طائینک محله سنده طبی

قبيله سنك بر بختخانه سی او اوب آندہ فلس نامندہ بر بت
وار ایدی

لکن سکر سنه هجر به سنده خاتم طائی دنیادن کوچدی
و برینه اوغلی عدی ابن خاتم کچدی . اودخی پدری کچی
مشهور بذات ایدی

لکن اطراف و جوارده کی بختخانه لر یقبیلوب بنلر قیرلقدہ
ایکن بختخانه طائیک حالی اوزره فالسی جاز و روا دکل
ایدی

بناء علیه رسول اکرم آنی هدم ایتمک اوزره اشو طقوز سنه
هجر به سی ربیع الا آخرند علی کرم الله وجهه حضرت تلرینی
بر فرقه عسکر به ایله اول طرفه کوندردی

حضرت علی دخی بر کون صبا حاین ار کندن خاتم طائی
محلله سنه واردی . و همان اول بختخانه بی یقیدی . و فلسی
قیردی

عدی ابن خاتم شام طرفه قاچدی . لکن قیر قیرنداشی
سفانه بنت خاتم الد کچدی

حضرت علی بر چوقی اسیر و اموال غنائم آلوب سفنه ایله
برابر مدینه منوره به کتوردی

رسول اکرم سفانه بی آزاد ایدوب برادری عدی ابن خاتمک
بانته کوندردی

آنک اوزرینه عدی ابن خاتم مدینه منوره یه کلدی
 واسلام ایله مشرف اولدی
 ایشته کبار اصحاب کرامدن اولان عدی ابن خاتم رضی الله
 تعالی عنه حضرتلری بوذا ادر

﴿ غزوه تبوک ﴾

قیصر رومک امریله شامده اهل اسلام علیهنه بریوک
 اردو ترتیب اولمش وجزام و لجم وغسان قبیله لری دخی
 روم عسکر یله برلکده حرکت ایده جک ایمش دیو
 ایشیدلدی

آنک اوزرینه رسول اکرم دخی دیار شامه کیمک ورومه
 دولتیله جک ایتمک اوزره مدینه منوره ده بریوک اردو
 جمع و ترتیبه مباشرت بیوردی

ومکه دن و سائر قبائل عربدن عسکر جلب ایتمک اوزره
 هر طرفه مخصوصا مأمور لر کوندردی

وایام قحط و غلا اولدیقتن ذی قدرت اولنلرک عسکره
 اعانه ایتملرینی امر ایتمدی

بناء علیه قدرتی اولنلر قدرتسزلره پک چوق اعانه ایلدیلر حتی
 اهل اسلام خاتونلری حلیاتلرین عسکره هدیه ایلدیلر

ابو بکر الصديق رضى الله تعالى عنه حضرت تلى جميع اموالى
بو او غورده بذل و صرف ايلدى

عثمان ذى النورين رضى الله تعالى عنه حضرت تلى اعانه
عسكر به اوله رقى او چيوز دوه يوكى ذخيره و نقدا بيك
آلتون و بردى

ايشته آنك اوزرينه رسول اكرم حضرت عثمانه خاصه
دعا ايتدى . و كند و سندن صدور ايتمش وايدە جك
بالجمله تفصير انتك معفو اولديغنى تبشير پوردى

رسول اكرم اوتە دنبرو بر ستمه سفر ايدە جك اولد قده
بشفه طرفه كيدە جك كې كوسترش ايتك معناد شر بفلى
ايتكن بود دفعه هوالر صبحاق و هر بر قوراق و دشمن قوى
و كيديله جك ير اوزاق اولديغندن هر كس اكا كوره تدارك
كورمك ايچون كيديله جك سمت و محلى بيلدردى

كروه منافقين بويله صبحاق و قتلرده بوله چيقيم كن ديو
خلفه نصيحت بولنده فسادە سعي ايدر لردى . آنلره

جوابا جهنمك حرارتى دهاشد تلودر ديو پورلدى

رئيس المنافقين اولان عبدالله ابن ابى ابن ساول (رومه
دولتى محمد او بو تحقى صانيور . آنك اصحابيله برابر
طويلوب اسير اوله جقلرينى كوزله كورمش كې بليورم)

ديدرك ناسه خوف و دهشت و بردى

اعتقادى بتون اولنلر ايسه رسول اكرم امرينه مطيع

و جهاد و غزایه غایت ایستکوار و له رق کمال سرعت ایله
سفره حاضر لای نور لر دی

و بعضی لری زاد و ذخیره لر بنی یو کلمه جک دو، بوله مد قلدن
پک زیاده محزون و متأسف اوله رق اغلار لر دی
بدنا یا خود مالا سفره اقتدار ی اولیانلره دیه جک اولیوب
آنلر حقیقه معذور اولد قلدی جهته کیره قالدی لر
عربان دن بعضی لری دخی حقیقه معذور اولد قلدی حاله
بر طاق اعذار و اهیه سرد ایدرک سفره کیمماک اوزره
رخصت آلدی لر

لکن هر طرف دن کمال شوق و غیرت ایله فوج فوج آقوب
کلان عساکر اسلامیه حد کفایه یه ایرشدی
بناء علیه رسول اکرم اولاد و عیالنه باقی ایچون علی کرم الله
وجهه حضرت تدرینی و امور مملکتی رؤیت ایچون محمد
ابن مسلمه رضی الله تعالی عنه حضرت تدرینی مدینه ده
براقدی

و هجرتک اشبو طقوزنجی سنه سی رجبنده پنجشنبه کونی
اول خاتم الانبیا حضرت تدری اردوی همایون ایله مدینه دن
چیقدی

عبدالله ابن ابی ابن سلول منافقین دن بر گروه ایله بر لکده
بلاعذر یو سفر دن کیره قالوب آچق دن آچغه رسول اکرمک
امرینه مخالفت ایلدی لر

صحیح الاعتقاد اولان اهل اسلامدن بعضیاری دخی كذلك
بر کونه عذرلری اولدیغنی حالده زحمت و مشقتدن قاچوب
سفردن کبر و قالدیلر

واردوی همایون ایله کیدنلر فی الواقع صیحاقدن
وصوسمزاقدن پک زیاده کوچلاک چکدیلر . لکن بیوک
اجر و ثوابه ناثل اولدیلر

رسول اکرم ایله برلکده کیدن عساکرک مقداری اوتوز بیک
نفر دن زیاده اولوب اون بیکی آتلاوایدی

اثنای راهده رسول اکرمک دوهسی غائب اولدی
منافقیندن زید ابن اللّصّیت (محمد پیغمبرم دیر و کولکردن
خبر ویرر . حالبوکه دوه سنک زرده اولدیغنی بیلر)
دیمش

اولوفت رسول اکرم دخی (بر شخص بنم حقهده شویله
بویله دیور) دیهرک آنک بوسوزلرینی اصحابنه حکابه
ایلدی و (بن والله برشی بیلم الا جناب حقک بیلدر دیکنی
بیلورم . و شمدی جناب حق بکا بیلدردی که دوه فلان
وادیده فلان یرده یولاری براغاچک دانه ایلیشوب قالمش
کیدک کتورک) دیوسویلدی . همان اورایه واردیلر
ودوه بی اول حالده بولوب کتور دیلر

بعده رسول اکرم اردوی همایون ایله تبوک نام مر حلهیه
واردی که مدینه دن دمشق شامه کیدر کن یاری بولدر

اوراده اردوی همایون برصوباشنه قوندی که غایت آز
آقوردی . بویله بریوک اردونک اداره سنه کافی دکل
ایدی

رسول اکرم آندن آبدست آلدی . همان مهجزه محمدیه
اوله رقی صو او قدر چوغالدی که بتون اردونک اداره سنه
کافی اولدی

اردوی همایون تبوک مر حله سنده اقامت ایله مهابتی
اطرافنی بوریمش اولدیغنی حالده کرک عساکر رومبه دن
و کرک فیصره تابع اولان عربان دن بر حرکت کورلادی
بوجه نله محاربه وقوع بولدی

لکن اردوی همایونک شام حدودینه قدر کلوبله رومه
دولته میدان او قومی هر طرفه دهشت و بردی

بناه علیه عقبه مصریه جوارنده و دگز کنارنده ایله نام
بلده نک حکمداری اولان یوحنا کلوب اوچیوز آتون
جزیه و یرمک اوزره عهد و امان دیلدی . رسول اکرم
دخی اکاواوجهله برقطعه عهد نامه اعطا ایلدی

و بلادشامدن جربا واذرح نام بلده لر که ایکسینک اره سی
اوچ میل مسافه دن عبارتدر . آنلرک اهابسی دخی سنوی
یوز آتون جزیه و یرمک اوزره عهد و امان ایستدیلر
رسول اکرم آنلره دخی اووجهله برقطعه عهد نامه
و بردی

ینه اول ائناد، رسول اکرم در تبوز الی آتلوایله سیف الله
خالد ابن ولید رضی الله تعالی عنه حضرت تلیری دومه الجندل
بلده سنک حکمداری اولان ونصارا دیننده بولانان اکیذر
ابن عبد الملک اوزرینه کوندردی

سیف الله اورایه کیتدی . اکیذری خارج قلعه ده خواص
اتباعیه کز کن طوندی . وآلوب اردوی همایونه کتوردی
• اکیذر دخی جزیه اعطاسنی تعهد اینکله رسول اکرم

آنی اول شرطه صالحو بردی
رسول اکرم یگر می کون قدر تبوک موقعتده طوردی
واصحاب کرامیه مشورت ایدوب ده ایلرو کیدلمک ایچون
آنلرک رأینی صوردی

عمر الفاروق رضی الله تعالی عنه حضرت تلیری (اکر طرف
باریدن مأمور ایسه کیدلم) دیدی
حضرت پیغمبر (اکر طرف باریدن مأمور اولسم سزک
رأیکزی صورمازدم) دیو یوردی

آنک اوزرینه حضرت عمر (یار رسول الله دیار شامده قوت
وجهیتلر چوق اهل اسلام هیچ یوق حالو که سزک
بو مرتبه باقلا شمکز آنلره خوف و دهشت و بردی . بوسنه
بو قدر جقله اکتفا ایده لمده باقهلم ایلروده جناب حق
نه کوستر) دیدی

و برده شامده طاعون اولدیغی ایشیدلدی . رسول اکرم

دخی طاعون اولان بلدهیه کیرمیکز دیو یوردی
بناء علی ذلک تبوکدن ایلرو کیدلیوب همان اورادن مدینهیه
عودت بیورادی

رسول اکرمک دوه سنی عمار ابن یاسر رضی الله تعالی عنه
حضرتلری یدر . وحذیفه ابن یمان رضی الله تعالی عنه
حضرتلری کیرودن سوررایدی

کیجه این عقبه دن کچر کن بقتة اوزرینه هجوم ایله سوء
قصد ایتک اوزره منافقیندن اون ابکی ملعون بینلنده کیرلو
اتفاق ایدرک حضرت پیغمبرک کچه جکی برده طوروب
فرصت کوزه درلر مش

آنلرک بوسوء قصدی ایسه رسول اکرمه وحی ایله بیلدیرلش
اولدیفندن احتیاطلی بولوب قارشودن اول ملعونلرک
قرائتینی کوردیکی کبی حضرت حذیفهیه امر ایدرک
آنلری طرد و دفع ایتدردی . و منافق اولدقلرینی وسوء
قصد ایله کلدکلرینی حذیفهیه خبر ویردی

فرداسی اسید ابن حضیر رضی الله تعالی عنه حضرتلری
بوء قعه دن خبردار اولیحق اردوی همایونده نقد منافق
وارایسه اعدام ایتدرمک ایستدی

لیکن رسول اکرم اکا راضی اولدی . و مادامکه لسانلریله
کلمه شهادت کتوره یورلر . آنلره تعرض اولمق جائز اولماز

دیو یوردی

رسول اکرم هپ منافقلى پلوردى . لکن اعلان ايمردى

فقط حضرت حذيفه يه سويلوردى

بناه على ذلك حضرت حذيفه دخی هپ منافقلى

طافوردى . لکن بومثلا واسرارى کيرلردى

چونکه حذيفه رسول اکرمک محرم اسرارى ايدى . حتى

ديرلر که دنباده نقدر اولمش وارله جق شيلر وارايسه رسول

اکرم اکا بيان ايلردى

بعده ينه اثنای راهره رسول اکرمه طرف الهيدن مسجد

ضراک کيفيتى بيلدیرلدى

شويله که رسول اکرم تبوك غزاسنه چيقدن برطاقم

منافقلر مسجد قبائك جماعتنى آيارتمق غرضيله جوارنده

بر مسجد يامغنى قورمشلر . ومعهود ابو عامر فاسق آنلره

(سزاويله بر مسجد ياپکن . وايچنه ممکن اولديغى قدر

اسلحه قويکن بنده قيصر رومه کيد بورم . سزه کليتلو

روم عسکرى کتور يرم ومحمد ايله اصحابنى ديار مدينه دن

چيقار يرم) ديوب جانب شامه کيتمکله آنلر دخی اويله

بر مسجد ياميشلر . وابوعامرک وعدينه منتظر اولوب

طورمشلر

ايسته اکا مسجد ضرار دنيلور که تبوکدن عودت ايله

مدينه يه کلور کن رسول اکرمه طرف الهيدن اول مسجدک

اويله غرض فاسداوزرينه بنا اولنديغى بيلدیرلدى

رسول اکرم دخی همان مالک ابن دحشم ایله معن ابن عدی
الجلانی رضی الله تعالی عنهما حضرت نرینی کوندر مکه
واروب اول مسجد ضراری هدم ایلدیلر

بعده رسول اکرم خلال رمضان شریفده سالما مدینه یه
وصول بولدی

اولوقت بوسفر همایوندن بلاعذر کبر و قالمش اولئر پک چوق
پشیمان اولدی

حتی ایچلرندن ابولبابه کبی بعضیلری دیه جک سوز اوله میوب
کند و کند اولر بنی مسجد شریفک دیر کلرینه باغلادیلر
و کیجه کوندوز آغلادیلر . و اوچ نفری یعنی کعب ابن مالک
و مراره ابن الربیع و هلال ابن امیه حضور نبوی یه کلوب
عفو دیلدیلر

رسول اکرم ایسه خلقی آنلرله اختلاط و مصاحبتدن
منع اتمکله اوچی دخی بر کوشه یه چکلدیلر . واللی کون
خلق ایله الفتدن محروم قالدیلر

بوجهته دنیا باشلرینه زندان اولدی . بعده جناب حق
طرفندن جمله سنک توبه لری قبول ییورلدی . و صوچلری
عفو ایدلدی

بوغزاده صیت سطوت اسلامیه دیار شاهه کرکی کبی
یایلدی . و صادق و کاذب سچلدی . هله کرو، منافقین
بتون بتون رسوای اولدی

اهل طائف اسلامي

مکه نك قحندن صكره رسول اكرم مدينه به كلور كن ثقيف
قبيله سنك رئيسي عروه ابن مسعود الثقفي كلوب اثنای
راهنده ايرشدي . و رسول اكرم ايله كورشدي
واسلام ايله مشرف اوله رق دونوب طائفه كيتدي
وقومنی دين اسلامه دعوت ايتدي

ثقيف قبيله سنك بر طاقم اراذل واسافلي ايسه رئيسلری
اولان و بين العرب غایت معتبر ذواتدن بولنان اشبو عروه
ابن مسعودی اوقه طوتدیلر . و بیچاره بی اوق ايله اوروب
شهید ایتدیلر

رسول اكرم ايسه هوازن قبيله سی رئيسی اولان مالك
ابن عوف نصری به ثقيف قبيله سنی تضيق ايچون
امر و ير مشیدی

بوجهتله مالك ابن عوف نصری فرصت بولد قجه ثقيف
قبيله سنی اوروب یغما ایدر اولدیغندن ثقيف قبيله سی
طائفدن طیشارو چيغه میوب قلعه ده محصور کی بحالده
قالدیلر . و هوازن خلقنك تجاوز اتندن عاجز اولدیلر
بوصورتله ثقيف قبيله سی طائفه ده كفر وضلالت اوزره
باشایه میه جقلرینی اكلادیلر

وهمان رسول اكرمك نبوك غزاسندن عودتنده ثقيف

قبيله سنك وجوه واشرافى مدينه منوره به كلوب عرض
اطاعت ايلديلر . فقط نمازدن عفو او انلر بنى ديلديلر
حضرت بيغمبر ايسه بردينده كه نماز اوليه آنده خير بوقدر
ديويوردى

و برده رؤساي ثقيف اوتة دنبرو طايدقلى لات نام بتك
اوچ سنه قدر حالى اوزره براغلمسنى ايتديلر . و رسول
اكرم قبول اينديكندن باري برآي قدر براغلمسنى نياز
ايلديلر

رسول اكرم آنى دخى قبول اينديكندن نهايت ثقيفلر
هر تكلىبنى قبول ايدرلك بوليله ايمانه كلديلر
آنك اوزرينه رسول اكرم لات نام بنى بيغمقى ايجون
ابوسفيان ابن حرب ايله مغيره ابن شعبه الثقفى بنى طافه
كوندر مكله آنلر دخى واروب اول بى كسر و امحا
ايتديلر

غريدر كه آنلر اول بنى كسر وهدم ايدر كن ثقيف
قبيله سنك قاريلى چيقوب اكا تحسرا اغلار ايديلر
لكن صكره جله سى خالص مسلمان اولوب لآنك آدينى بيله
اونوتديلر

اول ائناده سهد ابن ابوبكر قبيله سى طرفندن دخى ضمام
ابن ثعلبه كلدى . حضور نبوى به كيردى مسلمان اولدى
شروط اسلامى اوكرندى . و دونوب قبيله سنه واردى

قومنه ابتدای سوزی بواولمشکه (لات وعزی نه فناشیلر
ایمش) دیمش قومی (صوص یا ضمام سکا جنون و برص
و جذام کی برعلت کلسون صاقین) دیمشلر . ضمام
رضی الله تعالی عنه ایسه (بازق سزه لات وعزی فائده
و ضرر ویره من . حالبو که الله تعالی حضرتلری سزه پیغمبر
کوندردی . واکا کتاب ایندردی . ناسی ضلالندن
قورتاردی) دیهرک اسلامنی میداننه قومیش و قومنه
خالصانه نصیحت و یرمش . آنلردخی آنک نصیحتنی
طوتمشلر . وهمان جله سی ایمان ایتمشلر . شو یله که
اول کون اخشامه قدر بنی سعد قبیله سنده ذکور و انانندن
ایمانه کلدک کمسنه قالما مشدر

سال حاکم سیمه و قایمی

رسول اکرم خلال رجب شریفده برکون نجاشینک یعنی
حبش حکمداری اولان اصحمه نك وفاتنی خبر و یردی
و اصحاب کرامیله برلکده آنک جنازه نماز بنی قیلدی
فی الواقع اول کون نجاشینک وفات ایلمش اولدیغی صکره دن
معلوم اولدی
و شعبان معظمده رسول اکرم کرمه سی و عثمان ذی النورینک
زوجه محترمه سی ام کلثوم رضی الله تعالی عنها حضرتلری

عالم فنادن **ك**وچوب دار بقایه کتیدی
شوال آینده دخی ربیص المنافقین اولان عبدالله ابن ابی

ابن سلول فوت اولدی
او علی عبد الله رضی الله تعالی عنه حضرت زلری پدر بیک
جسمی جهنم آتشدن محافظه ایچون حضرت پیغمبرک
کوملکنی آلدی . و پدرینی اکا صاروب دفن ایندی
رسول اکرم دخی دعا واستغفار ایتک اوزره قبرینه کتیدی
حضرت عمر الفاروقی ایسه باشی اوجنده طوروب
(یارسول الله آنک ایچون دعا واستغفار ایده جکمیسین
اوفلان کون شو یله دیدی فلان کون بویله دیدی)
دیه رک آنک ایام سیئاتنی قعداد ایدردی . همان وحی الهی
کلدی (او یله کفر اوزرینه فوت اولوب کبدنلردن
بر یسی ایچون دعا واستغفار ایتمه وقبرینه کیمه) دیونهی
بیورلدی

اشبو عبدالله ابن ابی اهل اسلام حقنده بر بیوک بلیه ایدی
وفاتیه اهل اسلام آنک شر وفسادندن قورتولدی
وآنک وفاتی اوزرینه بیک قدر منافق خلوص قلب ایله
مسلمان اولدی

بوسنه حج موسمی کلدکده رسول اکرم یارغاری
ابوبکر الصدیق کرم الله وجهه حضرت تهرینی امیر موسم
حج نصب ایدرک اوچبوز کشی ایله مکه معظمه به کوندردی

* بعده حجاجه (براهه) سوره سنی تلاوت ایتک و بوسنه دن
صکره مشرکر مسجد حرامه یا قلا شمامی و چپلاق
اوله رق کسنه بیت اللهی طواف ایتامک کی خصوصاتی
ناسه تبلیغ ایتک اوزره علی کرم الله وجهه حضرتلری
دخی مأموریت مخصوصه ایله ارقه دن ارسال پوردی

مکه مکرمه یه وارد قلرنده موقفلرده خطبه لری حضرت
ابوبکر الصدیق او قودی . و ناسه مناسک حجی او کرتدی
اهل اسلام اولو جهله حج ایتدی . کفار دخی زمان
جاهلینه کی عادتلری اوزره حج ایلدی

حضرت علی ایسه ناسه (براهه) سوره سنی او قودی
و یوم اضحاده (بوسنه دن صکره مشرکر حج ایتسون
و چپلاق کسنه بیت اللهی طواف ایتسون . رسول الله ایله
عهدی اولنلرک مدت معینه لرینه قدر عهدلرینه رعایت
اولنه جقدر) دیوندا ایتدی

مشرکر بر برینه لوم ایتکه باشلا دیلر (ایشته قریش
مسلمان اولدی . سرنه یاپه جقسکز) دیدیلر . و نهایت
آنلر دخی ایمار ایلدی

چونکه قریش طائفه سی اسمعیل ابن ابراهیم علیهما السلام
ذریت خالصه سی و حرم شریفک اهل بیسی اولوب سائر
قبائل عرب هیچ بروقنده آنلرک فضل و شرفنی انکار
ایتمزدی

ورسول اکرمه اعلان حرب ایدن انجق قریش قومی
 اولوب قبائل سائرہ آنلرک نتیجہ احوالنه منظر ایدیلر
 مکہ فتح اولوبده قریش طائفه سی دخی ایمانه کلچک
 مہابت اسلامیه هر طرفی قاپلادی . وقبائل عربدن
 پیدر پی ایلیچیلر ومبعوثلر کلوب کیمکه باشلادی
 هر نه وقت بر ایلیچی کاسه رسول اکرم البسه سنک اعلاسنی
 کبر و ایلیچی به کمان مرتبه مدارا و اکرام ایلر ایدی
 و هر کسک حال و شاننه و هر قبیله نک عرف و اصطلاحنه
 کوره سوز سو بلر ایدی

﴿ ہجرت اکبری سنہ سی ﴾

سنہ جدیدہ نک دخولدن صکرہ دخی مدینہ منورہ به
 ایلیچیلر ومبعوثلر کلوب کیمکدن خالی اولمادی
 از جله دیار بحرینده متوطن عبدالقیس دنبیلان قبیله
 عظیمه دن اون التی کشی کادی که مشهور جارود نام
 قیس نصرانی دخی برابر ایدی . جله سی حضور
 نبویده اسلام ایله مشرف اولدیلر
 بنی عامر قبیله سندن اولان بنی مشفق مبعوثلری دخی
 کلوب حضور نبوی به کبر دیلر . التفات کور دیلر

رسول اکرم آناره ال ویردی . آنلر دخی رسول اکرمک
مبارک الله طوتدیلر . بیعت ایتدیلر . بعده دونوب
شرف اسلام ایله مشرف اولدقلری حالده قبیله لرینه
کیتدیلر

رسول اکرم دیار یمنده دین اسلامی تلقین ایچون ابو موسی
الاشعری رضی الله تعالی عنه حضرت تلیزینی زبید و عدن
طرفلرینه و معاذ ابن جبل رضی الله تعالی عنه حضرت تلیزینی
یمک برقطعه بالاسی اولان جند الکاسنه کوندردی
ایکیسی دخی کیدوب یمک برطرفنده ناسه احکام شرعییه یی
اوکرتدیلر . و دین اسلامی نشر ایتدیلر

بوائنده رسول اکرم طرف طرف امیرلر و والیلر نصب
وارسال ایلدیکی صره ده ز یاد ابن لیبید الانصاری رضی الله
تعالی عنه حضرت تلیزینی دخی حضرت موت والیسی نصب ایله
اول طرفه ارسال پیوردی

ینه بوائنده قبائل اَزْدک بریطنی اولان غامد قبیله سندن
اون کشی کلوب مسلم اولدقلرینی عرض و افاده ایتدیلر
رسول اکرم آناره دخی ابی ابن کعب رضی الله تعالی
عنه حضرت تلیزینی امیر نصب و تعیین پیوردی . و آناره
برایر غامده کوندردی

اَزْد شَئُوْه قبیله سندن دخی اول ائنده برکروه کلوب

مسلمان اولدقلربی عرض ایندیله . رئیساری صرد
ابن عبدالله الازدی ایدی . رسول اکرم آنی کندی
مملکتته والی ایدوب گوندردی . و دیار یمنده کی مشرکار
اوزربنه غزا اینمسی امر و تنبیه پیوردی . اودخی یمنده
جرش نام بلده اهلایسی اوزربنه کتدی . آنلر دخی
چنکه قیام ایتدی . لکن اهل اسلام غالب کلدی
و جرش اهلایسندن یک چوق کسان تلف اولدی

اول ائنده جرش اهلایسندن دخی مدینه منوره به
ایکی کشی کتشدی . حضور نبوی به کیردکارنده رسول اکرم
آنلر قبیله لرینک بوغاز لایمده اولدقلربی خبر و پردی دونوب
مملکتلرینه کتسدکارنده فی الواقع اول کون جرش
اهلایسنگ قبلش اولدقلربی اوکرندیله . و کیفیتی
قوم و قبیله لرینه خبر و پردیله . آنک اوزربنه جرش
اهلایسندن بر چوق کیمسه لر مدینه منوره به کلدیله
و اسلام ایله مشرف اولدیله

وینه اول ائنده واقع نجران ناحیه سی نصاراسنگ
رئیساری برخیلی آدم لر یله مدینه منوره به کلدیله . و سنوی
معلوم المقدار جزیه و یرمک اوزره تعهد ایلدیله
و جزیه لرینی اکوب کتورمک اوزره برامین آدم ایستدیله
رسول اکرم قالی یا ابو عبیده دیدی . ابو عبیده ابن الجراح

رضی الله تعالی عنه حضرت تری ایامه قالدی . رسول
اکرم ایشنه بواستک امینی بودر دیو پیوردی . وابوعبیده
آنلره برابر نجرانه کیدرک جزیه لر بنی آلوب کنوردی
و بر کون رسول اکرم اصحاب کرامیله اوتوروب مصاحبت
ایدرکن سزه شو طرفدن برخیرلوکشی کلپور که یوزنده
ملک نشانه سی واردر . دیو پیوردی

اره سی چوقی کچم محبوب بجایله طافه سندن جریر ابن عبد الله
البحلی یوز الی کشی ایله چیفه کلدی

بجایله یمنده معدقبیله سندن برجاعتدر . جریر بوجاعتدن
واشراف یمندن ملک کبی کوزل و یوزی نورانی بر ذات
ایدی . بود فقه یوز الی آدمیله بر ایکنه ایمانه کلدی
و خواص اصحاب کرامدن اولدی
فخر عالم حضرت تری اکا احکام شرعی بنی او کتردی
بعده آنی یمنده ذوالخالصه نام بیتخانه نک هدم و تخریبینه
مأمور ایندی

شویله که بجایله و خشم قبیله لر نک ذوالخالصه نامنده
بر بیتخانه سی وار ایدی . آنی زیارت قصدیله اطرافدن
بک چوقی خلق کلوب کیدردی . عربستانده او مثلاً و علام
کفریه هپ محو ایداشیکن یمنده اول بیتخانه نک حالی اوزره
قالسی روا اولدیغندن رسول اکرم آنی هدم ایتمک اوزره

جریر بجلی حضرت تلمیذی اول طرفه کوندردی
حضرت جریر دخی بوزالی نفر کزیده اتلوايله واروب
اول بیتخانه بی یقیدی . وایچنده کی بنی قیردی . بعده
دونوب مدینه منوره به کلدی

مؤخر ارسول اکرم اشبو جریر بجلی بی امراه یمندن
ذوالکلاع ایله ذوعمر و حمیری به کوندردی . اودخی
واروب آنلری دین اسلامه دعوت ایتدی . ایکسی دخی
ایمانه کلدیلر . حتی ذوالکلاع ککندوسنک زمان
جاهلیته کی نگاهلرینه کفارت اولق اوزره دوت بیک
قول آزاد ایلشدر

دیگر قبائل یمنده دخی برچوق کچمه لر منوال مشروح
اوزرد پیدر پی کلوب کیتدکلری صروده قبائل یمندن
عنس قبیله سی شیخی اولوب اسود عنسی دیو معروف
اولان جهله ابن کعب دخی کلوب ایمان ایتدی . و دونوب
یمنه کیتدی . ز برده بیان اولنه دخی وجهله یمنه عودتنده
مرتدا اوله رق نبوت دعواسنه قیام ایتشدر

اول ائنده دیار نجددن دخی پیدر پی برچوق خاق کلوب
اسلام ایله مشرف اولدکلری صروده اهل یمامه اولان
بنی حنیفه دن برکوه کلوب اسلام ایله مشرف اولدیلر که
مشهور مسیلمه الکذاب دخی آنلره برابردی . یمامه به

عودتند. اودخی مرتد اولهرق نبوت دعواسنه قیام
ایلمشدر

بنه بوسره ده بنی اسد قبیله سنک شیخی اولان طلحه ابن
خویدل کلوب اسلام ایله مشرف اولمشدر که فرط شجاعت
ایله معروف بر آدم ایدی. اودخی صکره مرتد اولهرق
نبوت دعواسنه چیقشمشدر

خلال ربیع الاولده خالد ابن الولید رضی الله تعالی عنه
حضرتلری بفرقه عسکر به ایله نجران طرفه کوندرلشیدی
مؤخر اعلی کرم الله وجهه حضرتلری دخی اوچیوز
اتلو ایله اولطرفه کیندی. وخلق دین اسلامه دعوت
ایندی

یمن اهلینک اکثری حضرت علینک دعوتنه اجابت ایدوب
حتی بنده کی همدان اهلینسی کافه برکونده ایمان ایلمشدر
سائر قبائل یمن دخی گروه گروه کلوب ایمان اینمکه
باشلامشدر

بوکادار حضرت علینک مکتوبی کلدکده رسول اکرم
آشوری صربه ممنون اولهرق جناب حقن اطفنه تشکرا
نهجده به واردی. و حضرت علینک آرتق عودت
ایلمسیچون خبر کوندردی

بنده معاذ ابن جبل رضی الله تعالی عنه حضرتلری
واسطه سبیله ایمانه گلش اولان نفع قبیله سندن زرار

ابن عمرو دخی مؤخر ا ایکوز کشتی ایله مدینه منوره به کلوب
مسافر خانه به ایندیرلشدر

مسافر خانه عفرا خاتونک اوغلی معاذ رضی الله تعالی عنهما
حضرتلرینک زوجده سی و حارث نجارینک قیزی اولان رمله
خاتونک خانه سیدر که رسول اکرمه کلان ایلیچیلر و مرعی
الخطاطر مسافرلر اورایه ایندیریلور ایدی

ایشته زرارہ رضی الله تعالی عنه ایله ارقداش لری دخی
اورایه قوندیرلش و حقلمندہ حرمت کاملہ اجراییورلش در
* اشبو زرارہ اثنای راهده غریب رویار کورمش
ورسول اکرمه تعبیر ایندیرمش در . صکره هب عقیله
تعبیر بیورلدیغی وجه اوزره ظهوره کلشدر

الحاصل مکہ مکرمہ نیک فتحندن صکره قریش طائفه سی
هب اسلام ایله مشرف اولدی . بعدہ سائر قبیلہ لر دخی
برر زرد ایمانه کلدی

عربستانده اهل اسلامه قارشو طورہ جوق طوائف و قبائل
قالدی

وناس آرتق اوزاق یقین هر طرفدن فوج فوج کلوب
ایمان اینمکه باشلادی

ایشته بونصرت و مظفر بتاره دار (اذا جاء نصر الله والفتح)
سوره سی نازل اولمشدر

خلاصه معنای منیفی (اول دم که الله طرفدن نصرت

وفتوحات کله و کوره سین که ناس فوج فوج اللهک دیننه
داخل اوله یورلر همان ربکه حد ایدرک تسبیح واستغفار
ایت) دیمکدر

بوابسه خاتم الانبیا علیه اکل التحایا حضرت تارینک عمری
آزقالمش اولدیغنه رمز و اشارت ایدی
زیرا آنک بهشتی دین اسلامی تأسیس ایتک حکمتنه مبنی ایدی
دین اسلام بووجهله انتشاره باشلا دقدده اول مقصد حصوله
کلمش اولدی

و برده (ناسک فوج فوج اسلامه کلدیکنی کوردیککده
تسبیح واستغفار ایت) دیمکدن (آرتق برو طرفه توجه
ایت و آخرت سفرینه حاضر اول) مهناسی چیقار
حتی بوسوره شریفه تلاوت اوانورکن حضرت عباس
رضی الله تعالی عنه بونکته یی اکلامش و آندن متأراولوب
اغلامش

رسول اکرم آنی کورمش نیچون اغلایورسین دیو صورمش
اودخی (بارسول الله بوسرک عالم فانی به وداع ایدوب
کیتمکزه دلالت ایدیور) دیو جواب و یرمش رسول اکرم
دخی اوت دبیدیک کیدر دیو بیورمش ایدی . ایشته
حج وداع دخی اول اثناده وقوع بولمشدر

✽ حج و دواع ✽

هجرتك اشبو اونجی سنه سی خاتم الانبیا علیه اکل التحایا
حضرت تلبینک حج شریف یتبیه مکه مکرمه به کیده جکی
ناسه اعلان اولندی

ناس دخی اول فخر عالم ایله برلکده حج اینک اوزره اطراف
وا کافدن فوج فوج مدینه منوره یه کلوب طو پلاغه
باشلا دیلر

ذی الحجه یه بش کوز قاله رسول اکرم او یله نمازینی
قیلدن صکره اهل یلنی واصحاب کرامی ایله مدینه دن
چقبوب ذو الحجه یه واردی . کجه اوراده قالدی
فرداسی احرامه کیردی . و او یله نمازینی قیلدی . بعده
اورادن قالقوب قرنی بک حجاج ایله مکه مکرمه یه عزیمت
بیوردی

و ذی الحجه نك دردنجی بازار کونی علی الصباح او یله
برعظیم قاله حج ایله مکه یه واردی . و بنی شبیه
قیوسندن حرم شریفه کیردی

و بیت شریفی کوردکده (یارب سن بو بیتک شرف
وشان و مهابتی زیاده قیل) دیدی
و همان بیت الهی طواف ایتدکن صکره صفا اوزره
چقبودی . جناب خدایه حمد و ثنا و نیاز و دعا ایتدکن
صکره صروه یه ایندی . و سعی ایتدی

اول ائنه حضرت علی کرم الله وجهه بمندن عودت
ایدرك برقافله ایله مکه مشرفه به کلدی . و رسول اکرم
ایله کورشدی

دیگر طرفلردن دخی قافله بقافله پک چوقی حجاج مسلمان
کلدی . و موسم حج شریفه ایرشدی

حج موسمی شهر آذار یعنی مارت ایچنده کون ایله کیجه نك
متساوی اولدیغی زمان ایدی

وجهه کونی عرفه اولوب اول خاتم المرسلین یوزبو قدز بیک
حجاج مسلمان ایله حج اکبر ایلدی

و اول کون رسول اکرم غایت مؤثر بر خطبه اوقودی
و بو خطبه سنده زمان جاهلیتدن قاله قان دعوالرینی
یساغ ایتدی . و ایتمیش فائض دعوالرینی قالدردی

بعده (ای ناس سزك قاریلر بکر اوزرند . حقلمر بکر
واردر اما آنلرك دخی سزك اوزر کزده حقلمری واردر

آنلر سزك حقوق کز رعایت ایتملدر . سزده آنلره حسن
معامله ایتملر سکر مؤمنلر هب بر برینك فرنداشیدر بر کیمسه به

فرنداشنك مالی حلال اولماز . مکر که حسن رضاسیله
و برمش اوله . بن سزده لازم اولان احکام شرعیه بی تبلیغ

ایتم . و سزده ایکی شی بر اقدم که آنلره تمسک ایتدیکجه
هیچ بروقت ضالانده قالماسکر . آنلرك بری اللهک

کئی و دیگر ی پیغمبرينك سئیدر) دیو دهانیجه احکام

دینہ بی بیان ابتدا کدن صکره (ای ناس تبلیغ ابتد می)
دیووردی • و اصحاب کرام اوت دیمکله اوچ کره
(شاهد اول یارب) دیووردی

غلبه لك پك زباده اولوب هر کس رسول اکرم سنی
ایشیده مدیکندن ربیعہ ابن امیہ ابن خلف رضی اللہ تعالی
عنه فخر عالم حضرتلرینک خطبہ سنی حضارہ تبلیغ
ایلدردی

ایکندی وقتی کلمش و حالبو که او یله نمازی قیلنماش ایلی
بلال رضی اللہ تعالی عنه حضرتلری اذان اوقود ی
واقامت کتوردی • ابتدا او یله نمازی قلندی بعده حضرت
بلال بنه اقامت کتوردی • ایکندی نمازی قیلندی

واخشام اوستی حضرت پیغمبر هنوز موقوفده ایکن
(الیوم اکملت لکم دینکم واتممت علیکم نعمتی ورضیت
لکم الاسلام دینا) آیت کریمه سی نازل اولدی

• معنای لطیفی (بو کون سزک دینکری ا کمال ایتدم • و سزک
اوزر که نعمتی اتمام ایلدم • و سزک ایچون دین اولوق
اوزره اسلامی بکندم و اختیار ایتدم) دیمکدر

حالبو که حضرت پیغمبرک تبلیغه مأمور اولدیغی احکام
دینہ تمام اولیجق آنک دخی بو عالم فایده ایشی بتمش
اولور

وهرنه وقت که برایش تمام اولدی دنیلور ایسه برنقصانه
منظر اولق لازم کلور

بناه علیه بوآیت کریمه خاتم الانبیا حضرت تیری آرتق
بو عالم فانیدن رحلت ورب العالمینه موصلت ایده جکنه
اشارت ایدی

ابتدا ابو بکر رضی الله تعالی عنه حضرت تیری بوآیت
کریمه بی ایشدیکی کی اول اشارتی اکلادی . ورسول
اکرمک وفات ایده جکی خبر ویریلور دیو اغلادی

غروب شمسده فخر عالم حضرت تیری قضاوا نام دوه سنه
بندی . واسامه رضی الله تعالی عنه حضرت تیری ترکیسنه
آلدی . و عرفات دن حرکت و کمال تمکین و وقار ايله
مز دلقده موصلت ایلدی

واخشام نمازی قیلنش اولیوب یتسو وقتی ایسه ایر شمش
اولدیغدن رسول اکرم ابتدا اخشام نمازینی و آرقه سندن
یتسو نمازینی قیلدی

و فرداسی صباحلین ارکندن صباح نمازینی قیلدقدن
صکره ینه دوه سنه بندی . و بو کره ترکیسنه فضل ابن
عباسی آلدی . و منابه کادی

و مناسک حجک ائماننه قیام ایتدیکی صرهده قربان کسدی
و تراش اولدی

و کیلان صاحپلری اصحاب کرامنه یادگار اولق اوزره

برر ایکیشر طاغندی . آنلردخی بومبارک قیلاری آلوب

حرزجان ابتدی

اول فخر عالمک بویله اصحابنه یادگار و یرمسی ایسه عمری
آز قالدیغنه اشارت ابدی

واول ائناده (ای ناس مناسک حبی بدن او کر نیکن
بیلیم اما بلکه بوندن صکره بمله بوراده کور بشه مز سکز)
دیدي

وینه مناده او قود یغنی خطبه سنده امته خطابا (هر بریکرک
قانی و مالی دیگرینه حرامدر . یوم قیامتده ربکرک
حضورینه کله جکسکز . اودخی عملر کزدن صوره جق
و عملر کزه کوره عجازات بیوره جق در صاقین بدن صکره
کفار کی فرقه فرقه اولوبده بر برکرک بویغنه اورمیه سز
ای ناس تبلیغ ایتدیمی) دیو صوردی . و حضار اوت
دیغریله رسول اکرم دخی (شاهد اول یارب) دید کدن صکره
(حاضر اولنر غائب اولنر تبلیغ ایلسون) دیو بیوردی
و سوکیلو امتیله وداع ابتدی

بعده رسول اکرم مکّه به کلدی . طواف وداع ابتدی

و ابن عباس الندن زمزم ایچدی

حج تمام اولدی . حجاج طاغندی . رسول اکرم دخی

دار هجرتی اولان مدینه به عودت بیوردی

ودونوب مدينه به کلور کن عالم بقايه مدهو اولديغنى
صحابه کزينه خبر ووردی

وذوالخليفه به کلد کده کيجه اوراده قالدی • و فرداسی
مدينه به کيردی

اول ائنده فخر عالم حضرت تارينک اوغلی حضرت ابراهيم
دنيان کوچوب دار عقباه کيتدی • پدر اکرمی دلخون
ایتدی

رسول اکرم آنک حقنده (اکر صاغ اولسه نبی اولسی
لازم کلوردی • سزک نديکزدن صکره ايسه نبی بو قدر)
دیدي

و آنک وفاتی کونی کون طوتلدی • ناس دیدی که
حضرت ابراهيم وفاتی ایچون طوتلدی

رسول اکرم آنلری رد ایدوب دیدی که (کون و آی
جناب حق وحدانیت وعظمتنه دلیل اولان یکی آيندر
آنلر هیچ بر کيسه نک حیات و مماتی ایچون طوتلازل)

رسول اکرمک فاطمه الزهرا رضی الله تعالی عنها وارضاهها
حضرتلرندن بشقه اولادی قالدی

آنک اوغلاری حسن وحسین رضی الله عنهما حضرتلرینی
اوز اولادی کبی سوردی

ورده زید ابن حارثه رضی الله تعالی عنه حضرتلرینک

او غلی اسامه رضی اللہ تعالیٰ عنہ حضرت تلبیٰ کندی
اولادی مقامندہ طوتاردی

زید ابن حارثہ رسول اکرمؐ آزاد لولرندن اولوب اکا
آزاد لولرندن ام ایمن رضی اللہ تعالیٰ عنہا حضرت تلبیٰ
نزویج ایش . واشبو اسامہ آنلردن تولد ایش ایدی
ہجرتک اشبو اونجی منہ سی خلانده مسیلة الکذاب
یمامہ دہ نبوت دعواسنہ چفشدینگی کی اسود عسی
دیو معروف اولان عہلہ ابن کعب دخی منده بودعواہ
قالقشدی

شویله کہ اشبو عہلہ حقہ بازلقده ماهر وسوزی مؤثر
برملعون کافر اولوب بمن اہالیسندن یک چوق کیمہ لری
آلداندی . ہجیران اہالیسی اکا تبعیت ایندی
بعده عہلہ صنعایہ کتدی . واوراسنی دخی ضبط ابلہ
دارۃ فسادی بیوتدی

بوجہ تہ منده کی مأمورین اخلاصیہ پریشانلق کلدی
حتی معاذ ابن جبل رضی اللہ تعالیٰ عنہ حضرت تلبیٰ محل
مأموریندن صاوشدی . ومارب بلده منہ واروب
اورادہ ابو موسیٰ الاشعری رضی اللہ تعالیٰ عنہ حضرت تلبیٰ
کورشدی . وایکبسی برلکده بلده مار بدن چقبوب
حضرتہ موتہ کتدی

رسول اکرمؐ بو کیفیتہ واقف اولجق منده کی اہل اسلامہ

مأمور مخصوص کوندردی . و هر فصل اولور ابد
 اواصون عهله نك حقندن كله سز دیو پیوردی
 دیار نجدده اولان اهل اسلامك دخی مسئله الكذاب
 اوزرینه واروب حقندن کلری ایچون امر ویردی
 و بو ایکی ملعونك قریبا تلف اوله جقلری عالم معناده
 رسول اکرمه بیلدیرلش اولدیغندن او دخی کیفیتی
 اصحاب کرامنه بیلدردی

ینه اول ائناده بنی اسد قبیله سی شیخی اولان طلیحه ابن
 خویلد دخی دعوی نبوت اتمکله رسول اکرم
 آنک اوزرینه دخی بر مقدار هسکر کوندردی

بهرتک اون برخی نه سی

نجدده مسئله الكذابك و بنده اسود هنسینك اختلال
 چیقارملری اوزرینه ایکی طرف ایچون تدابیر لازمه به
 تشبث یورادیفی حالده عربك آك بیوك تجارتی شام ایله
 اولدیغندن اهل اسلام ایچون اول طرفی آچمق پك مهم
 برایش ایدی

بناء علی ذلك خام الانبیا علیه اكل التحایا حضر تلی
 صفرك یكرمی التیسنده شام شریف ملحقانندن بلاقاطرفنه
 کوندرمك اوزره براردو ترتینه باشلادی

و مقدمه او اطرفه شهید اولان زید ابن حارثه رضی الله
 تعالی عنه حضرت تازیانک او علی اسامه رضی الله تعالی عنه
 حضرت تازیانی سر عسکر نصب ایل (بابا کاک شهید اولدینی
 بره کیت و دشمنلری آتله چکنت) دیو امر ایلدی
 بر کون صکره اول خاتم الانبیا حضرت تازی خسته اولدی
 لکن امر جهاده اصلا سکنه کنور مدی

حتی ربع الاوله بر کون قاله خسته اولدینی حاله حضرت
 اسامه به سنجاق و یروب اودخی سنجاقی بریده ابن
 الحصیب الاسلمی رضی الله تعالی عنه حضرت تازینه و بردی
 و خارج مدینه به چقبوب جرف نام محله اوردوسی
 قوردی

ابو بکر و عمر و سعد و سعید و ابو عبیده کبی کبار اصحاب
 کرام هپ سفره مأمور اولدقلری جهته تدارک کور مکده
 ایدیلر

و اول فخر عالم صلی الله تعالی علیه وسلم حضرت تازی
 خسته لکله بیتاب اولدینی حاله بر طرفدن فضل ابن عباس
 و دیگر طرفدن علی ابن ابوطالب رضی الله تعالی عنهما
 حضرت تازی طوته رق منبره چقبوب اوتوردی

جناب حقه حد ایند کدن صکره (ای ناس هر کیم آرقه سینه
 اورمش ایسم ایشته آرقه م کلسون اورسون تقاص

اولسون وهر کیمک آله جفی وار ایسه ایشته مالم کلسون
(آلسون) دیو بوردی

بعده اول فخر عالم منبردن اینوب او یله نمازینی قیلدی
وینه منبره چیقوب اولکی سوزینی تکرارلادی
بودفه بر آدم کندوسندن اوج درهم ادعا اینمکله
در حال آنی نأدیه ابتد . وبعده اصحاب احد ایچون
دها واستغفار ایلدی

و بوسرده مشرک لک جزیره العربدن چیقارالم یینی
و کلوب کیدن ایلیچلره کندی زماننده نصل حرمت
ورعایت اولنوردیسه یینه او یله جه اکرام اولمسنی توصیه
پیوردی

وینه بوسرده اول خاتم الانبیا حضرت تری پیوردی که
(الله تعالی بر قولنی دنیا ایله وصلت الهیه سی بیننده
مخیر قیلدی . قول دخی آنک وصلت وملاقاتنی اختیار
ابتدی)

قول تعبیری رسول اکرمک ذاتندن کتایه اولوب بووجهله
عالم عقبایه ارتحال ایده جکنی اشعار ایلدی
ابو بکر الصدیق رضی الله تعالی عنه حضرت تری مراد
نه اولدیفنی اکلادی . و (نفسن سکافدا اولسون
یار رسول الله) دیهرک اغلادی

رسول اکرم ایسه آنک سوزینی کسدردی . واصحاب

گرامنه نصیحت و وصیته باشلادی . و ابو بکر دن
بک زیاده خوشنود اولدیغنی یلدردی . حالو که مبارک
کوزلر دن باش آفوردی

بعده مسجد شریفه آجیلان قپورلی قیادی . فقط
ابو بکر قیوسنک آچیق براغلمسنی امی ایدی . و سزنی
اللهه اصمار لادم دهرک حجره سعادتیه کتیدی
آدن صکره اول فخر عالمک خسته لکی مشتمل ایدی . انصار
کرام ایسه آدن مضطرب او اب مسجد شریفک اطرافنده
پروانه کبی طولاشمغه باشلادیلر

آنک اوزرینه حضرت عباس رضی الله تعالی عنه رسول
اکرمک او کنده دوشوب و او غلی فضل ایله علی ابن ابوطالب
رضی الله تعالی عنهما برر فوانوغنه کیروب تکرار اول
حضرتی مسجد شریفه کنوردیلر

اول خاتم الانبیا حضرت تهری بنه منبره چیقیدی . و انصاره
خطابا (ای ناس بنم ارنحالمی دوشونوب تلاش
ایدورمش سکر بر پیغمبر امتی ایچنده مؤبد قالدیمی که
بنده سزک آره گزده مؤبد قالدیم معلوم کز اولسه - ون که
بن حضرت حق و اصل اوله جفم و شرف و صلتیه جله کزدن
زیاده مستحقتم سزه نصیحتیم اودر که مهاجرین اولینه
حرمت و رعایت ایده سز) دیو بیوردی

بعده (ای مهاجرین سزله دخی وصیتیم بودر که انصاره

کوزل معاملہ ایده سز آنلر سزہ ایلاک ایتدیلر سزری کندی
 مملکتلرینه کتوردیلر • خانہ لرنده بارندر دیلر • کچنجه ده
 مضایقه لری وارایکن سزری نفسلری اوزرینه ترجیح
 ایله ماللرینه اورناق ایلدیلر • هر کیم انصار اوزرینه
 حاکم اولور ایسه آنلره رعایت ایلسون وایچلرنده قصور
 ایدنلر اولورسه عفو ایله معاملہ ایتسون (دیو نصیحت
 ویردی

وچله یه خطابا (ای ناس عالمده جریان ایدن ایشلر قضا
 و قدر الهی به منوط و معلقدر • وقتیه اوله حق ایشک
 تعجیلنده فائده یوقدر • جناب حق کسنه نک تعجیلی ایله عجله
 ایلن • اللهم قضا و قدرینه غلبه سودا سنده اولنلر مغلوب
 و مقهور اولور • طرف الهی به خدعه ایتمک ایستیانلر
 الدانور خائب و خاسر قالور • بن سزہ شفقتلو و مرحتلویم
 سزرینه بکافا و وشه جقسکز یواوشه جفمن بر حوض کوثر
 کناریدر • هر کیم کار حوضده بنمه بولشمن ایستر ایسه
 النی و دیانی مالایعیدن صافسون ای ناس گناه و معصیت
 سبب تغیر نعمت اولور • اگر خلق یار و مطیع اولور ایسه
 امیر و آمر لری دخی او یله اولور • و اگر خلق فاجر اولور ایسه
 آنلرده اول طور و حال اوزره اولورل (دیدی

رسول اکرمک خسته لکی زیادلشد کده اهل بیتک اتفاقیه
 عایشه رضی الله تعالی عنها حضرت تلرینک حجره سنده

یائمه قرار و ریش اید و کندن بو کره دخی اول خانم الانیا
حضرتاری امته اول وجهله وعظ ونصیحت ابتدا کدن
هکره منبردن اینوبینه حضرت عایشه نك حجره سینه
کیدی . و دوشکنه یادی

وخته لکی اشناسنده دأما اذان او قوند قچه مسجد شریفه
چقار . و امام اولوب جماعت ایله نمازینی قیلار
ایدی

فقط وفاته اوج کون قاله خسته لکی آغراشدی . و آرتق
مسجد شریفه چقده ماز اولدی

ایشته اولوقت (ابو بکره سولیبکزناسه نماز قیلدیرسون)
دیو اماقی حضرت ابو بکره تقویض ایلدی

بناه علیه حضرت پیغمبرك حیاته ده ابو بکر الصدیق
جماعت مسلمینه امام اوله رق اون بدی وقت نماز قیلدردی
ربیع الاولک اوننجی جه ایتسی کونی جانب حقن
جبرأیل علیه السلام کلوب اول خاتم المرسلین حضرت تارینك
حال و خاطرینی صورتدی

و فرداسی بازار کونی ینه استفسار خاطر ایچون کلدی
و یمنده دعوا ی نبوت ایدن یلانجی اسود عنسینك
اعدام اولندیغنی خبر و یردی . رسول اکرم دخی اصحاب
کرامنه بیلدردی

فی الواقع ربیع الاولک اون برنجی بازار کجه سی اسود

عنسی صنعاده سراننده یا نور ایکن طرف اسلامباندن
اعدام ایندیرلش . و آنک فتنه و فساد سیبیلله اطرافه
طاغیان مأمورین اسلامیه برلرینه عودت ایدوب
صعما امارتنه پینلرنده اتفاق آرا ایله معاذ ابن جبل
رضی الله تعالی عنه حضرتلری انتخاب ایدلش اولدیفی
بعده نبین ایتشدور

اول بازار کونی رسول اکرمک خسته ایکی زیاده مئشد
اولدی . حتی اسامه رضی الله تعالی عنه حضرتلری
اردودن کلوب حضور سعاده کیردی . رسول اکرم ایسه
طافین بایوردی . سامه یه برشی سویلمدی . فقط الیرینی
کو کدالدردی . و آنک اوزرینه سوردی . اکادعا ایتدیکی
اکلاخلدی

بعده رسول اکرم آچیلوب کندویه کلدی . حتی
فرداسی بازار ایرتسی که ربیع الاولک اون ایکنجی کونی
ایدی هپ اصحاب کرام مسجد شریفده صف باغلا یوب
ابو بکر الصدیق کرم الله وجهه حضرتلرینک آرقه سنده
صبح نمازینی فیلارلر ایکن اول فخر عالم حضرتلری
مسجد شریفده کلدی . امشک اوله صف صف طوروب
عادت ایتمکده اولدقلرینی کوردی . ممنون اوله رق
تبسم بوردی . و کندوسی دخی حضرت ابو بکر
ابوب نماز قیلدی

اصحاب کرام حضرت پیغمبری مسجد شریفه کوردگای
کبی بتون بتون افاقت بولدی ظنیه پک زیاده مسرور
اولدیله

رسول اکرم ایسه ینه حضرت عابسه نك حجره سینه
کیتدی . و آرتق راحت دوشکنه یاندی

واسامه کلوب حضور نبوی یه کیردکده رسول اکرم
اکا آرتق علی رکه الله کیت دیدی . اودخی چیقبوب
اردوسینه کیتدی . وهمان حرکت اینمک اوزره عسکره
امرایندی

حالبو که اول ائنده فخر عالم حضرتلر نك خسته لکی
شدت بولدی

و کریمه محترمه لری فاطمه الزهرا رضی الله تعالی عنها
حضرتلرینی یانه چاغروب قولاغنه برشی سو بولدی
حضرت فاطمه اغلادی بعده ینه برشی سو بولدی
اودخی کولدی . مکر ابتدا حضرت فاطمه نك قولاغنه
بن اولسم کرک دیوبورمش . اودخی یرینوب غلامش
صکره اهل بیتدن ائک اول بنم یانه کله جت سنسین
دیومژده ویرمش . اودخی سو ینوب کولمش

بعده وقت زوال شمسدن اولجه حضرت جبرئیل ایله
عزرائیل علیهما السلام برلکده باب سعاده کابلر
جبریل امین ایچرو کیردی . عزرائیلک قپوده بکلدیکنی

وایچرو کیرمک ایچون رخصت ایستدیکنی خبر ویردی
 * طرف نیویدن رخصت ویرملکله حضرت عزرائیل
 همان ایچرو کیردی . سلام ویردی . واللہک امرینی
 بیلدردی

خاتم الانبیا علیہ اکل التحایا حضرت تبری حضرت
 جبریلک بوزینه باقدی . اودخی بارسول الله ملاً اعلی
 سکا منظر در دیدی

آنک اوزرینه اول فخر عالم یا عزرائیل کل مأمورینکی
 یرینه کتور دیو بیوردی

حضرت عزرائیل دخی روح پرفتوح محمدی بی قبض ایله
 اعلای علینہ اولاشدردی صلی الله علیہ وسلم
 ایشته دنیانک حالی بودر کشی نقدر یاشاسه انجانی فنادر
 باقی انجق خدادر

بوموناغه هر کون کلوب کیدن چوق . امدونوب کلان
 یوق

وفا سز دنیا کیمسه به قالماز . دنیا وارلغی کسنه به مال
 اولماز

افسان دنیا به کاور کنج اولور . اختیار اولور . شویله اولور
 بویله اولور . نهابت اولور
 اوانلر صانکه دنیا به کلامش کی اولور . فقط خیر ایشلیانلرک
 کوزل نامی قالدور

ایلاک ابدنلر اجر و مکافاتن کورر . کوتیلاک ابدنلر دخی
جزاسین بولور

بونلره باقوب عبرت آلملی غفلت او یقوسندن اویانوب
آگاه اولمی . بزینہ صددہ کلام

رسول اکرمده اولوم علامتلی بلورد کده ام ایمن رضی الله
تعالی عنہا حضرتلری اوغلی اسامہ یه خبر کوندردی
* اسامہ وعمر وابوعبیدہ رضی الله تعالی عنہم حضراتی
بو یله برکدرلی خبر آلدقلری کی همان اردودن قالقوب
مسجد نبوی یه کلدیله

حالبو که امہات مؤمنین روح پرفقوح محمدینک اوچوب
اعلای علیینہ کیتدیکنی کور یجک فریاده باشلا دیله
آنلرک فریاد و فغانی ایسه مسجد شریفده کی اصحاب کرامی
شاشرتدی . وعظیم تلاش واضطرابہ دوشوردی
حضرت علی قلاب بی جان کی اولدیغی یرده طونہ قالدی
حضرت عثمانک دبی طوبیلوب داسیز کی اولدی
حضرت عمر بو یله برده شتو حالی کور یجک مدهوش
اوله رق قلبجه طاوراندی . هر کیم حضرت پیغمبر فوت
اولدی دیر ایسه بو یغنی اور یرم دیهرک قلبج النده وایاق
اوزرنده طوره قالدی

حضرت ابو بکر کندی محله سنده ایدی . کلوب بو حالی
کوردی . همان حجره سعادتہ کیردی . اول فخر عالمک

یوز بنی آجدی . کوردی که روح پر فوج محمدی او چوب
 کیمش فقط سارنامک جنازه لرنده کی چبر کین حالر آند، یوق
 جسد شریفی لطیف و نظیف اوله رفینه نور کی باتور
 آه مائک دخی حیاتک کی کوزل دیه رک او پدی آغلادی
 و مبارک یوز بنی اوردی . و اهل بیته تسلیم و یردی
 بعده اول یار غار صدیق چیتوب مسجد شریفه کادی
 (ای ناس هر کیم که محمد طاپور ایسه بیلمی که محمد
 اولدی . و هر کیم که للهه طاپور ایسه بیلمی که الله باقیدر
 اولز) دیدی

و همان (و ما محمد الرسول قد خلت من قبله الرسل اغان
 مات او قتل انقلبتم على اعقابکم ومن یقلب علی عقبیه
 فلن یضر الله شیئاً و سيجزی الله الشاکرین) آیت کریمه سنی
 اوقودی

معنای منبغی (محمد دکل الابر سولدر . آندن اول نیجه
 رسوللر کلارب کجه سدر . اوا کر او اور یا خود قتل اولور
 ایسه سز کبرو دونه جکیمسکن هر کیم کبرو دوز ایسه اللهه
 بر ضرر اینمز الله ایسه نعمت اسلامک شکر بنی ایدنلره
 مکافات ایده جکدر) دیمک اولور

بوابت کریمه احد غزاسنده محمد قتل اولندی دیو برس
 ایشیدلمکله اهل اسلامه پک زیاده عاشقانق و پریشانلق
 کلمسی اوزرینه نازل اولمشیدی

اولو قندنبهرو اصحاب کرام بو آیت کریمه بی کرات ایله ایشتمشله
ودفعات ایله تلاوت ایتتمشله ایدی

لکن رسول اکرمک وفاتی اوزرینه اول مرتبه خبرته
قالدیلر . واوله بردرین دریای غم وافکاره طالدیلر که
کویا اول آیتی هیچ ایشتمش کی اولدیلر

یا لکر: ابو بکر الصدیق رضی الله تعالی عنه حضرتلری
کندوسنی شاشرمبوب واردی . حضرت پیغمبری کوردی
وکلوب سائر اصحاب کرامه کیفیتی خبر ووردی . واول
آیت کریمه بی تلاوت ایله آنلره انبباه کتوردی

حضرت ابو بکر اول آیتی اوقورایکن حضرت عمرک
عقلی باشنه کلدی . رسول اکرمک وفاتنه ایناندی
دیزرینک باغی چوزلدی . بره دوشدی

بعده حضرت ابو بکر (انک لمیت وافهم لمیتون)
آیت کریمه سنی دخی اوقودی که (با محمد بهمه حال
سن اوله جکسین وبهمه حال آنلر یعنی مشرکار دخی
اوله جکلردر) دیمک اولور

وفات پیغمبری وقعه سنک دهشتیله حیران و سرگردان
اولان سائر اصحاب کرام دخی حضرت ابو بکرک خطابتی
اوزرینه صانکه بقیة براغراویقودن او باندیلر . وکندولرینه
کلوب حضرت ابو بکرک سوزینه قالدیلر

یعنی حبیب خدا محمد المصطفی علیه اکل الانبیاء حضرت تلیزینک
وفاتنه اینا دیلر

ایشته اول ائشاده حضرت اسامه نیک اردو سنده کی عسکر
درون شهره کیردی . حضرت بریده دخی سنجاغ شریفی
کنوروب حضرت پیغمبرک فیوسی اوکنه دیکو یردی
بوا یسه بر مرتبه دها ناسه دهشت و یردی

فخر عالم حضرت تلیزینک مکهدن هجرت ایله مدینه یه
تشریفاری کونی مدینه شهری نصل که تعریف اولنماز
صورته منور و روشنا اولد یسه بوکره وفاتنه دخی
شهر مدینه یی اول مرتبه ظلمات حزن و کدر قایلادی
حزن و کدر صانکه اهل اسلامک یورکنه بر زهرلی خنجر
صاپلادی

کوزلر اغلار . کوز باشلری چاغلار . آتش حسرت
هر کسک جکرین طاغیرایدی

حضرت عباس و علی و سایر اهل بیت نبی کوز باشی
دو که رک حضرت پیغمبرک تجهیز و تکفین خدمت
شریفه سی ایله مشغول ایدیلر

حضرت ابو بکر دخی سعادتخانه حضرت پیغمبریده بولنه رقی
آنلرله برابر یانوب یاقلنده و اول خدمت شریفه یه باقنده
ابدی

لکن یانوب اغلامقله ایش بنیوب مصالح امتی کورمک

واحکام شریعتی اجرا ایتک ایچون هر شبیدن مقدم
رسول اکرمه خلیفه اوله جق برامبر انتخابی الزم ایدی
واووقت بو منصب جایله جمله دن احق واولی خاتم
الانبیا حضرت تدرینه مفارده رفیق اولان حضرت ابوبکر
الصدیق ایدی

زیرا اصحاب کرامک طبقه هلیاسی ابتدا مکده ایمان ایدن
خواص اصحاب کزین اولوب آنلرک دخی اول وافضلی
حضرت ابوبکر ایدی

واکرچه حضرت عباس وعلی قرابتجه جمله دن زیاده
رسول اکرمه یقین ایسه لرده اول فخر عالم حضرت تدری
یار غاری اولان ابوبکری جمله اصحابک اوست طرفد،
طوتاردی

وخسته ایکی اثناسنده اصحاب کرامنه وداع ابتدیکی کون
صحبته اگ زیاده ابوبکر دن منون اولدیغنی یلدردی
ومسجد شریفه آچیلان قبولی هپ قیادوب یالکز
ابوبکر قیوسنی آچق براقدردی

وارتحالنه اوج کون قاله امامتی ابوبکره تفویض یوردی
وارکان دینک اعظمی اولان نمازده آتی جمله نک اوکنه
یکوردی

شوحالتره نظرا خلافته حضرت ابوبکر تعین ایتش
دینک اولمسبله همان اصحاب کزین بر اشوبده آتی رسماً انتخاب
ایتلری لازم کاوردی

حالبو که انصار دن بهضیاری کند و ایچلرندن امیر انتخاب
ایتمک املنه دوشدیلر . و بنی ساعده صفه سنده
براشدیلر

وخزرج قبيله سنك رئيسی اولان سعد ابن عبادہ امزاج
اولدیفی حالدہ اورایه کلوب انصاره خطابت ایلدی
شویله که (ای جماعت انصار سنك دینجه نائل اولدیفکن
فضل و مزیت بشقه قبيله لرده یوقدر . محمد صلی الله
تعالی علیه وسلم نیجه یلار قومی ایچنده اکلندی . آنلری
دینه دعوت ایلدی . ایچلرندن پک آز کیمسه ایمانه کلدیسه ده
کفار ایله جهاده و دین اسلامی اعزازه قادر اوله مدیلر
وقتاکه جناب حق سنك سعادتکنیز مراد یوردی
سنزی شرف اسلام ایله مشرف قیلدی . و رسول اکرم
ایله اصحابنک محافظه سنی و جهاد ایله دین اسلامک
اعزاز و اعلاسنی سنزه میسر ایلدی . دشمنلر اوزرینه
اڭ زیاده شدت کوسن سنزلر اولدیکز طوائف عرب سنك
قلعچیرکن سایه سنده ایسترایسنز اطاعت کلدی . و رسول
اکرم سنزلرن راضی اولدیفی حالدہ وفات ایتدی . شمعی
امارت و ریاست سنك حق کزدر آنی بشقه سنه و یرمیکز
دیدلی

انصار دن حاضر اولنلر دخی اکا (الله موفق ایلیر رأیکده
اصابت ایلدک بزده سنی امارته انتخاب ایلرز) دیدیلر

خزرج قبیله سی کندی رئیس لرینک امارته انتخابی سوزدن
غایب ممنون اولدی لر

اما اوس قبیله سی کندی رئیس لر ی اولان اسید ابن حضیرک
باشنه اوشدی لر . و تردد و اندیشه یه دوشدی لر
چونکه اوس و خزرج قبیله لر ی ایکی قرن داش اوغلار ی
اولد قمر ی حالد ه . مقدما یئیرلر ند ه عداوت ظه و رایله محاربه لر
و قوعولمشیدی

بعده اسلام ایله مشرف اوله قی بارشدی لر . وهب دین
قرنداشی اولوب برلشدی لر

و هجر ندن مقدم مککه یه واروب عقبه ده حضرت پیغمبره
بیعت ایتد کلر ند ه ایلو و کلر ندن اون ایکی کیمسه سار لر ی نک
اوزرینه نفیب ورئیس نصب و تعیین ییورلشدی
ایشنه یو ون ایکی نفیبدن بری سعد ابن عباد ه و دیگر بری
دخی اسید ابن حضیر ایلی

و انصار دن امیر انتخاب اولنه حق اولدیغی تقدیر ده
بو ایکی سندن بریسی انتخاب اولنق لازم کوردی
حالو که ایکی سندن هر ق نفیبی انتخاب اولسه دیگر طرفک
رقابتی موجب اولوردی

واقعا جله سی انصار رسول الله اولوب دین اسلام
او غور ند ه جان و باش فدا ایتدی لر . و جله سی دین قرنداشی
اولوب بر بر ی ایچون قائلر دو کدی لر

لكن هر فنی قبیله دن امیر اولسه دیگری آنی قصه فامق
وینه اوس بلك و خزر جيلك غبرتی مبدانه چیمق بر امر
طبیعی ایدی

فرنداش قنداشك غبرتی کودر . و ایجابنده بری دیگری
ایچون جانی اسیر که من . لکن فطرت بشریه اقتضا سنجه
برسی دیگریك کندوسنه تفوقی دخی چکه من

بنه علیه خزر ج قبیله می سعاد ابن عبادیه بیعت ایچون
پک زیاده حرص لاندیلر . اوسیلر ایسه اسید ابن حضیرك
باننه طو پلان دیلر و (امارت بر کره خزر جیلرک الله پکرایسه
فیما بعد تحکم داعیه سنه دوشرلر . و بزی اصلا ایسه
قارشد رمارلر) دیو فساد یه واردیلر

مهاجرین ایسه انصار دن برینك امارتی قول ایتمک احتمالی
یوق ایدی

زیرا قرشیلر اشرف قبائل عرب اولدقلری جهنله بشقه
بر قبیله نك امری آله کیره من لردی

فقط سعاد ابن عبادیه نك لطفی انصاره پک زیاده تأثیر
ایندیکندن همان اکایهت اولتمق اوزره ایدی

حال بوکه ابتدا خزر جیلر ایله اوسیلر یکنه رقابت کیره جک
و آنلر بینلرنده اتفاق ایتمه لر مهاجرین آنلره مخالفت ایده جک
و الحاصل اهل اسلام ایچنه بر عظیم تفرقه دوشه جک
ایدی . بوايه ملت اسلامیه حقه ده بر بیوک تهله که ایدی

ایشته او یله طار و نهله که او بروفته ابو بکر الصدیق
 و عمر الفاروق و ابو عبیده ابن الجراح رضی الله تعالی عنهم
 حضراتی اورایه حضرت کبی کلوب ایرشدیلر
 شویله که حضرت عمر الفاروق انصارک اولوجه له جهیت
 ابتدکارینی ایشندیکی کبی حضرت پیغمبرک خانه سهاده
 واردی . حضرت ابو بکری چاغردی . کیفیتی خبر
 وردی

حضرت ابو بکر الصدیق دخی حضرت عمر ایله حضرت
 ابو عبیده بنی آلوب آنلر ایله برلکهده بنی ساعده صفه سنه
 واردی

اولوقت انصاردن بری قانقوب (بزل انصار رسول
 بزل اسلامک مهیا عسکری یز . ای مهاجرین سزل بزم
 ایچمزد کلوب صیغمش برجاغنسکز امارت بزم حقمرذر)
 دیوردی

حالبو که رسول اکرم هر قنغی مجلسده بولنسه صاغ طرفنه
 ابو بکری وصول طرفنه عمری آلوردی . ابو عبیده حقهده
 دخی بوامتک امیندر دیرایدی

بو کره اوجی بردن میدانه کلچک صانکه رسول اکرم
 دیرلش واورایه کلش کبی اهل اسلامک قلابرینه تأثیر
 ایلدی . و هر کس آنلرک سوزینه منتظر اولوب
 طوردی

حضرت ابو بکر الصديق دخی فصل که رسول اکرم
خطبه ده کلامه باخلاق ابدیه اول وجهله ابتدا جناب
حقه حمد و ثنا ابتدا کدن صکره عمومه خطابا (بوامت
مقدما طاشدن وانما جدن یاچه بناره طاپاردی . جناب حق
کندوسنه عبادت و کندوسنی توحید ایتلری ایچون آنلره
رسول کوندردی . عرب قومنه بابارینک دینی ترک ایتت
کوج کلدی . حق تعالی حضرت تلری مهاجرین اولینی
ایمان ایله ممتاز قیلدی . آنلر حضرت پیغمبره یار و غمکسار
اولدیلر . و آنکله برلکده مشرکینک اذا وجفاسنه صبر
و تحمل ایتدیلر . ایشته ربوزده ابتدا حقه طاپان و رسوانه
ایمان ایدن آنلردر . رسول اکرمک یار وفاکاری و نصیر
صديق و عشرتی آنلردر . بوجهتله آنلر امارته جله دن زیاده
احق و اولادر . بو بایده آنلره کیسه منازعه ایده من مکر که
ظالم اوله . ای انصار سز کده دینجه قدمکز و فضل
ومن یتکر انکار اولنه ماز . جناب حق سزی دینه و رسوانه
نصرت ایچون انتخاب ایتدی . و سزله رسولک هجرتی
مبصر قیلدی . بزجه دخی مهاجرین اولیندن صکره
سزک مرتبه کرده بشقه کیسه یوقدر . رسول الله
نصرت ایتدیکز انکچون دعوی ایتدیکز فضل و شرفک
اهلبسکز بو کا کیسه نک برده جکی یوقدر . فقط امارت
بختنده قبائل عرب انجق قریشی بیلور بشقه سنک امارتی

قبول ایتمز . زیرا قریش قومی حسب و نسجه عربك
افضلیدر . و مملکتتری جزیره العربك و سسطیدر
بزامر ابن سز و زراسکز هجج بر مشورتدن کبرو براغماز سکز
سزك رأیکز آلمد قجه برایش کورلمز) دیدی

حضرت عمر دخی انصاره خطابا (رسول اکرم خسته ایکن
سزی بزه وصیت ایندی . اگر سزامر اوله جق اولید یکز
بزی سزه وصیت ایلردی) دیو حضرت ابو بکر ك کلامنی
نأید ایندی

انصار بر دیه جك سوز بوله میوب فکر و مطالعه به طالدیلر
فقط ایچلرندن حباب ابن منذر ابن جوح قالقدی
بزدن برامیر و سزدن دخی برامیر اولسون دیدی

حضرت عمر الفاروق (ایکی امیر جمع اوله ماز و پیغمبر قننی
قبیله دن ایسه خلیفه سی دخی اول قبیله دن اولد قجه
والله عرب قومی قبول و اطاعت ایتمز) دیدی

حباب ابن منذر آنی زدایله (ای انصار بودینه عرب قومی
سزك قلیچلر یکز ایله اطاعت ایلدی . حقکزی بشقه سنه
قاپدر مییکز) دیدی

حضرت عمر آنی تکیدر ایلدی . اود دخی سرت جوابنر ایله
مقابله و مجادله به باشلادی

اولوقت عبیده ابن الجراح سوزه باشلاوب (ای انصار

ابتدا بودینه نصرت ایدن سزرا ایدیکز صاقن ابتدا ایشی
بوزان دخی سزاولمیه سز) دیدی

آنک اوزرینه انصاردن و خزر ج قبیله سندن سعد ابن نعمان
ابن کعب ابن خزرجک اوغلی بشیر رضی الله تعالی عنه
حضرتلری ایاغه قالدی (ای ناس محمد فریشدندر
کندی قومی آنک خلافتنه احق واولادر . بزم کرچه
اسلامه مسابقت وجهاد و نصرت حقمن وارددر لیکن بزم
آندن مراد من اللهک ورسولنک رضالری ایدی . بزبوندن
طولایی دنیاچه عوض و مکافات ایستیز) دیدی

حباب ابن منذر یا بشیر سن عمزاده گه (یعنی سعد ابن عبادیه)
حسد و نفسانیت ایدیور سین دیدی

بشیر ابن سعد یوقی والله او یله ذکل . لیکن بوقومک
حقوقنه تعرض و تجاوزی جاز کورمبورم دیدی

ایشته اولوقت حضرت ابوبکر الصدیق سزه بوا یکی
ذاتی انتخاب ایتدم برینه بیعت ایدیکز دیو عمر الفاروقی ایله

ابوعبیده بی کوستردی

ایکیسی بردن امتناع ایتدیلر . و حضرت پیغمبرک ایلرو

کچوردیکی ذاتک او کنه کیم کچه یلور دیدیلر

بوصره ده کورلادی بیودی . گفتکو چوغاندی . هر ففادن

برسس و هر اغزدن برسوز چیقار اولدی

آنک اوزرینه حضرت عمر الفاروقی سوزی کسدردی

و حضرت ابو بکر الصدیقه خطابا (رسول اکرم سنی اعظم
 ارکان دین اولان نمازده کند و سنه خلیفه ابتدی . سنی
 جمله من . امام ایلدی . الکی اوزات بن سکا بیعت ابددم)
 دیوب ابو عبیده ایله راکده حضرت ابو بکره بیعت ایدیه جک
 اولد قلنده بشیر ابن سعد سکر تدی . آمدن اول ابو بکره
 النی طوتدی . بیعت ابتدی

حضرت عمر و ابو عبیده دخی بیعت ایدیجک برو طرفده
 بربر یله فیلسدی اینکده اولان اوس قبیله سی دخی
 رئیساری اولان اسید ابن حضیر ایله راکده کلوب بیعت
 ایلدی لر

بو صورتله خزر جیلرک اتفاق بوژلدی . سعد ابن عبادیه
 بیعت بحثی بر طرف اولدی

هپ انصار و مهاجرینی براوغوردن حضرت ابو بکره
 بیعت اینت اوزده اول مرتبه مسارعت ایله سکر تدی لر که
 از قالدی سعد ابن عبادیه بی چکنید یاز دیلر

اول امرده حضرت علی کلوب بیعت ایلدی کی کبی زیر ابن
 العوام و مقداد ابن الاسود و سلمان فارسی و ابوذر غفاری
 و عمار ابن یاسر ایله عتبه ابن ابولهب کبی بنی هاشم دن
 دیگر بعض ذوات دخی حضرت علی بیعت اینت ایستدی لر
 بو جهتله کلوبده حضرت ابو بکره بیعت ایلدی لر . لیکن
 صکره جمله سی کلوب بحق خلیفه رسول لله اولان حضرت
 ابو بکره بیعت ایلدی لر

مرویدر که حضرت علی کرم الله وجهه وزیر رضی الله
تعالی عنه (بزابو بکرك شرف و فضیلتی بیلورز . اور فیک
خاردر رسول الله آنی حیاتهده ایکن امامته پکوردی
خلافته جله دن احق واولی اولدیغنی تصدیق ایلرز
فقط بو خصوصده مشورتدن خارج طوتلدیغمن ایچون
کوچندک) دیمشار

فی الواقع امر خلافت ملت اسلامیه جه ائک بیوک بر مصلحتدر
حضرت پیغمبرک وفاتی اوزرینه بالمله کبار اصحاب کرام
برلشوبده بالاتفاق ایچلرندن برینی انتخاب ایتیری لازم
کوردی . اول حالده حضرت علی وزیر کی کبار اصحاب
کزینک رأیلرینه مراجعت اولتیق دخی امر ضروری
ایدی

نه چاره که حضرت پیغمبرک وفاتی اوزرینه هر کس نه یاه جفنی
شاشردی

انصارک دخی کندو ایچلرندن امیر انتخابنه قاقشملری
ایشی چغرنندن چیقاردی

در حال ابو بکر و عمر و ابو عبیده یتشمسیدیلر سعد ابن عبادیه
بیعت اولنه جتی و بو جهتله خزر جیلر ایله اوسسیار بینهده
رقابت دوشه رک ابتدا انصار ایکی یه بولنه جک و قریش
ایسه اصلا قبول ایتیموب ملت اسلامیه ایچنه بر بیوک تفرقه
دوشه جک ایدی

ایشته بوفنا القارک دفعنه حضرت ابو بکر الصديق موفقی
اولدی . و آنک خلافتہ انتخاب اولمسیله ملت اسلامیه
زییوک تهلکه دن قورتلادی . رضی الله تعالی عنه و کرم الله
وجهه

ایشته خاتم الانبیا حضرت تارینک وفاتی کونی که ز بیع الاولک
اون ایکنجی بازار ایتسی کونی ایدی . اوله غریب
مجادله و محاوره و وقوع بولدی . ونتیجه سنده حضرت
ابو بکر الصديق خلیفه رسول الله اولدی

فرداسی صالی کونی بیعت عامه وقوعه کلدی . شوبله که
حضرت ابو بکر مسجد شریفه کلوب منبره چیقدی
وجناب حقّه حده و شکر ایتد کدن صکره (ای ناس بنی سزک
اوزر بکره والی و امیر اولدم حالبو که سزک اگ خیر اوکز
دکلم اگر ایلاک ایلرسم بکا اعانه ایدیکن و اگر فنا ایلرسم
بکا طوغری بولی کوستر بکر طوغریلق امانتدر . یلانجیلق
خیانتدر . سزک ضعیفکن بنم عندمده قویدر که حقن
آلویر برم و قویکن بنم عندمده ضعیفدر که آندن بشقه سنک
حقن آلورم انشاء الله تعالی بریکز جهادی ترک ایتسون
جهادی ترک ایدن قوم ذلیل اولور . بن الله و رسولنه
اطاعت ایتد بکه سزده بکا اطاعت ایدیکن . و اگر بن
الله و رسولنه عاعی اولورسم سزکده بکا اطاعتکن
لازم کمن قالکن نمازه رحکم الله) دیدی

بعده خاتم الانبیا حضرت زین نجیب و تکفین ایلہ دفن
ایندردی

و طرف نبویدن حضرت اسامه و برلش اولان سنجاغ
شریف که رسول اکرم و فائده اسامه نک علمداری
اولان بریده آنی کتوروب سهادتخانه نبوی اوکنه
دیکویرمشیدی . حضرت ابو بکر آنی ینه بریده
و یردی . واسامه نک قیوسی اوکنه دیکدردی . و کسسه
سفردن کبرو قاسون دیوندا ایندردی

اسامه رضی الله تعالی عنه حضرت زین سنجاغ شریف ایلہ
خارج مدینه چقبوب اسکی اردویرینه واردی . و ینه
اوراده اردوسنی قوردی

سائر اصحاب کرام دخی خلیفه رسول الله اطاعت ایدرک
همان سلاحدیلر . واردوگاهه طوپلاندیلر

فقط اسامه پک کنج اولدیقدن انصاردن بعضیلری
آنک عزلیله برینه قدما ی اصحاب کرامدن برینک نصیبی
ایستدیلر

حضرت ابو بکر الصدیق جانی صیقلدی . رسول
اکرمک نصب ایندیکی سرعسکری بن فصل عزل و تبدیل
ایده ییلورم دیدی

وزیع الاخرک غره سنده اول خلیفه رسول الله اردوگاهه

کیتدی . و حضرت اسامه بی آتیه بندیروب کندوسی

یایه اوله رق آتی تشیع ایتدی

حضرت اسامه اکا یاسنده بین یا خود بنده اینه یم دیدی

خلیفه حضرت تری نه بن بنه یم نه ده سن این الله یوانده

براز بنده ایافلم طوز لانه نه اولور دیدی . و لازم کلان

محله دك بوروبه رك اردوی اسلامی کچوردی

واسامه به الله سلامت و برسون کیت و رسول الله سکا

نه امر ایتدیه اکا کوره حرکت ایت دیو وداع

ایتدیکی وقت اگر رأیکه موافق کلور سه عمری بکامعین

اولق اوزره راغبو یر دیدی . حضرت اسامه دخی راضی

اولور حضرت عمری براقدی

بنه علیه خلیفه حضرت تری عمر الفاروق ایله برانکده

مدینه هودت ایتدی . اسامه دخی عسکر اسلام ایله

جانب نامه کیتدی . بلقا ناحیه سنه واردی و دشمنلری

آتلر چکشتی . و پدرینک قاتلنی بولوب اولدردی

منصور و مظفر اولدی . و نیجه اموال غنائم آلدی

ایشته رسول لله اک صکره نیمه یر ایلدیکی و برنجی

خلیفه سنت ک اول سوق ایتدیکی اردو بودر

لاهم سل علی محمد و علی آله و اصحابه جمین





11





3 1761 07985377 6